

Yerli Romani: Bible for 1 Corinthians, 1 John, 1 Peter, 1 Thessalonians, 1 Timothy, 2 Corinthians, 2 John, 2 Peter, 2 Thessalonians, 2 Timothy, 3 John, Acts, Colossians, Ephesians, Galatians, Hebrews, James, John, Jude, Luke, Mark, Matthew, Philemon, Philippians, Revelation, Romans, Titus

Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

- Share — copy and redistribute the material in any medium or format.
- Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

- Attribution — You must attribute the work as follows: "Original work available at <https://BibleInEveryLanguage.org>." Attribution statements in derivative works should not in any way suggest that we endorse you or your use of this work.
- ShareAlike — If you remix, transform, or build upon the material, you must distribute your contributions under the same license as the original.
- No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



Matthew

Chapter 1

¹О родословие на Иисуса Христа, чаво на Давид, чаво на Авраам. ²Авраам биянгяс Исаак; Исаак биянгяс Яков; Яков биянгяс Юда тай лескере прален; ³Юда биянгяс Фарес и Зара таро Тамар; Фарес биянгяс Есром; Есром биянгяс Арам; ⁴Арам биянгяс Аминадав; Аминадав биянгяс Наасон; Наасон биянгяс Саламон; ⁵Саламон биянгяс Вооз тари Раав; Вооз биянгяс Овид тари Рут; Овид биянгяс Есей; ⁶а Есей биянгяс цар Давид. ⁷Соломон биянгяс Ровоам; Ровоам биянгяс Авия; Авия биянгяс Аса; ⁸Аса биянгяс Йосафат; Йосафат биянгяс Йоарам; Йоарам биянгяс Озия; ⁹Озия биянгяс Йоатам; Йоатам биянгяс Ахаз; Ахаз биянгяс Езекия; ¹⁰Езекия биянгяс Манасия; Манасия биянгяс Амон; Амон биянгяс Йосия; ¹¹а Йосия биянгяс Ехония тай лескере прален ко време на преселението андо Вавилон. ¹²А след о преселение андо Вавилон Йехония биянгяс Салатиил; Салатиил биянгяс Зоровавел; ¹³Зоровавел биянгяс Авиуд; Авиуд биянгяс Елиаким; Елиаким биянгяс Азор; ¹⁴Азор биянгяс Садок; Садок биянгяс Ахим; Ахим биянгяс Елиуд; ¹⁵Елиуд биянгяс Елеазар; Елеазар биянгяс Матан; Матан биянгяс Яков, ¹⁶а Яков биянгяс Йосиф, е Мария коро ром, колатар бияндило Иисус, Който пенелпес Христос*. ¹⁷Тай чука, соси родовя таро Авраам джи ко Давид си дешущар; таро Давид джи ко преселение андо Вавилон-дешущар родовя; тай таро преселение андо Вавилон джи ко Христа-дешущар родовя. ¹⁸А о рождение на Иисуса Христа* сине чука: след като сине сгодиме Лескири дай и Мария за Йосиф, преди те киденас пес, ой араклии непразно таро Святия Дух. ¹⁹А лакоро ром о Йосиф, понеже сине праведно, апа на мангелас те изложинел ла, намислингяс те мукел ла тайно. ²⁰Но като мислинелас давка, аке, ангели таро Дел явисало леске андо суно тай пенгяс: Йосифе, чаво е Давикеско, мадара те лес те ромня е Мария; соккето о значениме анде лате си таро Святия Дух. ²¹Ой ка биянел мрушес, колес ка наречинес Иисус*; соккето Ов си, ковато ка спасинел пе народос ленгере безехендар. ²²А всичко давка ачило, за те събъдинел пес о пендо таро Дел чрез о пророки, който пенел. ²³"Аке и девица ка значениел тай ка биянел Мрушес: тай ка пенелпес Емануил" ковато значинел о Дел аменцар. ²⁴Тай Йосиф, като ухтинило андаро соиба, кергяс сар заповедингяс леске о ангели таро Дел тай приемингяс пе ромня; ²⁵но на пенджаргяс ла, жи кай ой на биянгяс пе първоне Мрушес; тай наречингяс лес Иисус.

Chapter 2

¹А като бяндило о Иисус андо Витлеем Юдейски, ко диеса е тагареске Ирод, аке, мъдреци таро изток але андо Йерусалим. ²Тай пенде: кате си о Юдейско тагар, Ковато бяндило? Соскето диклам Лескири звезда на изток тай алам те поклонинас амен Леске. ³Като шунгяс давка о тагар о Ирод ,смутисало,тай цело Йерусалим лесар. ⁴Затова кидингяс саворе народна главна свещеникия тай книжникя тай разпучелас лен кате требва те бянгиол о Помазаники. ⁵А он пенде леске: Андо Витлеем Юдейски; соскето чука си пишиме таро пророки: ⁶,„Ту да, Витлееме, пув Юдова, нисар на синян най-цикни машкар о Юдова началства, соскето тутар ка проиклол Вожди,ковато ка овел пастири Мере народоске Израил.” Тогава Ирод викингяс тайно мъдреците тай внимателно научингяс лендар о време, като явисали и звезда. ⁸Тай като бичалгяс лен андо Витлеем, пенгяс ленге: Джан разпучен внимателно е Чавеске; тай като аракен Лес, известинен манг, за те джав меда те поклонинаман Леске.⁹ А он, като шунде е тагарес, гелепеске; тай аке, и звезда,която диклесас на изток, пирелас англал ленде, жи кай авел тай спирисали ко тан, кате сине о Младенеци. ¹⁰Като дикле и звезда,залошанде твърде бут.¹¹Тай като дине андо кер,дикле е Чавес лескере Даясар и Мария,тай пеле,тай поклонисале Леске;тай путренас пе съкровища,принесинде Леске даровия:злато,ливан тай смирна. ¹²Тай понеже сине предопредиме таро Дел андо сuno тена иринен пес ко Ирод,он гелепеске авере дроместар пере странате.¹³А след като геле песке, аке, ангели таро Дел явисало андо сuno на Йосиф тай пенгяс: Ухти, ле е Младенцос тай лескере дая тай наш андо Египет, тай ачов оте докато на пенав туке; соскето о Ирод ка родел е Чавес, за те погубинел Лес ¹⁴.Тай чука Ов, ухтинило, лилас е Чавес тай Лескере дая машкар и рат тай гело андо Египет,¹⁵Кате ачило джикаи о Ирод на муло; за те съддинел пес о пендо таро Дел чрез о пророки, който пенел: „ Таро Египет викингиом ме Чес.”¹⁶Тогава Ирод, като диклияс, кай сине подигравиме таро мъдреци, разярисало твърде бут тай бичалгяс те погубинен соси мъжка чаве андо Витлеем тай андо соси лескере околностя, таро дуи бреш тай на теле, според о време, което бе внимателно сиклистило таро мъдреци.¹⁷Тогава испълнисало о пендо чрез о пророк Йеремия, който пенел: „, ¹⁸,„Гласос шуниол в Рама, роиба тай баро ридание; Рахил оплаквинел пе чадонен, тай на мангел те утешинел пес, соскето нанаистале вече.”¹⁹А като муло Ирод, аке, ангели таро Дел явисало андо сuno на Йосиф андо Египет тай пенгяс: ²⁰Ухти, ле е Чавес тай Лескере дая тай джа анди Израилово пув; соскето муле окола, колато мангенас о животос е Чавескоро. ²¹Тай чука, ов ухтинило, лилас е Чавес тай Лескере дая тай ало анди Израилово пув.²²Но като шунгяс, кай над Юдея царувинел Архелай, наместо лескоро дад о Ирод, даралас те джал оте; тай предопредиме таро Дел андо сuno, отеглисало андо Галилейска пределя,²³тай ало, та заселисало еке градосте, наречиме Назарет; за те съддинел пес о пендо таро пророкя, кай ка наречинел пес Назорей.*

Chapter 3

¹1 Околе диесенде ало Йоан Кръстител тай проповединелас анди Юдейско пустиния, като пенелас:

²Покайнен тумен, понеже наближингяс о небесно тагарипе. ³Соскето давка сине, каскето хоратинелас пес чрез пророк Исаи; който пенел: „Гласос екескоро, който пищинел анди пустиния; приготвинен о дром е Девлеске! Права керен о пътекес за Леске!”⁴ А давка Йоан пиравелас облекло камилсконе козинатар тай кожено пояси около кръста си; а лескоро хабе сине акриди* тай диво авгин. ⁵Тогава авенас паш лесте таро Йерусалим, цело Юдея тай цело Йорданско околност, ⁶тай кръстиненас пес лестар анди река Йордан, като исповединенас пе безеха.⁷ А като дикляс, кай бут таро фарисея тай садукея авенас те кръстинен пес лестар, пенгяс ленге: Рожби ехидни! кой предопредингяс тумен те нашен таро идешо гняви? ⁸Затова, принесинен плодове, съответстваща на покаяние; ⁹тай на мислинен те пенен: Авраам си амаро дад; соскето пенав туменге, кай о Дел аци далке барендарда те въздвигнинел чавен на Авраам.¹⁰ А о товер да пашпол вече ко корени е кащенге; тай чука всяко каш, ковато на дел лачо плоди, отсечинел пес тай анди яг чивел пес. ¹¹Ме кръстинав тумен паниеса за покаяние; но Окова, Който авел палал манде, си по силно мандар, комуто на синиом достоинно те поднесинав Лескере сандаля; Ов ка кръстинел тумен с Светия Дух тай ягаса. ¹²И лопата си андо вас Леске тай Ов здраво ка очистинел гумното, Си тай ка кидел По житос анди житница, а и плява ка тарел анди неугасимо ят.¹³ Тогава Исус ало тари Галилея ко Йордан ко Йоан, за те кръстинел пес лестар. ¹⁴А Йоан въспиринелас Лес, казвайки: Ман симан нижда те кръстинаман Тутар, а Ту ли авес паш манде?¹⁵ Исус в отговор пенгяс леске: Мук акана, соскето чука подобавинел те испълнинас всичко, ковато си право. Тогава Йоан муклас Лес.¹⁶ Тай като кръстисало, Исус веднага иклистило таро пани; тай аке, путердиле Леске о небеса тай дикляс е Девлескоро духос, кай ухлел сар кушки тай мукелас пес уптал Лесте;¹⁷ тай аке гласос таро небеса, който пенелас: Давка си мо възлюбиме Чаво, анде колесте си Моро благоволение.

Chapter 4

¹Тогава Иисус сине отведиме таро Духос анди пустиния, за те овел изкушиме таро бенг. ²Тай след като постингяс саранда дие с тай саранда ракя, най-после бокалило ³тай, о искусители ало тай пенгяс Леске: Ако синян е Девлескоро Чаво, заповедин далка бара те ачон маренде. ⁴А Ов във отговор пенгяс: Пишими си: „Ма само мареса ка живинел о мануш, но всеконе словоса, ковато иклол е Девлеске таро муй.“ ⁵Тогава о бенг ингалгяс Лес андо свято градос, поставингяс Лес ко крило е храмиескоро, тай пенгяс Леске: ⁶Ако синян е Девлескоро Чаво, чив тут теле; соккето си пишими: „Ка заповядинел пе ангеленге за Туке; тай вастенде ка вазден тут, да не би те чалавес анде баресте те пире.“ ⁷Иисус пенгяс леске: Пишими си още: „Тена изпитвинес е Девлес, тере Девлес.“ ⁸Пак ингалгяс Лес о бенг еке бут уче планинате, покажингяс Леске соси царства е светоскере тай ленгери слава тай пенгяс Леске: ⁹Всичко давка ка дав Тут, ако перес те поклонинес тут манг. ¹⁰Тогава Иисус пенгяс леске: Махнин тут, Сатана; соккето си пишими: „Е Девлеске, тере Девлеске те поклонинес тут тай само Леске те служинес.“ ¹¹Тогава о бенг муклас Лес; тай аке, ангеля але тай прислужвинде Леске. ¹²А като шунгяс Иисус, кай Йоан сине предиме е властиенге, оттеглисало анди Галилея. ¹³Тай като напуснингяс Назарет, ало тай заселисало андо Капернаум край о езерос*, андо Завулонова тай андо Нефталимова пределя; ¹⁴за те създаниел пес о пендо чрез пророк Исаи, който пенел: ¹⁵, и Завулоново пув тай и Нефталимово пув, край о езерос, окотар Йордан, езическа Галилея., ¹⁶народос, ковато бешелас анди тъмнина, дикляс бари светлина., тай околенге, кате бешенас анди страна е мрачноне сянкаса, ленге изгреингяс светлина.¹⁷Оттогава Иисус започнингяс те проповядвинел, пенелас: Покайнен тумен, соккето наближингяс о небесно царство. ¹⁸Тай като пирелас край о Галилеиско езеро, дикляс дуе прален - Симон, наречиме Петър, тай лескоро прал Андрей, кай чиен мрежа андо езеро, понеже сине рибarya. ¹⁹Тай пенел ленге: Пирен палал Манде тай Ме ка керав тумен ловци манушенгере. ²⁰Тай он веднага мукле о мрежес, тай геле палал Лесте. ²¹Тай като отнакляс оттар, диклес авре дуе прален - Яков Заведеев тай лескоро прал Йоан, кай кърпинен пе мрежес анди ладия пе дадеса Заведей; тай викингяс лен. ²²Тай он ко сахати мукле и ладия тай пе дадес, тай геле палал Лесте. ²³Тогава Иисус пирелас ки цело Галилея тай поучинелас андо синагогес ленгере, тай проповядвинелас о благовестие е тагарипнаскоро, като изцеринелас всякааква болестя тай всяко немощ машкар о народос. ²⁴Тай разнесисаило слухи за Леске ки цяло Сирия; тай аненас паш Лесте соси насвален, страдаща разноне болестиендар тай мъкендар, долде от бяс, епилептика тай парализирана; тай изцерингяс лен. ²⁵Тай палал Лесте пиренас баре множества тари Галилея тай Декапол, таро Йерусалим тай Юдея, тай окотар Йордан.

Chapter 5

¹А Иисус, като дикляс множества, искачisaило ко хълми; тай като бешло, Лескере ученикия але паш Лесте.

²Тай като путергяс По мui, сикавелас лен, пенелас: ³Блажена о чоре по дух, соскето си ленгоро о тагарипе небесно. ⁴Блажена о скърбяща, соскето он ка утешинен пес. ⁵Блажена о кротка, соксето он ка наслединен и пув. ⁶Блажена, колато гладувинен тай жадувинен е правдаке, соскето он ка наситинен пес. ⁷Блажена о милостива, соскето он ка овен помилвана. ⁸Блажена о чиста по сърце, соскето он ка дикен е Девлес.

⁹Блажена о миротворция, соскето он ка наречинен пес е Девлескере чаве. ¹⁰Блажена о гониме заради е правдаке, соскето си ленгоро о тагарипе небесно. ¹¹Блажена синиен, като хулинен тумен тай гонинен тумен, тай хоратинен хохавнес против туменде всякаакво канилипе задари Манге; ¹²лошанен тай веселинен тумен, соскето си бари тумари награда ко небеса; понеже чука гониненас е пророкиен, колато сине англал туменде. ¹³Туме синиен о лон ки пув. Но ако о лон си би лондо, сосар ка осолинел пес? Ов вече нисоске на струвинел, освен те чивелпес аври тай те газинел пес таро народос. ¹⁴Туме синиен и виделина ко светос. Градос, поставиме хълмиесте, наши гаравелпес. ¹⁵Тай като тарен светилос, ма товен лес телал о шиники, но ко светилники, тай ов светинел саворенге, колато си кере. ¹⁶Също чука нека светинел тумари виделина англал о народос, за те дикен тумаре лаче дела тай те прославинен тумаре Отециес, Който си го небеса. ¹⁷Тена мислинен, кай алом те разрушинав о закони или е пророкиен? на алом те разрушинав, а те изгълниав. ¹⁸Соскето истина пенав туменге: Докато пренакел о небес тай и пув, ни иек йота, ни иек черта таро закони нанаи те пренакел, докато всичко на събъдинел пес. ¹⁹Тай чука, който нарушинал иек калкендар най-цикне заповедя тай сикавел чука е манушен, най-цикно ка пенелпес андо небесно тагарипе; а който изпълнинал лен тай сикавел чука е манушен, ов ка наречинел пес велико андо небесно тагарипе. ²⁰Соскето, пенав туменге, кай ако тумари правда на отнакел и правда е книжникиенгири тай е фарисенгири, нисар нанай те дел андо небесно тагарипе. ²¹Шунгиен, как сине пендо е старовременоненг: „ Ма мудар; тай който мударел,изложинел пес на съд ”. ²²Ала Ме пенав туменге,кай всекой който гневинел пес пе пралеске би причинакоро,излагинел пес на съд;тай който пенел пе пралеске Вас , излагинел пес ко Синедриони; а който пенел леске „ Канилея би гогялеа”, ка овел виновно за ко огнено пъкали. ²³Тай чука, като принесинес то дари ко олтари,ако оте спомнинес тухе кай те пралес си варесо против туте, ²⁴мук то дари оте англал о олтари тай жа първо помирине тут те пралеса, тай тогава ела,тай принесин то дари. ²⁵Помирине тут те противникиеса по сиго, джи кай синян ко дром леса карик о съдилище , данеби то противники те предел тут ко съдияс,а о съдияс те предел тут ко служители,тай те овес чивдо анди тъмница. ²⁶Истина пенав тухе: Никак нанай те иклос отар, жи кай на исплатинес о последно кодрант. ²⁷Шунген кай, уло пендо:„ Ма прелюбодействине.” ²⁸Но Ме пенав туменге, кай всекой който дикел жувля,за те мангел ла,вече прелюбодействингя да ласа ан пе сърцесте.

²⁹Ако ти десно як съблазнинел тут,икал ла тай чив ла;соксето по-лачес си тухе те погининел иек те телесноне частиендар,а ма то цело телос те овел чивдо андо пъкали. ³⁰Тай ако то десно вас съблазнинел тут,чин лес тай чив лес;соксето по-лачес си тухе те загининел иек те телесноне частиендар,а ма то цело телос те жал андо пъкали. ³¹Още уло пендо: „ Който мукел пе ромня нека дел ла разводно писмо. ” ³²А пък Ме пенав туменге, кай всекой, който мукел пе ромня,освен по причина на прелюбодейство,керел ла те прелюбодействинел; тай който пранденел е ачавдияке,ов прелюбодействинел. ³³Шунгиен още,кай сине пендо е старовременоненг: „ Ма престъпвин ти клетва,но испълнил англал о Дел те клетвес”. ³⁴Но Ме пенав туменге: Никак тена хан совеля;нито ко небес,соксето си престоли е Девлеске; ³⁵нито ки пув, соске си подножие Лескере пиренге; нито андо Йерусалим,соксето си градос е великоне Тагареске. ³⁶Нито тумаре шеренде те хан совеля;соксето нанащи те керен ни иек бал парно или кало. ³⁷Но тумаро хоратиба те овел: „ Ва,ва! тай Нака,нака! а со си далkestар повече,си таро лукаво. ³⁸Шунгиен,кай уло пендо : „ як якаке,дант дандеске”. ³⁹А пък Ме пенав туменге: ма противинен тумен е каниле манушеске; но ако чалавел тут декой ки десно чам,ирие леске окоя да. ⁴⁰Далкеске,ковато мангел те съдинел пес туса тай те лел то гад, мук леске ти горнода дреха. ⁴¹Който принудинел тут те пирес леса иек миля, жа леса дуи. ⁴²Де околес, който просинел тутар;тай ма отвратин тут далkestар,ковато мангел тухе на заем. ⁴³Шунгиен, кай уло пендо: „ Дехе те ближненес, а мразин те неприятелес”. ⁴⁴Но Ме пенав туменге: Дехен тумаре неприятелен тай молинен тумен далкенге,колато гонинен тумен; ⁴⁵за товен чаве тумаре Отециеске, Който си ко небеса; соксето Ов керел По кам те изгреинел уптал о каниле да уптал о лаче да тай дел бришим е праведненг да е неправедненг да. ⁴⁶Соксето,ако дехен само околен,колато дехен тумен,сави награда перелпес туменге? На керен ли давка о бирника? ⁴⁷Тай ако поздравинен само тумаре

прален, со особено керен? На керен ли давка о езичници? ⁴⁸Тай чука, овен съвършена тумеда, сарто си съвършено тумаро небесно Отеци.

Chapter 6

¹Внимавинен тена керен тумаре дела е правдакере англал о мануша ,за те дикен тумен; иначе нанай те овел тумен награда ко Отца тумаро, Ковато си ко небеса. ²Тай, като керес милостиния,ма шуняр англал туте, сар керен о лицемерия ко синагогес тай ко улицес за те овен хвалиме таро мануша; Истина пенав туменге: Он получинде вече пери награда.³ А като керес ту милостиния,нека то лево вас на жанел со керел то десно, ⁴за те ачол тери милостиния в тайно;тай торо Отец,Който дикел в тайно ка въздел тухе наяве.⁵ Тай като молинен тумен,ма овен саро лицимерия;соксето он дехен те молинен пес,стояща ко синагогес тай ко ъгъля е уличенге,за те дикен лен о народос; истина пенав туменге,он получинде вече пери награда. ⁶А ту, като молинес тут, де те вътрешноне стаичката,тай като пандес то вудар,помолине тут тере Отециеске, Ковато си в тайно; тай то Отеци Който дикел в тайно,ка въздел тухе наяве. ⁷А като молинен тумен, ма хоратинен излишна думес, сар о езични;соксето он мислинен,кай ка овен шунде пе буте хоратибнаске.⁸ Тай чука,ма овен сар ленде ;соксето тумаро Отеци жанел состар нуждаинен тумен,преди туме те манген Леске. ⁹А туме молинен тумен чука: Отче амаро, Който синян андо небеса, те светинел пес Торо алав! ¹⁰Те авел Торо тагарипе; те овел Тери воля сар ко небеса, чука ки пув;¹¹ де амен авдиес о ежедневно маро; ¹²таи простиин аменге амаре дълговя,сарто амеда простииям амаре дължникиенге; ¹³Тай ма въведене амен в изкушение,а избавине амен таро лукавя,соксето о тагарипе си Торо и сила,тай и слава, жи ко векове. Амин.¹⁴ Соксето,ако туме простиинен е манушенге ленгере безеха ,то о Небесно Отеци ка простиинел туменгеда ¹⁵Но ако туме на простиинен е манушенге ленгере съгрешения, Ов, тумаро да Отеци нанаи те простиинел тумаре съгрешения.¹⁶ А като простиинен, ма овен унила,сар о лицемерия;соксето он помрачинен пе муя,за те дикен лен о народос кай простиинен; истина пенав туменге,он получинде вече пери награда. ¹⁷А ту,като простиинес, помажин то шеро тай истов то муй, ¹⁸за тена дикен тут о мануша,кай простиинес,но Отец ти,Който си в тайно; тай Отец Който дикел в тайно ка въздел тухе наяве.¹⁹ Ма киден туменге съкровища ки пув, кате молецос тай ръжда разяждинен лен тай кате о чора подкопинен тай чорен. ²⁰А киден туменге съкровища ко небес, кате ни молец, ни ръжда разяждинен, тай кате чора на подкопинен, тай на чорен; ²¹соксето, кате си то съкровищес,оте ка овел то сърцесда.²²И як си светилос е телоскири; тай, ако ти як си здраво,то цело телос ка овел осветиме; ²³но ако ти як си болнаво, то цело телос ка овел помрачиме. Тай ако и светлина туте си тъмнина, то кити бари ка овел и тъмнина!²⁴ Никои нащи слугувинел дуйе господариенге, соксето или ка мразинел иекес, а ка задехел околос, или карик иекесте ка привържинел пес,а околос ка презиринел. Нащи слугувинен е Девлеске тай е мамониеске!²⁵ Далкеске пенав туменге: Ма хан холи тумаре животоске,со ка хан или со ка пиен, нито те телоске, со ка уриес. Нанаи ли о животос повече таро хабе, тай о телос таро шехя?²⁶ Дикен о небесна птицес, кай на сеинен,нито жънинен,нито ко житницес киден; тай пак тумаро Небесно Отеци парварел лен. Туме на синиен ли бут по скъпа лендар?²⁷Тай кои тумендар аци с грижи те прибавинел иек лакът на ръста си?²⁸ Тай шехиенге соске хан холи? Раздикен о полска кремовя, сар барион; на трудинен пес, нито предат;²⁹ но пенав туменге , кай дори о Соломон ки савори пери слава на уриелас пес сар иек лендар.³⁰ Но ако о Дел чука уриавел и полско чар, която авдиес иси ла, а тася чивен ла анди пещ, нанай ли бут повече те уриавел тумен,маловерци?³¹ Тай чука ма хан холи тай ма пенен: Со ка хас? или: Со ка пияс? или: Со ка уряс?³²(соксето всичко давка роден о езични); понеже о Небесно Отеци жанел, кай нуждаинен тумен всичко далkestар.³³ Но първо роден Лескоро тагарипе тай Лескири правда; тай всичко давка ка прибавинел пес.³⁴ Далкеске ма даран за тася, и тасярин ка хал холи песке. Достатъчно си е диесеске лескоро зло.

Chapter 7

¹Ма съдинен, за тена овен съдиме. ²Соскето саве присъдаса съдинен, салкаса ка съдинен тумен, тай саве меркаса меринен, салкаса ка меринелпес туменге.³Тай соске дикес и съчица анди як те пралеске, а на усетинес и греда тере якате? ⁴Или сар ка пенес те пралеске: Мук ман те икалав и съчица те якатар; а аке, тере якате иси греда? ⁵Лицемерина, първо икал и греда тере якатар тай тогава ка дикес ясно, за те икалес и съчица те пралеске тари як.⁶Ма ден свето варесо е риконенге, нито чивен тумаре бисеря англал о баличе, тена стъпчинен лен пе пиренца тай като иринен пес, те разкъсинен тумен.⁷Мангэн, тай ка ден тумен; роден, тай ка аракен; чукинен, тай ка путрен туменге, ⁸соскето саворе колато мангэн, получинен; който родел, ка аракел; тай далкеске кате чукинел, ка путрен. ⁹Иси ли машкар туменде мануш, ковато ако мангел леското чаво маро, те дел лес бар, ¹⁰или, ако мангел мачо, те дел лес сапес?¹¹Тай чука, ако туме, колато синиен злобна, жанен те ден блага тумаре чавен, кити повече Отец Ковато си андо небеса, ка дел блага далкен кате мангэн Лестар! ¹²Тай чука, всичко со мангэн те керен о мануша туменге, давка керен тумеда ленге; соскето давка си и същина е закониескири тай е пророкиенгири.¹³Ден тари тесно порта, соскето бухли си и порта тай пространно си о дром, ковато ингалел в погибел, тай мнозина си далка кате накен лендар. ¹⁴Понеже тесно си и порта тай стесниме си о дром, ковато ингалел ко животос, тай малцина си далка кате аракен лен.¹⁵Пазинен тумен хохавне пророкиендар, колато авен туменде овчоне шехиенде, а андрал си вълця грабителя. ¹⁶Таро плодове ленге ка пенджарен лен. Кидел ли пес дракин трънендар, или смокиня от репей?¹⁷Също чука всеко лачо каш дел лачо плоди, а о канило каш дел каниле плодове.¹⁸Нанащи лачо каш те дел каниле плодове; или канило каш те дел лаче плодове.¹⁹Всеко каш, ковато на дел лачо плоди, чинел пес тай чивел пес анди ят.²⁰Тай чука таро плодове ленге ка пенджарес лен.²¹Не секои, който пенел манг: Девла! Девла! ка дел андо небесно тагарипе, но който вършинел и воля на Отца ми, Който си ко небеса.²²Далке диеесте бут ка пенен манг: Девла! Девла! ма тере алвесте ли прорукувингям, ма тере алвесте ли бесовиен гонингям тай ма тере алвесте ли извършигям велика дел?²³Но тогава ка заявиав ленге: Нисар на пенджартиом тумен; жан туменге мандар туме, колато вършинен беззаконие.²⁴Тай чука, всекои, който шунел далка Мере думес тай изпълниел лен, ка оприличинел пес разумно манушесте, ковато построингяс по кер на канара;²⁵тай задиняс бришим, але о реки, запудинде о балвала тай устремисале уптал далке кересте; но ов на пело, соскето сине основиме на канара.²⁶Тай всекои, който шунел далка Мере думес тай нана изпълниел лен, ка оприличинел пес на неразумно мануш, ковато построингяс по кер ки поши;²⁷тай задиняс бришим, але реки тай запудинде о балвала тай устремисале уптал далке кересте; тай ов на пело, тай о периба лескоро уло баро.²⁸28 Тай като о Иисус свършигяс далка думес, о народос чудинелас пес Лескере учениесте;²⁹соскето поучинелас лен сар иек, който исилес власт, а ма сар ленгере книжникя.

Chapter 8

¹А като ухлило таро хълми, последвинде Лес баре множества. ²Тай аке, иек прокажено ало паш Лесте, тай поклонинел пес Леске тай пенел: Девла, ако мангес, ащи очистинес ман. ³Тогава о Иисус прострингяс по вас, доприсало жи лесте тай пенгяс: Мангав; ов очистиме. Тай ко сахати очистисали лескири проказа.

⁴Тай о Иисус пенгяс леске: Дик тена пенес давка никаске; но за свидетелство ленге, жа покажине тут е свещеникиске тай принесине о дари ковато о Мойсей заповедингяс. ⁵А като диняс андо Капернаум, иек стотники ало жи Лесте тай молинелас пес леске тай пенел: ⁶Девла, мо слугас пашлол аменде парализириме тай бут мъчинел пес. ⁷А ов пенгяс леске: Ка авав тай ка изцелинав лес. ⁸О стотники в отговор пенгяс: Девла, на синиом достоинно те дес телал ме стряхате; но пен само дума, тай мо слугас ка оздравинел. ⁹Соскето меда синиом подвластно мануш, ковато пък симан подчинена манге войника; тай пенав калкеске: Жа, тай ов жал; тай авереске: Ела!, тай ов авел; а ме слугаске: Кер давка!, тай ов керел лес. ¹⁰О Иисус като шунгяс давка, чудисало тай пенгяс колкенге, кате авенас палал Лесте: Истина пенав туменге, андо Израил на араклом дики вяра. ¹¹Но пенав туменге, кай мнозина ка авен от изток и запад, тай ка бешен с Авраам, Исаак, тай Яков андо небесно тагариле. ¹²а о чада е тагарипнаскере ка овен чивте ки външно тъмнина; оте ка овел роиба тай скърцане данденца. ¹³Тогава Иисус пенгяс е стотникиске: Жа туке; карто повервингян, чука нека те овел туке. Тай о слугас оздравингяс ко също сахати ¹⁴Тай като ало Иисус ко кер на Петър, дикляс кай лескири сасуи пашлол настави трескатар. ¹⁵Тай доближисало жи ко вас лаке, тай и треска мукляс ла; тай ой ухтинили, тай прислужвинел лас Леске. ¹⁶А като ратило, анде паш Лесте мнозина долде бесовиендар; Тай ов гонингяс е духовиен иеке думаса, тай изцелингяс саворе наставлен; ¹⁷за те съднингиол о пендо таро пророк Исаия, който пенел: " Ов лилас упрад Песте амаре немоюща, тай амаре болестя понесингяс". ¹⁸Тай о Иисус, като дикляс покраи Песте бут народос, заповедингяс те накен отвъд о езерос. ¹⁹Тай ало иек книжники тай пенгяс леске; Учителю, ка пирав палал Туте кате да те жас. ²⁰Иисус пенгяс леске: Е лисищен си леговища тай о небесна птицес -гнезда; а о Човешко Чаво нанай кате по шеро те подслонинел. ²¹А авер таро ученикия Леске пенгяс: Девла, позволине манге първо те жав те паронав ме дадес. ²²Но Иисус пенгяс леске: Пир палал манде тай мук о муле те паронен пере мулен. ²³Тай като диняс иеке ладияте, о ученикия Лескере дине палал Лесте. ²⁴Тай аке, бари буря ваздисали андо езерос, тай о вълни покриненас и ладия; а Ов совелас. ²⁵Тогава приближисале, ухъждре Лес тай пенде: Девла, спасине амен, загининас! ²⁶А Ов пенгяс ленге: Соске синиен даравне, маловерци? Тогава ухтинило, смъртингяс и балвал тай о вълни, тай ачили бари тишина. ²⁷А о мануша чудиненас пест, тай пененас: Саво си Давка, кай и балвал, тай о вълни покоринен пес Леске? ²⁸Тай като ало ки отвъдно рик, ки Гадаринско* пув, ресле Лес дуи долде бесостар, колато и克лонас таро миморя чука свирепа, кай никои нащине накел далке дроместар. ²⁹Тай аке, пищинде тай пененас: Со иси тут аменца, Ту, е Девлескоро Чаво? Нима алан ате преди време те мъчинес амен? ³⁰А дуре лендар исине баро стадос баличе, колато пасиненас. ³¹Тай о бесове молиненас пес Леске: Ако гонинес амен, бичал амен андо стадос е баличенца. ³²Тай пенгяс ленге: Жан. Тай он, като иклиле, геле андо баличе; тай аке о цело стадос мукляс пес тари стръмнина андо езерос тай муле андо пани. ³³А о свинаря нашле тай като геле андо градос, разкажинде всичко, тай давка, кате ачило колкенца долде бесовиендар. ³⁴Тай аке, цело градос иклило те посрещнител Иисуса; тай като дикле Лес, помолинде Лес те жал песке ленгере пределендар.

Chapter 9

¹Тогава Ов диняс иеке ладияте тай накло, тай ало Пере градосте. ²Тай аке анде паш Лесте иеке паралитикиес, товдо на постелка; тай о Иисус, като дикляс и вяра ленгири пенгяс е паралитикиеске: Дерзай, мочо простилен пес те безеха.³Тай аке, десаве таро книжникя пенде песке: Кавка богохулствинел. ⁴А о Иисус, като ахалило со мислинен, пенгяс: Соске мислинен канилише ан тумаре сърцеденде?⁵Соскето со си по-лесно те пенав: ростилен пес те безеха, или те пенав: Ухти тай пир?⁶Но за те ахалон, кай о Човешко Чаво иси Лес власт ки пув те простилен грехове (тогава пенел е паралитикиеске): Ухти, вазде ти постелка тай жа туке туменде.⁷Тай ов ухтинило тай гело пе кересте.⁸А о множества, като дикле давка, дараниле тай прославинде е Девлес, Ковато диняс саика власт е манушен. ⁹Тай о Иисус, като накелас отар, дикляс иеке манушес, лескоро алаб си Матей, бешелас ко бирничество; тай пенгяс леске: Пир палал Манде. Тай ов ухтинило тай последвингяс лес.¹⁰Тай като бешло ки софра андо кер, аке, мнозина бирникия тай грешника але тай бешле е Иисусеса тай Лескере ученикиенца.¹¹Тай о фарисея, като дикле давка, пенде Лескере ученикиенце: Соске хал тумаро Учители е бирникиенца тай е грешникиенца?¹²А Ов, като шунгяс давка, пенгяс: О здрава нанай лен нужда лекариестар, а о насвале.¹³А жан тай сиклон со значинел "Милост мангав, а ма жертва", соскето на алоб те призовинав е праведнен, а е грешнен на покаяние.¹⁴Тогава але паш Лесте е Йоанескере ученика тай пенде: Соске аме тай о фарисея постинас бут, а Тере ученика на простилен?¹⁵Иисус пенгяс ленге: Ащи ли о свадбаря те жалинен, жикаи си ленца о жамутро? Ка авел обаче време, като ка лен е жамутрес; тай тогава ка простилен.¹⁶Никой на сивел пуране шея нева платоса; соскето и кръпка ка парагиол таро шея тай о паравдо ка ачол по-канило.¹⁷Нито чорен неви мол ко пуране меховя; иначе, о меховя парион, и мол изтечинел тай о меховя хабингион. А наливинен неви мол андо нева меховя, тай о дуи да запазишион.¹⁸Като хоратинелас ленге давка, аке, иек началники ало, поклонинелас пес Леске тай пенелас: Ми чаи аке акана мули; но ела тай тов То вас упрат лате, тай ои ка ухкиел.¹⁹Тай Иисус като ухтинило, гело палал лесте а също Лескере ученика да.²⁰Тай аке, иек ромни, която сине ла кръвотечение дешудуи бреша, приближисали из палал тай допиризали жи ки пола ко шея Леске;²¹соскето пенелас песке: Ако само допиризаман жи ки шеи Леске, ка оздравинав.²²А Иисус като ирисало тай дикляс ла, пенгяс: Дерзай, мичай, тери вяра изцелингяс тут. Тай таро също сахати и ромни оздравингяс.²³Тай като ало о Иисус ко кер е началникиеске, тай дикляс е свирачиен тай о народос разтревожиме пенгяс:²⁴Жан туменге, соскето и чаи нана мули а совел. Тай он асанас Леске.²⁵А като гонинде е народос, Ов диняс тай долгяс ла таро вас; тай и чаи ухтинили.²⁶Тай давка разшунгяс пес ки цело койка рик.²⁷Тай като Иисус жалас песке отар, палал Лесте пиренас дуи коре, колато пищинена: Смилине тут упрат аменде, Сине Давидов!²⁸Тай като диняс кере, о коре приближисали карик Лесте; тай о Иисус пенгяс ленге: Верувинен ли кай ащи керав давка? Пенде Леске верувинав, Девла.²⁹Тогава Ов допризали жи ко яка ленге тай пенгяс: Нека те овел туменге според тумаре вярате.³⁰Тай ленгере яка путердиле. А Иисус заръчингяс ленге строго, като пенгяс: Внимавинен никои тена жанел давка.³¹А он, като иклиле, разгласинде и слава Лескири ки цело койка страна.³²Тай като он иклонас, аке, анде паш Лесте иеке лалоре манушес, долдо бесостар.³³Тай след като сине гониме о бесос, о лалоро захоратингяс; тай о множества чудиненас пес тай пененас: Нисар на дикляс пес савка варесо андо Израил.³⁴А о фарисея пененас: Чрез о началники е бесовиенгоро Ов гонинел бесовиен.³⁵Тогава Иисус обикалянелас саворе градове тай гава тай поучинелас ко синагогес ленге проповядвайки о благовестие е тагарипнаскоро; тай изцелинелас секакво болест тай секакво немощ.³⁶А като дикляс о множества, смилисало упрат ленде соскето сине отрудена тай пръсната сар овце, колато нанай лен овчари.³⁷Тогава пенгяс Пе ученикиенце: И жетва си изобилно, а о работника - хари;³⁸далкеске, молинен тумен е Господариеске е жетвакоро те бичалел работника ки жетва Леске.

Chapter 10

¹Тай като викингяς Пе дешудо ученикиен, диняс лен власт упран о нечиста духовя, те гонинен лен тай те изцелинен всекакво болест тай всекакво немощ.² А аке о алава е дешудо апостоленгере: о първо , Симон ковато пенел пес Петър, тай Андрей, лескоро прал; Яков Зеведеев тай Йоан, лескоро прал; ³Филип тай Вартоломей; Тома тай Матей о бирники; Яков Алфеев тай Тадей*; ⁴Симон Зилот* тай Юда Искариотски, ковато прединяс Лес.⁵Калка дешудуи души изпратингяς Исус тай заповединяς ленге: Ма пътувинен карик о езичника тай андо самарянско градос ма ден; ⁶но по-лачес жан ко нашалде бакре е Израилевиенге ко кер. ⁷Тай като жан, проповединен, тай пенен: О Небесно тагарипе наближингяс.

⁸Насвален изцелинен, мулен възкресинен, прокаженонен очистинен, бесовиен изгонинен; даром приемингиен, даром ден. ⁹Ма лен нито златос,нито сребро, нито медно монета тумаре поясиенде, ¹⁰нито чанта дромеске, нито дуи гада, нито потиня, нито тояга; соккето о работници заслужинел пери прехрана.

¹¹Тай колесте да те овел градосте или гавесте, като ден, разпучен кои анде лесте си достоинно тай оте ачон жи как жантуменгे. ¹²А като ден андо кер, поздравинен лес. ¹³Тай ако о кер си достоинно , нека авел лесте тумаро мири; но ако нанаи достоинно , тумаро мири нека иринел пес карик туменде. ¹⁴Тай ако декои на приеминел тумен, нито шунел тумаре думес, като иклон таро кер леске, или колке градостар, тресинен о прахос тумаре пирендар. ¹⁵Истина пенав туменг: По-локо ка овел о наказание ки Содомско тай Гоморско пув ко съдно дис, отколкото колке градоске. ¹⁶Аке, ме бичалав тумен сар овце машкар вълциенде; овен разумна сар о сапа тай незлоблива сар о кушя. ¹⁷Тай пазинен тумен таро мануша, соккето ка ден тумен на събори тай пе синагогиенде ка марен тумен. ¹⁸Ва! тай англал о управителя тай тагара ка извединен тумен ашал Манге, за те свидетствинен ленге тай е народоске. ¹⁹²⁰19 А като ка преден тумен, ма даран сар или со ка хоратинен,соккето ко също сахати ка дел пес туменг со те керен. 20 Соккето на синиен туме, колато ка хоратинен, а о Духос на Отца ви ,Ковато ка хоратинел ан туменде. ²¹Прал пралес ка предел мерибнасте, тай дат чавес; тай чаве ка ухкиен против пе родителенде тай ка мударен лен. ²²Ка овен мразиме саворендар поради Мере алавесте; а които устоинел жи ко крайос, ов ка овел спасиме. ²³А като гонинен тумен иеке градостар, нашен авересте; соккето истина пенав туменг: нанаи те пирен о Израилева градовя, жикаи авел о Човешко Чаво. ²⁴О ученики нанаи по-горно пе учителстар, нито о слугас по-горно пе господариестар. ²⁵Достатъчно си е ученикиеске те овел сар пе учителесте тай о слугас сар пе господариесте. Ако е стопаниес е керескоро наречинде Веелзвул, то кити повече о домашна лескере!²⁶Тай чука, ма даран лендар; соккето нанай нищо покрито, савото нанаи те открингиол, тай тайно, савото нанай те ахалол. ²⁷Давка, кате хоратинав туменге ко тъмно, пенен лес ко светло; тай со шунен канесте, прогласинен лес таро покривя. ²⁸Ма даран колкендар, кате мударен о телос, а и душа нанащи мударен; а по-скоро даран Колкестар, Ковато ащи и душа , тай о телос да те погубинел андо пъкали. ²⁹На бикнен лил пес дуи чириkle иеке асарийеске? Тай пак ни иек лендар нанай те перел ки пув без и воля на Отца ви. ³⁰А туменг о бала да ко шеро си саворе генде. ³¹Ма даран; туме синиен бут по-скъпа таро чирикле. ³²Тай чука, всекой, който изповединел Ман англал о мануша, ка изповединав лес Меда англал о Отца ми, Ковато си ко небеса. ³³Но, всекой, който отречинел пес Мандар англал о мануша, ка отречинаман Меда лестар англал о Отец ми, Ковато си ко небеса.³⁴Тена мислинен, кай алом те анав мири ки пув; нана алом те анав мири, а мечи. ³⁵Соккето алом те настроинав " мануш против пе дадесте, чаи против пе даяте, тай бори против пе сасате; ³⁶тай о неприятеля е манушескере ка овен о домашна лескере."³⁷Който дехел дадес или дая повече Мандар, нанай достоинно Манге; тай който дехел чес или чая повече Мандар, нанай достоинно Манге. ³⁸Тай който на лел по кръстос тай на пирел палал Манде, нанай достоинно Манге. ³⁹Който аракел по животос, ка нашалел лес; тай който нашалел по животос ашал Манге, ка аракел лес. ⁴⁰Който приеминел тумен, Ман приеминел; тай който приеминел Ман, приеминел Калкес, Ковато бичалгяς Ман. ⁴¹Който приеминел пророкиес, соккето си пророки, награда пророкиескири ка получинел; тай който приеминел праведникиес, соккето си праведники, награда праведникиескити ка получинел .⁴²Тай който напоинел иекес калке цикнендар само иеке чашаса шудро пани, соккето си Моро ученики, истина пенав туменг, нисар нанай те нашалел пи награда.

Chapter 11

¹А Иисус, като свършингяс о наставления карик о дванадесет Пере ученика, занакло отар те поучинел тай те проповединел ко градовя ленге. ²А Йоан, като шунгяс анди тъмница о деловя на Христа, бичалгяс пе ученикиндар те пенен Леске: ³Ту ли синян Кавка, Който си те авел, или аверес те жарас? ⁴Иисус в отговор пенгяс ленге: Жан, пенен е Йоанеске давка, кате шунен тай дикен: ⁵Коре дикен, куца пирен, прокажиме очистинен пес тай кашуке шунен; мule сине възкресиме тай е сиромасиенге проповединел пес о благовестие. ⁶Тай блажено ковка, ковато на съблазнинел пес ашал Манге. ⁷Тай като он жанас песке, о Иисус почнингяс те хоратинел е народоске таро Йоан: Со иклилен те дикен анди пустиния? Тръстика ли тари балвал разлюлиме. ⁸Но со иклилен те дикен? Мануш ковле шехиенде ли урявдо? Аке, далка кате пиравен ковле шехя, си царсконе дворециенде. ⁹Но соске иклилен? Пророкиес ли те дикен? Ва, пенав туменге, тай по бут пророкиестар. ¹⁰Давка си ковка за колеске си пишиме: " Аке Ме бичалав Ме вестителес англал Тере лицесте, ковато ка устроинел То дром англал Туте." ¹¹Истина пенав туменге: Машкар о биянде жувлендар нана ваздисало по-баро таро Йоан Кръстител; обаче о по-цикно андо небесно царство си по-баро лестар. ¹²А таро диеса на Йоан Кръстител жи акана о небесно царство насила лел пес, тай колато насилинен пес, грабинен лес. ¹³Сокето саворе пророкя тай о закони пророкувинде жи ко Йоан; ¹⁴тай, ако манген те приеминен лес, кавка си о Илия, ковато сине те авел. ¹⁵Кас иси кана те шунел, нека шунел. ¹⁶А soste te опреличинав кавка поколение? Ов препел чавенде, бешле ко пазаря, колато пищинен пе другариенге: ¹⁷Башалгям туменге, тай на келген; ридаингям, тай на жалингиен. ¹⁸Сокето ало о Йоан, ковато ни халас ни пиелас, тай пенен: Бяс иси лес. ¹⁹Ало о Човешко Чаво, Ковато хал тай пиел; тай пенен: Аке мануш лакомо тай винопиицос, амал е бирникиенгоро тай е грешнициенгоро! Но и мъдрост оправдинел пес пе деловиендар. ²⁰Тогава почнингяс те коринел е градовиен, кате извършил пе бут Лескере великоне деловиендар, коленге на покаясале: ²¹Горко туке, Хоразине! горко туке, Витсаидо! Сокето, ако сине извършиме андо Тир тай Сидон о велика дела колато извършил пе туменде, он одавна ка покайненас пес в вретише тай пепел. ²²Но, пенав, туменге: на Тир тай Сидон о наказание ка овел по-леко ко съдно диес, отколкото туменге. ²³Тай ту Капернауме, жо ко небеса ли ка издигнинес тут? Нака! жи ко ади ка ухлес! Сокето ако сине извършиме андо Содом о велика дела, колато извършил пе анде туте, ов жи авдиес ка ачол. ²⁴Но пенав туменге, кай ко съдно диес о наказание е Содомиескере пув ка овел по-локо, отколкото туке. ²⁵Околе времесте Иисус захоратингяс, тай пенгяс: Благодаринаман Туке, Отче, Девла ко небес тай ки пув, сокето гарагян давка таро мъдра тай таро разумна, а открингян лес е младенциенге. ²⁶Ва, Отче, сокето чука дикляс пес Туке угодно. ²⁷Всичко си Манге предиме Таро Моро Отец; тай никой на пенджарел е Чавес, освен о Отец; нито пенджарел декой Отца освен о Чаво тай окова, ковато о Чаво ка благоволинел те откринал Лес. ²⁸Елан паш Манде саворе отрудена тай обременена, тай Ме ка успокоинав тумен. ²⁹Лен Моро иго упрали туменде тай сикловен Мандар; сокето синиом кротко тай смиreno по сърце; тай ка аракен покой тумаре душенге. ³⁰Сокето Моро иго си благо, тай Моро бремес си локо.

Chapter 12

¹По колке времесте, иеке съботате, Иисус накелас турял о посивя; а о ученикя Лескере, като бокалиле, започнинде те чинен класовия тай те хан. ²А о фарисея, като дикле давка, пенде Леске: Дик, Тере ученикя керен со нанай позволиме те керел пес в събота.³А Ов пенгяс ленге: На четингиен ли со кергяс о Давид, като бокалило ов тай о рома, колато сине леса, ⁴сар диняс в Божия дом тай халас таро присъствена мари, колато на сине позволиме те хал ни ов, ни колка, кате сине леса, а само о свещеникя?⁵Или на четингиен ко закони, кай ко съботно диес о свещеникя ко храми нарушинен и събота, тай пак нанай виновна? ⁶Но пенав туменге, кай ате иси Иек, Който си повече таро храми.⁷Но ако жаненас со значинел: " Милост мангав, а ма жертвата", нанайас те осъдинен е невиннен. ⁸Соскето о Човешко Чаво си Господари е съботакоро.⁹Тай като занакло отар, ало ки синагога ленге. ¹⁰Тай аке, оте сине мануш шуке вастеса; тай за те обвининен е Иисус, пучле Лес: Позволиме ли си те изцелинел пес в събота?¹¹Тай Ов пенгяс ленге: Кова тумендар, ако си лес иек овца, тай ой ко съботно диес перел анди яма, нанай те долел ла тай те икалел ла?¹²А кити по-скъпо си о мануш тари овца! Затова позволено си те керел пес лачипе ко съботно диес. ¹³Тогава пенгяс е манушеске: Протегине то вас. Тай ов протетнингяс лес; тай ов ачило здраво сар околесте. ¹⁴А о фарисея, като иклиле, наговоринде пес против Лесте, сар те погубинен Лес.¹⁵Но Иисус, като ахалило давка, цидисало отар; тай мнозина геле палал Лесте, тай Ов изцелингяс лен саворен. ¹⁶Тай заръчингяс ленге тена разгласинен за Леске; ¹⁷за те събъдинел пес о пендо чрез о пророк Иая, ковато пенгяс:¹⁸" Аке Моро служители, Колес избирингиом, Моро възлюбиме, анде Колесте си о благоволение Ме душакоро; ка положинав Мо Духос Лесте, тай Ов ка възвестинел правосъдие е народоске.¹⁹Нанай те споринел, нито ка пищинел, нито ка шунел декой Лескоро гласос ко площадя.²⁰смажиме тръстика нанай те пагел, тай замъждало фитили нанай те угасинел, жи кай икалел правосъдие към победа. ²¹Тай Лескере алавесте о народос ка надявинен пес".²²Тогава анде паш Лесте иекес долдо от бяс, коро тай лалоро; тай изцелингяс лес, тай чука о лалоро захоратингяс да, задикляс да. ²³Тай саворе множества смаисале; тай пененас: Тена овел Кавка о Давидово Чаво?²⁴А о фарисея, като шунде давка, пенде: Кавка на гонинел е бесовиен, освен чрез о началники е бесовиен горо, Веелзвул. ²⁵А Иисус, като жанелас ленгере мислес пенгяс ленге: Всеко тагарипе, разделиме против песте, запустинел; тай нисаво гради или кер, разделиме против песте, нанай те устоинел.²⁶Ако Сатана гонинел Сатана, ов разделисало против песте; тогава сар ка устоинел лескоро царство?²⁷Тай далкеске, ако Ме чрез Веелзвул гонинав бесовиен, чрез касте гонинен лен тумаре възпитаника? Затова он ка овен туменге съдииес.²⁸Но ако Ме чрез Божия Дух гонинав бесовиен, то о Божие царство ало упраш туменде.²⁹Или, сар ащи те дел декой ко кер е силноне манушеске тай те ограбинел лескири покъщнина, ако първо на пандел е силнонес? Тай тогава ка ограбинел лескоро кер. ³⁰Който нанай Манца, ов си противи Манде; тай който на кидел Манца, разпилинел.³¹Далкеске пенав туменге: Всеко безех тай хула ка простилен пес е манушенге; но и хула против о Духос нанай те простилен пес.³²Тай ако декои пенел дума против о Човешко Чаво, ка простилен пес леске; но ако декои пенел дума против о Свято Духос, нанай те простилен пес леске, нито калке светосте, нито ко бъдещо. ³³Или керен о каш лачо тай лескоро плоди лачо; или керен о каш канило тай лескоро плоди да канило; соскето таро плоди пенджаргиол о каш.³⁴Рожбес ехидна! Сар ащи хоратинен лачо, като синиен каниле? Соскето далkestар, кате перел о сърцес, хоратинел о мую.³⁵О лачо мануш пе лаче съкровищестар икалел лаче букя; а о канило мануш пе каниле съкровищестар икалел каниле букя.³⁶Тай пенав туменге, кай секоне чуче хоратаке, която пенен о мануша, ка отговоринен ко съдно диес.³⁷Соске те хоратендар ка оправдинес тут тай те хоратендар ка осъдинес тут.³⁸Тогава десаве таро книжникя тай о фарисея отговоринде Леске: Учителю, мангас те дикас знамение Тутар.³⁹А Ов в отговор пенгяс ленге: Нечестиво тай прелюбодеине поколение мангел знамение, но авер знамение нанай те дел пес леске, освен о знамение на пророк Йона.⁴⁰Соскето, сарто о Йона уло андо воги е морсконе чудовищеске трин диес тай трин ракя, чука о Човешко Чаво ка овел андо сърцес е пувяке трин диес тай трин ракя.⁴¹О Ниневийска мруща ка явинен пес ко съдос далке поколениеса тай ка осъдинен лес, соскето он покаисале чрез и Йоново проповед; а аке, ате иси Иек, Ковато си повече таро Йона.⁴²И Южно царица ка явинел пес ко съдос далке поколениеса тай ка осъдинел лес, соскето ой или таро крайща е пувяке, за те шунел и Соломоново мъдрост; а аке, ате иси Иек, Ковато си повече таро Соломон.⁴³Като о нечисто духос иклол таро мануш, ов накел таро безводна тана те родел покой, но на аракел.⁴⁴Тогава пенел: Ка иринав ман ме кересте, катар иклилом. Тай като авел, аракел лес чучо, шулавдо, тай наредиме.⁴⁵Тогава жал тай лел паш песте ефта авер духовя, по-каниле лестар, тай като ден, живинен оте; тай о последно състояние колке манушеско ачол по-канило таро първо. Също чука ка овел далке да нечестивоне поколениеса.⁴⁶Като Ов още

хоратинелас е народоске, аке, Лескири даи тай Лескере прала бешенас аври тай мангена те хоратинен Леске.⁴⁷ Тай декои си пенгяс Леске: Аке, Ти даи тай Те прала бешен аври тай манген те хоратинен Туке.⁴⁸ А Ов в отговор калкеске, ковато пенгяс Леске давка пенгяс: Коя си Ми даи? Тай кола си Ме прала?⁴⁹ Тай като прострингяс вас карик Пере ученикиенде, пенгяс: Аке Ми даи тай Ме прала!⁵⁰ Соскето, който вършинел и воля на Отца Ми, Ковато си ко небеса, ов си Манге прал тай пен, тай даи.

Chapter 13

¹Ко също диес Иисус иклило керал тай бешло край о езерос. ²Тай кидисале турял Лесте баре множества, затова Ов диняс тай бешло иеке ладияте; а о цело народи бешелас ко брегос. ³Тай хоратинелас ленге бут притченца, пенелас: Аке, о сеячи иклило те сениел; ⁴тай като сениелас, десаве зърна пеле карак о дром; тай о птицес але, тай изкълвинде лен. ⁵А авер пеле ко канариста тана, кате на сине бут пръст; тай бут сиго поникнинде, сокето на сине дълбоко почва; ⁶а като изгреингяс о кам, табиле тай понеже на сине лен корени шукиле. ⁷Авер па пеле машкар о каре; тай о каре бариле тай заглушинде лен. ⁸А аве пеле лаче пувяте тай дине плоди, кова стократно, кова шестдесет, кова тридесет. ⁹Кас иси кана те шунел, нека шунел. ¹⁰Тогава приближисале о ученика тай пучле Лес: Соске хоратинес ленге притченца? ¹¹А Ов в отговор пенгес ленге: Туменге си дадено те жанен о тайнес на небесното царство, а ленге нанай дадено. ¹²Сокето, кас иси, леске ка дел пес тай ка овел лес в изобилие; а кас нанай, лестар ка лел пес давка со иси лес. ¹³Далкеске хоратинав ленге притченца, сокето, задикен, а на дикен; зашунен, а на шунен, нито ахалон. ¹⁴Упран ленде изпълнингиол о Исаево пророчество ковато пенел: " Каненца ка шунен, а нисар нанай те ахалон; тай якенца ка дикен, а нисар нанай те дикен. ¹⁵Сокето о сърцес калке люденгоро си задебелиме, тай пе каненца паресте шунен, тай пе яка склопинде; да не би те дикен пе якенца тай те шунен пе каненца, тай те ахалон пе сърцеса, тай те иринен пес, тай Ме те изцелинав лен. " ¹⁶А тумаре яка си блажена, сокето дикен, тай тумаре кана - сокето шунен. ¹⁷Сокето, истина пенав туменге, кай мнозина пророкя тай праведнича мангле те дикен давка, ковато туме дикен, но на дикле, тай те шунен давка, ковато туме шунен, но на шунде. ¹⁸Тай чука, шунен со значинел и притча е сеяческири: ¹⁹Паш саворенде, колато шунен о слово е царствоскоро тай нана ахалол лес, авел о лукавия тай грабинел о посяно андо сърцес леске; ов си о посяно ко дром. ²⁰А о посяно ко канариста тана си давка, ковато шунел о слово тай веднага с радост приеминел лес; ²¹корени обаче нанай лес анде песте, но си привременно; тай като ачол напаст или гонение поради о слово, ко сахати отперел. ²²А о посяно машкар о каре си давка, ковато шунел о слово; но о светска грижес тай и примамка е барвалипнаскири заглушинен о слово тай ов ачол безплодно. ²³А о посяно ки лачи пув си давка, ковато шунел о слово тай ахалол лес, ковато да дел плоди, тай принесинел - кова стократно, кова шестдесет, кова тридесет. ²⁴Авер притча предложингяс ленге, като пенгяс: О небесно царство опреличингиол манушесте, ковато посейнгяс лачо семес пе нивате; ²⁵но като совенас о мануша, о неприятели ленгоро ало тай посейнгяс плевела машкар о житос, тай гело песке. ²⁶Тай като поникнингяс злакът тай панляс плоди, тогава появисале о плевела да. ²⁷А о слуги е домакиниескере але тай пенде леске: Господарю, на посейнгян ли лачо семес те нивате? Тогава катар си о плевела? ²⁸Ов пенгяс ленге: Десаво неприятели кергяс давка. А о слуги пенде леске: Ако си чука, мангес ли те жас те оплевинас лен? ²⁹А ов пенгяс: На мангав; тена сар плевинен о плевела, те оскубинен заедно ленца о житос да. ³⁰Муken те барион о дуида заедно жи ки жетва; а по време ки жетва ка пенав е жетвариене: Киден първо о плевела тай панден лен на спопове тарибнаске, а о житос прибирирен ме житницате. ³¹Авер притча предложингяс ленге, като пенгяс: О небесно царство препел на синапово зърно, ковато мануш лилас тай посейнгяс пе нивате; ³²ковато наистина си по-цикно таро саворе семена, но, като бариол, си по-баро таро злаковия тай ачол каш, чука че о небесна птицес авен тай подслонинен пес ко клоня леске. ³³Авер притча пенгяс ленге: О небесно царство препел на квас, ковато иек ромни лилас тай замесингяс трине мериенде брашно, жи кай втасинел саворо. ³⁴Всичко давка Иисус пенгяс е народоске притченца, тай би притченгоро на хоратинелас ленге; ³⁵за те изпълнингиол о пендо чрез о пророки, ковато пенел: " Ка путрав Мо муи притченца; ка пенав о гаравдо още таро създание е светоскоро. " ³⁶Тогава Ов муклас е народос тай ало кере. Тай о ученика Лескере приближисале жи Лесте тай пенде: Обяснин аменге и притча е плевеленгири ки нива. ³⁷А в отговор Ов пенгяс: О сеячи е лаче семескоро си о Човешко Чаво; ³⁸и нива си о светос; о лачо семес, давка си о чада е царствоскере; а о плевела си о чада на лукавия; ³⁹о неприятели ковато посейнгяс лен, си о бенг; и жетва си о свършеки е векоскоро; а о жетваря си ангела. ⁴⁰Тай чука сар киден о плевела тай тарен лен анди яг, чука ка овел ко свършеки е векоске. ⁴¹О Човешко Чаво ка бичалел Пе ангелен, колато ка киден Лескере царствостар всичко ковато съблазнинел, тай колка, колато керен беззаконие, ⁴²тай ка чивен лен ки огнено пещ; оте ка овел роиба тай скърцане данденца. ⁴³Тогава о праведна ка блеснинен сар о кам андо царство на Отца си. Кас иси кана те шунел, нека шунел. ⁴⁴О небесно царство препел иманесте, гаравдо анди нива, ковато като аракел лес мануш, гаравел лес, тай пе лошаляте жал тай бикнел всичко, со иси лес, тай кинел даика нива. ⁴⁵О небесно царство препел още търговците, ковато роделас шукар бисера, ⁴⁶тай като аракел иек скъпоценено бисери, жал тай бикнел всичко, ковато сине лес, тай кинел лес. ⁴⁷О небесно царство препел

още мрежате, чивти андо езерос, тай кидингяс маче секоне видостар,⁴⁸тай като периол, цидинде ла ко брегос тай бешле, тай кидинде о лаче андо съдовя, а о каниле чивте.⁴⁹Чука ка овел ко свършеки е векоске да; о ангела ка иклон тай ка отльчинен е нечистивонен машкар о праведна,⁵⁰тай ка чивен лен анди огнено пещ; оте ка овел роиба тай скърдане данденца.⁵¹Исус пенгяс ленге ахалилен ли всичко давка? Он пенде Леске: Ахалилам.⁵²А Ов пенгяс ленге Затова всеко книжники, ковато учингяс за е небесноне тагарипнаске, препел домакиниесте, ковато икалел таро съкровище поро нево тай пуррано.⁵³Тогава Исус, като свършингяс даика притча, занакло отар.⁵⁴Тай като ало ки родина Пери, поучинелас лен ко синагогес ленгере, чука че он чудиненас пес тай пученас пес: Катар иси Калке манушес каика мъдрост тай далка чудотворна силес?⁵⁵Нанай ли Ов о чо е дърводелцоскоро? Лескири дай на пенел ли пес Мария тай Лескере прала - Яков тай Йосиф Симон тай Юда?⁵⁶Тай Лескере пения нанай ли саворе аменде? Катар си Лес всичко давка?⁵⁷Тай съблазниненас пес анде Лесте. А Исус пенгяс ленге: Нисаво пророки нанай без почит, освен Пере родинате тай Пере кересте.⁵⁸Тай на керел оте бут велика дела таро неверие ленге.

Chapter 14

¹Андо ковка време о четверовластники Ирод шунгяс о слухи, ковато пиравелас пес е Исусеске; ²тай пенгяс пе слугенге: Давка си о Йоан Кръстител - ов възкръснингяс таро муле тай далкеске калка силес действинен через лесте.³Соскето о Ирод долгяс Йоан тай вържингяс лес тай панлас лес анди тъмница ашал и Иродиада, и ромни лескере пралескири о Филип; ⁴понеже о Йоан пенелас леске: Нанай тухе позволиме те лес ла. ⁵Тай мангелас те мударел лес, ама даралас таро народос, соскето мислиненас лес за пророк.⁶А като ало о рожден ден на Ирод, и Иродиадиново чаи келгяс англал о кидиме тай угодингяс е Иродиеске. ⁷Затова ов совеласа обещингяс лаке те дел, ла со да те мангел леске.⁸А ой, сикавди пе даятар, пенгяс: Де ман ате на блюдо о шеро на Йоан Кръстител. ⁹О цари наскърбисало; но ашал е совеленге тай ашал е бешленге леса заповедингяс те дел пес лаке.¹⁰Тай бичалгяс те обезглавинен е Йоанес анди тъмница. ¹¹Тай анде лескоро шеро на блюдо тай дине лес е чаяке, а ой ингалгяс лес пе даяке. ¹²А лескере ученика, като але, ваздинде о телос тай паронде лес; тай геле тай пенде е Исусеске.¹³Тай Иисус, като шунгяс давка, цидисало отар е ладияса уединеноне танесте коркоро; а о народос, като ахалило, гело палал Лесте пеша таро градове. ¹⁴Тай Ов като иклило, дикляс баро множество, смилисало упрали ленде тай изцелингяс ленгере наслален.¹⁵А като ратило, о ученика але паш Лесте тай пенде: О тан си уединено тай о времес напреднингяс: мук е народос те жан ко гава те кинен песке хабе.¹⁶А Иисус пенгяс ленге: Нанай нужда те жан; ден лен туме те хан. ¹⁷А он пенде Леске: Иси амен ате само панч маре тай дуи маче. ¹⁸А Ов пенгяс: Аnen лен ате паш Манде.¹⁹Тогава, като заповедингяс е народоске те бешен ки чар, лилас о панч маре тай о дуи маче, дикляс карик о небес тай благословингяс; тай като пагляс о маре, диняс лен е ученикиене, а о ученика - е народоске²⁰Тай саворе хале тай чаларде пес; тай ваздинде около къшея - дванадесет перда коша.²¹А колка, кате хале, сине панч хилада рома освен ромня тай чаве.²²Тай ко сахати Иисус традингяс е ученикиене те ден анди ладия тай те жан англал Лесте ки отвъдно рик, жи кай мукел е народос.²³Тай като муклас е народос, качисало ки планина те молинел Пес коркоресте. Тай като ратило, Ов сине оте коркоро.²⁴А и ладия сине вече машкар о езерос, бутиме таро вълни, соскето и балвал сине насрещно.²⁵А ки четвърто стражата машкаират Ов ало карик ленде, като пирелас упрали о езерос.²⁶Тай о ученика, като дикле Лес кай пирел упрали о езерос, смутисале тай пенде, кай си призраки, тай даратар пищинде.²⁷А Иисус веднага захоратингяс ленге тай пенгяс: Дерзайнен! Ме синиом; ма даран!²⁸Тай О Петър пенгяс леске: Девла, ако синян Ту, пен манге те авав паш Туте упрали о пани.²⁹А Ов пенгяс: Ела! Тай Петър ухлило тари ладия тай гело упрали о пани, те жал ко Иисус.³⁰Ама, като дикляс и балвал силно, даранило тай като потънинелас, пищингяс, тай пенгяс: Девла, избавине ман!³¹Тай о Иисус веднага протегнингяс по вас, долгяс лес тай пенгяс леске: Маловерецо, соске усъмнисалян?³²Тай като дине анди ладия, и балвал утихнингяс.³³А колка, кате сине анди ладия, поклонисале Леске тай пенде: Наистина, Ту синян Девлескоро Чаво.³⁴Тай като накле о езерос, але анди Генисаретско пув.³⁵Тай като пенджарде Лес отар о мруша, бичалде ки цело окоя околност тай анде паш Лесте саворе наслален;³⁶тай молиненас Лес те допиринен пес жи пола Лескере шехиенде; тай кити допиринде пес, изцелинде пес.

Chapter 15

¹Тогава але паш о Иисус фарисея тай книжника таро Йерусалим тай пенде: ²Соске Тере ученика престъпинен о предиме е старейшиненге, понеже на товен пе васта, като хан маро? ³А Ов в отговор пенгяс ленге: Соске тумеда ашал тумаро предание, престъпинен и Божия заповед? ⁴Соскето о Дел пенгяс: "Почитине те дадес тай те дая"; тай: "Който хоратинел злo пе дадеске или пе даяке, непременно те мударел пес." ⁵Ама туме пенен: Който пенел пе дадеске или пе даяке: Кавка моро имане, колеса ащи те помагинес туке, си подариме е Девлеске, ⁶ов ащи тена почитинел пе дадес или пе дая. Чука ашал тумаре преданиеске осуетингиен е Девлескири дума. ⁷Лицемери! Лачес пророкувингяс Исаиа туменге, като пенгяс: ⁸" Калка люде приближинен пес жи Манде пе моса, тай почитинен Ман пе вущенца; но о сърцес ленгоро бешел дуре Мандар. ⁹Обаче напразно кланинен пес Манге, като преподавинен за поучения манушескере заповедя." ¹⁰Тай като викингяс е народос, пенгяс ленге: Шунен тай ахалон! ¹¹Ма давка со дел андо мui, осквернинел е манушес; а давка ковато иклол таро мui, ов осквернинел е манушес. ¹²Тогава приближисале о ученика тай пенде Леске: Жанес ли, кай о фарисея възмутисале, като шунде далка думес? ¹³А Ов в отговор пенгяс: Всеко растение, ковато Моро Небесно Отеци нана садингяс, ка изкоренингиол. ¹⁴Муken лен; он си коре водачя; а коро корес ако водинел, о дуида ка перен анди яма. ¹⁵О Петър пенгяс Леске: Обяснине аменге кайка притча. ¹⁶А Ов пенгяс: Тумеда ли още нана ахалон? ¹⁷Нана ахалон ли, кай всичко ковато дел андо мui, накел андо воги тай чивел пес наври? ¹⁸А ковка, кате иклол таро мui, иклол таро сърцес тай ов осквернинел манушес. ¹⁹Соскето таро сърцес иклон каниле помислес, мударибе, прелюбодеяства, блудства, чорибе, лъжесвидетелства, хулес. ²⁰Давка осквернинел манушес, а о хабе би истовде вастенца нана осквернинел лес. ²¹Тай Иисус, като иклило отар, оттеглисало анди Тирска тай Сидонска пределя. ²²Тай аке, иек ханаанка иклили колке танендар тай пицингяс: Смилине тут упраш манде Девла, Сине Давидов! ми Чai зле мъчинел пес, от бяс. ²³Но Ов на отговорингяс лаке нито дума. Тай о ученика але, тай молиненас пес Леске, като пененас: Бичал ла, соскето пищинел палал аменде. ²⁴А Ов в отговор пенгяс: Ме синиом бичалдо само ко нашалде овце таро Израилово кер. ²⁵А ой али, тай кланинелас пес Леске тай пенелас: Девла, помагине манге. ²⁶Ов в отговор пенгяс: Нанай прилично те лелпес о маро е чавенгоро тай те чивел пес е риконенге. ²⁷А ой пенгяс: Ва, Девла; ама о риконе да хан таро трохес, колато перен тари софра ленгере господариенге. ²⁸Тогава Иисус в отговор пенгяс лаке: О, жено, бари си тери вяра; нека овел туке според те желаниесте. Тай лакири чаи оздравингяс ко също сахати. ²⁹Тай Иисус, като занакло отар, ало ко Галилейско езерос; тай качисало ко хълми, тай бешелас оте. ³⁰Тай але паш Лесте баре множества, колато сине лен песа куца, коре, лалоре, недъгава тай бут авер, тай товде лен англал о пире Леске; тай Ов изцелингяс лен; ³¹чука че о народос чудинелас пес, като дикелас лалоре те хоратинен, недъгава оздравинде, куца те пирен тай коре те дикен. Тай прославинде е Израилевоне Девлес. ³²А Иисус викингяс Пе ученикиен тай пенгяс: Жално си мангe е народоске, соскето трин диес вече бешен паш Манде тай нанай лен со те хан; а на мангав те мукав лен бокале, тена прималинел ленге ко дром. ³³О ученика Лескере пенде: Катар те овел амен ко уедиме тан дики маре, кай те парварас савка баро множество? ³⁴Иисус пенгяс ленге: Кити маре иси тумен? А он пенде: Ефта тай хари маче. ³⁵Тогава заповедингяс е народоске те бешен ки пув. ³⁶Тай като лилас о ефта маре тай о маче, благодарингяс тай пагляс; тай диняс ко ученика, а о ученика - е народоса. ³⁷Тай хале саворе, тай чалярде пес, тай ваздинде около къщяя, ефта перда кошницес. ³⁸А колка, кола хале, сине четири хиляди мруша, освен ромня тай чаве. ³⁹Тай като мукляс е народос, диняс анди ладия тай ало андо Магаданска пределя.

Chapter 16

¹Тогава о фарисея тай о садукея але паш о Иисус тай за те изпитвинен Лес, мангле Леске те покажинел ленге знамение таро небес. ²А Ов в отговор пенгяс ленге: Като ракиол, пенен: О време ка овел шукар, соскето о небес лолиол;³а андявин: авдие о време ка овел канило, соскето о небес лолиол намръщено. Туме жанен те разтълкувинен о мui е небеско, а о знамения е времескере нанащи! ⁴Зло тай прелюбодейно роди мангел знамение, но авер знамение, нанай те дел пес леске, освен о знамение на (пророк) Йона. Тай мукляс лен;тай гело песке.⁵А о ученика, като накле и отвъдно рик, бистерде те лен маро. ⁶Тай Иисус пенгяс ленге: Внимавинен тай пазинен тумен таро кваси е фарисеенге тай е садуkenge. ⁷Тай он разисквиненас машкар песте, тай пененас: Давка си, соскето на лилам маро. ⁸А Иисус, като ахалило давка, пенгяс: Маловерци, соске разисквинен машкар туменде, понеже нанай тумен маро?⁹Още ли нахалон тай на помнинен о панч маре на петте хиляди жене, тай кити коша кидингиен: ¹⁰Нито о ефта маре на четирите хиляди жене тай кити кошицес кидингиен?¹¹Сар нахалон, кай ма ашал мареске пенгиом туменге те пазинен тумен таро квасос е фарисеенге тай е садуkenge? ¹²Тогава он ахалиле, кай нана пенгяс ленге те пазинен пес таре мареско кваси, а таро учение е фарисеенге тай е садуkenge.¹³А Иисус, като ало ко околноска на Кесария Филипова, пучляс Пе ученикиен, тай пенгяс: Според о мануша о Човешко Чаво кой си?¹⁴А он пенде: Иек пенен, кай си о Йоан Кръстител; авер па - Илия; а авер - Еремия или иек таро пророкя. ¹⁵Пенел ленге: А според туменде кой синиом Ме?¹⁶Симон Петър в отговор пенгяс: Ту синян о Помазаници,о Чаво е живде Девлеско.¹⁷Иисус в отговор пенгяс леске: Блажено синян, Симоне, чавея Йонов, соскето плът тай рат нана откригяс туке давка, а Отец Ми, Ковато си андо небеса. ¹⁸Апа Меда пенав туке, кай ту синян Петър, тай калке канарате ка съградинав Мери кантери; тай о портес е адоскере нанай те надделинен.¹⁹Ка дав тут о ключовя за ко небесно царство; тай со пандес ки пув, ка овел панло андо небеса, а со развържинес ки пув, ка овел развържиме ко небеса. ²⁰Тогава пенгяс е ученикиенге никакске тена пенен, кай Ов си Иисус о Помазаници.²¹Оттогава Иисус почнингяс те известинел Пе ученикиенге, кай требва те жал андо Йерусалим, тай бут те страдинел таро старейшинес, главна свещеника тай о книжникя, тай те овел мудардо, тай ко трето дие те овел възкръснime.²²Тогава Петър лилас Лес ригате тай почнингяс те мъмринел Лес, като пенелас: О Дел те смилиниел пес туке, Господи; давка нанай те ачол Туса.²³А Ов ирисало тай пенгяс на Петър: Махнин тут Мандар, Сатана; ту синян Манге съблазан; соскето на мислинес за Божиите неща, а е манушескере.²⁴Тогава Иисус пенгяс Пе ученикиенге: Ако мангел декой те авел палал Манде, нека отречинел пес пестар, нека взадел по кръстос, тай чука нека те следвинел Ман.²⁵Соскето, който мангел те спасинел по животос, ка нашалел лес; а а който нашалел по животос ашал Манге, ка аракел лес.²⁶Понеже сави полза е манушеске, ако спечелинел цело светос, а по животос нашалел? Или со ка дел мануш в замяна пе животоске?²⁷Соскето о Човешко Чаво ка авел анди слава на Отца Си Пере ангеленца; тай тогава ка въздел саворенге според лескере деловя.²⁸Истина пенав туменге: Ате бешен десаве, колато нанай те вкусинен мериба, жи кай на дикен о Човешко Чаво, кай авел андо Поро царство.

Chapter 17

¹Тай палал о шесто диес Иисус лилас Петър, Яков тай лескере пралес Йоан, тай ингалгяс лен иеке уче планината коркоресте. ²Тай преобразисало англал ленде; Лескоро муи светингяс сар о кам, а Лескере шехя ачили парне сар и светлина. ³Тай аке, явисале ленге Мойсей тай Илия, колато хоратиненас пес Леса. ⁴Тай Петър захоратингяс, тай пенгяс е Иисусеске: Девла, лачес си те овас ате; ако мангес, ка керав ате трин шатрес Туке иек, е Мойсейеске иек тай иек е Илияске.⁵ А жикай ов още хоратинелас, аке, светло облаки засенингяс лен; тай аке, таро облаки гласос, ковато пенгяс: Кавка си Моро възлюбено Чаво, анде Колесте си Моро благоволение, Лес шунен. ⁶Тай о ученика, като шунде давка, пеле упран мосте тай бут дараниле. ⁷А Иисус приближисало паш ленде, допирингяс пес жи ленде тай пенгяс: Ухкиен, ма даран! ⁸Тай он, като ваздинде яка, на дикле никас, освен Иисус коркоро. ⁹Тай като ухленас тари планина, Иисус пенгяс ленге: Никаске ма съобщинен далке видениеске, жикай о Човешко Чаво на възкреснинел таро муле. ¹⁰О ученика Лескере пучле Лес: Соске тогава пенен о книжника, кай Илия требе първо те авел?¹¹ А Ов в отговор пенгяс: Наистина Илия авел тай ка възстановинел всичко. ¹²Но пенав туменге, кай Илия вече ало, тай на пенджарде лес, но керде леса со мангле песке. Също чука о Човешко Чаво ка страдинел лендар. ¹³Тогава о ученика ахалиле, кай хоратинел ленге за Йоан Кръстител. ¹⁴Тай като але ко народос, приближисало жи Лесте иек мануш, ковато пело кочиенде англал Лесте тай пенгяс: ¹⁵Девла, смилине тут упран ме честе, сокето си епилептики тай зле страдинел; понеже перел анди яг тай често андо пани. ¹⁶Тай анде лес паш Тере ученикиенде; но он нацине изцеринен лес. ¹⁷Иисус в отговор пенгяс: О, роде невярващо тай извратено, жи кана ка овав туменца, Жи кана ка търпинав тумен? Анен лес ате паш Манде. ¹⁸Тай Иисус съмрингяс е бесос, тай ов иклило лестар; тай о чаво оздравингяс таро също сахати. ¹⁹Тогава о ученика але паш о Иисус коркоресте тай пенде: Соске аме нацине гонинас лес? ²⁰Ов пенгяс ленге: Ашал тумаре маловериеске. Сокето истина пенав туменге: Ако иси тумен вяра кити синапово сърнос, ка пенен калке планинаке: Местин тут атар оте, тай ой ка местинел пес; тай нищо нанай те овел туменге невъзможно. ²¹А кавка роди на иклол, освен молитваса тай постиеса. ²²Тай като бешенас анди Галилея, Иисус пенгяс ленге: О Човешко Чаво ка овел предиме андо васта е манушенге, ²³тай ка мударен Лес; тай ко трето диес ка овел възкресиме. Тай он бут наскърбисале. ²⁴А като але андо Капернаум, о събираща е дуие драхменгере за ко храми приближисале паш о Петър тай пенде: Тумаро Учители на платинел ли о дуи драхмес? ²⁵Ов пенгяс: Платинел. Тай като диняс кере, Иисус изпреварингяс лес, тай пенгяс леске: Со мислинес, Симоне, О земна царе ка стар киден данъки или налоги? Пе чавендар или таро чужда? ²⁶А като пенгяс: Таро чужда, Иисус пенгяс леске: Като си чука, ленгере чаве си свободна. ²⁷Но за тена съблазнинас лен, жа ко езерос, чив въдица тай икал е мачес, ковато първо закачинел пес, тай като путрес о муи лакоро, ка аракес иек статири; ле лес тай де лес ленге Манге тай туке.

Chapter 18

¹Ко също времес о ученика але паш о Иисус тай пенде: Кова си по - баро андо небесно царство? ²А Ов викингяс иеке чавес, тай тогяс лес машкар ленде тай пенгяс: ³Истина пенав туменге, ако на иринен тумен тай на ачон сар о чаворе, нанай те ден андо небесно царство. ⁴Тай чука, който смиришел пес сар калке чавесте, ов си по - баро андо небесно царство. ⁵Тай който приеминел иеке салке чавес Мере алавесте, Ман приеминел. ⁶А който съблазнинел иекес калке цикнендар, колато верувинен Манде, леске ка овел по лачес те закачинен ки мен леске баро воденично бар тай те потънишел андо морска дълбочини. ⁷Горко е светоске ашал о съблазес! Соскето си неизбежно те авен съблазес; но горко колке манушеске, ашал колеске и съблазан авел! ⁸Ако съблазнинел тут то вас или те пире, чин ла тай чив ла; по-лачес си туке те дес андо животос куцо или недъгаво, отколкото дуие вастенца или дуи пире те овес чивто анди вечно ят. ⁹Тай ако съблазнинел тут ти як, икал ла тай чив ла; по-лачес си туке те дес андо животос иеке якаса, отколкото те овен тут дуи яка тай те овес чивто андо огнено пъкали. ¹⁰Внимавинен тена презирилен ни иекес калке цикнендар; соскето пенав туменге, кай ленгере ангела андо небеса винаги дикен о муи на Отца Ми, Ковато си андо небеса. ¹¹Соскето о Човешко Чаво ало те спасинел о погинало. ¹²Сар дикел пес туменге? Ако десаво мануш иси лес шел овце тай иек лендар заблудингиол, на мукел ли деветдесет и девет тай на жал ли ко планини те родел е заблудимена? ¹³Тай като аракел ла, истина пенав туменге, ов лошанел лаке побут, отколкото за деветдесет и девет незаблудена. ¹⁴Също чука нанай и воля на Отца Ви, Ковато си андо небеса, те загинел ни иек калке цикнендар. ¹⁵Тай ако съгрешинел туке то прал, жа, покажине леске и вина лескири машкар туте тай лесте коркоро. Ако шунел тут, спечелингян те пралес. ¹⁶Но ако на шунел тут, ле туса още иекес или дуиен, тай таро муй дуие, или трине свидетелене те потвърдинел пес секо дума. ¹⁷Тай ако на шунел лен, пен давка е кангеряке; но ако на шунел е кангеря да, овел туке сар езичници тай бирники. ¹⁸Истина пенав туменге: Со вържинен ки пув, ка овел вържиме ко небеса; тай со развържинен ки пув, ка овел развържиме ко небеса. ¹⁹Пак пенав туменге, кай ако дуи тумендар съгласинен пес ки пув за соске да те овел варесо, ковато те манген, ка овел ленге дендо таро Отца Ми, Ковато си андо небеса. ²⁰Соскето, кате дуи или трин си кидиме Мере алавесте, оте синиом Меда машкар ленде. ²¹Тогава Петър приближисало тай пенгяс Леске: Девла, кити дром, като съгрешинел мангे мо прал, те простирав леске? Ефта дром ли? ²²Иисус пенгяс леске: На пенав туке ефта дром, а дешефта дром по ефта. ²³Далкеске о небесно царство препел иеке цариесте, ковато манглас те предикел сметка пе служенца. ²⁴Тай като почнингяс те преглединел, анде паш лесте иекес, ковато дължинелас леске десет хиляди талантя. ²⁵Тай понеже нанай соса платинел, лескоро господари заповедингяс те бикнен лес, лескере ромня тай лескере чавен, тай всичко, со сине лес, тай те платинел о дълги. ²⁶Далкеске о слугас пело, кланинелас пес леске тай пенелас: Господарю, ов търпеливо карик манде тай ка платинав туке всичко. ²⁷Тай о господари далке слугаскоро, понеже жалинелас лес, муклас лес тай простиングяс леске о заеми. ²⁸Но давка слугас, като иклило, араклас иек пере съслужителендар, ковато дължинелас леске шел пеняза; тай долгяс лес, тай задушинелас лес, тай пенгяс: Платине давка, со дължинес манг. ²⁹Далкеске лескоро съслужители пело, молинелас пес леске тай пенгяс: Ов търпеливо карик манде тай ка платинав туке. ³⁰Но ов на мангелас, а гело тай чикяс лес анди тъмница - те пашлол, жи кай изплатинел о дълги. ³¹А о служителя лескере, като дикле со ачило, бут наскърбисале; тай але, тай пенде пе господариеске всичко, со ачило. ³²Тогава о господари лескоро викингяс лес тай пенгяс леске: Нечестиви слуго! ме простириом туке о цело ковка дългос, понеже молингян тут манг. ³³На требаваше ли туда те смилинес тут уптал те служителесте, сар меда смилисалом уптал туте? ³⁴Тай о господари разгневисало леске, тай прединяс лес ко мъчителя те изтезавинен лес, жи кай изплатинел цело дълги. ³⁵Чука Моро Небесно Отеци ка постъпинел туменца, ако на простирен таро сърцес всекои пе пралеске.

Chapter 19

¹Тай Иисус, като свършингяс далка думес, тръгнингяс тари Галилея тай ало ко пределя на Юдея отвъд о Йордан. ²Тай баре множества пиренас палал Лесте; тай Ов изцелингяс лен оте. ³Тогава але паш Лесте фарисея, колато, изпитвиненас Лес, тай пенде: Позволиме ли си е манушеске те мукел пе ромня по всекакво причина? ⁴А Ов в отговор пенгяс: На четингиен ли, кай Ковата Ковато сътворингяс лен, сътворингяс лен отначало ром тай ромни, тай пенгяс:⁵" Далкеске ка мукел о мануш пе дадес тай пе дая тай ка привържинел пес карик пе ромняте; тай о дуи ка овен иек пътъ"? ⁶Чука че нанай вече дуи, а иек пътъ. Тай чука, давка, ковато о Дел съчетингяс, о мануш тена разльчвинел лес.⁷Пенен Леске: Тогава Мойсей соске заповедингяс лакоро ром те дел ла разводно писмо тай те мукел ла? ⁸Пенел ленге: но Поради тумаре коравосьрдечиесте Мойсей муклас тумен те мукен тумаре ромниен; отначало на сине чука. ⁹Тай пенав туменге: Който мукел пе ромня, освен за прелюбодейство, тай пранденел авераке, ов прелюбодействинел, тай който пранденел е муклаке, ов прелюбодействинел.¹⁰Пенен Леске о ученики: Ако си савка о задължение е ромескоро карик и ромни, по - шукар тена пранденел. ¹¹А Ов пенгяс ленге: Нанаци саворе те приеминен давка слово, а далка каске си дадено. ¹²Соскето иси скопция, колато чука си бианде тари утроба пе даякири; иси па скопция, колато сине скопена таро мануша; а иси скопция, колато коркоре пес скопинде ашал о небесно царство. Който аци приеминел давка слово нека те приеминел. ¹³Тогава анде паш Лесте чаворен, за те товел васта упрали ленде тай те молинел пес; а о ученикя смъмринде лен. ¹⁴Но Иисус пенгяс: Муken е чаворен тай ма спиринен лен те авен паш Манде, соскето салкенгоро си о небесно царство. ¹⁵Тай тогяс васта упрали ленде, тай занакло отар. ¹⁶Тай аке, иек момъки ало паш Лесте тай пенгяс: Учителю, саво лачипе те керав, за те овел манечно животос? ¹⁷А Ов пенгяс леске: Соске пучес Ман е лачипнаске? Иек Дел иси, Ковато си лачо. Но ако мангес те дес андо животос, спазвине о заповедя. ¹⁸Пенгяс леске: Кола? Иисус пенгяс: Калка: Ма мудар; ма прелюбодействине; ма чор; ма лъжесвидетелствине; ¹⁹почитине те дадес тай те дая; тай дехе те близкенес сарто тут. ²⁰О момъки пенгяс Леске: Всичко давка спазвингиом от тернипнасте; со още на доресел мангес? ²¹Иисус пенгяс леске: Ако мангес те овес съвършено, жа, бикин то имоти тай де е чорен; тай ка овел тут съкровищес ко небеса; тай ела, тай следвине Ман. ²²Но о момъки, като шунгяс далка думес, гело песке наскърбиме; соскето сине мануш буте имотиенца. ²³А Иисус пенгяс Пе ученикенге: Истина пенав туменге, мъчно ка дел барвало андо небесно царство. ²⁴При това пенав туменге: По - лесно си камила те накел таро иглена канка, отколкото барвало те дел андо Божие царство. ²⁵А о ученикя, като шунде давка, чудисале бут тай пенде: Като си чука, кой аци те спасинел пес? ²⁶А Иисус дикляс лен тай пенгяс ленге: Е манушенге давка си невъзможно, но е Девлеске всичко си възможно. ²⁷Тогава Петър в отговор пенгяс Леске : Аке, аме муклам всичко тай последвингям Тут; амен со ка овел?²⁸А Иисус пенгяс ленге: Истина пенав туменге, кай ко обновление всичконаске, като о Човешко Чаво ка бешел Пе славноне престолесте, туме, колато последвингиен Ман, също ка бешен на дешудуие престоленде те съдинен е дешудуие Израилева племена.²⁹Тай секои, ковато мукляс кера, или прален или пениен, или дадес, или дая, или ромня, или чавен, или нивес ашал Мере алавеске, ка получинел шелкратно тай ка наслединелечно животос. ³⁰Обаче мнозина първа ка овен последна, а последна - първа.

Chapter 20

¹Соскето о небесно царство препел стопаниесте, ковато иклол ко зазоряване те наеминел работнициен пе лозеске. ²Тай като условингяс пес е работнициенца по иек пенязи ко дис, бичалгяс лен пе лозесте. ³Тай като иклило около трето сахати, дикляс аверен, кай бешенас ко пазари чуче; ⁴тай ленге пенгяс: Жан тумеда ко лозес; тай со си право, ка дав тумен. Тай он геле. ⁵Пак, като иклило около о шов тай около о еня сахати, кергяс о също. ⁶А като иклило около дешуиек сахати, аракляс аверен, кай бешен, тай пенгяс ленге: Соске бешен ате цело дис чуче? ⁷Он пенде леске: Соскето никой нана наемингяс амен. Пенгяс ленге: Жан тумеда ко лозес тай со си право, ка получинен. ⁸Като ратило, о стопани е лозескоро пенгяс пе настойникиеске: Викине е работнициен тай платине ленге и надница, като почнинес таро последна тай следвинес жи ко първа. ⁹Тай чука, але о наемиме около о дешуиек сахати тай получинде по иек пенязи. ¹⁰А като але о първа, мислиненас песке, кай ка получинен повече; но онда получинде по иек пенязи. ¹¹Тай като получинде лес, зароптаинде против о стопани, като пенде: ¹²Калка о последна керде бути само иек сахати; тай пак приравнингян лен аменца, колато понесинят и тегота е диесескири тай о татипе. ¹³А ов в отговор пенгяс иекеске лендар: Амала, нана онеправдинав тут. Нана условингян ли тут манца иеке пенязиеске? ¹⁴Ле тuke торо тай жатуке; мери воля си те дав калке последнонес, карто тукеда. ¹⁵Нанай ли манг позволиме те керав мереса, со мангав? Или тери як си зависливо, соскето ме синиом лачо? ¹⁶Чука о последна ка овен първа, а о първа - последна. ¹⁷Тай Иисус, като делас андо Йерусалим, лилас дванадесете ученика коркоресте, тай ко дром пенгяс ленге: ¹⁸Аке, дас андо Йерусалим тай о Човешко Чаво ка овел предиме ко главна свещеника тай книжника; тай он ка остьдинен Лес мерибнасте, ¹⁹тай ка преден Лес ко езичника, за те подигравинен, те марен Лес и те разпъниен Лес; тай ко трето дис ка овел възкресиме. ²⁰Тогава и дай е Зеведевиенгере чавенгири приближисали жи Лесте заедно пе чавенца, като кланинелас пес Леске тай мангелас варесо Лестар. ²¹А ов пенгяс лаке: Со мангес? Пенгяс Леске: Заповедине калка мере дуи чаве те бешен, анде Тере царствосте - иек отдясно, а иек отляво. ²²А Иисус в отговор пенгяс: Нажанен со манген. Ащи ли пиен и чаша, която иси Ме те пияв? или те кръстинен тумен е кръщениеса, колеса Ме кръстинаман? Пенде Леске: Ащи. ²³Ов пенгяс ленге: Мери чаша наистина ка пиен тай е кръщениеса, колеса Ме кръстинаман, ка кръстинен тумен; но те бешен отдясно Манде тай отляво Манде на зависинел Мандар те дав, а ка дел пес околжене, за колене сине пригответиме таро Отца Ми. ²⁴Тай о дешуиек, като шунде давка, възнегодувинде против о дуи прала. ²⁵Но Иисус викингяс лен тай пенгяс: Туме жанен, кай о управителя е народоскере господарувинен упран ленде тай о баре ленгере властвинен упран ленде. ²⁶Но машкар туменде нанай те овел чука; но който мангел те ачол баро машкар туменде, ка овел туменге служители; ²⁷тай който мангел те овел първо машкар туменде, ка овел туменге слугас; ²⁸също сар о Човешко Чаво нана ало те служинен Леске, а те служинел, тай те дел По животос откупи за мнозина. ²⁹Тай като и克лас таро Ерихон, баро множество пирелас палал Лест. ³⁰Тай аке, дуи коре, бешле край о дром, като шунде, кай о Иисус накелас, пищинде: Смилине тут упран аменде, Девла, Сине Давидов! ³¹А о народос смъмрингяс лен, за те траниен; но он още по-силно пищиненас: Смилине тут упран аменде, Девла, Сине Давидов! ³²Тай чука, Иисус спирингяс, викингяс лен тай пенгяс: Со манген те керав туменге? ³³Пенен Леске: Девла, те путергион амаре яка. ³⁴А Иисус смилисало тай допрингяс пес жи ко яка ленге; тай веднага задикле, тай цидинде палал Лесте.

Chapter 21

¹Тай като приблиjisале жи ко Йерусалим тай але андо Витфагия ко Елеонско хълми, тогава о Исус бичалгяс дуие ученикиен тай пенгяс ленге: ²Жан андо гав , ковато си мамуял туменде; тай веднага ка аракен панли ослица тай ослес ласа; отпутрен лен тай анен лен Манге. ³Тай ако декои пенел туменге варесо, пенен: Е Девлеске требен; тай веднага ка бичалел лен.⁴А давка ачило,за те сбъднингиол о пендо таро пророки, ковато пенгяс: ⁵" Пенен е Сионовоне чаяке: Аке, торо Цари авел паш туте, кротко, тай бешло оселесте, тай оселесте, рожба е ослицакири."⁶Тай чука, о ученикя геле тай керде, сарто пенгяс ленге о Исус: ⁷анде е ослица тай е ослес тай зачивте упран ленде пе шехя; тай Ов бешло упран ленде. ⁸А и побари част таро множество бухларелас пе шехя ко дром; авер па чиненас клоня таро каща тай бухларенас лен ко дром.⁹А о множества, колато пиренас англал Лесте, тай колато следвиненас Лес, пищиненас: Осанна е Давидовоне Чавеске! Благословиме, ковато авел е Девлеске ко алав! Осанна андо висини! ¹⁰Тай като диняс андо Йерусалим, о цело градос раздвижидало ; тай пученас: Кова си кавка? ¹¹А о народос отговоринелас: Ов си о пророки, Исус, Ковато си таро Назарет Галилейски.¹²Тай Исус диняс андо Божио храми, гонингяс саворен, колато бикненас тай киненас андо храми, тай пречивкя о масес е среброменителенгере тай о столовия колкенгере, колато бикненас е кушиен, тай пенгяс ленге: ¹³Пишими си: " О кер Моро ка пенел пес молитвено кер", а туме керен лес разбойническо вертепи. ¹⁴Тай десаве коре тай куца але паш Лесте андо храми; тай Ов изцелингяс лен. ¹⁵А о главна свещеникя тай книжникя, като дикле о чудесна дела, колато кергяс, тай о чаве, колато пищиненас андо храми: Осанна е Давидовоне Чавеске!, възнегодувинде тай пенде Леске: ¹⁶"Шунес ли со пенен калка? А Исус пенгяс ленге: Шунав. На четингиен ли нисар: " Таро муй е младенциенге тай е сучещоненге приготвингян хвала"? ¹⁷Тай като мукляс лен, иклило аври таро градос жи ки Витания, кате да пренощувингяс. ¹⁸А ки андиавин, като иринелас пес андо градос, бокалило. ¹⁹Тай като дикляс иек смокиня ко дром, ало паш лате, но нана араклас нищо лате, само иек листа; тай пенгяс лаке: От акана на оте тена овел плоди тутар жи ко векос. Тай и смокиня шукили ко сахати. ²⁰Тай о ученикя, като дикле давка, почудисале тай пенде: Сар ко сахати шукили и смокиня? ²¹А Исус в отговор пенгяс ленге: Истина пенав туменг: Ако иси тумен вяра тай нана усьмнинен тумен, ма само ка керен о кердо е смокиняса, но даже ако пенен калке хълмиеске: Вазде тут тай чив тут андо морес, ка ачол. ²²Тай всичко, со да те манген в молитва, като верувинен, ка получинен. ²³Тай като ало андо храми, о главна свещеникя тай о народна старейшинес але паш Лесте, жи кай поучинелас, тай пенде: Саве властяся керес калка бука? Тай кой диняс Тут дайка власт? ²⁴А Исус в отговор пенгяс ленге: Ка пучав тумен Меда иек въпроси, колесте ако отговоринен Манге, то Меда ка пенав туменг саве властяся керав далка бука. ²⁵О Йоаново кръщение катар сине? Таро небес ли, или таро мануша? Тай он разисквиненас машкар песте, тай пененас: Ако пенас: Таро небес, Ов ка пенел аменг: Тогава соске на повервингиен лес? ²⁶Но ако пенас: Таро мануша, дарас таро народос; соскето саворе иси лен Йоан за пророк. ²⁷Тай чука, в отговор е Исусеске, пенде: На жанас. Пенгяс ленге Ов: Нито Ме пенав туменг саве властяся керав далка бука. ²⁸Но сар дикелпес туменг? Иеке манушес сине дуи мруша; тай ало ко първо тай пенгяс леске: Мочо, жа кер бути авдиес ко лозес. ²⁹А ов в отговор пенгяс: На мангав; ама после разкаисало тай гело. ³⁰Ало колкесте да, колеске пенгяс о също. Тай ов в отговор пенгяс: Ме ка жав, господарю! Ама на гело. ³¹Кой таро дуи изпълнингяс пе дадескири воля? Пенде: О първо. Исус пенгяс ленге: Истина пенав туменг, кай о бирникия тай о блудницес изпреваринен тумен андо Божие царство. ³²Соскето Йоан ало паш туменде те сикавел туменг о дром е правдакоро, а на повервингиен леске; о бирникия обаче тай о блудницес повервингиен леске; а туме, като диклен давка, даже на разкаисален по-късно палал далkestе, за те повервинен леске. ³³Шунен авер притча. Исине иек стопани, ковато садингяс лозес, оградингяс лес с плет, хранлас лесте лини тай съградингяс кула; тай като диняс лес под наем земеделциенг, гело песке. ³⁴Тай като наближингяс о време е плодовиенг, бичалгяс пе слугиен жи ко земеделция те прибиринен лескере плодове. ³⁵А о земеделция долде лескере слуген, иекес марде, аверес мударде, а е третонес баренца замервиненас. ³⁶Пак бичалгяс авере слугиен, побут таро първа; ленгеда керде също. ³⁷Най-после бичалгяс паш ленде пе чес, като пенелас: Ка почетинен ме чес. ³⁸Но о земеделция, като дикле е чес, пенде машкар песте: Кавка си о наследники; елан те мударас лес тай те присвоинас о наследство лескоро. ³⁹Тай като долде лес , чивте лес аври таро лозес тай мударде лес. ⁴⁰Тай чука, като ка авел песке о стопани е лозескоро, со ка керел калке земеделциенг? ⁴¹Пенде Леске: Е злосторниен люто ка погубинел, а о лозес ка дел под наем авере земеделциенг, колато ка ден лес на време о плодове. ⁴²Исус пенгяс ленге: На четингиен ли нисар ко Писания: " О бар, ковато чивте о зидария, Ов ачило шеро ко ъгъли; таро Дел си давка, тай чудно си амаре якенде"? ⁴³Далкеске пенав туменг, кай о Божие царство ка

лел пес тумендар тай ка дел пес ко народос, ковато принесинел о плодове Лескере.⁴⁴ Тай който перел упраш далке баресте - ка смажинел пес; а упраш касте перел, ка пръснинел лес.⁴⁵ Тай о главна свещеника тай о фарисея, като шунде о притчес Лескере, ахалиле кай хоратинел ленг;⁴⁶ ама, като мангле те долен Лес, дараниле таро народос, понеже считиненас Лес пророкиеске.

Chapter 22

¹Тай Иисус почнингяс пак те хоратинел ленге притченца, като пенелас; ²О Небесно царство препел цариесте, ковато кергяс бияв пе ческе. ³Ов бичалгяс пе слуген те викинен е канименен ко бияв; ама он нана мангле те авен.⁴Пак бичалгяс авере слуген, тай пенелас: Пенен е поканимененге: Аке, приготвингиом мо обеди; ме юнци тай ме угоена си заклана, тай всичко си готово; елан биявсте.⁵Ама он пренебрегниинде и покана тай загелепеске, иек пере нивате, а авер пе търговияте;⁶а окола долде лескере слуген, тай билажаса оскърбинде лен тай мударде лен. ⁷Тай о цари разгневисало, бичалгяс пе войски, тай мударгяс колке убиициен тай таргяс ленгоро градос.⁸Тогава пенгяс пе слугенге: О бияв си готово, а о каниме насине достойна. ⁹Далкеске жан ко кръстопътища тай кити аракен, канинен лен биявсте. ¹⁰Тай чука, колка слуги иклиле ко дрома, тай кидинде саворен, кити аракле - каниле, тай лаче; тай о бияв пердило гостиенца.¹¹А о цари, като диняс те предикел е гостиен, дикляс оте иеке манушес, ковато на сине урявдо биявескере шехиенца. ¹²Тай пенгяс леске: Амала, ту сар динян ате, без те овен тут биявескере шехя? А ов траниелас.¹³Тогава о цари пенгяс е служителенге: Панден лескере пире тай лескере васта тай чивен лес анди външно тъмнина; оте ка овел роиба тай скърцане данденца. ¹⁴Сокето мнозина си призвана, а малцина избрана.¹⁵Тогава о фарисея геле тай съветвиненас пес сар те долен Лес ко хоратиба Леске. ¹⁶Тай бичален паш Лесте пе ученикиен заедно е Иродианенца, те пенен: Учителю, жanas, кай синян искрено тай истински учинес андо Божио дром, тай нанай Тут грижа никастар, сокето на дикес о мui е манушенгоро. ¹⁷Пен аменге, Ту сар мислинес? Право ли си те дас данъки е кесариес, или нака?¹⁸А Иисус ахалило о лукавство ленгоро тай пенгяс: Соске изпитвинен Ман, лицемерция?¹⁹Покажинен Манге и данъчно монета. Тай он анде Леске иек пенязи.²⁰Ов пенгяс ленге: Каскоро си кавка образи тай надписи?²¹Пенен Леске: Кесарево. Тогава пенел ленге: Като си чука, ден о кесарово е кесариес, а о Божие е Девлес.²²Тай като шунде давка, он зачудисале тай като мукле Лес, геле песке.²³Ко също дис але паш Лесте садукея, колато пенен, кай нанай възкресение; тай пучле Лес: ²⁴Учителю, о Мойсей пенгяс: Ако декои мерел би чавенгоро, лескоро прал нека пранденел лескере ромняке тай те ваздел потомъки пе пралеске.²⁵А машкар аменде сине ефта прала; тай о пъво прандесало, тай муло; тай като насине лес потомъки, муклас пе ромня пе пралеске;²⁶също о второ, тай о трето - жи ко ефта. ²⁷А палал саворенде мули и ромни да.²⁸Тай чука, ко възкресение каске таро ефта ка овел ромни, сокето он саворе уле ласа?²⁹А Иисус в отговор пенгяс ленге: Заблудинен тумен, като на жанен о Писания, нито е Девлескири сила.³⁰Сокето ко възкресение нито женинен пес, нито омъжвинен пес, но си сар Божии ангела ко небес.³¹А за възкресение е муленге на четингиен ли ковка, ковато о Дел хоратинел туменге, като пенгяс: ³²Ме синиом Дел Авраамово , Дел Исааково тай Дел Яковово"? Ов нанай Дел е муленге, а е живденге. ³³Тай о множество, като шунгяс давка, чудинелас пес ко учение Лескоро.³⁴А о фарисея, като шунде, смълчингяс е садукеиен, кидисале заедно.³⁵Тай иек лендар, законники, за те изпитвинел Лес, задиняс лес въпроси:³⁶Учителю, коя си и бари заповед андо закони?³⁷А Ов пенгяс леске: " Тe възлюбинес Господа, тере Девлес, те целоне сърцестар, те целоне душатар, тай те целоне умиестар." ³⁸Дайка си и бари тай и първо заповед.³⁹А второ, подобно сар лате, си кайка: " Тe възлюбинес тe близонес сарто тут". ⁴⁰Калке дуие заповедиенде крепинен пес о цело закони тай о пророкя.⁴¹Тай като сине кидиме о фарисея, Иисус пучляс лен: ⁴²Со мислинен е Помазаникиске? Каскоро чаво си? Пенен Леске: Давидово.⁴³Пенел ленге: Тогава сар о Давид чрез о Духос пенел Леске Дел, тай пенел:⁴⁴ Пенгяс о Дел мере Девлеске Беш отдясно Манде, докатоположинав Тe враговиен Тере подножиесте"?⁴⁵Ако о Давид пенел Леске Дел, сар си лескоро Чаво?⁴⁶Тай никой нацине отговоринел Леске ни дума; нито па дръзнингяс декой далке дисестар те задел Леске въпрося.

Chapter 23

¹Тогава Иисус захоратингяс е народоске тай Пе ученикиенге, тай пенгяс: ²Ко Мойсеево седалище бешен о книжникя тай о фарисея; ³затова всичко, со заръчингяс туменге, керен тай пазинен, но според ленгере дела ма постъпинен; понеже хоратинен, а на керен.⁴Соскето свържинен паре тай непоносима бремена, тай налагинен лен упран и пике е народоске; а коркоре он наманген нито пе наиска те мърдинен лен.

⁵Но вършинен пе саворе дела, за те дикен лен о мануша; соскето разширинен пе филактериес тай керен баре пе полес пе шехиенгере.⁶тай дехен о първо тан ко угощения, тай о първа столовя ко синагогес,⁷тай о поздравя ко пазаря, тай те пенен пес таро мануша учителя.⁸Но туме ма пенен тумен учителя; соскето иек си тумаро Учители, Христос, а туме саворе синиен прала.⁹Тай никас ки пув па наречинен тумаро отец; соскето иек си тумаро Отеци - небесно.¹⁰Ма пенен тумен наставника да; соскето иек си тумаро Наставники, Христос.¹¹А о по - баро машкар туменде нека овел туменге слугас.¹²Но който възвишнел пес, ка смиринел пес; тай който смиринел пес, ка възвисинел пес.¹³Но горко туменге, книжникя тай фарисея, лицемерция! Соскето панден о небесно царство англал о мануша; понеже коркоре туме на ден, нито нито калка кате ден мукен лен те ден.¹⁴Горко туменге, книжникя тай фарисея, лицемерция, Соскето изхан о кера е вдовициенгере, даже като за показ керен дълга молитвес; далкеске ка приеминен по - баро осъждане.¹⁵Горко туменге, книжникя тай фарисея, лицемерция! Соскето морес тай суша обикалянен, за те добийнен иеке последователес; тай като ачол савка, керен лес рожба е пъкаleske дуи дром повече тумендар.¹⁶Горко туменге, коре водителя, колато пенен: Ако декой хал совела упран о храми, нанай нищо; но ако декой хал совела упран о златос е храмиеске, задължинел пес!¹⁷Безумна тай коре! Кай кова си по - баро, о златос ли, или о храми, ковато осветлингяс о златос?¹⁸Пенен още: Ако декой хал совела упран о олтари, нанай нищо; но ако декой хал совела упран о дари, ковато си упран лесте, задължинел пес.¹⁹Безумна тай коре! Кай кова си по - баро, о дари ли, или о олтари, ковато освещинел о дари?²⁰Тай чука, който хал совела упран о олтари, хал совела упран лесте тай всичко, ковато си ипран лесте.²¹Тай който хал совела упран о храми, хал совела упран лесте тай Колкесте, Ковато обитинел анде лесте.²²Тай който хал совела упран о небес, хал совела упран о Божие престоли тай Колкесте, Ковато бешел лесте.

²³Горко туменге, книжникя тай фарисея, лицемерция! Соскето ден десятъки таро джоджени, копъри тай кимиони, а пренебрегнингиен о най - важна букя андо закони - о правосъдие, и милост тай и верност; но далка требваше те прилагинен, а окола тена пренебрегнинен.²⁴Коре водителя, колато прецединен комари, а и камила гълтинен!²⁵Горко туменге, книжникя тай фарисея, лицемерция! Соскето чистинен о външно е чашакоро тай е блюдоско; а андрал си перда грабежия тай насилиство.²⁶Коре фарисеино! Чистине първо о вътрешно е чашакоро тай о блюдос, тай те овел ленгири външност да чисто.²⁷Горко туменге, книжникя тай фарисея, лицемерция! Соскето препен варосане гробниценде, колато аврят дикион шукар, а андрал си перда муликане кокаленца тай всякаквоне нечистотаса.²⁸Също чука тумеда аврят дикион е манушенге праведна, ама андрал перда лицемериеса тай беззакониеса.²⁹Горко туменге, книжникя тай фарисея, лицемерция! Соскето зидинен о гробницес е пророкиенгере тай поправинен е миморя е праведненгере, тай пенен.³⁰Аме, ако живинасас ко диеса амаре даденге, нанайас те съучаствинасас ленца ко проливане о рат е пророкиенгоро.³¹Чука свидетелствинен против туменде, кай синиен чаве колкенгере, колато избинде е пророкиен.³²Допълнинен тумеда и мярка тумаре даденгири.

³³Сапа! Рожбес ехидна! Сар ка избегнинен осъждането андо пъкали?³⁴Далкеске, аке, Ме бичалав жи туменде пророкия, мъдреци тай книжникя; иекен лендар ка мударен тай ка разпънинен, а averен лендар ка марен андо синагогес туменге тай ка гонинен лен таро градос жи ко градос;³⁵за те авел упран туменде саворе праведно рат, проливиме ки пув, таро рат е праведноеске Авел жи ко рат на Захария, е Варахиевеско чаво, колес мударгиен машкар о светилище тай о олтари.³⁶Истина пенав туменге: Всичко давка ка авел упран калке поколениесте.³⁷Йерусалиме! Йерусалиме! Ту, ковато избинес е пророкиен тай баренца мударес е бичалден жи туте, кити дром манглом те кидав тере чада, сарто кокошка прибириинел пе пилциен телал пе криленде, ама на мангена!³⁸Аке, тумаро кер мукел пес пусто.

³⁹Соскето, пенав туменге, от акана нанай вече те дикен Ман, жи кай на пенен: Благословиме, Ковато авел е Девлескере алавесте.

Chapter 24

¹Тай като иклило Исус таро храми, тай жалас песке, о ученикия Лескере приближисале те покажинен Леске о здания е храмиескер. ²А Ов в отговор пенгяс ленге: На дикен ли всичко давка? Истина пенав туменге: Нанай те ачол ате бар упраle баресте, ковато тена сринингиол. ³Тай като бешелас ко Елеонско хълми, о ученикия але паш Лесте коркоресте тай пенде: Пен аменге кана ка овел давка тай саво ка овел о белеги за Тере пришествиеске тай за о свършеки е векоскоро? ⁴Исус в отговор пенгяс ленге: Пазинен тумен тена заблудинел тумен декой; ⁵соксето мнозина ка авен Мере алавесте, тай ка пенен: Ме синиом о Помазаници, тай ка заблудинен мнозина⁶Тай ка шунен за войни тай слуховя за войни; но внимавинен тена смутиинен тумен; понеже далка бука требва те ачон; но давка още нанай о свършеки. ⁷Соксето ка ваздел пес народос против народосте тай царство против царство; тай разноне таненде ка овел бок тай трусовя. ⁸Но всичко давка ка овел само начало на страдания. ⁹Тогава ка преден тумен на осърбление тай ка мударен тумен; тай ка овен мразиме саворе народостар ашал Мере алавеске. ¹⁰Тай тогава мнозина ка отстъпинен тари вяра, тай иек авресте ка преден пес, тай иек аврес ка мразинен пес. ¹¹Тай бут лъжепророкя ка появинен пес тай ка заблудинен мнозина. ¹²Тай понеже ка умножингиол о беззаконие, и любов е мнозинствоскири ка охладниел. ¹³Но който устоинел жи ко крайос, ов ка овел спасиме. ¹⁴Тай давка благовестие е царствоскоро ка овел проповедиме ки цело вселена за свидетелство саворе народоске; тай тогава ка авел о свършеки. ¹⁵Далкеске, като дикен и мерзост, която анел запустение, за колаке хоратинел пророк Даниил, бешли ко свято тан (който четинел, нека ахалол), ¹⁶тогава колка, кате си анди Юдея, нека напден андо планини; ¹⁷ковато араклол е кереске ко покриви, тена ухлел те лел о бука пе керестар; ¹⁸тай който араклол анди нива, тена иринел пес напапале те лел пе шехя. ¹⁹А горко е непердоненг тай кърмечите колке диесенде! ²⁰Далкеске, молинен тумен тена случинел пес о бягство тумаро евендеске или ко съботно диес; ²¹соксето тогава ка овел бари скръб, кате нана ули таро началос е светоске жи акана, тай со да нанай те овел. ²²Тай ако на съкремтингиол тумен, нанай те избавинел пес нито иек плът; но ашал е избраноненг, колка диеса ка съкратинен пес. ²³Тогава ако декой пенел туменге: Аке, ате си о Помазаници, или оте си, ма верувинен; ²⁴соксето ка появинен пес лъжепомазаникя тай лъжепророкия, колато ка покажинен баре знамения тай чудеса, чука че те заблудинен, ако си възможно е избранонен да. ²⁵Аке, предскажингиом туменге. ²⁶Тай чука, ако пенен туменге: Аке, Ов си ки пустиния - ма иклион; или: Аке, Ов си андо вътрешна стаис - ма верувинен. ²⁷Соксето, сарто и светкавица иклол от изток тай дикиол чак до запад, чука ка овел о пришествие е Човешконе Чавескоро. ²⁸Кате овел и трупос, оте ка киден пес о орли да. ²⁹А веднага палал и скръб околке диесенде о кам ка потъмнингиол, и луна нанай те дел пи светлина, о звезди ка перен таро небес тай о небесна силес ка разклатингион. ³⁰Тогава ка явинел пес ко небес о знамение е Човешконе Чавескоро; тай тогава ка заровен саворе земна племена, като ка дикен е Човешконе Чавескоро избранонен таро штар вертища, тари иек крайос е небескоро жи колкесте. ³¹А сиклон и притча тари смокиня: Като о клоня лакере ковлон тай развинен листовя, жанен, кай си паше о нилай. ³²Също чука тумеда, като дикен всичко давка, те жанен, кай Ов си паше жи ко вудар. ³³Истина пенав туменге: Давка поколение нанай те пренакел, жи кай нана сбъднингиол всичко давка. ³⁴О небес тай и пув ка пренакен, но Мере думес нанай те пренакен. ³⁵А колке диесеске тай сахакиеске никой на жанел, нито о небесна ангела, нито о Чаво, а само о Отец. ³⁶Тай сарто сине о Ноева диеса, чука ка овел о пришествие е Човешконе Чавескоро. ³⁷Соксето, сарто колке диесенде англал о потопи ханас тай пиенас, жениненас пес тай омъжвиненас пес жи ко диес, като Ной диняс андо ковчеги, ³⁸тай нана усетинде, жи кай ало о потопи тай завлечингяс саворен, чука ка овел о пришествие е Човешконе Чавескоро. ³⁹Тогава дуи ка овен ко полес; иек лелпес, а окова мукелпес. ⁴⁰Дуи жувля ка мелинен анди мелница; иек лелпес а окоя мукелпес. ⁴¹Затова бдинен, соксето на жанен кова диес ка авел тумаро Дел. ⁴²Но давка те жанен, кай ако о домакини жанел кова сахати ка авел о чор, ов ка бдинел тай нанай те мукел те подкопинен лескоро кер. ⁴³Затова, овен тумеда готова; соксето ко сахати ковато на мислинен, о Човешко Чаво ка авел. ⁴⁴Тай чука, кова си о верно тай разумно слугас, ковато о господари лескоро поставингяс упраle пе служиенде; за те дел лен хабе навреме? ⁴⁵Блажено си ковка слугас, колескоро господари, като ка авел песке, аракел лес, кай керел чука. ⁴⁶Истина пенав туменге, кай ка поставинел лес упраle пе целоне имотиесте. ⁴⁷Но ако ковка слугас си канило, тай пенел ан пе сърцесте: Мо господари бависало, ⁴⁸тай ов почнинел те марел пе служителен, тай те хал тай пиел е пияниценца, ⁴⁹о господари колке слугаскоро ка авел ко диес, като ов нана жарел лес, тай ко сахати,

ковато нажанел,⁵¹тай като марел лес паресте, ка определинел лескири участ е лицемериенца; оте ка овел роиба тай скърцане данденца.

Chapter 25

¹Тогава о небесно царство ка опреличингиол деше девиценде, колато лиле пе светилници тай иклиле те посрещнинен е жамутрес. ²А лендар панч сине неразумна тай панч разумна. ³Соскето о неразумна, като лиле пе светилници, на лиле масло песа. ⁴Но о разумна, заедно пе светилнициенца, лиле масло ан пе съдовиенде. ⁵Тай жи кай бавинелас пес о жамутро, додремисало саворенге тай засуте. ⁶А машкар и рат шунде пища: Аке о жамутро авел! Иклон те посрещнинен лес! ⁷Тогава саворе колка девицес ухтиниле тай приготвиде пе светилници. ⁸А о неразумна пенде е разумнене: Ден амен тумаре маслостар; соскето амаре светилници мерен. ⁹А о разумна в отговор пенде: Ако на ресел аменге да, туменге да; по - лачес жан ко продавачия тай кинен туменге. ¹⁰Тай жи кай он жан те кинен, о жамутро ало; тай о готова дине леса ко бияв, тай о вудар панлило. ¹¹После але колкада девицес тай пенде: Девла, Девла, путер аменге! ¹²А Ов в отговор пенгяс: Истина пенав туменге, нана пенджарав тумен. ¹³Тай чука, бдинен; соскето на жанен ни о дис, ни о сахати, колесте о Човешко Чаво ка авел. ¹⁴Соскето си карто като мануш, ко жаiba анди чужбина, викинел пере слуги тай предел ленге по имане. ¹⁵Иекес диняс панч талантя, аверес дуи, аверес иек, секас според и способност лескири; тай цидингяс. ¹⁶Веднага кавка, кате получингяс о панч талантя, гело тай търгувингяс ленца, тай спечелингяс още панч талантя. ¹⁷Също кавка да, ковато получингяс о дуи, спечелингяс още дуи. ¹⁸А кавка, кате получингяс о иек, гело хранляс анди пув тай гарагяс о парес пе господариескере. ¹⁹Като накло дълго време авел о господари калке слугенгоро тай мангел ленге сметка. ²⁰Тай като приближисало кавка, ковато получингяс о панч талантя, ангяс още панч талантя тай пенгяс: Господарю, ту динян ман панч талантя; аке, спечелингиом още панч. ²¹О господари пенгяс лескес: Шукар, лачо тай верно слугас! Ко хари улан верно, ко бут ка поставинав тут; де анди радост те господариеске. ²²Приближисало кавка да, ковато получингяс о дуи талантя, тай пенгяс: Господарю, ту динян ман дуи талантя; аке, спечелингиом още дуи талантя. ²³О господари пенгяс лескес: Шукар, лачо тай верно слугас! Ко хари улан верно, ко бут ка поставинав тут; де анди радост те господариеске. ²⁴Тогава приближисало ковка, ковато получингяс иек таланти, тай пенгяс: Господарю ме жанавас тут, кай синян строго мануш; жънинес, кате на сеингян, гай кидес, кате на пръскингян; ²⁵тай като даранилом, гелом тай гарагиом о таланти анди пув; аке, иси тут торо. ²⁶А о господари лескоро в отговор пенгяс лескес: Канило тай лениво слугас! Жанесас, кай жънинав, кате на сеингиом, тай кидав, кате на пръскингиом; ²⁷ту требеше те внесинес ме парес ко банкения тай като аломас мангес, ка лавас моро лихваса. ²⁸Далкескес, лен лестар о таланти тай ден лес колкескес, кате иси лес деш талантя. ²⁹Соскето всекас, кас иси, ка дел пес, тай лес ка овел в изобилие; а калкестар, кате нанай лес, лестар ка лел пес давка да, со иси лес. ³⁰А калке безполезноне слугас чивен анди външно тъмнина; оте ка овел роиба тай скърдане данденца. ³¹А като ка авел о Човешко Чаво Пе славаса, тай саворе свята ангела Леса, тогава ка бешел Пе славноне престолесте. ³²Тай ка киден пес англал Лесте саворе народовя; тай ка отльчинел лен иек аврестар, карто о овчари отльчинел е овчен таро бузня; ³³тай ка поставинел е овчен Пе десноне ригатар, а е бузниен тари лево риг. ³⁴Тогава о Цари ка пенел колкене, колато си Лескере десноне ригатар: Елан, туме благословиме таро Отца Ми, наслединен о тагарипе, пригответиме туменге таро създаване е светоскоро. ³⁵Соскето бокалилом, тай парваргиен Ман, ожаднингиом, тай напоингиен Ман; странники улом, тай прибирингиен Ман; ³⁶нанго улом, тай уряген Ман; насвало улом, тай посетингиен Ман; анди тъмница улом, тай споходингиен Ман. ³⁷Тогава о праведна в отговор ка пенен Лескес: Девла, канда диклям Тут бокало, тай парваргям Тут; или жадно, тай напоингям Тут? ³⁸Тай канда диклям Тут странники, тай принирингям Тут; или нанго, тай урягям Тут? ³⁹Тай канда диклям Тут насвало или анди тъмница, тай споходингям Тут? ⁴⁰А о Цари в отговор ка пенел ленге: Истина пенав туменге: Понеже кергиен давка иекескесе калкендар таро наи - скромна Мере прала, Мангес кергиен лес. ⁴¹Тогава ка пенел калкенгеда, колато си Лескере лявоне ригатар: Жан Мандар, туме проклета, андиечно ят, пригответиме е бенгескес тай лескере ангелене. ⁴²Соскето бокалилом, тай на парваргиен Ман; ожаднингиом, тай нана напоингиен Ман; ⁴³странники улом, тай на прибирингиен Ман; нанго улом, тай на урягингиен Ман; насвало тай анди тъмница улом, тай на посетингиен Ман. ⁴⁴Тогава онда в отговор ка пенен: Девла, канда диклям Тут бокало, или жадно, или странники, или нанго, или насвало, или анди тъмница, тай на послужингям Туке? ⁴⁵Тогава в отговор ка пенел ленге: Истина пенав туменге: Понеже на кергиен давка ни иекескесе калкендар таро наи - скромна, Мангес да на кергиен лес. ⁴⁶Тай калка ка жан андоечно наказание, а о праведна - андоечно животос.

Chapter 26

¹Тай Иисус като свършингяс саворе далка думес, пенгяс Пе ученикиенг: ²Жанен, кай след два дена ка овел и Пасха тай о Човешко Чаво ка овел предиме на разпятие.³Тогава о главна свещеникя тай о народна старейшинес кидисале андо дворос е първосвещеникеске, ковато пенелас пес Каиафа, ⁴тай наговорисале те долен е Иисусес пирнипнаса, тай те мударен Лес; ⁵но пенде: Тена овел ко празники, за тена ачол вълнение машкар о народос.⁶А като Иисус уло анди Витания, андо кер е прокаженонеске Симон, ⁷приближисали жи Лесте иек ромни, която сине ла алабастreno съдос буте скъпоне мirosa, ковато чорелас ко шеро Леске, като бешелас ки софра.⁸А о ученикия, като дикле давка, възнегодувинде, тай пенде: Соске прахосвинел пес давка?⁹Соскето давка мiros ащине те бикинел пес баре сумаке, която те раздел пес е сиромасиенг.¹⁰Но Иисус като пенджаргяс давка, пенгяс ленге: Соске досадинен е ромняк? Ои кергяс лачо делос Манг.¹¹Соскето о сиромася винаги араклон машкар туменде, но Ме не винаги араклиовав.¹²Соскето ои, като чоргяс давка мiros уптал Ме телосте, кергяс лес, за те приготвинел ман паромнаске.¹³Истина пенав туменг: Кате да те проповединел пес кавка благовестие ко цело светос, ка разкажинел пес лакере спомениеске тай давка, ковато ои кергяс.¹⁴Тогава иек таро дешудуи, наречиме Юда Искариотски, гело ко главна свещеникя тай пенгяс:¹⁵Со ка ден ман, тай ме ка предав Лес туменг: Тай он меринде леске тряянда сребарникя.¹⁶Тай от тогава ов роделас удобно случай те предел Лес ленге.¹⁷А ко първо диес е празникеске е безквасноне маренг о ученикия але паш о Иисус тай пенде: Кате мангес те приготвиас Туке, за те хас и Пасха?¹⁸Ов пенгяс: Жан ко градос паш еди-кой си тай пенен леске: О Учители пенгяс: Мо време си паше, туте ка празнуинав и Пасха Ме ученикиенца.¹⁹Тай о ученикия керде карто пенгяс ленге о Иисус, тай приготвинде и Пасха.²⁰Тай като ратило, Ов бешло ки софра е дешудо ученикиенца.²¹Тай като ханас, пенгяс: Истина пенав туменг, кай иек тумендар ка предел Ман.²²А он, пренаскърбена, почнинде саворе, иек по иек, те пенен Леске: Тена овав ме Девла?²³Ов в отговор пенгяс: Кова топинел по вас заедно Манца андо блюдос, ов ка прердел Ман.²⁴О Човешко Чаво жал, карто си пишиме Леске; но горко колке манушеске чрез колесте о Човешко Чаво ка овел предиме! Лачес ка овелас далке манушеске, ако на биянгиолас.²⁵Тай Юда, ковато прединяс Лес, в отговор пенгяс: Тена овав ме Учителю? Иисус пенгяс леске: Ту пенгян.²⁶Тай като ханас, Иисус лилас маро, благословингяс тай пагляс лес, тай като делас лес е ученикиенг, пенгяс: Лен, хан-давка си Моро телос.²⁷Лилас и чаша да, тай като благодарингяс, диняс лен тай пенгяс: Пиен латар саворе;²⁸Соскето давка си Моро рат е (неве) заветиеске, ковато чориол за мнозина за прощаване е безехенг.²⁹Но пенав туменг, кай от акана нанай вече те пияв далке плодиестар е лозяке жи колке диесесте, като ка пияв лес туменца нево андо тагарипе Мере Отециеске.³⁰Тай като гилябинде химни, иклиле ко Елеонско хълми.³¹Тогава Иисус пенгяс ленге: Туме саворе ка съблазнинен тумен поради Манде кайка рат; соскето си пишиме: " Ка поразинав е пастириес; тай о овци е стадоскере ка разпръснингион."³²А след като ка овав възкръсниме, ка изпреваринав тумен анди Галилея.³³А Петър в отговор пенгяс Леске: Дори саворе те съблазнинен пес поради Туте, ме нисар нанай те съблазнинаман.³⁴Иисус пенгяс леске: Истина пенав туке, кай кайка рат, преди те затилябел о башно, трин дром ка отричинес тут Мандар.³⁵Петър пенгяс Леске: Ако ачол нужда те мерав да Туса, пак нанай те отринаман Тутар. О също пенде саворе ученики.³⁶Тогава Иисус гело ленца иеке танесте, наречиме Гетсимания; тай пенгяс Пе ученикиенг: Бешен ате, жи кай жав оте те молинаман.³⁷Тай като лилас песа Петър тай е дуиен Зеведеева чаве, лилас те скърбинел тай те тъгувинел.³⁸Тогава пенгяс ленге: Ми душа си прескръбно жи мерибнасте; побешен ате тай бдинен заедно Манца.³⁹Тай като пристъпингяс хари нангле, пело уптал мосте тай молинелас пес, тай пенелас: Отче Моро, ако си възможно, нека отнакел Ман дайка чаша; ма обаче, карто Ме мангав, но карто Ту мангес.⁴⁰Тай ирисало ко ученикия, тай аракляс лен засуте, тай пенгяс е Петреске: Сар, нанащине ли иек сахати да те бдинен Манца?⁴¹Бдинен тай молинен тумен, за тена перен в изкушение. О духос си подро, а о телос немощно.⁴²Пак гело второ дром тай молисало, тай пенгяс: Отче Моро, ако нанай възможно те отнакел Ман кайа чаша, без те пияв ла, нека овел Тери воля.⁴³Тай като ало пак, араклас лен засуте; соскето ленгере яка сине натегнала.⁴⁴Тай пак муклас лен тай гело те молинел пес трето дром, като пенгяс пак о съща думес.⁴⁵Тогава ирисало ко ученики тай пенгяс ленге: Още ли совен тай почивинен? Аке, о сахати наблизингяс, като о Човешко Чаво предел пес ко васта е грешниенг.⁴⁶Ухкиен те жас Аке, приближинел пес кавка, ковато предел Ман.⁴⁷Тай докато Ов още хоратинелас, аке, о Юда, иек таро дешудуи, ало, тай леса- баро множество чуриенца тай сопиенца, бичалде таро главна свещеникя тай таро народна старейшинес.⁴⁸А ковка, ковато пределас Лес, динясас лен знаци, тай пенгяс: Колес чумидав, Ов си; долен Лес.⁴⁹Тай веднага приближисало жи ко Иисус тай пенгяс: Зздравей, Учителю! Тай чумидингяс Лес.⁵⁰А Иисус пенгяс леске:

Амала, за соске алан, кер лес. Тогава пристъпинде, товде васта ко Исус тай долде Лес.⁵¹ Тай аке, иек калкендар, кате уле е Иисусеса, прострингяс вас, икаляс по мечи тай като чалагяс е слугас е първосвещеникиескерес, чингяс лескоро кан.⁵² Тогава Иисус пенгяс леске: Ирине то мечи лескере танесте; сокето саворе, колато долен пес мечиеса, таро мечи ка загининен.⁵³ Или мислинес, кай нащи молинаман на Отца Си, тай Ов ка бичалел Мангэ още акана по бут таро дешудуи легиона ангела?⁵⁴ Но сарка събъднинен пес о Писания, кай давка требе те овел чука?⁵⁵ Ко също сахати пенгяс Иисус е народоске: Сар мамуял разбойникиесте ли иклилен чуриенца тай сопиенца те долен Ман? Секо диес бешавас тай поучинавас андо храми, тай на долгиен Ман.⁵⁶ Но всичко давка ачило, за те събъднингион о пророческа писания. Тогава саворе ученикия мукле Лес тай разнашле.⁵⁷ А калка, кате долдесас Иисус, ингалде Лес ко първосвещеники Каиафа, кате уле кидиме о книжника тай старейшинес.⁵⁸ А Петър пирелас палал Лесте удурал жи ко дворос е първосвещеникиеске; тай като диняс андре, бешло е слугенца те дикел о крайос.⁵⁹ А о главна свещеника тай цело синедрион роденас хохавно свидетелство против Иисус, за те мударен Лес;⁶⁰ обаче нана аракле, макар кай але бут хохавне свидетеля. Но после але дуи тай пенде:⁶¹ Кавка пенгяс: Ащи разрушинав е Девлескоро храми, тай трине диесенге пак те съградинав лес.⁶² Тогава о първосвещеници ухтинило тай пенгяс Леске: Нищо ли на отговоринес? Со свидетелствинен калка против Туте?⁶³ Но Иисус траниелас. О първосвещеници пенгяс Леске: Дав Тут совеля упран о живдо Дел те пенес аменге, Ту ли синян о Помазаници, Божие Чаво?⁶⁴ Иисус пенгяс леске: Ту пенгян. Но пенав туменге: От акана на оте ка дикен е Човешконе Чавес, бешло отдясно ки Сила тай авел ко небесна облакя.⁶⁵ Тогава о първосвещеници чингяс пе шехя тай пенгяс: Ов богохулствинел! Сави нужда си амен вече таро свидетеля? Аке, акана шунгям богохулство. Туме со мислиней?⁶⁶ А он в отговор, пенде: Изложисало мерибнаскоро наказание.⁶⁷ Тогава чунгаденас Лес андо муи тай бутиненас Лес; а авер чалавенас Лес шамаря тай пененас:⁶⁸ Пенджар, Помазаниче, кой чалагяс Тут.⁶⁹ А Петър бешелас аври андо дворос; тай иек слугиния или паш лесте гтай пенгяс леске: Туда улан е Иисусеса Галилееца.⁷⁰ А ов отречисало англал саворенде, тай пенгяс: Нанахаловав со хоратинес.⁷¹ Тай като иклило ко предверие, дикляс лес авер слугиня тай пенгяс калкенге, кате уле оте: Кавка да уло с Иисус Назарянина.⁷² Тай Петър пак отречисало совеласа: Нана пенджараав е Манушес.⁷³ Още хари тай приближисале колка да, колато бешенас наблизо, тай пенде на Петър: Наистина туда синян лендар, сокето горо говори издел тут.⁷⁴ Тогава ов почниняс те проклининел пес тай те дел пес арманя: Нана пенджараав е Манушес. Тай ко сахати о башно забашляс.⁷⁵ Тай диняс пес годи Петър о думес на Иисус, Ковато пенгясас: Англал още о башно те забашляс, трин дром ка отречинес тут Мандар. Тай ов иклило аври, тай руно горко.

Chapter 27

¹А ки андиавин саворе главна свещеника тай народна старейшинес съвешчиненас пес против Исус, за те мударен Лес. ²Тай като панле Лес, ингалде Лес тай предине Лес ко управители Пилат.³ Тогава Юда, ковато прединясас Лес, като дикляс кай Исус уло осъдиме, разкаисало тай ирингяс о триянда сребърника ко главна свещеника тай старейшинес, тай пенгяс: ⁴ Съгрешинтъом, кай прединиом невинно рат. А он пенде: Амен со си грижа? Ту мислине лес. ⁵ Тай като чикяс о сребърника андо храми, иклило тай гело, тай обесисало.⁶ А о главна свещеника лиле о сребърника тай пенде: Нанай позволиме те товас лен ки храмово каса, понеже си цена ратескири. ⁷ Тай като съветвиненас пес, кинде ленца и грънчарово нива за паромнаске на чужденци. ⁸ Далкеске койка нива пенгяс пес Кръвно нива, сарто пенел пес жи авдиец.

⁹ Тогава изпълнисало о пендо чрез о пророк Еремия, ковато пенгяс: " Тай лиле о триянда сребърника, и цена на Оценения Колес оценинде десаве таро израиляния, ¹⁰ тай дине лен за грънчаровата нива, според сарто заповедингяс мангес о Дел". ¹¹ А Исус зачило англал о управители; тай о управители пучляс Лес, като пенгяс: Ту о Юдейско Тагар ли синян? А Исус пенгяс леске: Ту пенес. ¹² Тай като обвининенас Лес о главна свещеника тай о старейшинес, нищо на отговоринелас. ¹³ Тогава о Пилат пенгяс Леске: На шунес ли ките букиенге свидетелствинен против Туте? ¹⁴ Но Ов на отговорингяс леске ни иеке варесосте; чука че о управители чудинелас пес бут. ¹⁵ А секоне празниесте е управителес сине обычай те мукел е народоске иекес таро затворника, колес манген. ¹⁶ А тогава сине лен иек прочуто затворники, ко алав Варава. ¹⁷ Тай чука като уле кидиме, Пилат пенгяс ленге: Кас манген те мукав туменге- Варава ли или Исус пендо о Помазаници?¹⁸ Понеже жанелас, кай от завист прединесас Лес. ¹⁹ Тай като бешелас ко съдийско престоли, лескири ромни бичалгяс жи лесте те пенен леске: Ма кер нищо Калке Праведниеске; сокето авдиец бут страдингии андо соиба ашал Леске. ²⁰ А о главна свещеника тай о старейшинес убединде е народос те изпросинен Варава, а Исус те погубинен. ²¹ О управители в отговор пенгяс ленге: Колес таро дуи манген те мукав туменге? А он пенде: Варава. ²² Пилат пучляс лен: Тогава со те керав с Исус, пендо о Помазаници? Он саворе пенде: Те овел разпниме. ²³ А ов пенгяс: Че со канило кергяс? А он още по бут запищинде: Те овел разпниме! ²⁴ Тай чука Пилат, като дикляс, кай нисар нана помагине, а напротив, кай ваздел пес размирие, лилас пани, товгяс пе васта англал о народос тай пенгяс: Ме синиом невино за е ратеске Калке Праведниеске; туме мислиnen лес. ²⁵ Тай саворо народос в отговор пенгяс: О рат Лескоро нека те овел упран аменде тай упран амаре чадовиенде. ²⁶ Тогава муклас ленге Варава; а Исус маргяс тай прединяс Лес на разптие. ²⁷ Тогава о войникия е управителескере ингалде Исус ки претория тай кидинде турял Лесте и цело дружина. ²⁸ Тай като нангядре Лес, урявде Лес лоли мантия. ²⁹ Тай кувде венеци таро каре, тай товде лес ко шеро Леске, тай товде тръстика ки десница Леске; тай като пеле кочиенде англал Лесте, асанас Леске, тай пененас: Зздравей, Тагара Юдейски!³⁰ Тай чунгаденас Лес, тай лиле и тръстика, тай чалавенас Лес ко шеро. ³¹ Тай след като опетнинде Лес, нангядре Лескири мантия, тай урявде Лес, Лескере шехя, тай ингалде Лес те разпинен Лес. ³² А ко иклиба аракле иеке киринеецос, ко алав Симон; лес товде те пиравел о кръстос Лескоро. ³³ Тай като ресле иеке танесте, пендо Голгота, ковато значинел Лобно тан, ³⁴ дине Лес те пиел мол, ехмиме жълчкаса; но Ов като вкусингяс, на манглес те пиел. ³⁵ Тай като разпинде Лес, разделинде песке Лескере шехя, като чивте жребий!*. ³⁶ Тай бешенас, тай пазиненас Лес оте. ³⁷ Тай товде упран о шеро Леске о обвинение Лескоро, пишиме ачука: Кавка си Исус, о Юдейско Тагар. ³⁸ Тогава сине разпниме Леса дуи разбойника, иек отдясно тай иек отляво. ³⁹ А о колка кате накенас отар подигравиненас пес Леске, като клатиненас шере тай пененас: ⁴⁰ Ту, Ковато разрушинес о храми, тай трине диесенге пак съградинес лес, спасине Тут; ако синян Божие Чаво, ухли таро кръстос!⁴¹ Също о главна свещеника е книжникиенца тай о старейшинес асанас Леске, тай пененас: ⁴² Аверен избавингяс, апа Пес наши избавинел! Ов си о Израилово Тагар! Нека ухлел акана таро кръстос, тай ка поверишинас Лесте. ⁴³ Уповинелас пес ко Дел; нека избавинел Лес акана, ако си Леске угодно; понеже пенгяс: Божие Чаво синъом. ⁴⁴ Е същоне укуриеса асанас Леске о разпната да Леса разбойника. ⁴⁵ А таро шесто сахати тъмнина покринелас цело пув жи ко девето сахати. ⁴⁶ А около о девето сахати Исус пищингяс силноне гласоса тай пенгяс: Или, Или, лама савахтани?, тоест: Девла Моро, Девла Моро, соске муклан Ман?

⁴⁷ Десаве таро бешле оте, като шунде, пененас: Ов викинел Илия. ⁴⁸ Тай веднага иек лендар прастанило, лилас гъба, топингяс ла андо шут тай като тогяс ла ки тръстика, диняс Лес те пиел. ⁴⁹ А окола пенде: Мук! Те дикас дали ка авел Илия те избавинел Лес. ⁵⁰ А Исус, като пищингяс пак силноне гласоса, издъхнингяс. ⁵¹ Тай аке, и завеса е храмиескири чиндили на две от упран жи теле, и пув закелгяс, о скали парише, ⁵² о миморя путердиле тай бут телова муле светииенгере уле възкресиме, ⁵³ колато, като иклиле таро миморя палал Лескере възкръснениесте, дине андо свето градос тай явисале на мнозина. ⁵⁴ А о стотники тай

колка, кате заедно леса пазиненас Иисус, като дикле о земетресение тай всичко, ковато ачило, дараниле бут, тай пенде: Наистина Кавка сине Чаво е Девлескоро.⁵⁵ Оте сине още тай дикенас удурал бут ромня, колато следвиненас Иисус тари Галилея, тай служиненас Леске;⁵⁶ машкар коленде сине Мария Магдалина тай Мария, и даи на Яков тай на Йосий, тай и даи Зеведеевиенгере чавенге.⁵⁷ Тай като ратило, ало иек барвало таро Ариматея, ко алаб Йосиф, ковато също чука учинелас пес ко Иисус.⁵⁸ Ов ало ко Пилат тай манглас е Иисусескоро телос. Тогава о Пилат заповедингяс те дел пес леске.⁵⁹ Йосиф като лилас о телос, пакяргяс Лес шуже плащаницаса,⁶⁰ тай положингяс Лес пере неве миморасте, ковато изсечингяс анди скала; тай като пераяс баро бар е мимораске ко вудар, гело песке.⁶¹ А оте сине Мария Магдалина тай окоя Мария, колато бешенас мамуял о мимори.⁶² Тай ко следващо диес, ковато сине о диес палал о приготвление за ко празници, о главна свещеникия тай о фарисея кидисале ко Пилат тай пенде:⁶³ Господарю, динямамен годи, кай ковка измамники живдесте пенгяс: Слес трин диеса ка възкресинав.⁶⁴ Заповедине о мимори те пазинелес здраво жи ко трето диес, тена о ученикия Лескере авен тай те чорен Лес, тай те пенен е народоске: Възкръснингяс таро муле. Чука и последно измама ка овел поканили тари първо.⁶⁵ Пилат пенгяс ленге: Лен стража; жан завардинен лес сар жанен.⁶⁶ Он геле тай завардинде о мимори, като запечатинде о бар с помош тари стража.

Chapter 28

¹А като накли и събота, ко разсъмване е първоне диеесеске таро курко але Мария Магдалина тай окоя Мария те дикен о мимори. ²Тай, аке, ачило баро труси; сокето ангели таро Дел ухлило таро небес, тай пристъпингяс тай ухлягяс о бар, тай бешло лесте.³Лескоро изгледи сине сар светкавица тай лескере шехя парне сар ив. ⁴Тай пе даратар лестар о страажааря издранас тай ачиле сар муле.⁵А о ангели захоратингяс, като пенгяс е ромниенге: Туме ма даран, сокето жанав, кай роден е разпънатоне Иисусес. ⁶Нанайстало ате; сокето възкръснингяс, карто да пенгяс; елан, дикен о тан, кате пашлолас о Дел. ⁷Жан бързо те пенен е ученикиенге Лескеренге, кай възкръснингяс таро муле; тай аке, Ов жал англал туменде анди Галилея; оте ка дикен Лес; аке пенгиом туменге.⁸Тай он иклиле бързо таро мимори дараса тай баре лошаласа, тай запрастаниле те пенен е ученикиенге Лескеренге. ⁹Тай аке, Иисус ресло лен тай пенгяс: Здравейте! А он приближисале, долде пес ко пире Леске, тай поклонисале Леске. ¹⁰Тогава Иисус пенгяс ленге: Ма даран; жан, пенен Ме праленге те жан анди Галилея, тай оте ка дикен Ман.¹¹Жи кай он жан, аке, десаве таро стражес але андо градос тай пенде е главноне свещеникиенге всичко, ковато ачило. ¹²Тай он, като кидисале е старейшиненца тай съвешчиненас пес, дине е войникиен пердо парес тай пенде: ¹³Пенен, кай о ученикия Лескере але машкар и рат тай чорде Лес, жи кай аме совасас.¹⁴Тай ако слухи далкесе ресел жи ко управители, аме ка убединас лес, а тумен ка избавинас тари грижа. ¹⁵Тай чука, он лиле о парес тай керде, сар уле сикавде. Тай тогава, ковато он пенде, разнесисало машкар о юдея, тай продължинес даже жи авдииес.¹⁶А о дешуиек ученикия геле анди Галилея, ки планина кате Иисус определингяс ленге. ¹⁷Тай като дикле Лес, поклонисале Леске; а десаве съмнявисале.¹⁸Тогава Иисус приближисало паш ленде тай хоратингяс ленге, тай пенгяс: Диняс пес Манге всеко власт ко небес тай ки пув. ¹⁹Тай чука, жан, сикавен саворе народос, тай кръстинен лен ко алав на Отца тай Сина, тай Святия Дух,²⁰като сикавен лен те пазинен всичко, ковато заповедингиом туменге; тай аке, Ме синиом туменца презало саворе диеса жи ко свършки е вексоске. (Амин.)

Mark

Chapter 1

¹О началос е благовестиеско на Иисуса Христа, е Девлеско Чаво; ²карто си пишиме андо пророк Исаия: "Аке, Ме бичалав англал Те лицесте Ме вестителес, ковато ка устроинел Торо дром англал Туте; ³гласос иекеско, ковато пищинел анди пустиния: Приготвинен и дром е Девлеске. Права керен о пътекес Лескере."⁴О Йоан ало, ковато кръстинелас анди пустиния, таи проповединелас кръщение покаибнаксе за оправтиба е безехенгоро. ⁵Тай иклолас паш лесте цело Юдейско риг тай о ерусалимция, тай саворе кръстиненас пес лестар анди река Йордан, като изповединенас пе безеха. ⁶А о Йоан пирашелас шехя тари камилско козина тай кожено пояси около пе думесте, тай халас акридес тай диво авгин.⁷Тай като проповединелас, пенелас: Палал манде авел Ковка, Ковато си по-силно мандар, Колеске на синиом достоинно те бандиовав те путрав и ремъки Лескере потиниенгоро. ⁸Ме кръстинав тумен паниеса; а Ов ка кръстинел тумен е Святоне Духоса.⁹Презал далке диесенде ало о Иисус таро Назарет Галилейски тай кръстисало таро Йоан андо Йордан. ¹⁰Тай като иклило веднага таро пани, диклас, кай путергион о небеса, тай кай о Духос сар куши ухлел управл Лесте. ¹¹Тай ало гласос таро небеса: Ту синян Моро възлюбиме Чаво; анде Туте си Моро благоволение.¹²Тай сиго о Духос ингалгяс Лес анди пустиния. ¹³Тай уло анди пустиния саранда диеса, изкушиме таро Сатана, тай уло е зверовиенца; тай о ангела служиненас Леске.¹⁴А след като о Йоанес уло предиме е власттиенге, о Иисусес ало анди Галилея тай проповединелас о благовестие за е Девлеско тагарипе, като пенелас.¹⁵О време изпълнисало тай е Девлеско тагарипе наближингяс; покаинен тумен тай верувинен андо благовестие.¹⁶А като накелас турял о Галилейско езерос*, диклас е Симонес тай о прал е Симонеско, о Андрей, кай чивенас мрежес андо езерос, понеже уле рибария. ¹⁷Тай о Иисусес пенгяс ленге: Пирен палал Манде, тай Ме ка керав тумен те ачон ловци манушенгере. ¹⁸Тай он веднага мукле о мрежес тай геле палал Лесте.¹⁹Тай като наклопес хари, диклас е Яковиес Зеведеев тай лескоро прал о Йоан, колато чука също уле ан пе ладияте тай кърпиненас о мрежес.²⁰Тай веднага викингяс лен; тай он мукле пе дадес о Зеведей анди ладия е надничариенца тай цидинде палал Лесте.²¹Тай але андо Капернаум; тай незабавно анди събота о Иисус диняс анди синагога

тай почнингяс те поучинел.²²Тай он чудиненас пес Лескере учениеске; сокето поучинелас лен сар иек, ковато иси лес власт, а ма сар о книжникия.²³Тай сиго палал далкесте араклолас анди синагога ленге мануш, долдо нечистоне духостар, ковато пищингяс, като пенгяс:²⁴(Мук амен!) Со иси Тут аменца, Иисус Назарянине? Тена алан те погубинес амен? Пенджараав Тут Кова синян, о Свято е Девлескоро.²⁵Но о Иисус смъмрингяс лес, като пенгяс: Трание тай икли лестар!²⁶Тогава о нечисто духос, като сгърчингиас лес, пищингяс силноне гласоса тай иклило лестар.²⁷Тай саворе смаисале, чука кай разисквиненас машкар песте, като пенде: Со си давка? Иек нево учение! С власт заповединел е нечистоне духовиенге, тай он покоринен пес Леске!²⁸Тай о слухи за Леске разнесисало сиго наеред ки цело Галилейско околност.²⁹Тай като иклиле тари синагога, але е Яковиеса тай е Йоанеса андо кер е Симонеске тай е Андрейеске.³⁰А е Симонескири сасуи пашлолас насвали трескатар; тай веднага пенде Леске за лаке.³¹Тай Ов приближисало, тай като долгяс ла таро вас, ваздингяс ла; тай (ко сахати) и треска муклас ла, тай ой прислужвинелас ленге.³²Тай като ратило, като гаравгиол о кам, анде паш Лесте саворе насвален тай долде бесостар.³³Тай цело градос кидисало англал о вудар.³⁴Тай Ов изцелингяс мнозинен, колато страдиненас разноне болестиендар, тай гонингяс буте бесовиен; тай нана позволинелас е бесовиенге те хоратинен, понеже пенджаренас Лес.³⁵Тай андиавин, като сине още рат, ухтинило, тай иклило тай гело анде уединоне танесте, тай оте молинелас пес.³⁶А о Симон тай колка, колато уле Леса, запрастаниле палал Лесте.³⁷Тай като аракле Лес, пенде Леске: Саворе роден Тут.³⁸А Ов пенгяс ленге: Те жас аврете, ко паше градовя, тай отеда те проповединав; сокето далкеске иклилом.³⁹Тай Ов делас андо синагогес ленге ки цело Галилея, като проповединелас тай гонинелас бесовиен.⁴⁰Тай ало паш Лесте иек прокажено, тай молинел пес Леске, пело кочиенде англал Лесте, тай пенгяс: Ако мангес, ащи те очистинес ман.⁴¹Тай о Иисус смилисало, протегнингяс вас, доприсало жи лесте тай пенгяс леске: Мангав; ов очистиме.⁴²Тай веднага и проказа муклас лес, тай ов очистисало.⁴³Тай ко сахати бичалгяс лес тай заръчингиас леске строго, като пенгяс леске:⁴⁴Внимавин тена пенес никаске нищо; но свидетелствоске за ленге, жа покажине тут е свещеникеске, тай принесине те очистимаске давка, ковато заповедингяс о Мойсей.⁴⁵А ов, като иклило, почнингяс те разгласинел бут тай те разнесинел со ачило, чука че о Иисус нащине вече те дел явно анде десаве градосте, но араклолас аври анде уединоне таненде; тай авенас паш Лесте секатар.

Chapter 2

¹След неколко диеса Ов пак диняс андо Капернаум; тай разшундило, кай уло андо кер. ²Тай мнозина кидисале, чука кай тай около о вудар нащине киден пес; тай Ов хоратинелас ленге о Словос. ³Тай але, тай анде паш Лесте иеке паралитикиес. Штар пиравенас лес; ⁴тай като нащине приближинен пес жи Лесте ашал о народос, разкринде о покриви е керескоро, кате уло, тай путерде лес, тай мукле и постелка, колате пашлолас о паралитики. ⁵А о Иисус, като диклас ленгири вяра, пенгяс е паралитикиеске: Мочо, простилен пес те безеха. ⁶А сине оте десаве таро книжникия, колате бешенас тай размишлиненас анде пе сърценде: ⁷Кавка соске хоратинел чука? Ов богохулствинел. Кой ащи простилен безеха, освен иек Дел? ⁸Тай о Иисус, като ахалило ведна Пе духоса, кай чука размишлинен анде песте, пенгяс ленге: Соске размишлинен давка анде тумаре сърценде? ⁹Кова си по-лесно, те пенав е паралитикиеске: Простилен пес те безеха, или те пенав: Ухти вазде ти постелка тай пир? ¹⁰Но за те пенджарен, кай и Човешко Чаво силес власт ки пув те простилен безеха (пенел е паралитикиеске). ¹¹Туке пенав: Ухти, вазде ти постелка тай жа те кересте. ¹²Тай ов ухтинило, веднага ваздингяс и постелка тай иклило англал саворенде; чука кай саворе удивиненас пес тай славиненас е Девлес, тай пененас: Нисар на диклам савка варесо. ¹³Тай пак иклило турял о езерос; тай о цело множествос авел паш Лесте, тай Ов поучинелас лен. ¹⁴Тай като накелас, диклас е Леви Алфеев, бешло андо бирничество, тай пенгяс леске: Пир палал Манде. Тай ов ухтинило тай цидингяс палал Лесте. ¹⁵Тай като о Иисус бешелас ки софра андо кер леске, заедно Леса бешенас о ученикия Лескере, тай бут бирникия тай грешникия; соскето уле мнозина тай пиренас палал Лесте. ¹⁶Тогава о книжникия тай о фарисея, като дикле, кай Ов хал е грешнициенца тай е бирникиенца, пендле Лескере ученикиенге: Соске хал (тай пиел) е бирникиенца тай е грешнициенца? ¹⁷Тай о Иисус, като шунгяс давка, пенгяс ленге: О састе нанай лен нужда лекариестар, а о насвале; нана алом те призовинав е праведнен, а е грешнен (покаймнасте). ¹⁸А о Йоанова тай о фарисейска ученикия постиненас; тай але, тай пучле Лес: Соске постинен о Йоанова тай и фарисейска ученикия, а Тере ученикия нана постинен? ¹⁹А о Иисус пенгяс ленге: Ащи ли о свадбария те постинен, жи кай си ленца о жамутро? Жи кай о жамутро си ленца, нанащи постинен. ²⁰Ка авен обаче диеса, като о жамутро ка лел пес лендар, тай тогава, анде далке времесте, ка постинен. ²¹Никой на пресивел кръпка неве платостар пуране шешиесте; соскето и кръпка ка парагиол таро шехя, о нево - таро пурано, тай о паравдо ка ачол по-канило. ²²Тай никой нана наливинел неви мол андо пуране меховя; иначе, и неви мол ка парярел о меховя тай хабингион и мол, тай о меховя; но наливинен неви мол андо неве меховя. ²³Тай анди иек събота*, като накелас презал о посевя, Лескере ученикия, като пиренас ко дром, почнинде те чинен класовя. ²⁴Тай о фарисея пендле Леске: Дик! Соске керен анди събота со нанай позволиме? ²⁵А Ов пенгяс ленге: Нана четингиен ли нисар со кергяс о Давид, като уло анди нужда, тай бокалило ов тай о мруша, колате уле леса? ²⁶Сар диняс андо кер е Девлеске, като о Авиатар уло първосвещеници тай халис о присъствена маре, колате нанай позволиме никаске те хан, освен е свещеникиенге, като диняс колкенда, колате уле леса? ²⁷Тай пенгяс ленге: И събота си керди е манушеске, а ма о мануш е съботаке; ²⁸чука кай о Човешко Чаво си господари е съботаке.

Chapter 3

¹Тай диняс пак анди синагога; тай оте сине мануш шукярде вастеса. ²Тай наблюдиненас Лес дали ка изцелинел лес андо съботно диес, тай те обвининен Лес. ³Ов пенгяс е манушеске е шуке вастеса: Изправине тут ко машкар. ⁴Тогава ленге пенгяс: Позволиме ли си те керел пес лачипе андо съботно диес, или те керел пес зло? Те спасинел ли пес животос, или те погубинел пес? А он траниенас.⁵А като диклас лен гневиеса, наскърбиме ашал о закоравиме сърца ленгере, пенгяс е манушеске: Протегнине то вас. Ов протегнингяс лес; тай лескоро вас састило. ⁶Тай о фарисея, като иклиле, веднага разберисале е иродианиенца против Лесте сар те погубинен Лес. ⁷Тогава о Иисус цидисало Пе ученикиенца карик о езерос, тай баро множествос тари Галилея гело палал Лесте. ⁸Тай тари Юдея, таро Ерусалим, таро Идумея, отвъд о Йордан, тай таро тана турял о Тир тай Сидон, иек баро множествос ало паш Лесте, като шунде кити бут чудеса керелас. ⁹Тай поръчингяс Пе ученикиенге те услужинен Леске иеке ладиаса ашал о народос, за тена притискинен Лес. ¹⁰Соскето изцелингясас мнозинен, чука кай, колао страдиненас болестиендар, натискиненас Лес, за те допириен пес жи Лесте.¹¹Тай о нечиста духовя, като дикенас Лес, перенас англал Лесте тай пищиненас, тай пененас: Ту синян е Девлескоро Чаво. ¹²Но Ов строго заръчинелас ленге тена разгласинен Лес.¹³Палал далkestе качисало ко хълми тай викингяс паш Песте колкен, колен мангелас; тай он геле паш Лесте. ¹⁴Тай определингяс дешудуи жене*, за те овен Леса, тай за те бичалел лен те проповединен, ¹⁵тай те овел лен власт те лекувинен болестя тай те гонинен бесовиен. ¹⁶Определингяс: О Симон, колес диняс о алав Петър;¹⁷ о Яков Зеведеев тай о Яково прал о Йоан, колес диняс о алав Воанергес, демек, о Гърмеща*; ¹⁸тай о Андрей тай о Филип, о Вартоломей тай о Матей, о Тома тай о Яков Алфеев, о Тадай тай о Симон Зилот, ¹⁹тай о Юда Искариотски, ковато прединяс Лес.²⁰Тай диняс анде иеке кересте; тай о народос пак кидисало, чука кай Ов тай Лескере ученикия нацине те хан маро. ²¹А Лескере близка, като шунде давка, иклиле, за те долен Лес; соскето пененас, кай нанай Песте. ²²Тай о книжникия, колато ухлилесас таро Ерусалим, пененас кай анде Лесте си о Веелзвул тай кай гонинел е бесовиен чрез о началники е бесовиенгоро.²³Но Ов, като викингяс лен, пенелас ленге притченца: Сар ащи о Сатана те гонинел Сатана?²⁴Ако иек тагарипе разделинел пес против песте, давка тагарипе наци устоинел. ²⁵Тай ако кер разделинел пес против песте, давка кер наци ка устоинел. ²⁶Тай ако о Сатана ухтилило против песте тай разделисало, ов наци устоинел, но ало лескоро крайос. ²⁷Обаче никой наци дел андо кер е силное манушеске те ограбинел лескири покъщнина, ако първо нана пандел е силноес, тай тогава ка ограбинел лескоро кер.²⁸Истина пенав туменге, кай саворе безеха е чавенгере ка овен простииме, тай саворе хулес, коленца ащи богохулствинен; ²⁹но ако декой похулинел о Свято Духос, за леске нанай прошка жи ко векос, а си виновно вечноне безехаке.³⁰Давка пенгяс Ов, соскето пененас: Силес нечисто духос.³¹Тай але Лескири дай тай Лескере прала, тай като бешенас аври, бичалде жи Лесте те викинен Лес. ³²А турял Лесте бешелас иек множествос; тай пенде Леске: Аке, Ти дай тай Те прала аври, роден Тут.³³Тай в отговор пенгяс ленге: Коя си Ми дай? Тай кола си Ме прала?³⁴Тай като диклас е бешлен турял Лесте, пенгяс: Аке Ми дай тай Ме прала! ³⁵Соскето, ковато керел е Девлескири воля, ов си Мангे прал, тай пен, тай дай.

Chapter 4

¹Тай пак почнингяс те поучинел турял о езерос. Тай кидисало паш Лесте иек твърде баро множествос, чука кай Ов диняс анде иеке ладияте тай бешелас андо езерос; а о цело множествос уле ко шукипе турял о езерос. ²Тай поучинелас лен бут притченца, тай пенелас ленге анде Пере учениесте.³Шунен: Аке, о сеячи иклило те сеинел. ⁴Тай като сеинелас, десаве зърна пеле ко дром; тай о птицес але, тай изкълвинде лен. ⁵Авер пеле ко канаристо тан, кате на сине бут пув, тай сиго никнинде, соскето на сине дълбоко почва;⁶ а като иклило о кам, претабиле, тай понеже на сине лен корени, шукиле. ⁷Тай авер пеле машкар о каре; тай о каре бариле тай заглушинде лен, тай нана дине плоди.⁸А авер пеле лаче пувяте тай денас плоди, ковато бариолас тай умножингиолас, тай принесинде кова триянда, кова пиндуше тай кова шел. ⁹Тай пенгяс: Кас иси кана те шунел, нека шунел.¹⁰Тай като ачило коркоро, колка, колато уле турял Лесте е дешудонца , пучле Лес е притчене. ¹¹Тай пенгяс ленге: Туменге си дендо те пенджарен и тайна е Девлескере тагарипнаскоро; а колкенге, о авруне, всичко си притчес; ¹²чука кай кола дикен нека дикен, тай тена дикен, тай кола шунен те шунен, а тена ахалон; за тена иринен пес тай те простиел пес ленге (и безех).¹³Тай пенел ленге: Нана ахалон ли кайка притчя? А сар тогава ка ахалон саворе притчес?¹⁴О сеячи сеинел о словос. ¹⁵А колка ко дром, кате сеинел пес о Словос, си салка, колато, като шунен лес, о Сатана веднага авел тай грабинел о посяно анде ленде Словос.¹⁶Също о посяно ко канариста тана си калка, колато, като шунен о Словос, веднага лошаласа приеминен лес; ¹⁷нанаи лен обаче корени анде ленде, а си кратковременна; после, като авел напаст или гонение ашал о Словос, веднага съблазнинен пес.¹⁸О посяно машкар о каре си колка, колато шунде о Словос; ¹⁹но о грижес е светоскере, и примамка е барвалипнаскири тай о пожелания авере букиенгере, като ден анде ленде, заглушинен о Словос, тай ов ачол биплодно.²⁰А о посяно ки лачи шув си калка, колато шунен о Словос, приеминен лес тай ден плоди, триянда, пиндуше, тай шелкратно.²¹Тай пенгяс ленге: Далкеске ли анел пес о светилници?²²Соскето нанаи варесо тайно, ковато тена явинел пес; нито сине варесо спотаено, освен за те иклол наяве.²³Ако си декас кана те шунел, нека шунел.²⁴Пенгяс ленге също: Внимавинен анде далkestе, ковато шунен. Саве меркаса меринен, ка отмерингиол туменге, туменгеда, кова шунен ка прибавинел пес туменге.²⁵Соскето, кас иси, леске ка дел пес, а кас нанай, лестар ка лел пес давкада, ковато си лес.²⁶Тай пенгяс: Е Девлескоро тагарипе си също сарто като мануш чивел семес анди пув; ²⁷тай совел, тай ухкиел ират тай о диес; а сар никнинел тай бариол о семес, ов нажанел.²⁸И пув коркоро пестар произвединел, първо стрък, после класос, палал далkestе пълно зврнос андо класос.²⁹А като узреинел и плоди, ко сахати бичалел о сърпи, соскето али и жетва.³⁰Паш далkestе пенгяс: Состе те опреличинас е Девлескоро тагарипе, или саве притчаса те представинас лес?³¹Ов препел синаповоне зърносте, ковато, като садинел пес анди пув, си по-цикно саворе семенонендар, колато си ки пув; ³²но като садинел пес, бариол тай ачол по-баро саворе злаковиендар, тай муkel баре клоня, чука кай телал и сянка леске ащи подслонинен пес о птицес таро небес.³³Буте салке притченца прогласинелас ленге о Словос, според сарто ащине шунен.³⁴А би притчакоро на хоратинелас ленге; но коркоресте обяснинелас Пере ученикиене.³⁵Тай андо също диес, като ратило, о Иисус пенгяс ленге: Те накас окоя рик.³⁶Тай като размукле е народос, лиле Лес песа анди ладия, чука сарто сине; тай сине авер ладиес Леса.³⁷Тай ваздисали бари бурия, тай о вълни дине анди ладия, чука кай ой вече периолас паниеса.³⁸А Ов сине ки палуни риг, засуто шерандесте; тай он ухкярен Лес тай пенен Леске: Учителю, нима нанай Тут грижа, кай загивинас?³⁹Тай Ов, като ухтинило, смъмрингяс и балвал тай пенгяс е езероске: Трание! Утихнине! Тай и балвал спирингяс, тай ачили бари тишина.⁴⁰Тай пенгяс ленге: Соске синиен дики даравнене? Още ли нанай тумен вяра?⁴¹Тай бари дар долгяс лен; тай он пенде песке иек авереске: Кова си Кавка, кай и балвал, тай о езерос покоринен пес Леске?

Chapter 5

¹Тай чука, накле окоя рик ко езерос анди Гадаринско* рик. ²Тай като иклило тари ладия, ко сахати таро миморя ресло Лес иек мануш нечистоне духоса. ³Ов живинелас ко миморя тай никой вече нащине пандел лес даже веригенца; ⁴соккето бут дрома панденас лес оковенца тай веригенца; но ов чинелас о веригес тай пагелас о оковес; тай никак синаине сила те укротинел лес. ⁵Тай винаги, ират тай о дие, андо миморя тай ко хълмовия, ов пищинелас тай изпосечинелас пес баренца. ⁶А като диклас е Иисусес удурал, прастанило тай поклонисало Леске; ⁷тай пищингяс силноне гласоса, тай пенгяс: Со иси Тут манца, Иисусе, Чавея е Всевишноне Девлескоро? Дав тут совеля андо Дел, ма мъчине ман. ⁸(Соккето о Иисус пенгяс леске: Икли таро мануш, духос нечисто.) ⁹Тай о Иисус пучляс лес: Сар си то алав? А ов пенгяс Леске: Легион си мо алав; соккето синям мнозина. ¹⁰Тай бут молингяс пес Леске тена бичалел лен аври тари страна. ¹¹А оте, ко хълми, пасинелас баро стадос баличе. ¹²Тай о бесовия молиненас пес Леске, като пененас: Бичал амен андо баличе, за те дас анде ленде. ¹³О Иисус позволингяс ленге. Тай о нечиства духовия иклиле, тай дине андо баличе; тай о стадос, около дуи хиляда, муклас пес нателе ки стръмнина тай таслиле андо езерос. ¹⁴А колка, колато пасиненас е баличен, нашле тай пенде давка андо градос тай андо гава. Тай о жителя але те дикен со ачило. ¹⁵Тай като але паш о Иисус, дикле е долдес по-преди таро бесовия, анде колесте сине о легиони, кай бешел урявдо тай смислено; тай дараниле. ¹⁶Тай колка, колато диклесас, разкажинде ленге со ачило е долдеса таро бесовия тай е баличене. ¹⁷Тай он почнинде те молинен пес Леске те жал песке ленгере пределендар. ¹⁸Тай като делас анди ладия, кавка, ковато уло долдо бесовиендар, молинелас пес Леске те овел заедно Леса. ¹⁹Обаче о Иисус на муклас лес, но пенгяс леске: Жа туже кере тумаренде тай пен ленге саве велика бука кергяс туже о Дел тай сар смилисало упран тути. ²⁰Тай о мануш цидингяс тай почнингяс те разгласинел андо Декапол саве велика бука кергяс леске о Иисус; тай саворе чудиненас пес. ²¹Като о Иисус пак накло е ладияса окоя рик, кидисало паш Лесте баро множествос; тай Ов сине турял о езерос. ²²Тай ало иек таро началникия е синагогаке, ко алав Яир, тай като диклас Лес, пело англал Лескере пиренде, ²³тай бут молингяс пес Леске, като пенелас: Ми цикни чаи мерел; молинаман Туже те авес тай те положинес васта упран лате, за те саскиол, тай те живинел. ²⁴Тай Ов гело леса; тай иек баро множествос пирелас палал Лесте, тай о народос притискинал Лес. ²⁵Тай иек ромни, колато сине кръвотечение дешудуи бреша, ²⁶тай бут пострадингясас мнозине лекариендар, тай пропилингяс по цело имоти, без те дикел десави полза, а напротив, ачиносас лаке по-зле, ²⁷като шунгяс за е Иисусеске, али машкар о народос изпалал тай допирисало жи ко шехи Леске. ²⁸Соккето пенелас песке: Ако само допиринаман жи ко шехи Леске, ка саскиовав. ²⁹Тай ко сахати пресекнингяс лакоро кръвотечение, тай ой усетингяс ан пе телосте, кай изцелисало тари болест. ³⁰Тай веднага о Иисус, като усетингяс анде Песте, кай иклили Лестар сила, ирисало машкар о народос тай пенгяс: Кой допирисало жи Ме шехиенде? ³¹О учениниция пенде Леске: Ту дикес, кай о народос притискинал Тут, а пучес: Кой допирисало жи Манде? ³²Но Ов раздикелас, за те дикел калка, която кергяс давка. ³³А и ромни, даранили тай издралас, като жанелас со ачило ласа, али тай пели англал Лесте, тай пенгяс Леске и цело истина. ³⁴А Ов пенгяс лаке: Мичаи, тери вяра изцелингяс тут; жа туже с мир, тай ов састи тере болестиатар. ³⁵Жи кай Ов още хоратинелас, авен таро кер е началникиске е синагогако тай пенен: Ти чаи мули; соске още затруднинес е Учителес? ³⁶А о Иисус, като шунгяс о думес, колато хоратиненас, пенгяс е началникиске е синагогако: Ма дара, само верувине. ³⁷Тай никакске на позволингяс те придвижинен Лес, освен е Петреске, е Яковиеске тай е Яковове пралеске о Йоан. ³⁸Тай като але жи ко кер е началникиске е синагогако, Ов диклас вълнение тай мнозина, колато ровен тай пищинен бут. ³⁹Тай като диняс, пенгяс ленге: Соске вазден шуми тай ровен? О чаво нана муло, а совел. ⁴⁰А он асанас Леске. Но Ов, като икалгяс наври саворен, лилас е дадес тай е дая е чавескерес, тай колка, колато уле Леса, тай диняс оте, кате сине о чаво. ⁴¹Тай като долгяс е чавес таро вас, пенгяс леске: Талита куми; ковато значинел: Чаве, туже пенав, ухти! ⁴²Тай и чаи веднага ухтинили, тай пирелас, соккето сине дешудуие брешенгири. Тай он смаисале твърде бут. ⁴³Тай бут заръчингяс ленге никой тена ахалол давка; тай заповедингяс те ден ла варесо те хал.

Chapter 6

¹Тай о Иисус иклило отар тай ало анде Пере родинате; тай Лескере ученикия пиренас палал Лесте. ²Тай като ачило събота, почнингяс те поучинел анди синагога; тай мнозина, като шуненас Лес, чудиненас пес тай пененас: Катар иси Калке манушес всичко давка? Тай сави си Лескири денди мъдрост, тай саве си далка велика дела, керде таро васта Леске? ³Кавка нанай ли о дърводелцос, чаво е Мариякоро, тай прал на Яков тай Йосий, е Юдаске тай е Симонеске? Тай Лескере пеня нанай ли ате машкар аменде? Тай он съблазнисале анде Лесте.⁴ А о Иисус пенгяс ленге: Нисаво пророки нанай без почит, освен пере родинате, тай машкар пере сроднициенде, тай анде пере кересте. ⁵Тай нацине керел оте нисаво велико делос, освен като положингиас васта малциноне насваленге тай изцелингиас лен. ⁶Тай чудинелас пес ленгере невериесте. Тай обикалянелас о околна гава тай поучинелас.⁷ Тай като викингиас е дешудон, почнингяс те бичален лен дуи по дуи, тай диняя лен власт упрад о нечиста духовя. ⁸Тай заповеднгиас ленге тена лен нищо за ко дром, освен иек тояга; ни маро, ни торба, ни парес андо пояси;⁹ но те поденен пес сандала тай тена уриен дуи гада.¹⁰ Тай пенгяс ленге: Кате да те ден анде варесаве кересте, ачон анде лесте, жи кай иклон туменге отар.¹¹ Тай ако десаве танесте нана приеминен тумен, нито шунен тумен, като иклон отар, тресинен о прахос тумаре пирендар, свидетелствоске против ленде*.¹² Тай он иклиле тай проповединенас, кай о мануша требе те покайнен пес.¹³ Тай гониненас буте бесовиен, тай мнозине насвален помажиненас маслоса, тай изцелиненас лен.¹⁴ Тай о тагар о Ирод шунгяс за е Иусеске (сокето Лескоро алав ачило известно) тай пенелас: О Йоан Кръстител възкръснингиас таро муле тай далкеске калка велика силес действинен чрез Лесте.¹⁵ А авер пененас, кай си о Илияс. Авер па пененас, кай Ов си пророки, сар иек таро пурано време пророкия.¹⁶ Но о Ирод, като шунгяс за Леске, пенгяс: Кавка си о Йоан, колес ме обезглавингиом, ов възкръснингиас.¹⁷ Сокето давка Ирод бичалгясас те долен е Йоанес тай те панден лес анди тъмница, ашал е Иродиадаке, ромни лескере пралескири о Филип, понеже лиласас ла ромняке.¹⁸ Сокето о Йоан пенелас е Иродиеске: Нанай туке позволиме те овел тут те пралескири ромни.¹⁹ А и Иродиада настроисали против лесте тай мангелас те мударел лес, но нацине;²⁰ сокето о Ирод даралас таро Йоан, като жанелас, кай ов си мануш праведно тай свято, тай пазинелас лес зоралесте; тай като шунелас лес, бут двоуминелас пес со те керел, тай с удоволствие шунелас лес.²¹ Тай като ачило сгодно диес, като о Ирод за пе рождениеске кергяс вечеря пе баренге тай е хилядникиенге, тай е галилейсконе старейшиненге,²² тай и чаи е Иродиадакири диняя тай келгяс, ой угоднигяс е Иродиеске тай о бешле леса; тай о тагар пенгяс е чаяке: Манг мандар со мангес, тай ка дав лес туке.²³ Тай халияс лаке совеля: Со да те мангес мандар, ка дав тут, даже екваш ме тагарипнастар.²⁴ А ой иклили тай пенгяс пе даяке: Со те мангав? Тай ой пенгяс: О шеро на Йоан Кръстител.²⁵ Тай ко сахати и чаи диняя сиго паш о тагар, тай манглес, като пенгяс: Мангав те дес ман още акана на блюдо о шеро на Йоан Кръстител.²⁶ Тай о тагар наскърбисало бут; но пак; ашал пе совеленге тай ашал е бешленге леса, на манглес те откажинел лаке.²⁷ Тай веднага о тагар бичалгяс иеке палачиес, колеске заповеднгиас те анел лескоро шеро; тай ов гело, тай обезглавингиас лес анди тъмница,²⁸ тай анггяс лескоро шеро на блюдо, тай диняя лес е чаяке; а и чаи диняя лес пе даяке.²⁹ Тай лескере ученикия, като шунде давка, але тай ваздинде лескоро телос, тай положинде лес андо мимори.³⁰ Тай о апостола кидисале паш о Иисус тай разкажинде Леске всичко, со керде тай со поучинде.³¹ Тай пенгяс ленге: Елан туме коркоре уединоне танесте тай почивинен туменге хари. Сокето мнозина авенас тай жанас; тай на сине лен време даже те хан.³² Тай геле е ладиаса уединоне танесте коркоресте.³³ А като жанас, о люде дикле лен тай мнозина пенджарде лен; тай саворе градовиендар мукле пес оте пеша, тай изпреваринде лен.³⁴ Тай о Иисус, като иклило, диклас иек баро множествос, тай смилисало упрад ленде, понеже сине сар овце, колен нанай овчари; тай почнингяс те поучинел лен бут букя.³⁵ Тай като ачило вече късно, Лескере ученикия приближисале паш Лесте тай пенде: Отан си уединено тай вече си късно;³⁶ мук лен, за те жан ко околна местностя тай гава тай те кинен песке маро, сокето нанай лен нищо хабнаске.³⁷ А Ов в отговор пенгяс ленге: Ден лен туме те хан. А он пенде Леске: Те жас ли те кинас за дуишел пеняза маро тай те дас лен те хан?³⁸ А Ов пенгяс ленге: Кити маро иси тумен? Жан, дикен. Тай като ахалиле, пенде: Панч, тай дуи маче.³⁹ Тай заповеднгиас ленге те бешен саворе групенде ки зелено чар.⁴⁰ Тай он бешле редиценде, по шел тай по пинда.⁴¹ Тай като лилас о панч маре тай о дуи маче, о Иисус диклас карик о небес тай благословиянгяс; тай пагляс о маре, тай делас е ученикиен те товен англал ленде; разделингяс о дуи маче саворенге.⁴² Тай саворе хале, тай чалярде пес.⁴³ Тай ваздинде къшяе, дешудуи перда кошовя, чука таро мачеда.⁴⁴ А колка, кате хале о маре, уле панч хиляда мруша.⁴⁵ Тай веднага традингяс Пе ученикиен те ден анди ладия тай те жан англал Лесте окоя рик карик и Витсаида, жи кай Ов размукел е народос.⁴⁶ Тай като простидало ленца, гело ко хълми те молинел

пес.⁴⁷Тай като ратило, и ладия сине машкарал ко морес, а Ов коркоро ко шукипе.⁴⁸Тай като диклас лен, кай мъчинен пес, като гребинен е весленца, сокето и балвал сине ленге мамуял, около и четвърто стража е ракякири ало паш ленде, като пирелас ко езерос; тай ка отнакелас лен.⁴⁹А он, като дикле Лес те пирел ко езерос, мислинде песке, кай си призраки тай пищинде;⁵⁰сокето саворе дикле Лес тай смутисале. Тай веднага Ов захоратингяс ленге, като пенгяс ленге: Дерзайнен! Ме синиом, ма даран!⁵¹Тай диняя паш ленде анди ладия, тай и балвал утихнингяс; тай он бут слисисале.⁵²Сокето нана ахалилесас о чудос е маренца, но ленгере сърца сине закоравиме.⁵³Тай като пренакле о езерос, але анди Генисаретско пув тай пристанинде ки сушая.⁵⁴Тай като иклиле тари ладия, веднага о народос пенджарде Лес;⁵⁵тай запрастаниле ки цело коика околност тай почнинде те анен анде таненде е насвален оте, кате шуненас, кай араклолас Ов.⁵⁶Тай кате да те делас, андо гава или андо градовя, или андо колибес, икаленас е насвален ко пазаря, тай молиненас пес Леске те допиринен пес он поне жи ко полес Лескере шехиенгере; тай кити допириненас пес, изцелиненас пес.

Chapter 7

¹Кидисале паш о Иисус о фарисея тай десаве таро книжникия, колато алесас таро Ерусалим.²Тай като дикле, кай десаве таро ученикия Лескере хан маро нечистоне вастенца, демек, битовде на одобринде.

³(Соскето о фарисея тай саворе юдея, придържинен карик о предание е старейшиненгоро, нана хан, ако нана истовен пе васта жи ко лактия; ⁴тай като иринен пес таро пазари; нана хан, ако нана истовен пес. Иси бут авер букя, колато приеминде те спазвинен - те товен чашес, шулция тай медна чаре.)⁵Тай чука, о фарисея тай о книжникия пучле Лес: Соске на постъпинен Тере ученикия според о предание е старейшиненгоро, а хан маро нечистоне вастенца?⁶А Ов пенгяс ленге: Лачес пророкувингяс о Исая за туменге, о лицемерия, карто си пишими: " Калка люде почитинен Ман пе вущенца, но ленгоро сърцес бешел дуре Мандар. ⁷Обаче напразно почитинен Ман, като преподавинен поучения манушескере заповедя".⁸Туме мукен е Девлескири заповед тай икерен е манушескоро предание (истоиба шулциенгоро тай чашенгоро; тай бут авер подобна букя керен). ⁹Тай пенгяс ленге: Шукар! Туме отчивен* е Девлескири заповед, за те спазинен тумаро предание!¹⁰Соскето о Мойсей пенгяс: "Почитине те дадес тай те дая," тай "Ковато злословинел дадес или дая, непременно те умъртвинел пес"¹¹Но туме пенен: Ако пенел мануш пе дадеске или пе даяке: Кавка моро имане, колеса ащи помагинес тухе, си курбани, демек подариме е Девлеске, тогава си различно;¹²туме нана мукен лес вече те керел варесо пе дадеске или пе даяке.¹³Тай чука, отчивен е Девлескоро словос ашал тумаре преданиеске, ковато прединиен; тай керен бут салка букя, подобна далкесте.¹⁴Тай пак викингяс е народос тай пенгяс ленге: Шунен Ман саворе тай ахалон.

¹⁵Нанай нищо аврят о мануш, ковато, като дел анде лесте, ащи осквернинел лес; но калка букя, колато иклон лестар, он осквернинен манушес. (¹⁶Ако си декас кана те шунел, нека шунел.)¹⁷Тай като муклас е народос тай диняс андо кер, Лескере ученикия пучле Лес за е притчаке.¹⁸Тай пенгяс ленге: Нима синиен тумеда чука неразсъдлива? Нана ахалон ли, кай нищо, ковато дел андо мануш аврят, нанащи осквернинел лес? ¹⁹Соскето нана дел андо сърцес леске, а андо воги, тай иклол наври. (Като пенгяс давка, Ов кергяс саворе ястия чиста вече.)²⁰Пенгяс още: Ковато иклол таро мануш, ов осквернинел е манушес.

²¹Соскето андрал, таро сърцес е маанушенге, иклон зла помислес, блудства, чорибе, мударибе,
²²прелюбодеяства, користолюбие, нечестие, коварство, сладострастие, лукаво як, хулиба, гордост, безумство.²³Саворе калка зла букя иклон андрал тай осквернинен е манушес.²⁴Тай като ухтинило отар, гело андо Тирска (тай Сидонска предела); тай диняс анде иеке кересте, тай намангелас те жанел Лес никой; но нащине гаравел пес.²⁵А веднага шунгяс за Леске иек ромни, колакири цикни чаи сине ла нечисто духос, тай ой али, тай пели англал о пире Леске.²⁶(И ромни сине елинка, родом сирофиникианка.) Тай молинелас пес Леске те гонинел е бесос лакере чаятар.²⁷А о Иисус пенгяс лаке: Мук те наситинен пес първо о чаве; соскето нанай прилично те лел пес о маро е чавенгоро тай те чивел пес е риконенге.²⁸А ой в отговор пенгяс Леске: (Ва,) Господи; но о риконеда телал и софра хан таро трохес, колато перен таро чаве.²⁹Тай пенгяс лаке: Калке думенге, жатуке; о бесос иклило те чаятар.³⁰Тай като гели песке кере, араклас е чавес пашло ки постелка, тай о бесос иклило.³¹Тай като иклило пак ко Тирска предела тай Сидон карик о Галилейско езерос, презал о Декаполска предела.³²Тай анен паш Леске иеке кашукес тай лалоре манушес, тай молинен пес Леске те положинел вас уптал лесте.³³Тай о Иисус, като ингалгяс лес таро народос коркоресте, вложингяс Пе ная андо кана леске тай като чунгадингяс, докоснингяс пес жи ки чиб леске;³⁴тай диклас карик о небес, въздъхнингяс, тай пенгяс леске: Еффата, демек, путер тут.³⁵Тай лескере кана ко сахати путердиле, тай и връзка е чибакири развържисали, тай ов хоратинелас чисто.³⁶Тай заръчингяс ленге никаске тена пенен давка; но кити по бут заръчинелас ленге, дики по бут разгласиненас лес;³⁷соскето удивиненас пес твърде бут тай пененас: Всичко керел лачес; тай е кашукен керел те шунен, тай е лалорен те хоратинен.

Chapter 8

¹Презал колке диесенде, като пак кидисалосас баро множествос, тай на сине лен со те хан, о Иисус викингяс Пе ученикиен тай пенгяс ленге: ²Жално си манг е народоске, соскето трин диес вече бешен паш Манде, тай нанай лен со те хан; ³тай ако размукав лен бокале ленгере керенде, ка прималинел ленге упран о дром; а десаве лендар але дурал. ⁴Тай Лескере ученикия отговоринде Леске: Катар ка ащи декой те чалярел калкен мареса, анде калке уединоне танесте? ⁵Тай пучлас лен: Кити маре иси тумен? А он пенде: Ефта. ⁶Тай заповедингяс е народоске те бешен ки пув; тай като лилас о ефта маре, благодарингяс, пагляс тай делас Пе ученикиен, за те товен лен. Тай товде лен англал о народос. ⁷Исине лен хари маче; тай като благословингяс лен, заповедингяс те товен ленда. ⁸Тай хале, тай чалярде пес; тай ваздинде около къшея, ефта кошнице. ⁹А колка, колато хале, уле около штар хиляда жене; тай размуклас лен. ¹⁰Тай веднага диняс анди ладия Пе ученикиенца, тай ало андо Далманутанска предела. ¹¹Тай о фарисея иклиле тай почнинде те препириене пес Леса; тай като изпитвиненас Лес, мангле Лестар знамение таро небес. ¹²А Ов въздъхнингяс дълбоко ан Пе духосте тай пенгяс: Соске мангел кавка роди знамение? Истина пенав туменге: Калке родиеске нанай те дел пес знамение. ¹³Тай муклас лен, като диняс пак анди ладия тай накло окоя рик. ¹⁴Но Лескере ученикия бистерде те лен маро тай на сине лен анди ладия по бут иеке самуниестар. ¹⁵Тай Ов заръчингяс ленге, тай пенгяс: Внимавинен, пазинен тумен таро кваси е фарисеенге тай таро квасос е Иродиеске. ¹⁶Тай он разисквиненас машкар песте, като пенде: Давка си, соскето нанай амен маро. ¹⁷А о Иисус, като ахалило давка, пенгяс ленге: Соске разисквинен, соскето нанай тумен маро? Още ли на дикен тай нана ахалон? Барестар ли си тумаро сърцес? ¹⁸Като иси тумен яка, нана дикен ли? Тай като иси тумен кана, нана шунен ли? Тай нана помнинен ли? ¹⁹Като паглом о панч маре е пандже хиляде жененге, кити кошовя, перда кушеиенца ваздингиен? Пенде Леске: Дешудуи. ²⁰А като о ефта маре - е штаре хиляде жененге, кити кошнице, перда къшеиенца ваздингиен? Пенде Леске: Ефта. ²¹Тай пенгяс ленге: Нана ахалон ли още? ²²Але андо Витсаида. Тай анде паш Лесте иеке корес, тай помолинде Лес те докоснинел пес жи лесте. ²³Тай Ов долгяс е корес таро вас, тай икалгяс лес аври таро гав тай като чунгадингяс ко яка лексе, положингяс лесте васта тай пучлас лес: Дикес ли варесо? ²⁴Тай ов, като ваздингяс пе яка, пенгяс: Дикав е манушен; соскето дикав бука сар каща, колато пирен. ²⁵После пак положингяс васта ко яка леске; традингяс лес те втренчинел пе яка тай ов састило, тай дикелас всичко ясно. ²⁶Тай бичалгяс лес лескре кересте, тай пенгяс: Ма те дес андо гав, (нито пен давка декаске андо гав). ²⁷Тай иклило о Иисус Пе ученикиенца ко гава на Кесария Филипова; тай ко дром пучлас Пе ученикиен: Според о народос кова синиом Ме? ²⁸А он в отговор пенде Леске: Иекенге - о Йоан Кръстител; averенге - о Илия; а averенге - иек таро пророкия. ²⁹Тогава пучлас лен: А според туменде кова синиом? О Петрес в отговор пенгяс Леске: Ту синян о Помазаники*. ³⁰Тай заръчингяс ленге никаске тена пенен за Леске. ³¹Тай почнингяс те учинел лен, кай о Човешко Чаво требе бут те страдинел, тай те овел отчivто таро старейшинес, главна свещеникия тай о книжники, тай те овел мудардо, тай палал о трин диес те възкръснинел. ³²Тай открито хоратинелас давка. А о Петрес лилас Лес ки риг тай почнингяс те мъмринел Лес. ³³А Ов, като ирисалон тай диклас Пе ученикиен, смъмрингяс е Петрес, като пенгяс: Махнин тут, Сатано, тай жа палал Манде, соскето нана дес ти годи е Девлескере букиенге, но е манушенгере букиенге. ³⁴Тай викингяс е народос заедно Пе ученикиенца тай пенгяс ленге: Ако мангел декой те авел палал Мане, нека отречинен пес пестар, нека ваздел по кръстос тай чука нека следвинел Ман. ³⁵Соскето ковато мангел те спасинел по животос*, ка нашалел лес; а ковато нашалел по животос ашал Манге тай е благовестиеске, ка спасинел лес. ³⁶Понеже сави полза е манушеске, ако спечелинел о цело светос, а нашалел по животос? ³⁷Соскето, со ка дел о мануш анди замяна пе животоске? ³⁸Соскето, ако лажал декой ашал Манге тай ашал Ме хоратенге анде калке блудноне тай грешноне родиесте, ов о Човешко Чаво ка лажал лестар, като ка авел анди слава Пе Отециеске е святоне ангеленца.

Chapter 9

¹Тай о Иисус пенгяс ленге: Истина пенав туменге: Иси декой атар таро бешле, колато нисар нанай те вкусинен мериба, жи кай нана дикен е Девлескоро тагарипе, ало анди сила. ²Тай палал о шов диес о Иисус лилас е Петрес, о Яков тай о Йоан тай ингалгяс само лен иеке уче планината коркоресте; тай преобразисало англал ленде. ³Лескере шехя ачила бляскава, бут парне, савето никой който парнярел ки пув нанащи чука те парнярел. ⁴Тай явисало ленге о Илия е Мойсейеса, колато хоратиненас е Иисусеса. ⁵А о Петрес захоратингяс, тай пенгяс е Иисусесе: Учителю, лачес си те овас ате, тай нека керас трин скиниес, Туке иек, е Мойсейеске иек тай иек е Илияске, ⁶соксето нажанелас со те отговоринел, понеже почнинде те даран бут. ⁷Тай явисало облаки, тай засенингяс лен; тай гласос ало таро облаки, ковато пенгяс: Кавка си Моро възлюбено Чаво; Лес шунен. ⁸Тай внезапно, като задикле пес, на дикле вече никас паш песте. освен е Иисусес. ⁹Тай като ухленас тари планина, затъчингяс ленге тена пенен никаске давка, ковато диклесас, освен като о Човешко Чаво възкръснинел таро муле. ¹⁰Тай он пазиненас даика поръжка, като разисквиненас машкар песте со значинел те възкръснинел таро муле. ¹¹Тай пучле Лес: Соске пенен о книжникия, кай първо о Илия требе те авел? ¹²А Ов пенгяс ленге: Наистина о Илия първо ка авел тай ка възстановинел всичко. Тай сар си пишиме е Човешконе Чавеске? Пишиме си, кай требе те страдинел бут тай те овел унижиме. ¹³Но пенав туменге, кай о Илия вече ало, тай керде леса сар мантгле, според сарто си пишиме за леске. ¹⁴Тай като але ко ученикия, дикле турял ленде баро множествос тай книжникия, колато препириренас пес ленца. ¹⁵Тай веднага като диклас Лес о цело множествос, смаисале тай мукле пес, тай поздравинде Лес. ¹⁶Тай Ов пучляс лен: Соске препирирен тумен ленца? ¹⁷Тай иек таро народос отговорингяс Леске: Учителю, антиом паш Туте ме чавес, колес иси лалоро духос. ¹⁸Тай кате да те долел лес, тръшканиел лес; тай ов мукел пения, скърцинел пе данденца тай вцепенингиол; тай хоратингиом Тере ученикингте те гонинен е бесос, но нанащине. ¹⁹А Ов в отговор пенгяс ленге: О, роде невярваща, жи кана ка овав туменца? Жи кана ка търпинав тумен? Анен лес паш Манде. ²⁰Тай анде лес паш Лесте. Тай като диклас Лес о долдо таро бесос, веднага о духос сгърчингяс лес; тай ов пело ки пув тай валянелас пес запениме. ²¹Тай о Иисусес пучляс лескере дадес: Кити време си, от сар ачило леске чука? А ов пенгяс: От цикнряла. ²²Тай бут дром чивел лес анди яг, тай андо пани, за те погубинел лес; но ако ащи керес варесо, смилине тут упрали аменде тай помагине аменге. ²³А о Иисус пенгяс леске: Ако ащи (те повервинес)! Всичко си възможно далкеске, ковато верувинел. ²⁴Веднага о дад е чавескоро пищингяс, като пенгяс: Верувинав, (Девла)! Помагине мере невериеске. ²⁵А о Иисус, като диклас, кай мукел пес народос, смъмрингяс е нечистоне духос, като пенгяс леске: Духос лалоро тай кашуко, Ме заповединав туке: Икли лестар, тай тена дес вече анде лесте! ²⁶Тай о духос, като пищингяс тай сгърчингяс лес силно, иклило; тай о чаво ачило сар муло, чука кай мнозина пененас, кай муло. ²⁷Но о Иисус долгяс лес таро вас тай ваздингяс лес; тай ов ухтинило. ²⁸Тай като диняс кере, Лескере ученикия пучле Лес коркоресте: Соске аме нащине гонинас лес? ²⁹Тай пенгяс ленге: Кавка роди нисоса наши иклол, освен молитваса (тай постии). ³⁰Тай като иклиле отар, накенас презал и Галилея; тай Ов нана мангелас никой те ахалол давка.

³¹Соксето учинелас Пе ученикиен, като пенелас ленге: О Човешко Чаво ка овел предиме андо васта манушенге, тай ка мударен Лес; тай след като ка мударен Лес, ко трин диеса ка възкръснинел. ³²Но он нана ахалиле далка думес тай даранас те пучен Лес. ³³Тай але андо Капернаум; тай като диняс кере, пучлас лен: Со разисквиненас ко дром? ³⁴А он траиненас, соксето ко дром денас пес машкар песте кова си по-баро? ³⁵Тай като бешло, викингяс е дешдууен тай пенгяс ленге: Кова мангел те овел първо, ка овел саворендар последно тай саворенге служиели. ³⁶Тогава лилас иеке чавес, поставингяс лес машкар ленде тай, като гушингяс лес, пенгяс ленге: ³⁷Ковато приеминел иеке салке чавес анде Мере алавесте, Ман приеминел; тай ковато приеминел Ман, приеминел ма Ман, а Калкес, Ковато бичалгяс Ман. ³⁸О Йоан пенгяс Леске: Учителю, диклам иеке манушес те гонинел бесовиен анде Тере алавесте; тай забранингям леске, соксето на следвинелас амен. ³⁹А о Иисус пенгяс: Ма забранинен леске; соксето нанай никой, ковато те керел велико делос анде Мере алавесте, тай те ащи сиго палал далкесте те злословинел Ман. ⁴⁰Понеже ковка, ковато нанай против аменде, си карик аменде. ⁴¹Соксето, който напоинел тумен иеке чашаса пани, понеже синиен Христова, истина пенав туменге, ов нисар нанай те нашалел пи награда. ⁴²А ковато съблазнинел иекес калкендар таро цикне, колато верувинен анде Манде, за леске ка овел по-лачес те закачинел песке баро воденично бар пе меняте, тай те овел чивто андо морес. ⁴³Тай ако съблазнинел тут то вас, отсечине лес; по-лачес си за туке те дес андо животос недъгаво, отколкото те овен тут те дуи васта тай те жас андо пъкали, анди неугасимо яг, ⁴⁴(кате "о кермо ленгоро на мерел тай и яг на мерел"). ⁴⁵Тай ако те пире съблазнинен тут, отсечине лен; по-лачес си за туке те дес андо животос куцо, отколкото те

овен тут те дуида пире тай те овес чивто андо пъкали,⁴⁶(кате "о кермо ленгоро на мерел, тай и яг на мерел").⁴⁷Тай ако ты як съблазнинел тут, икал ла; по-лачес си за туке те дес андо Божие тагарипе иеке якаса, отколкото те овен тут те дуида яка тай те овес чивто андо пъкали,⁴⁸кате " о кермо ленгоро на мерел тай и яг на мерел".⁴⁹Соскето секой ка лонгярел пес ягаса (тай секо жертвата ка лонгярел пес лонеса).⁵⁰Лачо варесо си о лон; но ако о лон ачол билондо, соса ка подправинен лес? Те овел тумен лон анде туменде, тай мири те овел тумен машкар туменде.

Chapter 10

¹Тай ухтинило отар тай ало андо Юдейска предела, тай о тана отвъд о Йордан; тай о народос пак кедисале паш Лесте; тай по Пере обичаисте Ов пак поучинелас лен. ²Тай десаве фариесея приближисале тай пучле Лес, за те изпитинен Лес: Позволиме ли си е мрушеске те мукел пе ромня? ³В отговор Ов пенгяс ленге: Со заповедингяс туменге о Мойсей? ⁴А он пенде: о Мойсей позволингяс те пишинел разводно писмо тай те напуснинел ла. ⁵А о Иисус пенгяс ленге: Заради тумаре коравиме сърцеденге пишинягас туменге кайка заповед; ⁶обаче таро началос е създаниеско о Дел кергяс лен ром тай ромни. ⁷Далкеске ка мукел о мануш пе дадес тай пе дая тай ка привържинел пес карик пе ромняте*, ⁸тай о дуи ка овен иек пътът; чука кай нанай вече дуи, а иек пътът. ⁹Тай чука, ковка, ковато о Дел съчетингяс, мануш тена разльчинел. ¹⁰Тай кере о ученикия пак пучле Лес за далкеске. ¹¹Тай Ов пенгяс ленге: Който напуснинел пе ромня тай пранденел авераке, прелюбодействинел против лате. ¹²Тай ако ой напуснинел пе ромес тай пранденел авереске, ой прелюбодействинел. ¹³Тогава анде паш Лесте чаворорен, за те докоснинел пес жи ленде; а о ученика смъмринде лен. ¹⁴Но о Иисус, като диклас давка, възнегодувингяс тай пенгяс ленге: мукен е чавен те авен паш Манде; ма възлиричен лен, соскето салженгоро си о Божие тагарипе. ¹⁵Истина пенав туменге: Който на приеминел о Божие тагарипе сар чаво, ов нисар нанай те дел анде лесте. ¹⁶Тай гушкингяс лен, тай благословингяс лен, като положингяс Пе васта управленде. ¹⁷Тай като иклолас дроместе, декой запрастнило, пело кочиенде англал Лесте тай пучлас Лес: Гудлея Учителю, со те керав, за те наслединав вечно животос? ¹⁸А о Иисус пенгяс леске: Соске пенес Мангे гудлея? нокой нанай гудло, освен иек Дел. ¹⁹Жанес о заповедя: „, Ма мудар; Ма прелюбодействине; Ма чор; Ма лъжесвидетелствине; Ма увредине; Почитине те дая тай те дадес.“ ²⁰А ов пенгяс Леске: Учителина, всичко давка спазингиом ме тернипнастар. ²¹А о Иисус, като диклас, възлюблингяс лес тай пенгяс леске: Иек на доресел туке; жа, бикин всичко, со иси тут, тай де е чорен, тай ка овен тут съкровища ко небес; тай ела следвине Ман. ²²Но лескоро мui посърнингяс далке думендар, тай ов грело песке наскърбиме, соскето сине мануш буте имотиенца. ²³А о Иисус озърнисало тай пенгяс е ученикиенге: Кити мъчно ка ден андо Божие тагарипе колка колато си лен барвалипие! ²⁴А о ученикия смаисале Лескере думендар. Но в отговор о Иисус пак пенгяс ленге: Чада, кити си мъчно те ден андо Божие тагарипе (колка ,колато уповинен пес ко барвалипие)! ²⁵По-лесно си камила те накел презал о иглена кана, отколкото о барвало те дел андо Божие тагарипе. ²⁶А он удивисале твърде бут тай пенде Леске: Тогава кой ащи спасинел пес ? ²⁷О Иисус диклас лен тай пенгяс: Е манушенге давка си невазможно, но ма е Девлеске да; соскето за е Девлеске всичко си възмоижно. ²⁸О Петър почнингяс те пенел Леске: Аке, аме муклам всичко тай последвингям Тут. ²⁹О Иисус пенгяс: Истина пенав туменге: Нанай мануш, ковато те муклас кер, или прален, или пениен, или дая, или дадес, или чавен, или нивес ашал Мангे тай ашал о благовестие, ³⁰тай тена поучинел стократно акана, андо настоящо време, кера тай прала, тай пеня, тай даиен, тай чавен, тай нивес, заедно е гонибнаса, андо идещо светос*-вечно животос. ³¹Обаче мнозина първа ка овен последна, а о последна - първа. ³²А като уле дроместе за Ерусалим, о Иисус пирелас англал ленде; а он удивиненас пес, тай колка, колато следвиненас Лес, уле обзета даратар. Тай като кидингяс е дешдууиен, почнингяс те пенел ленге давка, ковато ка сполетинелас Лес: ³³Аке, аме иklas за Ерусалим, тай о Човешко Чаво ка овел предиме е главноне свещеникиенге тай е книжникиенге; тай он, като осъдинен Лес мерибнасте, ка преден Лес е езичникиенге; ³⁴тай ка поругаинен пес управл Лесте, ка чунгаден Лес, ка марен Лес тай ка мударен Лес; а палал о трин дис ка вазкръснинел. ³⁵Тогава приближисале жи Лесте о Яков тай о Йоан, о Зеведеева чаве, тай пенде Леске: Учителина, мангас те керес аменге, со да те мангас Тутар. ³⁶А Ов пенгяс ленге: Со манген те керав туменге? ³⁷Он пенде Леске: Де амен те бешас, иек Те десноне ригатар, а иек Те левонатар анде Тере славате. ³⁸А о Иисус пенгяс ленге: Нана жанен со манген. Ащи ли пиен и чаша, която Ме пияв, или те кръстинен тумен е кръщениеса, колеса Ме кръстинаман? ³⁹Он пенде Леске: Ащи. А о Иисус пенгяс ленге: И чаша, която Ме пияв, ка пиен, тай е кръщениеса, колеса Ме кръстинаман, ка кръстинен тумен; ⁴⁰но те бешен отдясно Манге или отляво Манге, нана зависинел Мандар, а ка дел пес колкенге, за коленге уло приготвиме. ⁴¹А о деш, като шунде давка, задолде те негодувинен против о Яков тай о Йоан. ⁴²Но о Иисус викингяс лен тай пенгяс ленге: Туме жанен, кай колка, колато считинен пес управителенге е народоске, господарувинен управл ленде, тай ленгере баре властвинен управл ленде. ⁴³Но машкар туменде нанай те овел чука; а ковато мангел те ачол баро машкар туменде, ка овел туменге слугас; ⁴⁴тай ковато мангел те овел първо машкар туменде, ка овел слугас саворенге. ⁴⁵Соскето наистина о Човешко Чаво нана ало, за те служинен Леске, но те служинел тай те дел По животос откупи мнозиненге. ⁴⁶Але андо Ерихон; тай като иклолас таро Ерихон Пе ученикиенца тай иек баро множествос, о Тимеево чаво о Вартимей, иек коро

просяки, бешелас турял о дром.⁴⁷Тай като шунгяс, кай сине о Иисус о Назаряни, почнингяс те пищинел, като пенелас: Иисусе, Чаво Давидово, смилине тут упран манде!⁴⁸Тай мнозина смъмриненас лес, за те траниел; но ов още по бут пищинелас: Чаво Давидово, смилине тут упран манде!⁴⁹Тай чука, о Иисус спириингяс тай пенгяс: Викинен лес. Викинде е корес тай пенде леске: Дерзайнне, ухти, викинел тут.⁵⁰Тай ов чивкяс по шехи тай хърпингяс, тай ало паш о Иисус.⁵¹Тай о Иисус захоратингяс тай пенгяс леске: Со мангес те керав туке? О коро пенгяс Леске: Учителина, те дикав.⁵²А о Иисус пенгяс леске: Жатуке, тери вяра изцелингяс тут. Тай ов веднага задиклас, тай цидингяс палал Лесте ко дром.

Chapter 11

¹Тай като приближиненас пес каrik о Ерусалим, жи ки Витфагия тай Витания паш о Елеонско хълми, бичалел дуиен таро ученикия Пере тай пенел ленге: ²Жан андо гав, ковато си мамуял туменде, тай щом ден анде лесте, ка аракен панло осели, ковато нисаво мануш още на бешло лесте; путрен лес тай анен лес. ³Тай ако декой пенел туменге: Соске керен давка? Пенен: Е Девлеске требел; тай веднага ка бичалел лес ате. ⁴Тай чука, он геле тай аракле иеке оселес, панло жи ко вудар, аври турял о дром, тай путерде лес. ⁵Тай десаве таро стояща оте пенде ленге: Со керен, тай путрен е оселес? ⁶А он отговоринде ленге, сарто пенгясас о Иисус; тай мукле лен. ⁷Тай анде е оселес паш о Иисус, тай чивте упраle лесте пе шехя; тай Ов бешло упраle лесте. ⁸Тай мнозина бухлярде пе шехя ко дром, а авер - клоня, като чиненас лен таро каща. ⁹Тай калка, кате пиренас англал, тай калка, колато авенас палал ленде, пищиненас: Осанна!

Благословиме, Ковато авел анде Девлескоро алаб! ¹⁰Благословиме о тагарипе амаре дадескоро о Давид, ковато авел (анде Девлескоро алаб); осанна андо висини! ¹¹Тай о Иисус диняс андо Ерусалим, андо храми, като раздиклас всичко, понеже вече ратилосас, гело анди Витания е дешдууиенца. ¹²А ки андиавин, като иклиле тари Витания, Ов бокалило. ¹³Тай като диклас удурал иек разлиstimе смокиния, ало, дане те аракел варесо лате; но като ало жи лате, нана араклас нищо, само иек листа, соскето на сине о времес е смокинене. ¹⁴Тай Ов захоратингяс, като пенгяс лаке: От акана на оте никой тена хал плоди тутар жи ко векос. Тай Лескере ученикия шунде давка. ¹⁵Тай але андо Ерусалим; тай о Иисус, като диняс андо храми, почнингяс те гонинел колкен, колато бикиненас, тай колка, колато киненас андо храми, тай претурингяс о масес е среброменителенгере тай о столова колкенгере, колато бикненас е купшиен. ¹⁶Тай на позволинелас те пренесинел декой саво да те овел съдос презал о храми. ¹⁷Тай поучинелас, като пенелас ленге: Нанай ли пишиме: „, Мо кер ка пенел пес молитвено кер саворе народоске”? А туме кергиен лес „разбойническо вертели”. ¹⁸Тай о главна свещеникия тай о книжникия шунде давка; тай роденас начини сар те погубинен Лес, соскето даранас Лестар, понеже цело народос удивинелас пес Лескере учениесте. ¹⁹А като ракиолас, Ов иклолас аври таро градос. ²⁰Тай чука, като накенас андиавин, дикле и смокиния шукили таро корени. ²¹Тай о Петрес диняс пес годи тай пенгяс Леске: Учителина, дик, и смокиния, колато Ту проклинингян, шукили. ²²А о Иисус в отговор пенгяс ленге: Те овел тумен вяра андо Дел. ²³Истина пенав туменге: Който пенел калке планинаке: Вазде тут тай чив тут андо морес, тай нана съмниел пес анде пе сърцесте, но повервинел, кай ковка, ковато пенел, събъдниел пес, ов ка ачол. ²⁴Далкеске пенав туменге: Всичко, со манген анди молитва, верувинен, кай получингиен лес, тай ка събъднигиол туменге. ²⁵Тай като изправинен тумен молитвате, простилен, ако иси тумен варесо против декасте, за те простилен тумаро Отеци, Ковато си ко небеса, тумаре безеха. (²⁶Но ако туме нана простилен, то о Отеци тумаро, Ковато си ко небеса, нанай те простилен туменге тумаре безеха.) ²⁷Тай але пак андо Ерусалим; тай като жалас андо храми, авен паш Лесте о главна свещеникия, о книжникия тай о старейшинес тай пенен Леске: ²⁸Саве властяса керес давка? Или кой диняс Тут дайка власт те керес давка? ²⁹О Иисус пенгяс ленге: Ка задав тумен Меда иек въпроси; отговоринен Манге, тай Меда ка пенав туменге саве властяса керав давка. ³⁰О Йоаново кръщение таро небес ли сине, или таро мануша? Отговоринен Манге. ³¹Тай он разисквиненас машкар песте, като пененас: Ако пенас: Таро небес, ка пенел: Тогава соске на верувингиен лес? ³²Но ако пенас: Таро мануша... (даранас таро народос; соскето саворе искрено считиненас е Йоанес пророкиеске). ³³Тай чука, в отговор е Иисусеске пенде: Нана жанас. О Иисус пенгяс ленге: Нито Ме ка пенав туменге саве властяса керав давка.

Chapter 12

¹Тай почнингяс те хоратинел ленге притченца: Иек мануш садингяс лозес, оградингяс лес плетиеса, хранялс лини, тай съградингяс кула, тай диняс лес под наем земеделциенге, тай гело андо странство.

²Тай ко време е плодиеско бичалгяс иеке слугас жи ко земеделция те прибиришел лендар о плоди е лозеско. ³А он долде лес, марде лес тай бичалде лес без нищо. ⁴Тай пак бичалгяс жи ленде авере слугас; тай леске да разбинде о шеро тай без те лажан оскърбинде лес. ⁵Бичалгяс аверес, колес мударде; тай мнозина авер, колендар иекен марде, околен мударде. ⁶Още иек сине лес, иек възлюбено чаво; лес бичалгяс последно жи ленде, като пенелас: Ка почетинен ме чавес. ⁷А калка земеделция пенде машкар песте: Кавка си о наследники; елан те мударас лес, тай о наследство ка овел амаро. ⁸Тай чука, долде лес, тай мударде лес тай чивте лес аври таро лозес. ⁹Тай тогава со ка керел о стопани е лозеско? Ка авел тай ка погубинел калке земеделциен, а о лозес ка дел аверенге. ¹⁰Нана четингиен ли давкада Писание: „, О бар, ковато отчивте о зидаря, Ов ачило о шеро е ъгълеско; ¹¹таро Дел си давка, тай чудно си анде амаре якенде”? ¹²Тай о първенци мангле те долен Лес (но дараниле таро народос), понеже ахалиле, кай за ленге пенгяс дайка притча. Тай мукле Лес, тай геле песке. ¹³Тогава бичален паш Лесте десавен таро фарисея тай таро Иродиания, за те уловинен Лес андо думес Леске. ¹⁴Тай он, като але, пенде Леске: Учителина, жанас, кай синян искрено тай нанай Тут грижа никастар; сокето нана дикес ко муй е манушенге, но учинес о Божие дром според истина. Право ли си те дас данъки е кесариес, или нака? ¹⁵Те дас ли, или тена дас? А Ов, като ахалило ленгоро лицемерие, пенгяс ленге: Соске изпитвинен Ман? Анен Манге иек пенязи те дикав лес. ¹⁶Тай он анде Леске. Тогава пенгяс ленге: Каскоро си кавка образи тай надписи? Тай он пенде Леске: Е кесариеско. ¹⁷Тай о Иисус пенгяс ленге: Ден о кесарово е кесариес, тай е Девлеско е Девлес. Тай он зачудисале Леске. ¹⁸Палал далкесте але паш Лесте садукея, колато пенен, кай нанай възкресение; тай пучле Лес: ¹⁹Учителина, о Мойсей пишингяс аменге, кай ако декаске мерел прал тай мужел ромня, а чавес нана мужел, то леско прал те лел лескере ромня тай те ваздел потомъки пе пралеске. ²⁰Тай чука, исине ефта прала; тай о първо лилас ромня, тай като муло, нана мукляс потомъки. ²¹Лилас ла о второ, муло, тай нана мукляс потомъки; също о трето. ²²Лиле ла о ефтада, тай нана мукле потомство. А палал саворенде мули и ромнида. ²³Андо възкресение* каске лендар ка овел ромни? Сокето о ефтангеда ули ромни. ²⁴О Иисус пенгяс ленге: Ма далкеске ли заблудинен тумен, понеже нана жанен о Писания, нито е Девлескири сила? ²⁵Сокето, като ка възкреснинен таро муле, нито женинен пес, нито омъжвинен пес, но си сар ангела ко небес. ²⁶А за е муленге, кай овен възкресиме, нана четингиен ли анди книга е Мойсейеске, ко тан е къпинаке, сар о Дел хоратингяс леске, като пенгяс: „Ме синиом Дел Авраамово, Дел Исаково тай Дел Яково”? ²⁷Ов нанай Дел е муленге, а е живденге. Туме бут заблудинен тумен. ²⁸А иек таро книжникия, ковато ало тай шунгяс лен, като препириненас пес, като диклас,, кай отговорингяс ленге лачес, пучле Лес: Коя заповед си първо саворендар? ²⁹О Иисус отговорингяс: И първо си: „Шун, Израилю; о Дел, амаро Дел, си иек Дел; ³⁰тай те възлюбинес е Девлес, тере Девлес, те целоне сърцеса, те целоне душаса, те саворе гогяса тай те саворе силаса”. ³¹А и второ (подобно лате) си: „, Те възлюбинес те близконес сар туте”. Авр заповед по-бари калкендар нанай. ³²Тай о книжники пентяс Леске: Превъзходно, Учителина! Ту право пенгян, кай о Дел си иек; тай нанай авер, освен Лесте; ³³тай те дехел Лес мануш все сърцестар, пе саворе гогяса, тай пе саворе силаса, тай те дехел пе близконес сар песте, давка си бут повече таро саворе всеизгаряния тай жертвес. ³⁴Тай о Иисус, като диклас, кай отговорингяс разумно, пенгяс леске: Насинян дуре таро Божие тагарипе. Тай никой вече на дръзнигяс те задел Леске въпрося. ³⁵Тай като поучинелас андо храми, о Иисус захоратингяс, като пенгяс: Сар пенен о книжникия, кай о Помазаники си Давидово Чаво? ³⁶Коркоро о Давид пенгяс чрез о Свято Духос: „, Пенгяс о Дел* мере Девлеске: беш отдясно Манге, жи кай положинав Те враговиен за Тере подножиеске”. ³⁷Коркоро о Давид пенел Леске Дел; тогава сар те овел леско чаво? Тай баро множествос шунелас Лес удоловствиеса. ³⁸Тай анде Пе поучениесте пенелас: Пазинен тумен таро книжникия, колато дехен те пирен премениме тай те приеминен о поздравия ко пазаря, ³⁹тай о първа столовя ко синагогес, тай о първа тана ко угощения; ⁴⁰калка, колато хан о кера е вдовиценгере даже като покажимнаксе принесинен дълга молитвес. Калка ка приеминен по-баро осъждение. ⁴¹Тай о Иисус, като бешло мамуял и съкровищница, дикелас сар о народос мужел парес анди съкровищница; тай мнозина барвале муженас бут. ⁴²А иек чорори вдовица али тай муклас дуи лептес, демек, иек кодранти. ⁴³Тай викингяс Пе ученикиен, тай пенгяс ленге: Истина пенав туменгег: Кайка чорори вдовица муклас по бут саворендар, колато мужен анди съкровищница; ⁴⁴сокето он саворе мужен пе излишакестар, а ой пе немотиятар муклас всичко, со сине ла, по цело имоти.

Chapter 13

¹Като иклолас таро храми, иек Лескере ученикиендар пенгяс Леске: Учителина, дик, саве бара тай саве здания! ²А о Иисус пенгяс леске: Дикес ли калка баре здания? Нанай те ачол ате бар баресте, ковато тена срининел пес. ³Тай като бешелас ко Елеонско хълми мамуял о храми, о Петрес тай о Яков, тай о Йоан тай о Андрей пучле Лес коркоресте. ⁴Пен аменге, кана ка овел давка? Тай саво ка овел о знаци, кана всичко давка ка предстоинел те изпълнингиол? ⁵А о Иисус почнингяс те пенел ленге: Пазинен тумен тена подмаминел тумен декой. ⁶Мнозина ка авен анде Мере алавесте тай ка пенен: Ме синиом о Помазаники, тай ка подмаминен мнозинен. ⁷А като шунен войненге тай слуховия войненге, ма смутинен тумен; давка требе те ачол; но давка нанай още о свършеки. ⁸Соскето народос ка ваздел пес против народосте, тай тагарипе против тагарипнасте, ка овен трусова разнове таненде, ка овел бок; а калка бука си само о началос е страдимнаскоро. ⁹А туме внимавинен туменге; соскето ка преден тумен събориенде, тай андо синагогес ка марен тумен; тай англал о управителя тай тагара ка овен изправиме ашал Манге, за те свидетелствинен англал ленде. ¹⁰Обаче требе първо те проповединел пес о благовестие саворе народоске. ¹¹А като ка ингален тумен, за те преден тумен, ма безпокойнен тумен англал далkestе со ка хоратинен; но со ка дел пес туменге анде далке сахатиесте, давка хоратинен; соскето на синиен туме, колато хоратинен, а о Свято Духос. ¹²Прал пе пралес ка предел мерибнасте, тай дад-чавес; тай чаве ка вазден пес против пе родителенде, тай ка овен мразиме саворендар ашал Мере алавеске; но ковато устоинел жи ко крайос, ов ка овел спасиме. ¹³Тай като ка дикен и мерзост която анел запустение (за колаке хоратинел о пророки о Даниил), стоящо оте, кате на подобинел (който четинел, нека ахалол), тогава колка, колато си анди Юдея, нека нашен ко планини; ¹⁵тай който си ко покриви пе кереске, тена ухлел анде пе кересте, нито те дел те лел варесо лестар; ¹⁶тай който си ки нива, тена иринел пес напапале те лел по шехи. ¹⁷А горко е неучченге тай е кърмещоненге презал далке диесенде! ¹⁸Паш далkestе, молинен тумен тена ачол давка* ко евент; ¹⁹соскето презал колке диесенде ка овел скръб, небивало жи акана таро началос е създаниескоро, ковато о Дел създиняс, нито ка овел сайка. ²⁰Тай ако о Дел на съкратинелас колка диеса, нанайас те избавинел пес ни иек плът; но ашал е избраноненге, колато Ов избириингяс, съкратингяс о диеса. ²¹Тогава, ако пенел туменге декой: Аке, ате си о Помазаники, или: Аке, оте си, ма верувинен; ²²соскето ка появинен пес хохавне помазаникия тай хохавне пророкия, колато ка покажинен знамения тай чудеса, за те подмаминен, ако си възможно, е избраноненда. ²³А туме внимавинен; аке, предскажингиом туменге всичко. ²⁴Но презал колке диесенде, палал колке скърбате, о кам ка тъмнонгиол, и луна нанай те дел пи светлина, ²⁵о звезди ка перен таро небес, тай о силес, колато си ко небес ка разклатинен пес. ²⁶Тогава ка дикен е Човешконе Чавес, сар авел ко облакя, баре силаса тай славаса. ²⁷Тай тогава ка бичалел е ангелен тай ка киден Лескере избирименен таро щар вертища, таро крайос е пувяже жи ко крайос е небеске. ²⁸А сиклон и притча тари смокиния: Като лакере клоня вече ковлон тай развинен листа, жанен, кай си паше о нилай; ²⁹също чука тумеда, като дикен, кай ачол давка, те жанен, кай Ов си паше паш о вудар. ³⁰Истина пенав туменге: Кавка поколение нанай те пренакел, жи кай нана създаниеските всичко давка. ³¹О небес тай и пув ка пренакен, но Мере хоратес нанай те пренакен. ³²А за колке диесеске или сахатиеске никой нажанел, нито о ангела ко небеса, нито о Чаво, а само о Отец. ³³Внимавинен, бдинен (тай молинен тумен); соскето нажанен кана ка ачол о времес. ³⁴Понеже давка ка овел, сарто като мануш, като жал анди чужбина, мукел по кер тай дел власт пе слуген, секас лескири бути, заповединел е вратариеске те бдинел. ³⁵Тай чука, бдинен (соскето нажанен кана ка авел о господари е керескоро - ират ли, или машкар ират, или като гилабен о башне, или андиавин), ³⁶тена, като ка авел неочаквано, те аракел тумен засуте. ³⁷А со пенав туменге, саворенге пенав: Бдинен!

Chapter 14

¹А палал о дуи диес ка овелас и Пасха тай о Празници е безквасноне марескоро; тай о главна свещеникия тай о книжникия роденас случай те долен Лес пирнипнаса тай те мударен Лес. ²Соскето пененас: Тена ачол ко празници, за тена ваздел пес вълнение машкар о народос. ³Тай като Ов уло анди Витания, тай бешелас ки софра ко кер е Симонеске о прокажено, али иек жувли, колато сине алабастрано съдос мирона чистоне тай скъпоценоне нардиеса; тай като паглас о съдос, чоргяс о мирон Лескере шересте. ⁴А сине десаве, колато, негодуваща, пененас машкар песте: Соске чука прахосало о мирон? ⁵Соскето давка мирон ацинне бикнелпес за по бут таро трин шел пеняза, тай и сума те раздел пес е чороренге. Тай роптаиненас против лате. ⁶Но о Иисус пенгяс: Муken ла; соске досадинен лаке? Ой кергяс лачо делос Манге. ⁷Соскето о чоре винаги араклон машкар туменде тай кана манген, ащи керен ленге лачипе; но Ме нана аракловав винаги машкар туменде. ⁸Ой кергяс давка, ковато ачине; предварингяс те помажинел Мо телос за погребимнаске. ⁹Истина пенав туменге: Катеда те проповединел пес о благовестие ко цело светос, ка разкажинел пес анде лакере паметяте давка, ковато ой кергяс. ¹⁰Тогава о Юда Искариотски, ковка, ковато сине иек таро дешудуи, гело ко главна свещеникия, за те предел Лес ленге. ¹¹Он, като шунде, лошанде тай обещинде те ден лес парес. Тай ов роделас сгодно случай те предел Лес. ¹²А ко първо диес е Празнициеске е безквасноне марескоро, като колиненас жертвес за е пасхаке, Лескере ученикия пенде: Кате мангес те жас тай те приготвинас, за те хас и пасха? ¹³Тай Ов бичалгяс дуиен Пе ученикиендар тай пенгяс ленге: Жан андо градос; тай ка ресел тумен мануш, ковато пиравел стомна паниеса; пирен палал лесте. ¹⁴Тай кате дел, пенен е стопаниеске далке керескоро: О Учители пучел: Кате си и приготвиме за Манге и приемно стая, кате ка хав и пасха Ме ученикиенца? ¹⁵Тай ов ка сикавел туменге иек бари упруни стая, бухлярди тай готово; оте приготвинен аменге. ¹⁶Тай чука, о ученикия иклиле тай але андо градос; тай аракле, карто пенгясас ленге; тай приготвинде о пасха. ¹⁷Тай като ратило, Ов ало е дешудуиенца. ¹⁸Тай като бешенас ки софра тай ханас, о Иисус пенгяс: Истина пенав туменге: Иек тумендар, ковато хал Манца, ка предел Ман. ¹⁹Он почнинде те скърбинен тай те пенен Леске иек по иек: Тена овав ме? ²⁰А Ов пенгяс ленге: Иек таро дешудуи си, ковато топинел заедно Манца андо блюдос. ²¹Соскето о Човешко Чаво жал, карто си пишиме за Леске; но горко за калке манушеске, чрез колесте о Човешко Чаво пределпес! Лачес ка овел далке манушеске, ако нана бияндилосас. ²²Тай като ханас, о Иисус лила маро, тай като благословингяс, пагляс, тай диняс лен ай пенгяс: Лен (хан); давка си Моро телос. ²³Лилас и чашада, благодарингяс тай диняс лен; тай он саворе пиле латар. ²⁴Тай пенгяс ленге: Кавка си Моро рат е (неве) заветиско, ковато чориол мнозиненге. ²⁵Истина пенав туменге, кай нанай вече те пияв таро плоди е лозаке жи колке диесесте, като ка пияв лес нево андо Божие тагарипе. ²⁶Тай като гилябинде химни, иклиле ко Елеонско хълми. ²⁷Тай о Иисус пенгяс ленге: Туме саворе ка съблазнинен тумен (ашал Манге кайка рат); соскето си пишиме: „Ка поразинав е пастириес, тай о овце ка разпръснингион.“ ²⁸А палал Мере възкресениесте ка предваринав тумен анди Галилея. ²⁹А о Петрес пенгяс Леске: Ако савореда съблазнинен пес, ме обаче - нака. ³⁰Тай о Иисус пенгяс леске: Истина пенав туке, кай авдиес, кайка рат, англал те гилабел о башно дуи дром*, ту трин дром ка отречинес тут Мандар. ³¹А ов твърде разпалиме пенелас: Ако ачол нужда те меравда Туса, пак нанай те отречинаман Тутар. О също пенен саворе. ³²Тай але иеке танесте, наречиме Гетсимания; тай пенгяс Пе ученикиенге: Бешен ате, жи кай помолинаман. ³³Тай лилас Песа е Петрес, е Яковес тай е Йоанес, тай задолгяс те тревожинел пес тай те тъгувинел. ³⁴Тай пенгяс ленге: Ми Душа си прескръбно жи ко мериба; побешен ате тай бдинен. ³⁵Тай като гело хари нангле, пело ки пув; тай молинелас пес, ако сине възможно, те отнакел Лес давка сахати, като пенелас: ³⁶Авва, Отче, за Туке всичко си възможно; отнак Ман калке чашаса; ма обаче со мангав Ме, но со Ту. ³⁷Тай авел, тай аракел лен засуте; тай пенел е Петреске: Симоне, совес ли? Нащине ли иек сахати те бдинес? ³⁸Бдинен тай молинен тумен, за тена перен андо изкушение; о духос си бодро, а о телос немощно. ³⁹Тай пак гело тай помолисало, като пенгяс о съща хоратес. ⁴⁰Тай като ало пак, араклас лен засуте, соскето ленгере яка натегниндесас; тай нажаненас со те отговоринен Леске. ⁴¹Тай трето дром ало, тай пенгяс ленге: Още ли совен тай почивинен? Достатъчно си! Ало о сахати! Аке, о Човешко Чаво предел пес андо васта е грешниенге. ⁴²Ухиен те пирас; аке, приближинел пес ковка, ковато предел ман! ⁴³Тай веднага, жи кай Ов още хоратинелас, ало о Юдас, иек таро дешудуи, тай леса иек множествос чуриенца тай сопиенца, бичалде таро главна свещеникия, книжникия тай о старейшинес. ⁴⁴А ковка, ковато предел Лес, динясас лен знаци, като пенгяс: Колес чумидав, Ов си; долен Лес, тай ингален Лес, като пазинен Лес зоралесте. ⁴⁵Тай като ало, веднага приближисало жи Лесте тай пенгяс: Учителина! Тай чумидингяс Лес. ⁴⁶Тай он товде васта упрад Лесте тай долде Лес. ⁴⁷А иек таро бешле оте икалгяс пи чури

тай чалагяс е първосвещеникескере слугас, тай чингяс лескоро кан.⁴⁸ Тай о Иисус захоратингяс, като пенгяс ленге: Сар мамуял разбойникиесте ли иклилен чуриенца тай сопиенца те долен Ман?⁴⁹ Секо диес улом паш туменде тай поучинавас андо храми, тай нана долгиен Ман; но давка ачило, за те сбъднингион о Писания.⁵⁰ Тогава саворе мукле Лес тай занашле.⁵¹ Тай десаво си момъки следвинелас лес, пакърдо плащаницаса нангесте; тай он долде лес.⁵² А ов, като муклас и плащаница, нашло нанго.⁵³ Тай ингалде е Иисусес ко първосвещеници, паш колесте киден пес саворе главна свещеникия тай о старейшинес, тай о книжникия.⁵⁴ А о Петрес следвинелас Лес удурал жи ко дворос е първосвещеникеске, тай бешелас андре заедно е служителенца, тай такярелас пес ки яг.⁵⁵ Тай о главна свещеникия, тай о цело синедриони роденас свидетелство против о Иисус, за те мударен Лес, но нана аракенас.⁵⁶ Соскето мнозина лъжесвидетелствинде против Лесте, но ленгере свидетелства на сине съща.⁵⁷ Палал далкесте десаве ухтиниле тай лъжесвидетелствинде против Лесте, като пенде:⁵⁸ Аме шунгям Лес те пенел: Ме ка разрушина в кавка храми кердо вастендар тай трине диесенге ка керав авер, ма вастендар.⁵⁹ Но чукада ленгере свидетелства на сине съща.⁶⁰ Тогава о първосвещеници изправисало машкарал тай пучлас е Иисусес, като пенгяс: Нищо ли нана отговоринес? Со свидетелствинен калка против Туте?⁶¹ А Ов траниелас тай нана отговорингяс нищо. О първосвещеници пак пучлас Лес, като пенгяс Леске: Ту ли синян о Помазаници, Чаво е Благословименескоро?⁶² А о Иисус пенгяс: Ме синиом; тай ка дикен е Човешконе Чавес, бешло отдясно е Силаке тай авел е небесноне облакиенца.⁶³ Тогава о първосвещеници парагяс пе шехя тай пенгяс: Сави нужда си амен вече свидетелестар?⁶⁴ Шунгиец о богохулство; сар дикелпес туменге? Тай он саворе осъдинде Лес, кай заслужинел мерибнаскоро наказание.⁶⁵ Тай десаве почнинде те чунгаден Лес, те гаравен Лескоро муи, те бутинен Лес тай те пенен Леске: Ахалов. Тай о служителя, като долде Лес, чалавенас лес шамаря.⁶⁶ Тай като о Петрес сине теле ко дворос, али иек таро слугиниес е първосвещеникеске;⁶⁷ тай като диклас е Петрес, кай такярел пес, задиклас пес анде лесте тай пенгяс: Туда улан е Назаринянеса, е Иисеса.⁶⁸ А ов отречисало, като пенгяс: Нито жанав, нито ахаловав со хоратинес. Тай иклило аври ко предверие; тай о башно загилябингяс.⁶⁹ Но и слугиния диклас лес тай пак почнингяс те пенел е бешленге оте: Кавка си лендар.⁷⁰ А ов пак отречисало. След хари о бешле оте пак пенде е Петреске: Наистина синян лендар, соскето синян галилеяни (тай то хоратиба съответствинел).⁷¹ А ов почнингяс те проклиниел тай те хал совеля: Нана пенджараев калке манушес, за колеске хоратинен.⁷² Тай ко сахати о башно загилябингяс второ дром*. Тай о Петрес диняс пес годи о хоратес, колато о Иисус пенгясас леске: Англал те гилябел о башно дуи дром*, трин дром ка отречинес тут Мандар. Тай като размислингяс далкеске, заруно.

Chapter 15

¹Тай ки андиавин о главна свещеникия е старейшиненца тай е книжникиенца, тай о цело синедриони незабавно съвешинде пес, тай като панле е Исусес, ингалде Лес тай предине Лес ко Пилат. ²Тай о Пилат пучлас Лес: Ти о Юдейско тагар ли синян? А Ов отговорингяс леске: Ту пенес. ³Тай о главна свещеникия обвининенас Лес буте букиенде.⁴ А о Пилат пак пучлас Лес, като пенгяс: Нищо ли нана отговоринес? Дик ките букиенге обвининен Тут! ⁵Но о Исус нищо вече нана отговорингяс, чука кай о Пилат чудинелас пес. ⁶А ко празници ов мукелас ленге по иеке затворникиес, колес ка манген. ⁷А анде колке времесте исине декой си ко алав Варава, панло заедно колке бунтовнициенца, колато андо време ко бунти кердесас мудариба. ⁸Тай о народос качисало тай почингяс те мангел таро Пилат те керел ленге со сине обичай те керел. ⁹А о Пилат в отговор пенгяс ленге: Манген ли те мукав туменге е Юдейсконе тагарес? ¹⁰(Понеже жанелас, кай о главна свещеникия тари завист предине Лес.) ¹¹Но о главна свещеникия подбудинде е народос те манген по-лачес те мукел ленге е Варавиес. ¹²О Пилат пак в отговор пенгяс ленге: Тогава со те керав Калкеса, Колеске пенен Юдейско тагар? ¹³А он пак запищинде: Разпнин Лес!¹⁴ А о Пилат пенгяс ленге: Кай саво канилише кергяс? ¹⁵Тогава о Пилат, като мангелас те угодинел е народоске, муклас ленге е Варавас, а е Исусес маргяс тай прединяс Лес ко разпниба. ¹⁶Тай о войниковия ингалде Лес андре андо дворос, демек, анди претория, тай викинде целионе дружина. ¹⁷Тай урявде Лес пурпурно мантия, кувде венецида таро тръня, тай товде лес ко шеро Леске. ¹⁸Тай почнинде те поздравинен Лес чука: Зздравей, Тагара Юдейско! ¹⁹Тай чалавенас Лес ко шеро тръстикаса, чунгаденас Лес, тай перенас кочиенде, тай кланиенас пес Леске. ²⁰Тай след като подигрависале Леске, нангярде Лес и пурпурно мантия, урявде Лес Лескере шехя, тай икалде Лес аври те разпнинен Лес. ²¹Тай традинде те пиравел Лескоро кръстос десаво си Симон Киринец, о дад е Александреско тай на Руф, ковато накелас ко ириба тари нива. ²²Тай ингалде е Исусес ко тан Голгота, ковато значинел Лобно тан. ²³Тай денас Лес мол, ехмиме смиренаса, но Ов нана приемингяс. ²⁴Тай като разпънинде Лес, разделинде песке Лескере шехя тай чивенас жребий за ленге, кой со те лел. ²⁵А сине о трето сахати, като разпнинде Лес. ²⁶А о надписи Лескере обвинениеско уло пишише чука: О Юдейско Тагар. ²⁷Тай Леса разпнинде дуие разбойнициен, иек отдясно Леске тай иек отляво Леске. (²⁸Тай изпълнисало о Писание, ковато пенел: „Тай е беззаконикиенца числисало,”) ²⁹Тай колато накенас отар хулиненас Лес, като клатиненас шере тай пененас: Аиде, акана! Ту, ковато разоринес о храми тай трине диесенге пах керес лес, ³⁰спасине Тут тай ухли таро кръстос. ³¹Подобно тай о главна свещеникия е книжникиенца асанас Леске машкар песте, като пененас: Аверен избавингяс, апа Пес наши избавинел! ³²О Помазаники, о Израилово Тагар, нека ухлел акана таро кръстос, тай те дикас тай те повервинас. Тай и разпниме Леса хулиненас Лес. ³³Тай като ало о шесто сахати, ачили тъмнина ки цело пув, тай траингяс жи ко еня сахати. ³⁴Тай ко еня о сахати о Исусес пищингяс силноне гласоса: „ Елои, Елои, Лама Савахтани?”, ковато значинел: Боже моро, Боже моро, соске муклан Ман? ³⁵Тай десаве таро бешле оте, като шунде, пенде: Аке, викинел е Илияс. ³⁶Тай иек запрастанило, топингяс гъба андо шут, тогяс ла ки тръстика тай диняс Лес те пиел, като пенелас: Муken Лес! Те дикас дали ка авел о Илияс те снеминел Лес. ³⁷А о Исус, като издияс сильно гласос, издъхнингяс. ³⁸Тай и завеса е храмиескири паравдили донде от упран жи теле. ³⁹А о стотники, ковато бешелас мамуял Лесте, като диклас, кай чука (пищингяс тай) издъхнингяс, пенгяс: Наистина Кавка Мануш сине Чаво е Девлеско. ⁴⁰Сине още жувля, колато дикенас удурал, машкар коленде сине и Мария Магдалина, тай и Мария, и дай е цикне Яковескири тай е Йосийскири, тай е Саломияскири; ⁴¹колато, като уло анди Галилея, пиренас палал о Исусес тай служиненас Леске; сине бут авер жувля, колато алесас Леса андо Ерусалим. ⁴²Тай като вече ратило, понеже сине Приготвително диес, демек, мамуял и събота, ⁴³ало о Йосиф тари Аrimатея, иек видно съветники, ковато коркоро жарелас о Божие тагарипе, тай осмелисало те дел паш о Пилат тай те мангел е Исусеско телос. ⁴⁴А о Пилат чудисало дали си вече муло тай като викингяс е стотникиес, пучлас лес дали вече си муло. ⁴⁵Тай като сиклило таро стотники, отстъпнингяс о телос е Йосифеске. ⁴⁶Тай ов кингяс плащаница тай като снемингяс Лес, пакяргяс Лес анди плащаница тай положнингяс Лес андо мимори, ковато уло изсечиме анди скала, тай перагяс бар упран о вудар е мимораске. ⁴⁷А и Мария Магдалина тай и Мария, е Йосивеиескири дай, дикенас кате положинен Лес.

Chapter 16

¹А като накли и събота, и Мария Магдалина, и Мария, и Яковово дай, тай Саломия кинде ароматия, за те авен те помажинен Лес. ²Тай андо първо диес е куркеске але ко мимори бут рано, като изгреингяс о кам. ³Тай пененас машкар песте: Кой ка перавел аменге о бар таро вудар е мимораск? - соскето сине бут баро*. ⁴ А като ваздинде яка, дикле кай о бар уло перавдо. ⁵Тай като дине андо мимори, дикле, кай иек юноша бешел отдясно, урявдо анди парни одежда; тай бут удивисале. ⁶ А ов пенгяс ленге: Ма удивинен тумен; туме роден е Иусес о Назаряни, о разпнато. Ов възкръснингяс; нанай Лес ате; аке о тан, кате положинде Лес. ⁷ Но жан, пенен Лескере ученикиенге тай е Петреске, кай жал англал туменде анди Галилея; от ка дикен Лес, карто пенгяс туменге. ⁸ Тай он иклиле тай занашле таро мимори, понеже трепети тай ужаси долгяс лен; тай никаске на пенде нищо, соскето даранас. ⁹ Тай като възкръснингяс рано ко първо диес е куркеско, о Иус явисало първо е Марияке Магдалина, колатар гонингясас ефта бесовя. ¹⁰ Ой гели те известинел калкенге, колато придвижиненас Лес, тай колато жалиненас тай ровенас. ¹¹ Но он, като шунде, кай уло живдо тай кай ой диклас Лес, нана верувинде. ¹² Палал далкесте явисало авере образиеса дуиенге лендар, като пиренас, като жанас андо гав. ¹³ Тай он геле тай известинде околенге; но ленгеда на верувинде. ¹⁴ После явисало е дешуиеke ученикиенге, като уле ки софра, тай смъмрингяс лен за е невериеске тай е жестокосърдеческе ленгоро, соскето на верувинде колкенге, колато диклесас Лес възкръсиме. ¹⁵ Тай пенгяс ленге: Жан ко цело светос тай проповединен о благовестие секоне създанияеске. ¹⁶ Който поверишил тай кръстинал пес, ка овел спасиме; а който на поверишил, ка овел осъдиме. ¹⁷ Тай калка знамения ка придвижинен е повярвалонен; анде Мере алвесте бесовиен ка гонинен; неве чиба ка хоратинен; ¹⁸ сапен ка долен; а ако пиен варесо мерибнаскоро, ов нисар нанай те поврединел лен; насваленге ка възложинен васта, тай он ка саскион. ¹⁹ Тай чука, след като хоратингяс ленге, о Дел о Иус възнесисало андо небес тай бешло отдясно е Девлеске. ²⁰ А он иклиле тай проповединенас секате, като съдействинелас ленге о Дел, тай подкрепинелас о словос знамениенца, колато придвижиненас лес. Амин*.

Luke

Chapter 1

¹Понеже мнозина предприеминде те съчининен разкази за е съвършеноне потвърдименене машкар аменде събития, ² карто предине лен аменге колка, колато отначало уле очевидция тай служителия е евангелсконе словоске, ³ диклас пес лачес мангеда, ковато изследвинавас подробно всичко таро началос, те пишинав туке наред далкеске, почтени Теофиле, ⁴ за те пенджарес и достоверност е букиенгири, анде коленде улан поучавано. ⁵ Ко диеса е Юдейсконе тагареске о Ирод сине иек свещеници таро Авиево отреди, ко алав Захария; тай лескири ромни сине таро Ааронова потомция, тай наречинелас пес Елисавета. ⁶ Он о дуйда сине праведна англал о Дел, като пиренас непорочно андо саворе Господна заповедя тай наредбес. ⁷ Тай нана сине лен чадос, понеже Елисавета сине неплодно, а о дуйда сине анди напреднало възраст. ⁸ Тай като свещенодействинелас ов, англал о Дел ко редос пере отредиеске, ⁹ ко обичаи е свещеничество, леске пело пес по жребий те дел андо Господно храми тай те покадинел. ¹⁰ Тай андо сахати е каденеске о цело множествос е люденге молинелас пес аври. ¹¹ Тай явисало леске ангели таро Дел, бешло отдясно ко кадилно олтари. ¹² Тай о Захария, като диклас лес, смутисало, тай обземингяс лес дар. ¹³ Но о ангели пенгяс леске: Ма дара, Захария, соскето тери молитва си шунди тай ти ромни и Елисавета ка биянел туке чавес, колес ка наречинес Йоан. ¹⁴ Ов ка овел туке лошалаке тай за веселие; тай мнозина ка лошанен лескере биянимнаске. ¹⁵ Соскето ка овел велико англал о Дел; мол тай спиртно пииба нанай те пиел; тай ка изпълнинел пес е Святоне Духоса още пе даяке тари утроба. ¹⁶ Тай още иринел мнозина таро израиляния карик о Дел, ленгоро Дел. ¹⁷ Ов ка пирел англал о муи Леске андо духос тай и сила е Илияскири, за те иринел о сърца е даденгере карик о чада, тай о непокорна карик и мъдрост е праведнененге, тай те приготвили е Девлеске благоразположиме народос. ¹⁸ А о Захария пенгяс е ангелеске: По состе ка ахаловав давка, соскето ме синиом пуро, ми ромни да си анди напреднало възраст? ¹⁹ О ангели в отговор пенгяс леске: Ме синиом Гавриил, ковато бешел англал о Дел, тай синиом бичалдо те хоратинав туке тай те благовестинав туке давка. ²⁰ Тай, аке, ка мъкниес, тай нанай те ащи

те хоратинес жи ко диес, като ка съднингиол давка, соскето нана верувингян ме думес, колато ка съднингион своевременно.²¹ Тай о люде жаренас Захария тай чудиненас пес, кай бавинел пес андо храми.²² А като иклило, нанащине те хоратинел ленге; тай он ахалиле, кай диклас видение андо храми, соскето ов керелас ленге знакя тай ачолос лалоро.²³ Тай като навършил о диеса лескере служениестар, ов гело пе кересте.²⁴ А палал далке диесенде лескири ромни и Елисавета камнили; тай тайнелас пес панч масек, като пенелас:²⁵ Чука кергяс мангэ о Дел ко диеса, като диклас милостиво, за те отнеминел таро мануша и причина те коринен ман.²⁶ А ко шов масек о ангели Гавриил уло бичалдо таро Дел андо галилейско гради, наречиме Назарет,²⁷ иеке девицате, сгодиме мрушеске, ко алав Йосиф, таро Давидово кер; а о алав е девицакоро сине Мария.²⁸ Тай като ало о ангели паш лате, пенгяс: Зздравей, благодатна! О Дел си туза, благословиме синян ту машкар о жувля.²⁹ А ой бут смутил о лескере думендар тай андо недоумение ули саво ли ка овел давка поздрави.³⁰ Тай о ангели пенгяс лаке: Ма дара, Марийо, соскето придобингян е Девлескоро благоволение.³¹ Тай аке, ка камниос анде те утробате тай ка биянес чавес, Колес ка наречинес Иисус.³² Ов ка овел велико тай ка наречинел пес Чаво е Всевишнонескоро; тай Господ Бог ка дел Лес о престоли Лескере дадескоро о Давид.³³ Ка царувинел упран о Яковово кер жи ко векос; тай о тагарипе Лескоро нанай те овел лес крайос.³⁴ А и Мария пенгяс е ангелеске: Сар ка овел давка, след като мрушес нана пенджараав?³⁵ Тай о ангели в отговор пенгяс лаке: О Свято Духос ка авел упран туте тай и сила е Всевишнонескири ка осениел тут; далкеске о Свято, Ковато ка биянгиол тутар, ка наречинел пес Божие Чаво.³⁶ Тай аке, тери сродница и Елисавета, ой да пе пуринище камнили чеса; тай давка си о шов масек лаке, която си наречиме неплодно.³⁷ Соскето о Девлеске нанай невъзможно варесо*.³⁸ Тай и Мария пенгяс: Аке е Девлескири слугиния; нека овел мангэ според карто пенгян. Тай о ангели гело песке латар.³⁹ Презал калке диесенде и Мария ухтинили тай гели сиго карик и хълмисто риг, анде иеке юдейсконе градосте,⁴⁰ диняс андо Захариево кер тай поздравингяс е Елисавета.⁴¹ Тай щом шунгяс и Елисавета е Мариякоро поздрави, о младенецос закелгяс анди утроба лаке; тай и Елисавета пердили е Святона Духоса,⁴² тай като пищингяс силноне гласоса, пенгяс: Благословиме синян ту машкар о жувля, тай благословиме си о плоди тере утробакоро!⁴³ Тай состар си мангэ дайка чест те авел паш манде и дай мере Девлескири?⁴⁴ Соскето, аке, щом ресло о гласос тере поздравиескоро жи ме каненде, о младенеци закелгяс лошало ан ме утробате.⁴⁵ Тай блажено си кайка, която повервингяс, кай ка съднингиол о пендо лаке таро Дел.⁴⁶ Тай и Мария пенгяс: Величаниел ми душа е Девлес,⁴⁷ тай лошангияс мо духос андо Дел, Спасители моро,⁴⁸ соскето дикляс милостиво е нисконе положениеиске Пе слугинякоро; тай аке, от акана ка облажвинен ман саворе родовя.⁴⁹ Соскето о Силно извършингяс за мангэ велика дела; тай свято си Лескоро алав.⁵⁰ Тай из роди андо роди Лескири милост си упран колкенде, колато даран Лестар.⁵¹ Извършингяс силна дела Пере мищаса; разпръснингяс колкен, колато си горделива андо мислес пе сърцеске.⁵² Ухлагяс владетелен ленгере престолендар тай ваздингяс смиренонен.⁵³ Е бокален пергяс с блага, а е барвален бичалгяс чуче.⁵⁴ Помагингяс Пе слугаске о Израил, за те помнинел те покажинел милост⁵⁵ (карто хоратингясас амаре дадене) карик о Авраам тай карик лескере потомствите жи ко векос.⁵⁶ А и Мария, като побешли ласа около трин масек, ирисали пе кересте.⁵⁷ А е Елисаветаке навършил о време те биянел; тай биянгяс мрушес.⁵⁸ Тай като шунде о комшидес тай о ендания лакере, кай о Дел покажингяс карик лате велико милост, лошаненас ласа.⁵⁹ Тай ко охто диес але те обрежинен е чавес; тай ка наречиненас лес Захария, е дадеске ко алав.⁶⁰ Но лескири дай в отговор пенгяс: Ма, но ка наречинел пес Йоан.⁶¹ Тай пенде лаке: Нанай никой ан те родиесте, който наречинел пес далке алавеса.⁶² Тай пученас лескере дадес знахиенца сар ка мангел ов те наречинен лес.⁶³ А ов манглас дъсчица тай пишингяс калка думес: Йоан си лескоро алав. Тай он саворе почудисале.⁶⁴ Тай ко сахати путердиле лескоро мui тай и чиб лескири путердили, тай ов захоратингяс тай благословинелас е Девлес.⁶⁵ Тай дар долгяс саворе ленгере комшиден; тай всичко давка хоратинелас пес ки цело хълмисто риг ки Юдея.⁶⁶ Тай саворе, колато шунде, пазиненас давка пе сърцесте, тай пененас: Саво ли ка овел давка чаво? Соскето е Девлескоро вас сине леса.⁶⁷ Тогава лескоро дад о Захария пердило е Святона Духоса тай пророкувинелас, тай пенел:⁶⁸ Благословиме о Дел, о Израилово Дел, соскето посетингяс Пере люден тай извършингяс изкупление за ленге.⁶⁹ Тай въздигнингяс роги на спасение амене ко кер Пе слугаске о Давид,⁷⁰ (карто хоратингяс чрез о мui Пе святонаене таро векос пророкия),⁷¹ избавление таро неприятеля амаре тай таро вас саворенге, колато мразинен амен,⁷² за те покажинел милост карик амаре дадене тай те помнинел о свято Поро завети,⁷³ и клетва, коласа заклевисало амаре дадеске Авраам,⁷⁴ те дел амен, те овас свободна таро вас амаре неприятеленге, те служинас Леске без те дарас,⁷⁵ анди святость тай правда англал Лесте, презал о саворе диеса.⁷⁶ Ба! Тай ту, чавеа, пророки е Всевишнонескоро ка наречинес тут; соскето ка пирес англал о мui е Девлеске те приготвинес о дрома за Леске.⁷⁷ За те дес Лескере люденге те пенджарен спасение чрез прощаване о безеха ленгере,⁷⁸ поради о милосърдие амаре Девлескоро, колеса

ка посетинел амен о зори таро свише,⁷⁹ за те осияинел о бешле анди тъмнина тай анди мрачно сянка; тай те насочинел амаре пире андо дром е мириеске.⁸⁰ А о чаво бариолас тай крепнинелас по дух; тай уло андо пустиниес жи ко диес, като явисало е Израилеске.

Chapter 2

¹А анде колке диесенде иклили заповед таро кесари о Август те керел пес пребояване ки цело пув.
²Давка сине о първо пребояване, от карто о Квириний управлинелас и Сирия. ³Тай саворе жанас те запишинен пес, секой пере градосте.⁴Тай чука, гело о Йосиф тари Галилея, таро градос Назарет, анди Юдея, андо Давидово градос, ковато наречинел пес Витлеем (понеже ов сине таро кер тай родос Давидово), ⁵за те запишинел пес е Марияса, която сине сгодиме за леске тай сине непразно.⁶Тай като сине оте, навършил лакере диеса те биянел. ⁷Тай биянгяс пе първородно Чавес, пакяргяс Лес, тай положингяс Лес анде иеке яслате, соскето нана сине тан за ленге анди гостилиница. ⁸Тай ко също тан исине овчария, колато живиненас ко полес тай пазиненас стража ират около пе стадосте. ⁹Тай ангели таро Дел зачило англал ленде, тай и Господно слава осиянгяс лен; тай он дараниле бут.¹⁰Но о ангели пенгяс ленге: Ма даран, соскето, аке, благовествинав туменге бари лошли, която ка овел саворе люденге.
¹¹Соскето авдиец бияндило туменге андо Давидово градос Спасители, Ковато си Христос Господ. ¹²Тай давка ка овел туменге о знаци- ка аракен Младенцос, пакярдо тай товдо анде иеке яслате. ¹³Тай внезапно, заедно е ангелеса, араклило множество небесно войнство, ковато хвалинелас е Девлес, тай пенел: ¹⁴Слава е Девлеске андо висини. Тай ки пув мири машкар о мануша, анде коленде си Лескоро благоволение!¹⁵Щом о ангеля геле песке лендар андо небес, о овчаря пенде песке иек авереске: Нека те жас тогава жи ко Витлеем тай нека дикас давка, ковато ачило, ковато о Дел изявингяс аменг. ¹⁶Тай але бързо тай аракле е Мария тай е Йосифиес, тай е Младенциес, пашло анди ясла. ¹⁷Тай като дикле, разкажинде со уло ленге известиме калке Младенцоске. ¹⁸Тай саворе, колато шунде, удивисале далkestар, ковато о овчария пенде ленге. ¹⁹А и Мария скътиналас саворе далка думес ан пе сърцесте тай размишлинелас упран ленде. ²⁰Тай о овчария ирисале, славеща тай хвалеща е Девлес всичконаске, ковато шунде тай дикле, според картоте уло ленге пендо. ²¹Тай като навършил охто диес, тай требаше те обрежинен е Чавес, дине Лес о алав Исус, картоте уло наречено таро ангели, преди те уло зачениме анди утроба. ²²Като навършил о диеса за е очистибнаске ленге, според о Мойсеево закони, ингалде Лес андо Ерусалим, за те представинен Лес англал о Дел ²³(картоте си пишими андо Господно закони, кай " всеко първородно младенеци от мъжки пол ка овел свято е Девлеске") ²⁴тай те принесинен жерва според о пендо андо Господно закони, " дуи тургулицес, или дуи терне кушя". ²⁵Тай аке, исине андо Ерусалим иек мануш ко алав Симеон; тай кавка мануш сине праведно тай благочестиво, тай жарелас о утешение е Израилеско; тай о Свято Духос сине упран лесте. ²⁶Леске уло открииме таро Свято Духос, кай нанай те дикел мериба, жи кай нана дикел е Девлескере Помазаникиес. ²⁷Тай по внушение е Духоске ов ало андо храми; тай като о родителят внесинде е Младенцос е Исусес, за те керен за Леске по обичаи е закониеско, ²⁸ов лилас Лес пе вастенде тай благословингяс е Девлес, като пенгяс: ²⁹Акана, Владико, мукес Те слугас мириеса, според Ти дума;³⁰соскето дикле ме яка о спасение, ³¹ковато приготвингян англал саворе люденде; ³²светлина те просветинел е езичнициен, тай слава Тере народоске о Израил. ³³А Лескоро дад тай Лескири дай чудиненас пес далкеске, ковато хоратинелас пес за Леске. ³⁴Тай о Симеон благословингяс лен тай пенгяс Лескере даяке е Марияк: Аке, кавка Чаво си поставиме за е перибнаске тай е ухтибнаске на мнозина андо Израил тай белегиеске, против колесте ка хоратинелпес; ³⁵Ба! Тай тукеда мечи ка пронизинел ти душа, за те откриен пес о помислес буте сърцеденге. ³⁶Сине десави пророчица да Анна, Фануилово чаи, таро Асирова племе,(ой сине анди бут напреднало възраст, като живингяс пе ромеса ефта бреш от цикнлярла, ³⁷тай сине вдовица на охтодеш тай штар бреша) която нана отделинелас пес таро храми, кате ират о диес служинелас е Девлеске в пост тай молитва. ³⁸Тай ой, като приближисали ко също сахати, благодаринелас е Девлеске тай хоратинелас за Леске саворенге, колато жаренас о изкупление на Ерусалим. ³⁹Тай като свършинде всичко, ковато сине според о Господно закони, ирисале анди Галилея, ан пе градосте Назарет. ⁴⁰А о Младенеци бариолас, крепнинелас тай периодас с мъдрост; тай е Девлескири благодат сине упран Лесте.
⁴¹Тай Лескере родителя жанас секо бреш андо Ерусалим за е празнике и Пасха. ⁴²Тай като Ов уло дешудуи бреша, като геле по обичаи ко празници, ⁴³тай като икалде о диеса тай ириненас пес, о чаво Исус ачило андо Ерусалим, без те жанен Лескере родителя. ⁴⁴А он, понеже мислиненас, кай Ов си е дружинаса, накле иек диес дром, като роденас Лес машкар о ендания тай познайники пере. ⁴⁵Тай като нана аракле Лес, ирисале андо Ерусалим тай роденас Лес. ⁴⁶Тай палал о трин диес аракле Лес андо храми, бешло машкар о законоучителя, тай шунелас лен тай получелас лен. ⁴⁷Тай саворе, колато шуненас Лес, удивиненас пес Лескере разумиеске тай Лескере отговориенг. ⁴⁸Тай като дикле Лес, смаинде пес; тай пенгяс Леске Лескири дай: Мочо, соске кергян чука аменца? Аке, То дад тай ме, наскърбиме, родасас Тут.
⁴⁹А Ов пенгяс ленге: Соске те роден Ман? Нана жаненас ли, кай требе те овав андо кер Ме Отцаске?⁵⁰А он

нана ахалиле о думес, колато пенгяс ленге.⁵¹Тай Ов ухлило ленца, тай ало андо Назарет, тай покоринелас пес ленге. А Лескири дай скътвинелас саворе калка думес ан пе сърцесте. ⁵²А о Иисус напредвинелас анди мъдрост, андо учите тай андо благоволение англал о Дел тай о мануша.

Chapter 3

¹Андо дешупанч бреша таро царуване е кесариескоро о Тибериј, като о Понтий Пилат сине управители на Юдея, а о Ирод четверовластници анди Галилея тай лескоро прал о Филип четверовластници анди Итурейско тай Трахонитско риг, тай о Лисаний четверовластници анди Авилиния, ²ко първосвещенство на Анна тай Каиафа, о Божие словос ало карик о Йоан, о Захариево чаво, анди пустиния.³Тай ов обикалянгяс цело риг около о Йордан тай проповединелас кръщение на покаяние за прощение е безехенге,⁴сарто си пишими анди книга е думенца е пророкиескере о Исаи: " Гласос иекескоро, ковато пищинел анди пустиния: Приготвинен о дром е Девлеске, права керен о пътекес за Леске.⁵Всеко долина ка период. Тай всеко планина тай хълми ка снишигиол; о банге пътекес ка ачон права, тай о неравна тана гладка дрома; ⁶тай всеко плът ка дикел е Девлескоро спасение".⁷Тай чука, ов пенелас е множествоское, колато и克лоас те кръстинен пес лестар: Рожбес ехиднини! Кой предупредингяс тумен те нашен таро идещо гнявия?⁸Принесинен плодове, съответстваща на покаяние; тай ма почнинен те пенен туменг: си амен о Авраам дадеске. Сокето пенав туменг, кай о Дел ащи калке барендар те ваздел чада е Авраамеске.⁹А о товер да пашлол вече ко корени е каштенг: тай чука, всеко каш, ковато нана дел лачо плоди, отсечинел пес тай анди яг чивелпес.¹⁰Тай о множестваученас лес, тай пенен: Тогава со те керас?¹¹А ов в отговор пенгяс ленге: Кас иси дуи гада, нека те дел калкес, колес нанай; тай кас иси хабе, нека керел о съцо.¹²Але бирникия да те кръстинен пес, тай пенде Леске: Учителю, аме со те керас?¹³Ов пенгяс ленге: Ма манген нищо по бут далкестар, ковато си туменг определиме.¹⁴Пученас лес войникия, тай пенен: А аме со те керас? Пенгяс ленге: Ма насиливинен никас, нито клеветинен; тай задоволинен тумен тумаре заплатендар.¹⁵Тай понеже о люде сине андо недоумение, тай саворе размишлиненас анде пе сърценде е Йоанеске, тена овел ов о Помазаники,¹⁶о Йоан отговорингяс саворенг, като пенгяс: Ме кръстинав тумен паниеса, но авел Ковка, Ковато си по-силно мандар, Колеске на синиом достоино те развържинав о ремъки е потиниенгро; Ов ка кръстинел тумен е Свято Духоса тай ягаса.¹⁷Ов икерел и лопата ан Пе вастесте, за те очистинел лачес По гумно тай те кидел о житос анди житница Пери; а и плява ка тарел анди неугасимо яг.¹⁸Тай буте авере увещаниенца ов благовестинелас е люденге.¹⁹А о четверовластници о Ирод, ковато сине изобличиме лестар ащал и Иродиада, пе пралескири ромни, тай ащал саворенг злиненг, колато кергясас о Ирод,²⁰прибавингяс карик о всичко авер давкада, кай панлас е Йоанес анди тъмница.²¹Тай като кръссисале саворе люде, като кръстисало о Иисус тай молинелас пес, путердило о небес ²²тай о Свято Духос ухлило упран Лесте андо телесно образи сар куши, тай гласос ало таро небес, ковато пенелас: Ту синян Моро възлюбиме Чаво; анде Туте си Моро благоволение.²³Тай о Иисус сине на около триянда бреша, като почнингяс те поучинел, тай, като мислиненас, уло чаво на Йосиф, ковато уло чаво Илиево,²⁴а Илий- Мататов; Матат, Левиев; Леви- Мелхиев; Мелхи- Яанаев; Яанай- Йосифов;²⁵Йосиф- Мататиев; Мататия- Амосов; Амос- Наумов; Наум- Елиев; Ели- Нагеев;²⁶Нагей-Маатов; Маат- Мататиев; Мататия- Семеев; Семей-Йосифов; Йосиф- Юдав;²⁷Юда- Йоананов; Йоанан- Рисов; Риса- Зоровавел; Зоровавел- Салатиилев; Салатиил-Нириев;²⁸Нири- Мелхиев; Мелхи- Адиев; Ади-Косамов; Косам- Елмодамов; Елмодам- Иров;²⁹Ир- Иисус; Иисус- Елиезеров; Елиезер- Йоримов; Йорим- Мататов; Матат- Левиев;³⁰Леви- Симеонов; Симеон- Юдов; Юда- Йосифов; Йосиф- Йоананов; Йоанан- Елиакимов;³¹Елиаким- Мелеев; Майнан- Мататов; Матата-Натанов; Натан- Давидов;³²Давид- Есеев; Есей- Овидов; Овид- Вооз; Вооз- Салмонов; Салмон-Наасонов;³³Наасон- Аминадавов; Аминадав- Арамов; Арам- Есронов; Есрон- Фаресов; Фарес- Юдов;³⁴Юда- Яковов; Яков- Исааков; Исаак- Авраамов; Авраам- Таров; Тара- Нахоров;³⁵Нахор-Серухов; Серух- Рагавов; Рагав- Фалеков; Фалек- Еверов; Евер- Салов;³⁶Сала- Каинанов; Каинан- Арфаксадов; Арфаксад- Симов; Сим- Ноев; Ноев- Ламехов;³⁷Ламех- Матусалов; Матусала- Енохов; Енох- Яредов; Яред- Малелеилов; Малелеил- Каинанов;³⁸Каинан- Еносов; Енос- Ситов; Сит-Адамов; а Адам- Божий.

Chapter 4

¹А о Исус, пердо Святоне Духоса, като ирисало таро Йордан, уло водиме таро Духос ки пустиния саранда диеса, ²кате уло изкушиме таро бенг. Тай нана халас нищо презал далке диесенде; тай като накле пес он, Ов бокалило. ³Тай о бенг пенгяс Леске: Ако синян Божие Чаво, заповедине калке бареске те ачол маро. ⁴А о Исус отговорингяс леске: Пишими си: " Ма само мареса ка живинел о мануш ,но всеконе Божие словоса". ⁵Тогава, като ингалгяс Лес иеке планинатае учипнасте тай покажингяс Леске саворе тагарипнадес ,е вселенакере андо иек мигос време, о бенг пенгяс Леске: ⁶Туке ка дав савори власт тай слава калке тагарипнаске сокето мангеси предиме, тай ме дав ла, каске мангав. ⁷Тай чука, ако поклонинес тут мангеси всичко ка овел Торо. ⁸А о Исус в отговор пенгяс леске*: Пишими си: " Е Девлеске, торо Дел, те кланинес тут, тай само Леске те служинес". ⁹Тогава ингалгяс Лес андо Ерусалим, поставингяс Лес ко крило е храмиеске тай пенгяс Леске: Ако синян Божие Чаво, чив тут атар теле ; ¹⁰сокето си пишими: " Ка заповединел Пе ангеленге за Туке те пазинен Тут; ¹¹тай вастенде ка вазден Тут, тена чалавес анде баресте те пире". ¹²А о Исус в отговор пенгяс леске: Пендо си: " Тена изпитвинес е Девлес, торо Дел." ¹³Тай като изчерпингяс всеко изкушение, о бенг оттеглиса Лестар жи десаво време. ¹⁴А о Исус ирисало анди Галилея е силаса е Духоскири; тай слухи разнесисало за Леске ки цело околност. ¹⁵Тай Ов поучинелас ко синагогес ленге; тай саворе прославиненас Лес. ¹⁶Тай ало андо Назарет, кате ухло отхраниме, тай по Пере обичаисте диняс анди синагога иек съботно диес, тай ухтинило те четинел. ¹⁷Тай подине Леске и книга е пророкиескири о Иая; тай Ов, като путергяс и книга, араклас о тан, кате уло пишими: ¹⁸" О Духос е Девлескоро си упраш Манде, сокето помажингяс Ман те благовестинав е сиромасиенге; бичалгяс Ман* те прогласинав освобождение е пленнициенге, тай проглеждане е коренге, те мукав на свобода е угнетонен, ¹⁹те прогласинав о благоприятно Господно бреш. ²⁰Тай като панлас и книга, ирингяс ла е служителеске тай бешло; а о яка саворенгере анди синагога уле впита анде Лесте. ²¹Тай почнингяс те пенел ленге: Авдиец изпълнисало давка писание анде тумаре каненде. ²²Тай саворе засвидетелствинде Леске, тай чудиненас пес е благодатноне думенге, колато иклонас Лескере мостар. Тай пенененас: Кавка нанай ли о Йосифово чаво? ²³Тай Ов пенгяс ленге: Без това ка пенен Манге кайка поговорка: Лекарю, изцерине тут; ковато шунгям, кай ачолос андо Капернаум, кер лес атеда анде Тере родинате. ²⁴Тай пак пенгяс: Истина пенав туменге, кай нисаво пророки нанай приемиме ан пе родинате. ²⁵А пенав туменге наистина: Бут вдовицес сине андо Израил ко диеса е Илияске, като панлило о небес трине брешенге тай шове масекиенге, тай ачили бари бок ки цело пув; ²⁶тай нито паш иекате лендар нана уло бичалдо о Илия, а само иеке вдовоцате андо Сарепта Сидонска. ²⁷Чука също бут прокажена сине андо Израил андо време е пророкиеске о Елисей; но никой лендар на сине очистиме, а само о сириицос о Нееман. ²⁸Като шунде давка, саворе, колато уле анди синагога, пердиле с гняв ²⁹тай, като ухтиниле, икалде Лес аври таро градос, тай ингалде Лес ки стръмнина е хълмиеске, колесте ленгоро градос сине съградиме, за те чивен Лес теле. ³⁰Но Ов накло машкар ленде тай гело песке. ³¹Тай ухлило андо галилейско градос Капернаум, тай поучинелас лен андо съботно диес; ³²тай удивиненас пес Лескере учениеске, сокето Лескоро словос сине с власт. ³³Тай анди синагога сине мануш, долдо таро духос нечистоне бесостар; тай ов пищингяс силноне гласоса: ³⁴Ex, со иси Тут аменца, Исусе Назарянине? Нима алан те погубинес амен? Пенджарарав Тут Кова синян- о Свято Божие. ³⁵Но о Исус смъртингяс лес, тай пенгяс: Млъкнин тай икли лестар. Тай о бесос, като повалингяс лес англал саворенде, иклило лестар, без нисар те поврединел лес. ³⁶Тай саворе смаинде пес, тай хоратиненас машкар песте, тай пенде: Саво ди давка словос, кай Ов с власт тай сила заповедингяс е нечистоне духовиенге, тай он икльон? ³⁷Тай слухи разнесисало за Леске ко саворе околна тана. ³⁸Тай като ухтинило, тай иклило тари синагога, диняс андо Симоново кер. А и Симоново сасуи ули долди тари сильно треска: тай молиненас Лес за лаке. ³⁹Тай Ов, като зачило упраш лате, смъртингяс и треска, тай и треска муклас ла; тай ко сахати ой ухтинили тай прислужвинелас ленге. ⁴⁰Тай като залезинелас о кам, саворе, колато сине лен наслале таро разна болестия, анде лен паш Лесте; а Ов, като положингяс васта всеконе иекеске лендар, изцелингяс лен. ⁴¹Още бесовя да пищенца иклонас таро мнозина, тай пененас: Ту синян о Божие чаво. А Ов смъртингяс лен тай нана мукелас лен те хоратинен, понеже жаненас, кай си Помазаники ⁴²Тай като дислило, Ов иклило тай гело андо уединено тан; а о народос роделас Лес, авелас паш Лесте тай мангелас те задържинел Лес, за тена жал песке лендар. ⁴³Но Ов пенгяс ленге: Околе градовиенге да требе те благовестинав о Божие тагарипе, понеже далкеске синиом бичалдо. ⁴⁴Тай проповединелас андо галилейска синагогес.

Chapter 5

¹А иеквар, като о народос притискинелас Лес те шунел о Божие словос, Ов бешелас ко Генисаретско езерос. ²Тай диклас дуи ладиес, спириме край о езерос; а о рибария иклилесас лендар тай товенас пе мрежес. ³Тай като диняс иекате таро ладиес, която сине Симоново, помолингяс лес те отдалечинел ла хари тари суша; тай бешло, тай поучинелас е народос тари ладия. ⁴Тай като престанингяс те хоратинел, пенгяс е Симонеске: Оттеглине и ладия карик о дълбоко тай чивен тумаре мрежес уловимнаске. ⁵А о Симон в отговор пенгяс: Учителю, цело рат трудисалам тай нищо на уловингям; но Тере думате ка чивав о мрежес. ⁶Тай като керде давка, уловинде твърде бут мачо, чука кай чинионас ленгере мрежес. ⁷Тай кимнинде пе съдружнициенге анде колке ладияте те авен ленге на помоц; тай он але, тай перде о дуида ладиес-дики, кай ка потъниненас.⁸А о Симон Петър, като диклас давка, пело англал о Исусова кочя тай пенгяс: Жатуке мандар, Девла, соскето синиом грешно мануш. ⁹Понеже ов тай саворе, колато сине леса, удивисале е уловиеске таро мачо, ковато долде,¹⁰ също о Яков тай о Йоан, чаве е Заведейескере, колато сине Симонова съдружниция. А о Исус пенгяс е Симонеске: Ма дара; от акана манушен ка ловинес. ¹¹Тай като извлечинде о ладиес ки суша, мукле всичко тай тръгнинде палал Лесте.¹²Тай като уло иекесте таро градовя, аке мануш, ковато уло цело прокажиме, като диклас е Исусес, пело пе мосте тай помолисало Леске, тай пенгяс: Господи, ако мангес, ащи те очистинес ман.¹³А Ов протегнгяс вас тай доприсало жи лесте, тай пенгяс: Мангав, ов очистиме. Тай ко сахати и проказа муклас лес.¹⁴Тай Ов пенгяс леске никаске тена пенел далкеске: Но за свидетелство ленге, жа, пенгяс, тай покажине тут е свещеникеске, тай принесине те очистинаске според сарто заповедингяс о Мойсей.¹⁵А и вест за Леске още по бут разнесинелас пес; тай баре множества киденас пес те шунен тай те изцелинен пес пе болестиендар.¹⁶А Ов оттеглиналас пес андо пустиниес тай молинелас пес.¹⁷Тай андо иек далке диесендар, като Ов поучинелас, оте бешенас фарисея тай законоучителя, але секоне гавестар на Галилея, Юдея тай Ерусалим; тай сила таро Дел сине Леса те изцелинел.¹⁸Тай аке, мруша, колато ингаленас постелкате иеке манушес, ковато сине паралитики; тай опитисале те денгярен лес андре тай те товен лес англал Лесте.¹⁹Но понеже нана аракенас катар те денгярен лес андре ашал о народос, качинде пес ко покриви, тай презал о керемидес мукле лес е постелкаса англал о Исус.²⁰Тай Ов, като диклас ленгири вяра, пенгяс: Човече, простилен пес те безеха.²¹Тогава о книжникия тай о фарисея почнинде те препирилен пес, тай пенен: Кова си Кавка, Ковато богохулствинел? Кой ащи те простилен безеха, освен иек Дел?²²Но о Исус, като диклас о разисквания ленгере, пенгяс ленге в отговор: Соске разисквинен анде тумаре сърценде?²³Кова си по-лесно - те пенав: Простилен пес те безеха, или те пенав: Ухти тай пир?²⁴Но за те пенджарен, кай о Човешко Чаво силес власт ки пув те простилен безеха (пенгяс е паралитикиеске:) Пенав тuke: ухти, вазде ти постелка тай жа туке кере.²⁵Тай ко сахати ов ухтинило англал ленде, ваздингяс кавка, sostе пашлолас, тай гело пе кересте, като славинелас е Девлес.²⁶Тай он саворе удивисале тай славиненас е Девлес, тай перда с боязън, пененас: Авдиес диклам пречудна букя.²⁷Палал далкесте о Исус, като иклило, диклас иеке бирникиес, ко алав Леви, бешло андо бирничество тай пенгяс леске: Пир палал Манде.²⁸Ов муклас всичко тай като ухтинило, тръгнингяс палал Лесте.²⁹А о Леви кергяс Леске баро угощение ан пе кересте; тай сине бут бирникия тай авер, колато бешенас ки софра ленца.³⁰А о фарисея тай ленгере книжникия роптайненас против Лескере ученициенде, тай пенен: Соске хан тай пиен е бирникиенца тай е грешнициенца?³¹О Исус в отговор пенгяс ленге: О здрава нанай лен нужда лекариестар, а о насвале.³²Нана алом те призовинав е праведнен, а е грешнен на покаяние.³³Тай он пенде Леске: О Йоанова ученикия често простилен тай керен молитвес, чука о фарисея да, а Тере хан тай пиен.³⁴О Исус пенгяс ленге: Ащи ли те траден е свадбариен те простилен, жи кай си ленца о жамутро?³⁵Ка авен обаче диеса, като о жамутро ка отнеминел пес лендар; тогава, презал колке диесенде, ка простилен.³⁶Пенгяс ленге още притча: Никой отдиринал крълка неве шехиендар те товел ла пуране шехиенде; иначе о неве шехя да съдирилен пес, тай и крълка таро неве нана препел е пураняса.³⁷Тай никой нана наливинел неви мол андо пуране меховя; иначе и неви мол ка пръснинел о меховя, тай ов коркоро ка чориол, тай о меховя ка изхабинел пес.³⁸Но требе те наливинел пес неви мол андо неве меховя.³⁹Тай никой, след като пилас пурани мол, нана мангел неви, соскето пенел: О пурано си по лачо.

Chapter 6

¹Тай иек събота , и първо палал о дуи диес е Пасхаке , като накелас Ов презал о посевя, о ученикия Лескере чиненас класовия тай ханас, като стривиненас лен вастенца. ²А десаве таро фарисея пенде: Соске керен давка, ковато нанай позволиме те керел пес събота?³О Иисус в отговор пенгяс ленге: Нана четингиен ли давка, ковато кергяс о Давид, като бокалило, ов тай о мруша, колато сине леса, ⁴сар диняс андо Божие кер, лилас о присъствена маре, тай халас, тай диняс колкенда, колато уле леса- маре, колато нанай позволиме те хал никои, а само о свещеники?⁵Тай пенгяс ленге: О Човешко Чаво си господари е съботаке.⁶Койка да събота диняс анди синагога, тай поучинелас; тай оте сине иек мануш, колескоро десно вас шукилосас. ⁷Тай о книжникия тай о фарисея наблюдавиненас Лес дали анди събота ка изцелинел лес, за те ащи обвининен Лес. ⁸Но Ов жанелас ленгере помислес тай пенгяс е манушеске е шуке вастеса: Ухти тай изправине тут ко машкар. Тай ов ухтинило тай изправисало.⁹Тогава о Иисус пенгяс ленге: Пучав тумен: Со си позволиме те керел мануш анди събота- лачипе ли те керел, или канилипе, те спасинел ли животос, или те погубинел?¹⁰Тай като диклас саворен, пенгяс е манушеске: Протегнине то вас. Тай ов кергяс чука; тай лескоро вас оздравингяс. ¹¹А он пердиле дениле яростяса тай хоратиненас машкар песте со ащи керен е Иисусеске.¹²Презал колке диесенде о Иисус иклило ки планина те молинел пес тай прекарингяс цело рат анди молитва карик о Дел. ¹³Тай като дислило, викингяс Пе ученикиен тай избiringяс лендар дешудуи жене, колен наречингяс апостола:¹⁴Симон, колес наречингяс Петър, тай лескоро прал о Андрей, Яков тай Йоан, Филип тай Вартоломей,¹⁵Матей тай Тома, Яков Алфеев тай Симон, наречиме Зилот,¹⁶Юда, е Яковескоро прал, тай Юда Искариотски, ковато ачило предатели.¹⁷Тай като ухлило заедно ленца, Ов спирингяс иеке равноне танесте; спирисале оте баро множество таро ученикия Леске, тай бари навалица таро люде тари цело Юдея тай Ерусалим тай таро Тирско тай Сидонско крайморие, колато алесас те шунен Лес тай те изцелинен пес пе болестиендар;¹⁸също о измъчиме таро нечиста духовия изцелиненас пес. ¹⁹Тай цело народос стараинелас пес те допиринел пес жи Лесте, сокето сила иклолас Лестар тай изцелинелас саворен.²⁰Тай Ов ваздингяс яка карик Пе ученикиенде, тай пенгяс: Блажена туме, сиромасия; сокето ка тумаро о Божие тагарипе.²¹Блажена, колато гладувинен акана; сокето ка настинен тумен. Блажена, колато ровен акана; сокето ка заасан.²²Блажена синиен, като мразинен тумен о мануша, тай като отлъчинен тумен пестар тай хулинен тумен, тай отчивен тумаро алав сар канило, ашал о Човешко Чаво;²³лошанен колке диесесте тай келен, сокето, аке, бари си и награда тумари андо небеса; понеже ленгере дада чука керенас е пророкиенца.²⁴Но горко туменге, о барвале; сокето приемингиен вече тумари утеха.²⁵Горко туменге, колато акана синиен настинена; сокето сиго ка бокалон. Горко туменге, колато акана асан, сокето ка жалинен тай ка ровен.²⁶Горко туменге, като саворе мануша хвалинен тумен, сокето ленгере дада чука керенас е хохавне пророкиенца.²⁷Но туменге, колато шунен, пенав: Дехен тумаре неприятелен, керен лачипе калкенге, колато мразинен тумен,²⁸благословинен калкен, колато дентумен арманя, молинен тумен калкенге, колато керен туменге пакост.²⁹Калкеске, ковато чалавел тут иеке ригатар, ирине окояда; тай калкеске, ковато лел то упруно шхи, ма откажине то гад да.³⁰Де секас, които мангел тухе; тай ма манк те букия колкестар, ковато лел лен.³¹Тай сарто манген те керен о мануша туменге, чука тумеда керен ленге.³²Понеже ако дехен само колкен, колато дехен тумен, сави благодарност перел пес туменге? Сокето о грешника да дехен колкен, колато дехен лен.³³Тай ако керен лачипе само колкенге, колато туменге керен лачипе, сави благодарност перел пес туменге? Сокето о грешника да керен о също.³⁴Тай ако ден заеми само калкен, колендар надявинен тумен те получинен лес обратно, сави благодарност перел пес туменге? Сокето о грешника гренионен ден заеми, за те лен лес песке напапале.³⁵Но туме дехен тумаре неприятелен, керен лачипе тай назаем ден, без те жарен те лен напапале; тай тумари награда ка овел бари, тай ка овен чада е Всевишнонеске; сокето Ов си благо карик о неблагодарна тай каниле.³⁶Овен милосърдна, сарто тумаро Отеци си милосърдно.³⁷Ма съдинен, тай нанай те овен съдиме; ма осъждинен, тай нанай те овен осъждиме; просинен, тай ка овен простиме;³⁸ден, тай ка делпес туменге; лачи мярка, натъпкано, стърсено, препълнено ка ден тумен анди пазва; сокето саве мяркаса мериинен, салкаса ка отмервинел пес туменге.³⁹Пенгяс ленге иек притча: Ащи ли о коро корес те водинел? Нанай ли те перен о дуида анди яма?⁴⁰О ученики нанай по-упруно пе учителестар; а всеко ученики, като усъвършенствинел пес, ка овен сар пе учителесте.⁴¹Тай соске дикес и съчица те пралеске анди як, а на усетинес и греда ан тере якате?⁴²Или сар ащи пенес те пралеске: Прала, мук ман те икалав и съчица те якатар, като ту коркоро нана дикес и греда, която си ан тере якате? Лицемерецо, първо икал и греда тере якатар, тай тогава ка дикес ясно, за гте икалес и съчица, която си те пралеске анди як.⁴³Сокето нанай лачо каш, ковато дел канило

плоди, нито па канило каш, ковато дел лачо плоди. ⁴⁴Понеже всеко каш пере плодиестар пенджарел пес; сокето нана киден смокинес таро каре, нито чинен драка тари къпина. ⁴⁵О лачо мануш таро лачо съкровищес пе сърцеске икаал лачипе; а о канило мануш пе каниле съкрошищестар икаал канилише; сокето колкестар, ковато перел лескоро сърцес, хоратинел лескоро муи. ⁴⁶Тай соске зовинен Ман: Господи! Господи!, а на керен кавка, ковато пенав? ⁴⁷Всекой, които авел паш Манде тай шунел Мере думес тай изпълнинел лен, ка покажинав туменгэ упраал касте препел. ⁴⁸Препел манушесте, ковато, като строинел кер, о изкопинел тай задълбочинел, тай положинел о основес упраал и канара; тай като ачило наводнение, и река устремисали упраал далке кересте, но нанащине клатинел ла, сокето сине здраво построиме. ⁴⁹А които шунел тай нана изпълнинел, препел манушесте, ковато строинел кер ки пув, би основенгоро; тай като упраал лате устреминел пес и река, ко сахати рухнингяс; тай о срутване лескоро сине баро.

Chapter 7

¹ След като свършинягас саворе Пере речия карик о люде, колато шуненас Лес, о Иисус диняс андо Капернаум.² А десаве стотниескоро слугас, ковато сине леске мило, боледувинелас жи мерибнасте. ³ Тай като шунтяс е Исусеске, бичалгас жи Лесте десаве юдейска старейшинес те помолинен Лес те авел тай те изцелинел лескере слугас. ⁴ Тай он але паш о Иисус, тай молиненас пес Леске усьрдно, като пененас: Ов заслужинел те керес леске давка; ⁵ сокето дехел амаре народос, тай ов построингяс аменге и синагога.⁶ А като о Иисус пирелас ленца тай нана сине вече дуре таро кер, о стотники бичалгас жи Лесте амален те пенен Леске: Господи, ма кер туке трудос, сокето нана синиом достоино те дес телал ме сряхате; ⁷ далкеске да на счетингиом ман достоино те авав паш Туте; пен само дума, тай мо слугас ка оздравинел. ⁸ Сокето меда синиом мануш, поставиме под власт, тай иси ман подчинена мангे войники; тай пенав иекеске: Жа, тай ов жал; тай авереске: Ела!, тай авел; тай ме слугаске: Кер кавка!, тай керел лес.⁹ Като шунгяс давка, о Иисус почудингяс пес леске, ирисало тай пенгяс е народоске колато пиренас палал Лесте: Пенав туменге, нито андо Израил араклом дики вяра. ¹⁰ Тай като о бичалде ирисале андо кер, аракле е слугас оздравяло.¹¹ А сиго палал далкесте о Иисус гело иеке градосте, наречиме Наин; тай Леса пиренас Лескере ученикия тай иек баро множество.¹² Тай като приближисало жи ки градско порта, аке, изнесиненас мулес, иек чаво пе даяке, която сине вдовица; тай ласа сине баро множество таро градос. ¹³ Тай о Дел, като диклас ла, смилисало упран лате тай пенгяс лаке: Ма ров. ¹⁴ Тогава приближисало тай доприсало жи ко носилос; а о носачия спиринде. Тай пенгяс: Чавеа, пенав туке, ухти. ¹⁵ Тай о муло ваздисало тай бешло, тай почнингяс те хоратинел. Тай о Иисус диняс лес лескере даяке.¹⁶ Тай дар долгяс саворен, тай славиненас е Девлес, тай пенен: Велико пророки ваздисало машкар аменде; тай: О Дел посетингяс Пере люден.¹⁷ Тай давка, ковато пененас, разнесисало за Леске ки цело Юдея гай ки цело околност.¹⁸ Тай о ученикия е Йоанескере известинде леске всичко давка. ¹⁹ Тай о Йоан викингяс дуиен пе ученикиендар, тай бичалгас лен ко Дел те пенен: Ту ли синян Ковка, Ковато иси те авел, или аверес те жарас?²⁰ Тай като але Лесте о мануша, пенде: О Йоан Кръстител бичалгас амен жи Туте те пенас: Ту ли синян Ковка, Ковато иси те авел, или аверес те жарас?²¹ Тай ко също сахати Ов изцелингяс мнозинатаро болестия тай язвес, тай зла духовя, тай мнозиненге подарингяс зрение.²² Тогава в отговор пенгяс ленге: Жан тай съобщинен е Йоанескере кавка, ковато диклен тай шунгиен, кай коре задикен, куца запирен, прокажена очистинен пес тай кашуке зашунен; муле възкресинен тай е сиромасиенге проповединел пес о благовестие.²³ Тай блажено ковка, ковато нана съблазнинел пес ашал Манг.²⁴ А като геле песке о бичалде таро Йоан, о Иисус почнингяс те хоратинел е народоске таро Йоан: Со иклилен те дикен анди пустиния? Тръстика ли тари балвал разлюляно?²⁵ Но со иклилен те дикен? Манушес ли анде ковле шехиенде урявдо? Аке, о великолепно урявде тай колка, колато живинен разкошно, си андо тагаренгере дровци.²⁶ Но со иклилен те дикен? Пророкиес ли? Ва, пенав туменге, тай по бут таро пророки.²⁷ Кавка си ковка, за колеске си пишими: "Аке, Ме бичалав Ме вестителес англал Тере мосте, ковато ка устроинел Модром англал Туте".²⁸ Пенав туменге: Машкар о биянде таро жувля нанай по-баро таро Йоан; обаче, о по-цикно андо Божие тагарипе си по-баро лестар.²⁹ (Тай саворе люде тай о бирникия, като шунде давка, признавинде е Девлескири правда, сокето кръстиндесас пес е Йоанескере кръщениеса.³⁰ А о фарисея тай о законникия осуетинде е Девлескири воля спрямо песте, понеже нана кръстинде пес лестар.)³¹ А сесте те уподобинав е манушен калке поколениестар? Тай сесте препен?³² Он препен чавенде, бешле ко пазари, колато пищинен иек авереске, тай пенен: Башалгям туменге, тай нана келгиен; ридаингям, тай нана руниен.³³ Сокето о Йоан Кръстител ало, ковато нито маро хал, нито мол пиел, а пенен: Бяс иси лес.³⁴ Ало о Човешко Чаво, ковато хал тай пиел, тай пенен: Аке мануш лакомо тай винопиицос, амал е бирникиенге тай е грешниенге.³⁵ Но пак и мъдрост оправдинел пес пе саворе чадовиендар.³⁶ Тай иек таро фарисея поканингяс Лес те хал леса; тай Ов диняс андо фарисеево кер тай бешло ки софра.³⁷ Тай аке, иек жувли таро градос, която сине грешница, като ахалили, кай бешел ки софра андо фарисеево кер, ангяс алабастreno съдос мироса.³⁸ Тай като зачили палал ко пире Леске, тай ровелас, почнингяс те обливинел Лескере пире асвенца. После коселас лен пе баленца, чумиделас лен тай макелас лен е мироса.³⁹ А като диклас давка о фарисеи, ковато поканингясас Лес, пенелас анде песте: Кавка ако сине пророки, ка жанелас коя тай сави си и жувли, която допиринел пес жи Лесте, кай си грешница.⁴⁰ А о Иисус в отговор пенгяс леске: Симоне, иси ман варесо те пенав туке. А ов пенгяс: Учителю, пен!⁴¹ Десаво си заемодавцос исине лес дуи дължникия; о иек дължинелас панч шел динария, а окова пинда.⁴² Тай понеже нана сине лен соса те платинен леске, ов простингяс е донгеда. Тай чука, кова лендар ка задехел лес по бут?⁴³ В отговор о Симон пенгяс: Мислинав, кай ковка, колеске простингяс по бут. А Ов пенгяс леске: Право

отсьдингян.⁴⁴Тай като ирисало карик и жувли, пенгяс е Симонеске: Дикес ли калке жувля? Диниъом ан те кересте, тай ту пани Ме пиренге нана динян; а ой асвенца пергяс Ме пире, тай пе баленца кослас лен.⁴⁵Ту целувка нана динян Ман; а ой, отсар диниъом, нана престанингясн те чумидел Ме пире.⁴⁶Ту маслоса нана помажингян Мо шеро; а ой мirosa помажингяс Ме пире.⁴⁷Далкеске пенав туке: Простинен пес лаке бут безеха (соккето ой дехингяс бут); а каске хари простинел пес, ов хари дехел.⁴⁸Тай пенгяс лаке: Простинен пес туке те безеха.⁴⁹Тай калка, колато бешенас Леса ки софра, почнинде те пенен машкар песте: Кова си Кавка, ковато безеха да простинел?⁵⁰Тай пенгяс е жувляке: Тере вяра спасингяс тут; жа туке мириеса.

Chapter 8

¹Тай сиго палал далкесте о Исус пирелас градос градестар тай гав гавестар те проповединел тай те благовестинел о Божие тагарипе; тай Леса сине о дешудуи ученикия, ²тай десаве жувля, колато уле изцелме таро зла духовя тай болестиендар: Мария, наречиме Магдалина, колатар иклиле ефта бесовя, ³тай и Йоана, и ромни е Иродовоне настойникиескири Хуза, тай Сусана, тай бут авер, колато услужвиненас лен пе имотиеса.⁴Тай понеже кидисало баро множество, тай авенас паш Лесте всеконе градостар, пенгяс притчаса: ⁵О сеячи иклило те сеинел по семес; тай като сеинелас, иек пело ко дром; тай затъпкасало, тай о небесна птицес изкълвинде лес. ⁶А авер пело ки канара; тай щом поникнингяс, шукило, соскето на сине влага.⁷Авер па пело машкар о каре; тай заедно леса бариле о каре тай заглушинде лес. ⁸А авер пело лаче пувяте тай като барило, диняс шелкратно плоди. Като пенгяс давка, пищингяс: Кас иси кана те шунел, нека шунел.⁹А о ученикия Лескере пучле Лес о значение калке притчакоро. ¹⁰Ов пенгяс: Туменге си дадено те жанен о тайнес е Девлескере тагарипнаскоро; а околенге проповединел пес притченца, чука че, като дикен, тена дикен, тай като шунен, тена ахалон.¹¹Аке о значение е притчакоро: О семес си о Божие словос. ¹²А о посяно ко дром си калка, колато шуненас; тогава авел о бенг тай отнеминел о словос ленгере сърцедендар, тена повервинен тай те спасинен пес. ¹³О пело ки канара си калка, колато, като шунен приеминен о словос лошаласа; но он, като нанай лен корени, за време верувинен, а като авел изпитание, отстъпинен.¹⁴О пело машкар о каре си колка, колато шуненас, тай като жанпеске, загльхвинен грижендар тай барвалипнастар, тай житетска удоволствия, тай нана ден зрело плоди. ¹⁵А о посяно ки лачи пув си калка, колато, като шунен о словос, икерен лес андо искрено тай лачо сърцес, тай ден плоди постоянствоса.¹⁶Тай никой, като тарел светилос, нана учарел лес съдоса, нито товел лес телал о легло, но товел лес ко светилники, за те дикен и светлина калка, колато ден.

¹⁷Соскето нанай варесо тайно, ковато нанай те ачол явно, нито потаено, ковато нанай те ахалол пес тай нанай те иклол наяве. ¹⁸Далкеске, внимавайнен сар шунен; соскето, кас иси, леске ка дел пес; а кас нанай, лестар ка отнеминел пес давка да, ковато мислимел, кай си лес.¹⁹Тай але паш Лесте Лескири дай тай Лескере прала, но ашал о множествос нанащине те приближинен пес жи Лесте. ²⁰Тай известинде Леске: Ти дай тай Те прала бешен аври тай мангэн те дикен Тут. ²¹А Ов в отговор пенгяс ленге: Дай Мери тай прала Мере си калка, колато шунен о Божие словос тай вършинен лес.²²А анде иеке колке диесенде Ов диняс анди ладия Пе ученикиенца тай пенгяс ленге: Те накас ки отвъдно рик е езероске. Тай отплавинде. ²³А като плавиненас, Ов засуто; тай бурно балвал устремисали упран о езерос, тай о вълни заливиненас лен, чука че сине анди опасност.²⁴Тай але, тай ухжренас Лес, тай пенде: Наставниче! Наставниче! Загининас! А ов ухтинило тай смъртингяс и балвла тай о развлнувиме пани; тай уталожисале, тай ачили тишина. ²⁵Тай пенгяс ленге: Кате си тумари вяра? А он, даравне, чудиненас пес тай пененас песке иек авресте: Кова ли ка овел Кавка, Ковато заповединел е балваленге да, е паниеске да, тай он покоринен пес Леске?²⁶Тай пристигнинде анди Герасинско* рик, която си мамуял и Галилея. ²⁷Тай като иклило ки суша, ресло Лес таро градос десаво мануш, колес исине бесовя, тай от дълго време нана ургясас шея, тай анде кересте нана живинелас, а андо мимория.²⁸Ов, като диклас е Иисусес, пищингяс, пело англал Лесте тай силноне гласоса пенгяс: Со иси Тут манца, Иисусе, Чаво е Всевишноне Девлескоро? Молинав ман Туке, ма мъчине ман.²⁹Соскето о Иисус заповедингясас е нечистоне духоске те иклъол таро мануш. Понеже бут дром долелас лес; тай панденас лес веригенца тай оковиенца, тай пазиненас лес; но ов чинелас о връзкес тай о бесос гонинелас лес ко пустиниес.³⁰Тай о Иисус пучлас лес: Сар си то алаб? А ов пенгяс: Легион; соскето бут бесовя динесас анде лесте.³¹Тай молиненас Лес тена заповединел ленге те жан анди бездна.³²А оте сине баро стадос свине, ковато пасинелас ки горичка, тай о бесовя помолинде Лес те позволинел ленге те ден анде ленде. Тай позволингяс ленге.³³Тай като иклиле о бесовя таро мануш тай дине андо свине, о стадос муклас пес ки стръмнина андо езерос тай таслиле.³⁴А о свинария, като дикле со ачило, нашле тай известинде далкеске андо градос тай андо гава.³⁵Тай като иклиле те дикен со ачило, тай але паш о Иисус, аракле е манушес, колестар иклилесас о бесовя, бешло е Иисусеско ко пире, урявдо тай сmisлено; тай дараниле.³⁶Тай калка, колато диклесас давка, разкажинде ленге сар изцелисало о бесно.³⁷Тай о цело множество тари Герасинско околност молиненас пес Леске те жал песке лендар, соскето уле обзета тари бари дар; тай Ов диняс анди ладия, тай завърнисало.³⁸А о мануш, колестар иклилесас о бесовя, молинелас пес Леске те овел Леса; но о Иисус бичалгяс лес, като пенгяс:³⁹Ирине тут те кересте тай разкажине саве букя кергяс туке о Дел. Тай ов гело, тай разгласингяс ко цело градос саве букякержяс леске о Иисус.⁴⁰А като ирисало о Иисус, о народос посрещнингяс Лес лошало, соскето саворе жаренас Лес.⁴¹Тай аке, ало иек мануш ко алаб Яир, ковато сине началники е синагогакоро, тай пело

англал о пире е Иисусеске, тай молинелас Лес те дел андо кер леске;⁴²сокето сине лес иекори чаи, на около дешудуи бреша, тай ой сине мерибнасте. Тай като жалас, о народос притискинелас Лес.⁴³Тай иек жувли, колато сине кръвотечение таро дешудуи бреш, тай динясас лекариенге по цело имоти, без те ащи излекувинел пес никастар,⁴⁴приближисали изпалал, тай доприсали жи ки пола Лескере шехиенгири; тай ко сахати престанингяс лакоро кръвотечение.⁴⁵Тай пенгяс о Иисус: Кой доприсало жи Манде? Тай като саворе отриненас пес, о Петър тай колка, колато сине Леса, пенде: Наставниче, о народос притискинел Тут тай гнетинел, а Ту пенес: Кой доприсало жи Манде?.⁴⁶Но о Иисус пенгяс: Декой доприсало жи Манде, сокето Ме усетингиом, кай сила иклол Мандар.⁴⁷Тай и жувли, като диклас, кай нанащи гаравел пес, али разтрепериме тай пели англал Лесте, тай пенгяс Леске англал саворе люденде по сави причина доприсалисас жи Лесте, тай сар ко сахати оздравингясас.⁴⁸А Ов пенгяс лаке: Мичай, тери вяра изцелингяс тут, жа туке мириеса!⁴⁹Жи кай Ов още хоратинелас, ало десаво таро кер е началникиеске е синагогакоро тай пенгяс: Ти чай мули; ма затруднине е Учителес.⁵⁰А о Иисус, като шунгяс давка, отговорингяс леске: Ма дара; само верувине, тай ой ка избавинел пес.⁵¹Тай като ало андо кер, нана муклас никас те дел Леса, освен о Петър, о Йоан, о Яков тай о дад, тай и дай е чаякири.⁵²Тай саворе ровенас тай оплаквиненас ла. А Ов пенгяс: Ма ровен; сокето нана мули, а совел.⁵³А он асанас Леске, понеже жаненас, кай мули.⁵⁴Но Ов долгяс ла таро вас тай пищингяс: Чae, ухти!⁵⁵Тай ирисало лакоро духос, тай ой ко сахати ухтиили; тай Ов заповедингяс те ден ла варесо те хал.⁵⁶Тай о родителя лакере удивисале; а Ов заръчингяс ленге тена пенен никаске со ачило.

Chapter 9

¹Тай като викингяс е дешудон, диняс лен сила тай власт упране саворе бесовиенде, тай те изцелинен болестия. ²Тай бичалгяс лен те проповединен е Божие тагарипе тай те изцелинен е наслален. ³Тай пенгяс ленге: Ма лен нищо за ко дром- ни тояга, ни торба, ни маро, ни парес, нито те овен тумен по дуи гада.

⁴Тай анде коле кересте ден, оте бешен, тай отар тръгнинен дроместе. ⁵Тай ако декой нана приеминел тумен, като икльон колке градостар, тресинен о прахос тумаре пирендар за свидетелство против ленде.

⁶Тай он тръгнинде, тай жанас ко гава, тай проповединенас о благовестие, тай изцелиненас всекате. ⁷А о четверовластници о Ирод шунгяс всичконасke, ковато ачолас, тай сине андо недоумение; сокето десаве пененас, кай о Йоан възкръснингяс таро мулe; ⁸авер па; кай о Илия явисалo; а авер, кай иек таро старовременна пророкия възкръснингяс. ⁹Тай пенгяс о Ирод: е Йоанес ме обезглавингиом; но кой си Кавка, за Колеске шунав салка бука? Тай мангелас те дикел Лес. ¹⁰Тай като ирисале о апостола, разкажинде е Исусеске со извършиндесас; тай Ов лилас лен тай оттеглисале коркоресте анде уединоне танесте карик иеке градосте, наречиме Витсаида. ¹¹А о множества, като ахалиле давка, геле палал Лесте; тай Ов посрещнингяс лен с готовност, тай хоратинелас ленге е Девлескере тагарипнасke, тай изцелинелас колжен, колато сине лен нужда таро изцеление. ¹²Тай като почнингяс о диес те превалинел, о дешудуи приближисале тай пенде Леске: Размук е народос, за те жан андо околна гава тай колибес те ношувинен тай те аракен песке хабе, сокето ате синям уединоне танесте. ¹³Но Ов пенгяс ленге: Ден лен туме те хан. А он пенде: Нанай амен по бут таро панч маре тай дуи маче, освен ако на жас тай кинас хабе саворе каалке люденге? ¹⁴(Сокето сине около панч хиляда мруша). Тай пенгяс Пе ученикиенге: Траден лен те бешен купчинкенде по около пинда жене. ¹⁵Он керде чука тай традинде саворен те бешен. ¹⁶А Ов лилас о панч маре тай о дуи маче, диклас карик о небес тай благословингяс лен; тай като паглас лен, диняс е ученикиен те товен англал о народос. ¹⁷Тай хале, тай саворе настисале; тай ваздинде о къшея, колато ачиле лен, дешудуи коша. ¹⁸Тай иеквар, като Ов молинелас пес коркоресте, тай о ученикия сине Леса, пучляс лен: Според о народос кова синиом Ме? ¹⁹А в отговор он пенде: Иек пенен, кай синян о Йоан Кръстител; а авер - о Илия; авер па, кай иек таро старовременна пророкия възкръснингяс. ²⁰Тогава пенгяс ленге: А според туменде кой синиом? О Петър в отговор пенгяс: О Божие Помазаники*. ²¹А Ов заръчингяс ленге тай заповеднингяс тена пенен давка никаске, като пенгяс: ²²О Човешко Чаво требе бут те страдинел, те овел отхвърлиме таро старейшинес, о главна свещеникия тай о книжники, те овел мудардо тай ко трин диес те овел възкресиме. ²³Пенгяс още саворенге: Ако мангел декой те авел палал Манде, нека те отречинел пес пестар, нека пиравел по кръстос секо диес тай нека следвинел Ман. ²⁴Сокето който мангел те спасинел по животос, ка нашалел лес; а който нашалел по животос ашал Манге, ов ка спасинел лес. ²⁵Понеже сави полза е манушеске, ако спечелинел цело светос, а нашалел или ощетинел пес? ²⁶Сокето, ако лажал декой Мандар тай Ме думендар, ов о Човешко Чаво да ка лажал лестар, като ка авел ан Пере славате тай анди слава на Отца, тай е святоне ангеленгири. ²⁷А пенав туменге и истина, иси декой таро ате стояща, колато нисар нанай те вкусинен мериба, жи кай на дикен о Божие тагарипе. ²⁸Тай около охто диес след като пенгяс давка, Ов лилас Песа Петър, Йоан тай Яков тай качисало ки планина те молинел пес. ²⁹Тай като молинелас пес, о види Лескере москоро изменисало, тай Лескоро облекло ачило парно тай бляскаво. ³⁰Тай аке, дуй мруша хоратиненас песке Леса; он сине о Моисей тай о Илия, ³¹колато явисале анди слава тай хоратиненас Лескере мерибнасke, която предстоинелас те изпълнингъол андо Ерусалим. ³²А о Петрес тай колка, колато сине леса, налегнингяс лен соиба; но като ухтиниле, дикле и слава Лескири тай е дуие мрушен, колато бешенас Леса. ³³Тай като он разделиненас пес Леса, о Петрес пенгяс е Исусеске: Наставниче, лачес си те овас ате; тай нека те керас трин скиниес, Туке иек, е Мойсейеске иек, тай иек е Илияске, без те жанел со хоратинел. ³⁴Тай жи кай пенелас давка, ало облаки, тай засенингяс лен; тай о ученикия дараниле, като дине андо облаки. ³⁵Тай ало таро облаки гласос, ковато пенгяс: Кавка си Моро Чаво. Лес шунен! ³⁶Тай като престанингяс о гласос, о Исус араклило коркоро. Тай он замълчинде тай презал колке диесенде нана пенде никаске нищо далkestар, ковато диклесас. ³⁷Тай ко следващо диес, като ухлиле тари планина, ресло Лес баро множествос. ³⁸Тай аке, иек мануш таро народос пищингяс: Учителю, молинаман Туке те дикес ме чес, сокето си манге единствено чадос. ³⁹Духос долел лес тай ов изведенъж запищинел, тай о духос сгърчвинел лес чука, кай ов запенинел пес, тай като згърчинелес, едват напуснинел лес. ⁴⁰Тай помолингъол Тере ученикиен те гонинен лес, ама нанащине. ⁴¹О Исус в отговор пенгяс: О, роде невярващо тай извратено! Жи кана ка овав туменца тай ка търпинав тумен? Ан те чавес ате. ⁴²Тай жи кай още авелас, о бесос тръшнингяс лес тай сгърчингяс лес силно; а о Исус смъмрингяс е нечистоне духос, изцелингяс е чес тай ирингяс лес лескере дадесте. ⁴³Тай

саворе удивиненас пес е Девлеске ко величие. А жи кай саворе чудиненас пес всичконаске, ковато керелас, Ов пенгяс Пе ученикиенг: ⁴⁴Вложинен ан тумаре каненде калка думес, соскето о Човешко Чаво ка овел предиме манушескере вастенде. ⁴⁵Но он нана ахалиле давка слово; ов сине покриме лендар; за тена ахалон лес; а даранас те пучен Лес далке словоске. ⁴⁶Тай ваздисало машкар ленде препиране кова лендар ка овел по-баро. ⁴⁷А о Иисус, като диклас со си ко сърцес ленге, лилас иеке чавес, поставияс лес паш Песте тай пенгяс ленге: ⁴⁸Който приеминел калке чавес анде Мере алавесте, Ман приеминел; тай който приеминел Ман, приеминел Калкес, ковато бичалгяс Ман; соскето, ковато си най-цикно машкар саворенде туменде, ов ка овел баро. ⁴⁹А о Йоан захоратингяс, тай пенгяс: Наставниче, диклам иеке манушес те гонинел бесовиен анде Тере алавесте тай забранингям леске, соскето на пирел amenца. ⁵⁰А о Иисус пенгяс леске: Ма забранинен леске; соскето, ковато нанай против туменде, карик туменде си. ⁵¹Тай като навършиненас пес о диеса те възнесинел пес, Ов ирингяс По муи карик о Ерусалим. ⁵²Тай проводингяс англал Песте пратеникиен, колато геле тай дине иеке самарянсконе гавесте те приготвинен за Леске. ⁵³Но нана приеминде Лес, соскето Лескоро муи сине ириме карик о Ерусалим. ⁵⁴Като дикле давка, Лескере ученикия о Яков тай о Йоан пенде: Господи, мангес ли те заповединас те перел яг таро небес тай те изтребинел лен карто кергяс о Илия? ⁵⁵А Ов ирисало, тай смърмрингяс лен; тай пенгяс: "Туме нана жанен саве духосте синиен; соскето о Човешко Чаво нана ало те погубинел човешка души, а те спасинел." ⁵⁶Тай геле авере гавесте. ⁵⁷А като пиренас ко дром, иек мануш пенгяс Леске: Ка следвинав тут, кате да те жас. ⁵⁸О Иисус пенгяс леске: Е лисицен иси лен леговище тай о небесна птицес - гнездовя; а о Човешко Чаво нанай кате шеро те подслонинел. ⁵⁹А авереске пенгяс: Пир палал Манде. А ов пенгяс: Господи, позволине мангес първо те жав те паронав ме дадес. ⁶⁰Но Ов пенгяс леске: Мук е мулен те паронен пере мулен; а ту жа тай разгласине о Божие тагарипе. ⁶¹Пенгяс аверда: Ка авав палал Туте, Господи; но първо позволине мангес те сбогувинаман ме домашноненца. ⁶²А о Иисус пенгяс леске: Никой, ковато тогяс по вас ко ралос тай дикел напапале, нанай за ко Божие тагарипе.

Chapter 10

¹Палал далкесте о Дел определингяс авер ефтадеш жене тай бичалгяс лен по дуй англал Песте всеконе градосте тай танесте, кате само Ов ка жалас. ²Тай пенгяс ленге: И жетва си изобилно, а о работники хари; далкеске молинен тумен е Господариеске е жетвакоро те бичалел работнициен Пе жетвате.³Жан: Аке, Ме бичалав тумен сар бакре машкар вълциенде. ⁴Ма пиравен ни кесия, ни торба, ни потиня тай никас ко дром ма поздравинен.⁵Тай анде коле кересте ден, първо пенен: Мири калке кересте! ⁶Тай ако си оте декой разположиме карик о мири*, тумаро мири ка почивинел лесте; но ако нанай лес, ка иринел пес туменде. ⁷Тай андо също кер бешен тай хан, тай пиен со товен туменге; сокето о работници заслужинел пери заплата. Ма местиинен тумен кер керестар.⁸Тай како ден десаве градосте, ако приеминен тумен, хан со товен туменге, ⁹тай изцелинен е наставен анде лесте, тай пенен ленге: О Божие тагарипе наближингяс жи туменде.¹⁰А като ден десаве градосте, ако нана приеминен тумен, иклон ко улицес лескес тай пенен: ¹¹Тай о прахос, ковато полепнингяс амаре пиренде тумаре градостар, отърсвинас туменге; все пак обаче те жанен, кай о Божие тагарипе наближингяс.¹²Пенав туменге: По-локо ка овел о наказание на Содом колке диеесте, отколкото калке градоске.¹³Горко туке, Хоразине! Горко туке, Витсаидо! Сокето, ако извършиндесас пес андо Тир тай Сидон о велика дела, колато извършисале туменде, отдавна ка покайненас пес, бешле андо вретище тай пепел.¹⁴Но на Тир тай Сидон ка овел по-локо ко страшно съдос, отколкото туменге. ¹⁵Тай ту, Капернауме, жи ко небеса ли ка ваздес тут? Жи ко ади ка съмъкниес тут.¹⁶16 Който шунел тумен, Ман шунел; тай който отхвърлинал тумен, Ман отхвърлинал; а който отхвърлинал Ман, отхвърлинал Колкес, Ковато бичалгяс Ман.¹⁷Тай о ефтадеш ирисале лошаласа тай пенде: Господи, анде Тере алавесте о бесоведа покоринен пес аменге.¹⁸А Ов пенгяс ленге: Дикльом Сатана, пело таро небес сар светкавица.¹⁹Аке, дав тумен власт те газинен сапенде тай скорпиониенде, тай власт упрали и цело сила в врагоскири; тай нищо нанай те поврединел тумен.²⁰Обаче ма лошанен далкеске, кай о духовия покоринен пес туменге; а лошанен, кай тумаре алава си пишиме ко небеса.²¹Ко също сахати о Иисус лошангяс чрез о Свято Духос тай пенгяс: Благодаринав Туке, Отче, Господи е небеске тай е пувяке, кай гарагян давка таро мъдра тай разумна, а открингяс лес е младенциенге. Ва, Отче, сокето чука дикляс пес Туке угодно*.²²Всичко си Манге предиме таро Отца Моро; тай освен Отец, никои нана жанел Кова си о Чаво; тай никои нана жанел Кова си о Отец, освен о Чаво тай ковка, колеске о Чаво ка благоволинел те откринал Лес.²³Тай като ирисало карик о ученикия, пенгяс ленге коркоресте: Блажена о яка, колато дикен кавка, ковато туме дикен.²⁴Сокето пенав туменге, кай бут пророкия тай тагара мангле те дикен давка, ковато туме дикен, тай на дикле, тай те шунен давка, ковато туме шунен, тай на шунде.²⁵Тай аке, десаво законници ухтинило тай изпитвинелас Лес, тай пенел: Учителю, со те керав, за те наслединав вечно животос?²⁶А Ов пенгяс лескес: Со си пишиме андо закони, сар четинес?²⁷А ов в отговор пенгяс: "Те възлюбинес е Девлес, тере Девлес, те всичконе сърцеса, те всичконе душштар, те всичконе силаса тай те всичконе умиеса, тай те близнонес, сар тут".²⁸О Иисус пенгяс лескес: Право отговорингян; кавка кер, тай ка живинес.²⁹Но ов, понеже мангелас те оправдинел пес, пенгяс е Иисусеске: А кова си моро близко?³⁰В отговор и Иисус пенгяс: Десаво мануш ухлелас таро Ерусалим андо Ерихон; тай налетинтяс разбойнициенде, колато нангядре лес тай ранинде лес, тай геле песке, като мукле лес полуомуло.³¹А случайно десаво свещеници ухлелас колке дроместар тай като диклас лес, занакло песке ки отсрецно риг.³²Също иек левити, като ресло далке танесте тай диклас лес, занакло песке ки отсрецно риг.³³Но иек самарияни, като пътувинелас, ало ко тан, кате сине ов, тай като диклас лес, смилисало,³⁴приближисало, тай превържингяс лескере ранес, като изливинелас ленде масло тай мол. После качингяс лес пе собственоне добичесте, ингалгяс лес анде иеке гостилиница тай погрижисало лескес.³⁵Тай около диеесте икалгяс дуи динария, тай диняс лен е гостилиничариеске тай пенгяс: Погрижине тут лескес; тай со харчинес по бут, ко ириба ме ка платинав туке.³⁶Кова калкендар таро трин дикел пес туке те покажингяс пес близко калкеске кате пело машкар о разбойниция?³⁷Ов пенгяс: Ковка, ковато покажингяс лескес милост. О Иисус пенгяс лескес: Жа тай туда кер чука!³⁸Тай като пиренас ко дром, Ов диняс иеке гавесте; тай десави ромни, ко алав Марта, приемингяс Лес пе кересте.³⁹Ла исине пен, ко алав Мария, която бешли ко пире е Девлеске тай шунелас о словос Лескоро.⁴⁰А и Марта, като залисвинелас пес буте шетимнаса, пристъпингяс тай пенгяс: Господи, нанай ли Тут грижа, кай ми пен муклас ман коркори те шетинав? Пен лаке те помагинел манг. ⁴¹Но о Дел в отговор пенгяс лаке: Марто, Марто, ту григинес тут тай беспокойнес тут буте букиенге,⁴²но иек си потребно; тай и Мария избирингяс о лачо дяли, ковато нанай те отнеминел пес латар.

Chapter 11

¹Тай като Ов молинелас пес иеке танесте, като престанингяс, иек Лескере ученикиендар пенгяс Леске: Господи сикав амен те молинас амен, сарто о Йоан сикавгяс пере ученикиен.² А Ов пенгяс ленге: Като молинен тумен, пенен: Отче амаро, Ковато синян андо небеса, те светинел пес Торо алав; те авел Торо тагарипе, те овел Тери воля, сарто ко небес, чука ки пув;³ де амен всеко диес амаро ежедневно маро; ⁴тай простиине амаре безеха, сокето аме коркоре простиинас всеконе амаре длъжниеске; тай ма въведене амен андо изкушение но избавине амен таро лукавия.⁵ Тай пенгяс ленге: Ако декас тумендар иси амал тай жал паш лесте машкар ират, тай пенел леске: Амала, де ман назаем трин маре,⁶ понеже иек моро амал ало кере дроместар тай нанай со те товав англал лесте;⁷ тай ако ов андрал в отговор пенел: Ма беспокойне ман; о вудар си вече заключиме тай ме чаве си манца андо тан; нанащи те ухкяв те дав тут;⁸ пенав туменге, кай даже ако нана ухкиел те дел лес, сокето си лескоро амал, ов поради лескири настойчивост ка ухкиел тай ка дел лес кити требел леске.⁹ Меда пенав туменге: Манген, тай ка дел пес туменге; роден, тай ка аракен; хлопинен, тай ка пуррепес туменге.¹⁰ Сокето всекой, ковато мангел, получинел; ковато родел, аракел; тай калкеске, ковато хлопинел, ка пуррепес.¹¹ Тай кова си давка дад машкар туменде, ковато, ако мангел леске лескоро чо маро, ка дел лес бар? Или, ако мангел леске мачо, наместо мачо, ка дел лес сап?¹² Или, ако мангел аро, ка дел лес скоприони?¹³ Тай чука, ако туме, колато синиен каниле, жанен те ден блага тумаре чадовиен, кити по бут о Небесно Отеци ка дел о Свято Духос колкен, колато мангел Лестар!¹⁴ Иеквар Ов гонинелас иеке лалоре бесос; тай като иклило о бесос, о лалоре захоратингяс, тай о народос почудисало.¹⁵ А десаве лендар пенене: Чрез о началники е бесовиенгоро, о Веелзвул, гонинел е бесовиен.¹⁶ А авер, като изпитвиненас Лес, мангена Лестар знамение таро небес.

¹⁷ Но Ов, като жанелас ленгере помислес, пенгяс ленге: Всеко тагарипе, разделиме против песте, запустинел, тай кер, разделиме против песте*, перел.¹⁸ Чука също, ако о Сатана разделинел пес против песте, сар ка устоинел лескоро тагарипе? Понеже пенен, кай гонинав е бесовиен чрез Веелзвул,¹⁹ тай ако Ме чрез о Веелзвул гонинав е бесовиен, тумаре последователя чрез касте гонинен лен? Далкеске он ка овен туменге съдиес.²⁰ Но ако Ме е Девлескере наеса гонинав е бесовиен, ов о Божие тагарипе ресло жи туменде.²¹ Като о силно въоражиме мануш пазинел по дворос, лескоро имоти си андо безопасност.²² Но като иек по-силно лестар нападнинел тай надвинел, лел лескоро саворо оръжие, колесте надявинелас пес, тай разделинел со грабинел лестар.²³ Ковато нанай Манца, против Манде си; тай ковато нана кидел заедно Манца, ов разпилинел.²⁴ Като о нечисто духос иклол таро мануш, ов накел таро тана би паниескоро тай родел спокойствие; тай като нана аракел, пенел: Ка иринаман ме кересте, катар иклильом.²⁵ Тай като авел, аракел лес шулавдо тай наредиме.²⁶ Тогава жал тай лел песа ефта авер духовя, по зла лестар, тай като ден, живинен оте тай о последно състояние колке манушескоро ачол по канило таро първо.²⁷ Като хоратинелас давка, иек ромни таро множество силноне гласоса пенгяс Леске: Блажено и утроба, която пирагяс Тут, тай о гърди колато сучингян.²⁸ А Ов пенгяс: По-лачес пен: Блажена колка, колато шунен о Божие слово тай пазинен лес.²⁹ А като о народос киделас пес около Лесте, почингяс те пенел: Кавка поколение си нечестиво поколение; мангел знамение, но авер знамение нанай те дел пес леске, освен о знамение е пророкиеско о Йона.³⁰ Сокето, сарто о Йона ачило знамение е ниневийциенге, чука о Човешко Чаво ка овел калке поколениеске.³¹ И южно царица ка явинел пес ко съдос е манушенца калке поколениестар тай ка осъдинел лен, сокето али таро крайща е пувякере те шунел и Соломоново мъдрост; а аке, ате иси по бут таро Соломон.³² О ниневийска мруша каа явинен пес ко съдос калке поколениеса тай ка осъдинен лес, сокето покаясале чрез и Йоново проповед; а аке, ате иси по бут таро Йона.³³ Никой, като тарел светилос, нана товел лес андо зимники, нито телал и шиника, но ко светилники, за те дикен и светлина колка, колато ден.³⁴ О светилос те телоскоро си тери як. Като ти як си здраво, ов то цело телос си осветиме; а като си болнаво, то телос да си андо мраки.³⁵ Далкеске, внимавине да не би и светлина анде туте те овел тъмнина.³⁶ Ако о цело торо телос овел осветиме, без те овел лес тъмно част, ов цело ка овел осветиме, сарто като о светилос осветинел тут пе сияниеса.³⁷ Като хоратинелас, иек фарисеи поканингяс Лес те обедвинел лесте; тай Ов диняс тай бешло ки софра.³⁸ А о фарисеи почудингяс пес, като диклас, кай Ов нана товгяс пес първо англал о обеди.³⁹ Тай о Дел пенгяс леске: Акана туме, о фарисея, чистинен о авруно е чашакоро тай е паницакоро; а тумаро андрунипе си пердо грабежиенца тай нечестиеса.⁴⁰ Несмислена! Кавка, Ковато кергяс о авруно, нана кергяс ли о андрунода?⁴¹ По-лачес чистинен о андруно; тай аке, всичко ка овел туменге шужо.⁴² Но горко туменге, фарисея, сокето ден десетъки таро джожени, таро седефчес тай таро всекакво зеленчуки, а пренебрегвинен о правосъдие тай и Божия любов. Давка требаше те керен, а ковка да тена

пренебрегвинен.⁴³ Горко туменге, фарисея! Соскето дехен о първа столовя андо синагогес тай о поздравия ко пазария.⁴⁴ Горко туменге! Соскето синиен сар миморя, колато на личинен, чука че о мануша, колато пирен ленде, нана жанен.⁴⁵ Тай иек таро законикия в отговор пенгяс Леске: Учителю, като пенес давка, амenda коринес.⁴⁶ А Ов пенгяс: Горко туменгеда, законикия, соскето товаринен е манушен бремеса, колато паресте пиравен пес; а коркоре туме нито иеке наеса нана допиринен тумен жи ко бремена.⁴⁷ Горко туменге! Соскето градинен о гробнищес е пророкиентере, а тумаре дада избинде лен.⁴⁸ Тай чука, туме свидетелствинен е деловиенге тумаре даденгеренге тай съгласинен тумен ленца; соскето он избинде лен, а туме градинен ленгере гробнищес.⁴⁹ Далкеске и Божия премъдрост пенгяс: Ка бичалав ленге пророкия тай апостола, тай икен лендар ка мударен тай гонинен;⁵⁰ за те изискинел пес калке поколениестар о рат саворе пророкиенго, ковато си проливиме таро създаване е светоскоро -⁵¹таро рат е Авелеске жи ко рат на Захария, ковато загинингяс машкар о олтари тай о светилище. Ва! Пенав туменге, ка изискинел пес калке поколениестар.⁵² Горко туменге, законикия! Соскето отнемингиен о ключос е знаниескоро; коркоре туме нана диниен, тай калкенге кате ден попречингиен.⁵³ Тай като иклило отар, о книжникия тай о фарисея почнинде яростно те преследвинен Лес тай те предизвикинен Лес те хоратинел за още буте букиенге,⁵⁴ като дебниненас Лес, за те уличинен Лес варесоске Лескере думендар.

Chapter 12

¹Машкар далкесте, като кидисало иек бутхилядно множествос, дики, кай иек аврес тъпчиненас пес, Ов почингяс те хоратинел Пе ученикиенге: Англал всичконасте пазинен тумен таро фарисейско кваси, ковато си лицемерно.²Нанай нищо покрито, ковато нанай те откригъл, тай тайно, ковато нанай те ахалол пес.³Далкеске, ковато хоратингиен на тъмно, ка шунел пес ко светло; тай со пенгиен канесте андо андруне стаес, ка прогласинел пес таро покриви.⁴А туменге, Мере амала, пенав: Ма даран калкендар, колато мударен о телос тай палал далкесте нанащи нищо по бут те керен.⁵Но ка предупрединав тумен кастар те даран: Даран Колкестар, Ковато, след като мударгяс, иси лес власт те чивел андо пъкали. Ва! Пенав туменге, Лестар те даран.⁶Нана бикнен ли пес панч чирикле дуие асариенге? Тай ни иек лендар нанай бистердо таро Дел.⁷Но туменге о бала ко шеро си саворе генде. Ма даран; туме синиен бут по-скъпа таро чирикле.⁸Тай пенав туменге: Секой, който изповединел Ман англал о мануша, ка изповединел лес о Човешко Чаво англал о Божия ангеля;⁹но ако отречинел пес декой Мандар англал о мануша, ка овел отречиме англал о Божия ангеля.¹⁰Тай всеконес, ковато ка пенел дума против о Човешко Чаво, ка простиинел пес леске; но ако декой похулинел е Свято Духос, нанай те простиинел пес леске.

¹¹Тай като ингален тумен андо синагогес тай англал о началства тай властья, ма беспокойнен тумен сар или со ка отговоринен, или со ка пенен.¹²Соскето о Свято Духос ка сикавел тумен ко също сахати со требе те пенен.¹³Тай декой таро множествос пенгяс Леске: Учителю, пен ме пралеске те разделинел манца о наследство.¹⁴А Ов пенгяс леске: Човече, кой поставингяс Ман машкар туменде те съдинав или те делинав?¹⁵Тай пенгяс ленге: Внимавинен тай пазинен тумен всеконе користолюбиестар; соскето о животос е манушескоро нана съсоинел пес таро изобилие лескере имотиескоро.¹⁶Тай пенгяс ленге притча, като пенгяс: О нивес иеке барвалескере биянде бут плоди.¹⁷Тай ов размишлинелас анде песте: Со те керав, соскето нанай ман кате те кидав ме плодове?¹⁸Тай пенгяс- Аке со ка керав: Ка перавав ме житницес тай ка строинав по-баре, тай оте ка кидав ме саворе жита тай ме блага.¹⁹Тай ка пенав ме душаке: Душо, иси тут бут блага, натрупиме буте брешенге; успокойне тут, ха, пи, веселине тут.²⁰А о Дел пенгяс леске: Глупецо! Кайка рат ка изисквинен ти душа; а кавка, ковато приготвингян, каскоро ка овел?

²¹Чука ачол калкеса, ковато кидел имоти песке, тай нана барвалол андо Дел.²²Пенгяс още Пе ученикиенге: Далкеске пенав туменге, ма беспокойнен тумен тумаре животоске, со ка хан, нито те телоске, со ка уриен.²³Соскето о животос си по бут таро хабе, тай о телос - таро облекло.²⁴Раздикен е вранен, кай на сеинен, нито жънинен; лен нанай нито съкровищницес, нито житница, но пак о Дел парварел лен. Кити по-скъпа синиен туме таро птицес!²⁵Тай кой тумендар ащи гриженца те прибавинел иек лакъти карик пе ръстиесте?²⁶Тай чука, ако о най-цикно варесо нанащи керен, соске беспокойнен тумен авресеке?

²⁷Раздикен о кремовия сар барион; нана трудинен пес, нито прединен; но пенав туменге, кай дори о Соломон анде саворе пере славате нана уриелас пес сар иек лендар.²⁸Тай ако о Дел чука урявел и полско чар, която авдиес иси ла, а тася чивен ла анди пеш, кити по бут ка урявел тумен, маловерция!²⁹Тай чука, ма роден со те хан тай со те пиен, тай тена овен тумен съмнения ан тумаре гогиенде;³⁰соскето всичко давка роден о езичникуя ко светос; а тумаро Отеци жанел, кай нуждаинен тумен далкестар.³¹Но роден о Божие тагарипе тай всичко давка ка прибавинел пес туменге.³²Ма дара, цикно стадос, соскето тумаро Отеци благоволингяс те дел тумен о тагарипе.³³Бикнен тумаро имоти тай ден милостиния; керен туменге кесиес, колато нана овехтинен, неизчерпаемо съкровищес ко небеса, кате чор нана приближинел пес, тай ковато молеци нана хал.³⁴Соскето кате си тумаро съкровищес, оте ка овел тумаро сърцес.³⁵Тумаро думо те овел препасиме тай тумаре светилникия тарде;³⁶тай овен коркоре туме прилична манушенге, колато жарен пе господариес те иринел пес биавестар, за те путрен леске незабавно, щом авел тай похлопинел.³⁷Блажена колка слуги, каскоро господари аракел лен жангале, като авел песке; истина пенав туменге, кай ка препасинел пес, ка традел лен те бешен ки софра тай ка авел те прислужвинел ленге.³⁸Тай ако авел ки второ стража, или ки трето стража, тай аракел лен чука, блажена си колка слуги.

³⁹Но давка те жанен, кай ако о стопани е керескоро жанелас анде коле сахакиесте ка авел о чор, ка бдинел тай нанай те мекел те подкопинен лескоро кер.⁴⁰Овен, тумеда готова; соскето ко сахати, като на мислинен, о Човешко Чаво ка авел.⁴¹Тогава о Петър пенгяс: Господи, само аменге ли пенес кайка притча, или саворенге?⁴²О Дел пенгяс: Тай чука, кова си ковка верно тай благоразумно настойники, колес лескоро господари ка поставинел упраle пе слугенде, те дел лен навреме о определено хабе?⁴³Блажено ковка слугас, каскоро господари, като авел песке, аракел лес, кай керел чука.⁴⁴Истина пенав туменге, кай ка поставинел лес упраle пе селоне имотиесте.⁴⁵Но ако ковка слугас пенел ан пе сърцесте: Мо господари забависало, тай почниел те марел е чавен тай е чаиен, те хал, те пиел тай те макярел пес,⁴⁶ов о

господари колке слугаскоро ка авел андо диес, като ов на очаквинел лес, тай андо сахати, ковато на жанел, тай като марел лес паресте, ка определинел лескири участ е неверноненца.⁴⁷ Тай ковка слугас, ковато жанелас и воля пе господариескири, но нана приготвисало, нито постъпингяс ки воля леске, ка овел бут мардо.⁴⁸ А ковка, ковато нана жанелас тай кергяс варесо, ковато заслужинел мариба, хари ка овел мардо. Тай секас, колес си бут дадено, бут ка изисквинел; тай каске бут повериnde, лестар по бут ка изисквинен.⁴⁹ Яг алом те чивав ки пув; тай со по бут те мантав, ако вече табили?⁵⁰ Но иси ман кръщение, колеса требе те кръстинаман; тай кити измъчвинав ман, жи кай извършингиол!⁵¹ Мислинен ли, кай алом те дав мири ки пув? Нака, пенав туменге, но по-скоро раздяла.⁵² Соскето от акана наоте панч иеке кересте ка овен разделиме, трин против дуиенде, тай дуй против триненде.⁵³ Ка разделинен пес дад против о чаво тай чаво против пе дадесте; дай против и чай, тай чай против и дай; сасуй против и бори, тай бори против и сасуй.⁵⁴ Пенелас още е народоске: Като дикен облаки те ваздел пес таро запад, веднага пенен: Бришум ка дел, тай чука ачол.⁵⁵ Тай като пудел южно балвал, пенен: Ка ачол жега, тай ачол.⁵⁶ Лицемерция! О мui е пuvяжoro тай e небескoro жанен te разтълкувинен, a кавка времес сар нана жанен te разтълкувинен?⁵⁷ A соске тумендар нана съдинен со си право?⁵⁸ Соскето, като жас te противникиесте te явинес тут англал o управители, постараине тут ко дром te помиринес тут леса, тена завлечинел тут ко съдияс тай o съдияс te предел тут ко служители, тай o служители te чивел тут анди тъмница.⁵⁹ Пенав туке, нисар нанай te иклос отар, жи кай нана изплатинес o най-последно петачес.

Chapter 13

¹Андо също времес присъствиненас десаве, колато известинде е Иусесеке за е галилеянтиенге, каскоро рат о Пилат смесингяс ленгере жертвенаца. ²Тай Ов в отговор пенгяс ленге: Мислинен ли, кай калка галилеяния уле най-грешна саворе галилеяниендар, понеже пострадинде чука? ³Пенав туменге: Не; но ако нана покайнен тумен, саворе чука ка загининен.⁴Или мислинен ли, кай колка дешуохто жене, упран коленде пели и Силоамско кула тай мударгяс лен, уле престъпника по бут саворе манушендар, колато живинен андо Ерусалим? ⁵Пенав туменге: Не; но ако нана покайнен тумен, саворе чука ка загининен.⁶Пенгяс кайка притча: Десаво сине лес андо лозес садиме смокиния; тай ало те родел плоди лате, ама нана араклас. ⁷Тай пенгяс е лозариеске: Аке, трин бреш сар авав те родав плоди калке смокиняте, ама на аракав; отсечине ла; соске те изтощинел и пув?⁸А ов в отговор пенгяс леске: Господарю, мук ла кавка нилай да, жи кай храндав около лате тай насишинав тори; ⁹тай ако палал далкесте дел плоди, лачес, но ако не, ка отсечинес ла.¹⁰Тай иек събота Ов поучинелас анде иеке синагогате. ¹¹Тай аке иек ромни, колато сине духос, ковато причининелас лаке немощя от дешуохто бреш; ои сине сгърбиме тай нацине нисар те изправинел пес.¹²А о Иус, като диклас ла, викингяс ла тай пенгяс лаке: Ромние, освободиме синян те немощятар.¹³Тай положингяс васта лате; тай ко сахати ои изправисали, тай славинелас е Девлес.¹⁴А о началники е синагогакоро, като негодувинелас, далкеске кай о Иус анди събота изцелингяс ла, захоратингяс, тай пенгяс е народоске: Иси шов диес, анде коленде требе те керел пес бути; анде ленде авен тай лекувинен тумен, а ма ко съботно диес.¹⁵Но о Дел в отговор пенгяс леске: Лицемерция! Анди събота нана отвържинел ли секо иек тумендар по воли или о осели таро яслес тай ингалел лес, тай напоинел лес?¹⁶А кайка Авраамово чаи, колато о Сатана икерелас панли цела дешуохто бреша, на требавше ли те овел освободиме калке връзкатар андо съботно диес?¹⁷Тай като пенгяс давка, Лескере саворе противниния лажаниле тай о цело народос лошанелас саворе славноне деловиенге, колато вършиненас пес Лестар.¹⁸Тай пенгяс: Состе препел о Божие тагарипе тай состе те уподобинав лес?¹⁹Препел синаповоне зърносте, ковато мануш лилас тай посеингяс пе градинате; тай ов бариолас тай ачило каш, тай о небесна птицес подслониненас пес ко клончета леске.²⁰Тай пак пенгяс: Состе те уподобинав о Божие тагарипе?²¹Препел квасосте, ковато иек ромни лилас тай замесингяс трине меренде брашно, жи кай втасингяс саворо.²²Тай Пе дроместе за Ерусалим накелас презал о градовя тай презал о гава тай поучинелас.²³Тай декой си пенгяс Леске: Господи, малцина ли спасинен пес? А Ов пенгяс ленге:²⁴Дикен те ден таро тесно вудар; соскето пенав туменге, мнозина ка стараинен пес те ден, тай нанай те ащи.²⁵След като ухкиел о домакини тай пандел о вудар, а туме, ачилен аври, почнинен те хлопинен ко вудар тай пенен: Господи, путер; а Ов в отговор пенел туменге: Нана жанав тумен катар синиен,²⁶тогава ка почнинен те пенен: халам тай пилам англал Туте, тай амаре улиценде поучинесас.²⁷А Ов ка пенел: Пенав туменге, нана жанав катар синиен; жан туменге Мандар саворе туме, колато вършинен неправда.²⁸Оте ка овел роиба тай скърциба данденца, като ка дикен е Авраамес, Исаак, Яков тай саворе пророкия андо Божие тагарипе, а тумен- изгъдиме аври.²⁹Тай ка авен таро изток тай запад, таро север тай юг, тай ка бешен андо Божие тагарипе.³⁰Тай аке, иси последна, колато ка овен първа, тай иси първа, колато ка овен последна.³¹Андо също сахати але десаве фарисея, колато пенде Леске: Икли таай жа туке атар, соскето о Ирод мангел те мударел Тут.³²Тай пенгяс ленге: Жан, пенен калке лисицаке: Аке, гонинав бесовиен тай изцелинав авдиес тай тася, тай ко трето диес свършинав.³³Обаче требе авдиес тай тася, тай потася те пътувинав; соскето нанай възможно пророки те загининел аври таро Ерусалим.³⁴Ерусалиме! Ерусалиме! Ту, ковато избинес е пророкиен тай баренца мударес е бичалден жи туте, кити дром мантлом те кидав тере чадовиен, сарто и кокошка прибиринел пе пилциен телал пе криленде, но на манглен!³⁵Аке, тумаро кер мукел пес туменге пусто; тай пенав туменге, нанай те дикен Ман, жи кай на пенен: Благословиме, Ковато авел андо Господно алав.

Chapter 14

¹Иек събота, като диняс те хал маро андо кер иекеске таро фарисейска началниция, он наблюдавиненас Лес. ²Тай аке, англал Лесте сине десаво мануш, наставо от воднянка. ³Тай о Иисус, захоратингяс е законникиенге тай е фарисеиенге, пенгяс: Позволено ли си те целинел декой анди събота, или нака?⁴А он траиненас. Тай Ов, като долгяс е манушес, изцелингяс лес тай муклас лес. ⁵Тай пенгяс ленге: Ако перелас о осели или о воли декаске тумендар андо кладенеци, нанаяс ли ов ко сахати те извлечинел лес андо съботно диес? ⁶Тай нанащине отговоринен далкесте. ⁷Тай като забележинел сар о поканиме избириренас о първа столоя, пенгяс ленге притча: ⁸Като поканинел тут декой биявесте, ма беш ко първо столос, тена уло каниме десаво по-почетиме тутар, ⁹тай те авел кавка, ковато поканингяс тут да лес да, тай пенел туке: Отстъпине кавка тан калке манушеске; тай тогава ка почнинес лажаса те заеминес о последно тан.¹⁰ Но като поканинен тут, жа тай беш ко последно тан, тай като ка авел кавка, ковато поканингяс тут, те пенел туке: Амала, нак по-упре. Тогава ка овел тут почит англал саворенде калкенде, колато бешен туса ки софра. ¹¹Соскето всекой, ковато възвишнел пес, ка смиринел пес, а ковато смиринел пес, ка възвисинел пес.¹²Пенгяс калкескеда, ковато поканингясас Лес: Като дес обеди или вечеря, ма канине те амален, ни те прален, ни те ендданиен, нито барвале комшиден, тена поканинен тут онда, тай те овел туке отплатиме.¹³ Но като дес угощение, поканине сиромасиен, недъгава, куца, коре;¹⁴тай ка овес блажено, соскето, понеже лен нанай соса те отплатинен туке, ка овел туке отплатиме андо възкресение е праведноненгоро.¹⁵ Тай като шунгяс давка иек таро бешле Леса, пенгяс леске: Блажено ковка, ковато ка хал маро андо Божие тагарипе.¹⁶ А Ов пенгяс леске: Десаво си мануш диняс бари вечеря тай канингяс мнозина.¹⁷ Тай андо сахати е вечеряке бичалгяс пе слугас те пенел е поканимента: Елан, понеже всичко си вече готово.¹⁸ А он саворе почнинде единодушно те извининен пес. О първо пенгяс леске: Кингиом манг нива тай требе те иклав те дикав ла; молинав тут, считине ман за извинено.¹⁹ Авер пенгяс: Кингиом манг панч чифтя воловя тай жав те опитинав лен; молинав тут, считине ман за извинено.²⁰ А авер пенгяс: прандесалом, далкеске нанащи авав.²¹ Тай о слугас ало тай пенгяс давка пе господариске. Тогава о стопани, разгневиме, пенгяс пе слугаске: Икли скоро ко градска улицес тай пътекес, тай ан ате е сиромасиен, недъгавонен, корен тай куционен.²² Тай о слугас пенгяс: Господарю, со заповедингян, ачило, тай още тан иси.²³ Тай о господари пенгяс е слугаске: Икли ко дрома тай ко оградес, тай кити аракес, убедине лен те ден, за те период мо кер; ²⁴ соскето пенав туменге, кай никой колке манушендар, колато уле поканиме, нанай те вкусинел ме вечерятар.²⁵ А баре множества пиренас заедно Леса; тай Ов ирисало, тай пенгяс ленге:²⁶ Ако авел декой паш Манде тай нана намразинел пе дадес, пе дая, пе ромня, пе чадовиен, пе прален тай пе пениен, а още по собствено животос, нанащи овел Моро ученики.²⁷ Който на пиравел поро кръстос тай на пирел палал Манде, нанащи овел Моро ученици.²⁸ Соскето, кова тумендар, като мангел те съградинел кула, нана бешел първо те пресметнинел о разносекес, дали ка овел соса те доикалел ла?²⁹ Тена, като положинел основа, а нанащи доикалел, саворе, колато дикен, те почнинен те асан леске тай те пенен:³⁰ Кавка мануш почниняяс те градинел, но нанащине доикалел.³¹ Или кова тагар, като жал на война мамуял авере тагаресте, нанай те бешел първо те съветвинел пес, ачи ли с дешхиляда те устоинел против калкесте, ковато авел мамуял лесте с бишхиляда?³² Иначе, жи кай ковка си още дуре, бичалел посланикиен те манген условия мириеске.³³ Тай чука, ако декой тумендар нана отречинел пес всичконастар, со иси лес, нанащи овел Моро ученики.³⁴ Лачо варесо си о лон, но ако о самото лон обезсолингъол, соса ка подправинел пес?³⁵ Ои нана струвинел нито е пувяке, нито ториеске; чивен ла аври. Кас иси кана те шунел, нека шунел!

Chapter 15

¹А саворе бирникия тай грешникия приближиненас пес паш Лесте те шунен Лес. ²А о фарисея тай о книжникия роптаиненас, тай пенен: Кавка приеминел грешникиен тай хал ленца. ³Тай Ов пенгяс ленге кайка притча: ⁴Кова тумендар, ако иси лес шел овце, тай нашалел пес леске иек лендар, нана мукел деветдесет и девет анди пустиния, тай нана жал палал и нашалди, жи кай аракел ла? ⁵Тай като аракел ла, ваздел ла пе пикенде лошало. ⁶Тай като авел песке кере, викинел пе амален тай пе комшиден тай пенел ленге: Лошанен манца, кай аракльом ме нашалде овца. ⁷Пенав туменге, кай също чука ка овел по бут лошали ко небес иеке грешникиеске, ковато кайнел пес, отколкото за деветдесет и девет праведниния, колен нанай лен нужда таро покаяние. ⁸Или коя ромни, иси ла деш драхмес, тай нашалел иек драхма, нана тарел светилос, нана шулавел о кер тай на родел грижливо, жи кай аракел ла? ⁹Тай като аракел ла, викинел пе амалиниен тай пе комшийкен тай пенел: Лошанен манца, соскето аракльом и драхма която нашалтъомас. ¹⁰Също чука, пенав туменге, иси лошали англал о Божия ангеля иеке грешникиеске, ковато кайнел пес. ¹¹Пенгяс още: Десаво мануш сине лес дуи мруша. ¹²Тай о по-цикно лендар пенгяс пе дадеске: Модат, де ман мо дяли, ковато переллес мангे таро имоти. Тай ов разделингяс ленге о имоти. ¹³Тай ма палал о хари диеса о по-цикно чаво кидингяс песке всичко тай гело анде дуре ригате, тай оте прахосингяс по имоти пе разпусоне животоса. ¹⁴Тай като пропилингяс всичко, ачили бари бок анде колке ригате; тай ов пело андо лищение. ¹⁵Тай гело, тай присъединисало карик иеке гражданиесте колке ригакоро, ковато бичалгяс лес ко полета пере те пасинел баличен. ¹⁶Тай мангелас те чаларел пес е рожковиенца, колендар ханас о баличе; но никой нана делас лес. ¹⁷А като ало песте, пенгяс: Кити наемникия ме дадескере иси лен излишъки таро маро, а па ме мерав бокатар! ¹⁸Ка ухкяв те жав ме дадесте тай ка пенав леске: Модат, съгрешингиом против о небес тай англал тут; ¹⁹нана синиом вече достоинно те наречинаман торо чаво; кер ман сар иек те наемникиендар. ²⁰Тай ухтинило, тай ало пе дадесте. А като сине още дуре, диклас лес лескоро дад, смилисало тай като запрастанило, чивгяс пес ки мен леске, тай чумиделас лес. ²¹Пенгяс леске о чаво: Модат, съгрешингиом против о небес тай англал туте; нана синьом вече достойно те наречинаман торо чаво. ²²Но о дад пенгяс пе слугенге: Сиго изнесинен и най-шукар премяна тай урявен лес, тай товен ангрусти ко вас леске тай потиня ко пире леске; ²³анен о угоено телес, тай заколинен лес тай нека те хас тай те веселинас амен; ²⁴соскето кавка моро чаво сине муло, тай оживингяс, нашалдо уло, тай араклило. Тай почнинде те веселинен пес. ²⁵А о по-баро чаво лескоро сине ки нива; тай като авелас песке тай приближингяс жи ко кер, шунгяс гила тай хоровя. ²⁶Тай викингяс иекес таро слуги, тай пучлас со си давка. ²⁷А ов пенгяс леске: То прал ало песке тай то дад заколингяс е угоеноне телес, соскето приемингяс лес здраво. ²⁸Тай ов холангяс тай нана мангелас те дел; тай лескоро дад иклило, тай молинелас лес. ²⁹А ов в отговор пенгяс пе дадеске: Аке, дики бреша керав туке бути тай нисар нана престъпнгиом десави тери заповед; но пак мангे дори ярес нана динян нисар те повеселинаман ме амаленца; ³⁰а щом ало песке кавка торо чаво, ковато халас то имоти е блудниценца, за леске заколингян о угоено телес. ³¹А ов пенгяс леске: Мочо, ту синян винаги манца тай всичко моро си торо. ³²Но прилично сине те развеселинас амен тай те лошанас, соскето кавка торо прал сине муло, тай оживингяс, нашалдо уло, тай араклило.

Chapter 16

¹Пенгяс още пе ученикиенге: Десаво барвало сине лес настойникки, колес клеветинде англал лесте, кай разпилинел лескоро имоти. ²Тай ов викингяс лес, тай пенгяс леске: Со си давка, ковато шунав за туке? Де сметка те настойничествоске; сокето нанащи вече те овес настойники.³ Тогава о настойники пенгяс песке: со те керав, като мо господари отнеминел мандар о настойничество? Нанай ман сила те храндав, те просинав лажав. ⁴Диниоман годи со те керав, за те приеминен ман пе керенде, като ка овав отстраниме таро настойничество.⁵ Тай чука, като викингяс саворе дължниен пе господариескере, пенгяс е първонеске: Кити дължинес ме господариеске?⁶ А ов пенгяс: Шел мерес масло. Тай пенгяс леске: Ле то записи тай пеш сиго, тай пишине пинда. ⁷После пенгяс авереске: А ту кити дължинес? Тай ов пенгяс: Шел мерес житос. Пенел леске: Ле то записи тай пишине охтодеш.⁸ Тай о господари лескоро похвалингяс е неверноне настойникиес, сокето остроумно постъпингяс; сокето о мануша калке векоскере си по-остроумна спрямо поро поколение таро просветена чрез и виделина. ⁹Тай Ме пенав туменге, спечелинен туменге амален посредством неправедно барвалипе, тай, като привършинел пес, те приеминен тумен андо вечна жилища.¹⁰ О верно андо най-хари тай андо бут си верно, а о неверно андо най-хари тай андо бут си неверно. ¹¹Тай чука, ако андо неправедно барвалипе нана улен верна, кой ка поверили туменге о истинско барвалипе?¹² Тай ако андо чуждо нана улен верна, кой ка дел тумен тумаро?¹³ Нисаво служители нанащи служинел дуие господариенге; сокето или ка намразинел иекес тай околос ка задехел, или ка привържинел пес карик иекесте, а околос ка презиришел. Нанащи служинен е Девлеске тай е мамониеске!¹⁴ А всичко давка шуненас о фарисея, колато сине сребролюбция, тай асанас Леске. ¹⁵ Тай пенгяс ленге: Туме синиен, колато покажинен тумен праведна англал о мануша; но о Дел жанел тумаре сърца; сокето ковка, ковато ценинел пес учи машкар о мануша, си мерзост англал о Дел. ¹⁶ О закони тай о пророкия сине жи ко Йоан; оттогава о Божие тагарипе благовестинел пес тай секой усилиеса дел анде лесте. ¹⁷ Но по-лесно си о небес тай и пув те пренакен, отколкото иек точка таро закони те перел. ¹⁸ Всекой, ковато напуснинел пе ромня тай пранденел авераке, прелюбодействинел; тай който пранденел напусниненаке роместар, ов прелюбодействинел.¹⁹ Исине десаво барвало, ковато уриелас пес андо мораво тай висони, тай секо днес веселинелас пес бляскаво.²⁰ Исине иек сиромахи, ко алав Лазар, покрито струпениенца, колес товенас те пашлол англал и порта леске,²¹ като мангелас те парварел пес таро пело тари софра е барвалеске; а о риконе авенас, тай лижиненас лескере ранес.²² Тай о сиромахи муло; тай о ангеля ингалде лес андо Авраамово лоно. Муло о барвало да, тай уло пароме.²³ Тай андо ади, като сине ко мъкес тай ваздингяс яка, диклас удурал е Авраамес, тай е Лазарес анде лескере обятиенде. ²⁴ Тай ов пищингяс, тай пенгяс: Отче Аврааме, смилине тут уптал манде тай бичал е Лазарес те топинел о крайос пе наиескоро андо пани тай те разхладинел ми чиб, сокето синьом ко мъкес анде калке пламакиесте.²⁵ Но о Авраам пенгяс: Мочо, спомнине туке, кай ту получинян тере блага приживе, а о Лазар - о канилипе; но акана ов ате утешинел пес, а ту мъчинес тут.²⁶ Тай освен всичко давка, машкар аменде тай туменде си утвърдиме бари бездно, чука че колка, колато ка мангел те накен атар карик туменде, тенащи, нито па отар те пренакен карик аменде.²⁷ А ов пенгяс: Като си чука, молинав тут, отче, те бичалес лес ме бащиноне кересте;²⁸ сокето иси ман панч прала, за те предупрединел лен, тена авен он да калке мъчителноне танесте.²⁹ Но о Авраам пенгяс: Иси лен о Мойсей тай о пророкия; нека шунен лен. ³⁰ А ов пенгяс: Ма, отче Аврааме, но ако жал ленде декой таро муле, ка покайнен пес.³¹ Тай ов пенгяс леске: Ако нана шунен е Мойсейес тай е пророкиен, ов таро муледа те възкръснинел декой, пак нанай те убединен пес.

Chapter 17

¹Тай пенгяс Пе ученикиенге: Нанай възможно тена авен о съблазнес; но горко колкенге, чрез коленде авен! ²По-лачес ка овел леске те окачинел пес иек баро водениично бар лескере меняте тай те овел чивдо андо морес, а ма те съблазнинел иек калкендар таро цикне.³Внимавинен туменге. Ако прегрешинал то прал, смъмрине лес; тай ако покайнел пес, простиине леске. ⁴Тай ефта дром андо диес ако съгрешинел против туте, тай ефта дром иринел пес карик туте тай пенел: Покайнаман, простиине леске.⁵Тай о апостола пенде е Девлеске: Приде аменге вяра. ⁶А о Дел пенгяс: Ако иси тумен вяра, кити синапово зърнос, ка пененас калке чернициаке: Изкоренине тут тай насадине тут андо морес, тай ка шунел тумен. ⁷А кова тумендар, ако иси лес слуга те оринал леске или те пасинел леске, ка пенел леске веднага, щом авел песке тари нива: Де те хас?⁸Напротив, нанай ли те пенел леске: Приготвинае варесо те вечеринав, стегин тут, тай пошетине манг, жи кай хав тай пияв, тай палал далкесте ту ка хас тай ка пиес?⁹Нима ка благодаринел пе слугаске, кай кергяс со уло заповедиме? На верувинав. ¹⁰Също чука тумеда, като керен всичко, ковато си туменге заповедиме, пенен: Аме синям безполезна слуги; кергям само давка, ковато улам длъжна те керас.¹¹Тай андо Поро пътуване карик о Ерусалим Ов накелас и граница машкар и Самария тай Галилея. ¹²Тай като делас иеке гавесте, ресле Лес деш прокажена, колато, като спиринде дурал,¹³пищциnde силноне гласоса, тай пенде: Исусе Наставниче, смилине тут упрант аменде!¹⁴Тай като диклас лен, пенгяс ленге: Жан, покажинен тумен е свещеникиенге. Тай като жанас, очистисале.¹⁵Тай иек лендар, като диклас, кай си изцелиме, ирисало тай силноне гласоса славинелас е Девлес, ¹⁶тай пело мосте ко пире е Иисусеске, тай благодаринелас Леске. Тай ов сине самарияни.¹⁷А о Иисус в отговор пенгяс леске: Нана очистисале ли деш? А кате си окола еня?¹⁸Нана араклиле ли авер те иринен пес тай те възден слава е Девлеске, освен кавка другоплеменици?¹⁹Тай пенгяс леске: Ухти тай жа туке; тери вяра изцелингяс тут.²⁰А о Иисус, пучло таро фарисея канка ка авел о Божие тагарипе, в отговор пенгяс ленге: О Божие тагарипе нана авел чука, кай те забележинел пес;²¹нито ка пенен: Аке ате си! Или: Оте си! Соскето, аке о Божие тагарипе си андре анде туменде.²²Тай пенгяс е ученикиенге: Ка авен диеса, като ка мангтен те дикен поне иек таро диеса е Човешконе Чавескере, тай нанай те дикен.²³Тай като пенен туменге: Аке, оте си! Или: Аке, ате си! Тена жан, нито те прастан палал ленде.²⁴Соскето, сарто и светкавица, като блеснинел таро иек крайос е хоризонтиеско, светинел жи околе крайосте е хоризонтиеско, чука ка овел о Човешко Чаво анде Пере диесесте.²⁵Но първо Ов требе те пострадинел бут тай те овел отхвърлиме калке поколениесар.²⁶Тай сарто ачило андо Ноева диеса, чука ка овел андо диеса е Човешконе Чавескес;²⁷ханас, пиенас, прандененас жи ко диес, като о Ной диняс андо ковчеги, тай ало о потопи, тай погубингяс лен саворен.²⁸Чука също, сарто ачило андо Лотова диеса; ханас, пиенас, киненас, бикненас, садиненас тай градиненас,²⁹а андо диес, като о Лот иклило таро Содом, яг тай сяра навалинде таро небес тай погубинде лен саворен;³⁰подобно калкесте ка овел андо диес, като о Човешко Чаво ка явинелпес.³¹Андо ковка диес, ковато аракльол ко покриви пе кереске, ако лескере вещя си кере, тена ухлел те лел лен; също ковато си ки нива, тена иринел пес напапале.³²Помнинен е Лотиескере ромня.³³Който мангел те спечелинел по животос, ка нашалел лес; а който нашалел лес, ка опазинел лес.³⁴Пенав туменге, анде колке ракяте дуи ка овен иеке леглости; иек ка лел пес, а окова ка мукел пес.³⁵Дуй жувля ка мелинен заедно; иек ка лел пес, а окоя ка мукел пес.³⁶Дуй ка овен ки нива; иек ка лел пес, а окова ка мукел пес.³⁷Отговоринен леске, тай пенен: Кате, Девла? А Ов пенгяс ленге: Кате си о трупос, оте ка киден пес о орела.

Chapter 18

¹Пенгяс ленге иек притча далкеске сар треба всякова те молинен пес тай тена перен духом, тай пенгяс:
²Анде десаве градосте исине иек съдияс, ковато таро Дел нана даралас тай е манушес на зачитинелас.
³Андо също градос исине иек вдовица, която авелас лесте тай пенелас леске: Отде манге право спремо мо противници. ⁴Но ов за известно време нана мангелас. А после пенгяс песке: При все, кай таро Дел нана дарав тай е манушес нана зачитинав, ⁵пак, понеже кайка вдовица досадинел манге, ка отдав лакоро право, тена изморинел ман пе безкрайноне дохожданиеса. ⁶Тай о Дел пенгяс: Шунен со пенгяс о неправедно съдия! ⁷Тай о Дел ли нанай те отдел о право Пере избраноненге, колато пищинен карик Лесте о диес тай ират, те бавинелда пес спрямо ленде? ⁸Пенав туменге, кай ка отдел ленгоро право сиго. Обаче, като ка авел, о Човешко Чаво ка аракел ли вяра ки пув? ⁹Тай декаске, колато уповиненас пес песте, кай си праведна, тай презириненас околен, пенгяс кайка притча: ¹⁰Дуй жене дине андо храми те молинен пес, о иек фарисей, а окова бирники. ¹¹О фарисей, като изправисало, молинелас пес анде песте чука: Боже, благодаринаман Туке, кай нана синъом сар около манушенде, грабителя, неправедна, прелюбодейция тай особено ма сар калке бирникисте. ¹²Постиав дваж андо курко, дав десятъки всичконастар, ковато придобинав. ¹³А о бирники, като бешелас дуре, нана мангелас дори пе яка те взадел карик о небес, но чалавелас пес ан пе колиниесте тай пенелас: Боже, ов милостиво карик манде, о грешники. ¹⁴Пенав туменге, кай кавка ухлило пе кересте оправдано, а ма ковка; сокето всекой, ковато възвишениел пес, ка смиринал пес, а ковато смиринал пес, ка възвисинел пес. ¹⁵Анде още паш Лесте пе младенциен, за те докоснинел пес жи ленде; а о ученикия, като дикле, смъмринде лен. ¹⁶Но о Иисус викингяс лен тай пенгяс: Муken е чавен те авен паш Манде тай ма спиринен лен; сокето салженоро си о Божие тагарипе. ¹⁷Истина пенав туменге: който нана приеминел сар чаво о Божие тагарипе, ов нисар нанай те дел анде лесте. ¹⁸Тай десаво си началники пучлас Лес, тай пенгяс: Благи Учителю, со те керав, за те наслединав вечно животос? ¹⁹А о Иисус пенгяс леске: Соске наречинес Ман благо? Никой нанай благо, освен иек Дел. ²⁰Жанес о заповедя: " Ма прелюбодейсвине"; " Ма мудар"; " Ма чор"; " Ма лъжесвидетелствине"; " Почитине те дадес тай те дая"; ²¹А ов пенгяс: Всичко давка пазингъом от тернярла. ²²О Иисус, като шунгяс лес, пенгяс леске: Иек още нана ресел туке. Бикин всичко со иси тут тай разде е сиромасиенге, тай ка овел тут съкровищес ко небес; ела тай следвине Ман. ²³Но ов, като шунгяс давка, наскърбисало бут, сокето сине бут барвало. ²⁴Тай о Иисус, като диклас лес, пенгяс: Кити мъчно ка ден андо Божие тагарипе колка, колато иси лен барвалипе! ²⁵Сокето по-лесно си камила те накел презал о иглена кана, отколкото барвало те дел андо Божие тагарипе. ²⁶А колка, колао шунде давка, пенде: Тогава кой ащи спасинел пес? ²⁷А Ов пенгяс: О невъзможно е манушенге е Девлеске си възможно. ²⁸А о Петър пенгяс: Аке, аме муклам амаро тай последвингям Тут. ²⁹А Ов пенгяс ленге: Истина пенав туменге, нанай никой, ковато те муклас кер или ромня, или прален, или родителен, или чадовиен ашал о Божие тагарипе, ³⁰ковато тена получинел многократно по бут андо сегашно времес, а андо идещо светос - вечно животос. ³¹Тай като лилас е дешудуиен паш Песте, пенгяс ленге: Аке, вълизинас андо Ерусалим тай ка изпълнингиол е Човешконе Чавеске всичко, ковато си пишиме чрез о пророкия. ³²Сокето ка овел предиме ко езичникуя, колато ка поругайнен пес уптал лесте тай безсръмно ка оскърбинен Лес, тай ка чунгаден Лес, ³³тай като марен Лес, ка мударен Лес; тай ко трето диес ка възкръснинел. ³⁴Но он нана ахалиле нищо далкестар; тай о смисели далке думакоро уло гаравдо ленге, тай нана ахалонас давка, ковато пенелас пес. ³⁵А като Ов приближинел жи ко Ерихон, иек коро бешелас край о дром те просинел. ³⁶Тай като шунгяс, кай накел народос, пучлас со си давка. ³⁷Тай пенде леске, кай о Иисус о Назарияни накел. ³⁸Тогава ов пищингяс, тай пенгяс: Иусе, Чаво Давидово, смилине тут уптал манде! ³⁹А калка, колато пиренас англал, смъмринде лес, за те траинел; но ов още по бут пищинелас: Чаво Давидово, смилине тут уптал манде! ⁴⁰Тай чука, о Иисус спирингяс тай заповедингяс те анен лес Леске. Тай като приближисало, пучлас лес: ⁴¹Со мангес те керав туке? А ов пенгяс: Господи, те задика. ⁴²Тай о Иисус пенгяс леске: Дик; тери вяра изцелингяс тут. ⁴³Тай ов веднага задиклас, тай тръгнингяс палал Лесте, като славинелас е Девлес. Тай саворе люде, като дикле давка, въздине хвала е Девлеске.

Chapter 19

¹Палал далкесте о Иисус диняс андо Ерихон тай накелас презал о градос. ²Тай аке, иек мануш, ко алав Закхей, ковато сине началники е бирникиенге тай барвало, ³мангелас те дикел кова си о Иисус, но нанащине ашал о народос, сокето сине харно. ⁴Тай запрастанило нангле, тай качисало иеке чернициате, за те дикел Лес; понеже ка накелас презал колке дроместар. ⁵О Иисус, като ало калке танесте, диклас нупре тай пенгяс леске: Закхее, ухли сиго, сокето авдиес требе те престоинав те кересте. ⁶Тай ов сигяргяс те ухлел, тай приемингяс Лес лошаласа. ⁷Тай като дикле давка, саворе роптаиненас, тай пенен: Паш грешноне манушесте диняс те бешел. ⁸А о Закхей ухтинило тай пенгяс е Девлеске: Господи, аке от акана дав екваш ме имотиестар е сиромасиенге; тай ако десар ограбингъюм декас, иринав леске четирикратно. ⁹Тай о Иисус пенгяс леске: Авдиес ачило спасение калке кересте; сокето кавкада си Авраамово чаво ¹⁰Понеже о Човешко Чаво ало те родел тай те спасинел о погинало. ¹¹Тай като шуненас давка, Ов прибавингяс иек притча, сокето сине паше жи ко Ерусалим, тай он мислиненас песке, кай о Божие тагарипе веднага ка явинел пес. ¹²Далкеске пенгяс: Десаво благородники гело далечноне ригате те получинел за песке царско власт тай те иринел пес. ¹³Тай викингяс дешен пе слугендар, тай диняс лен деш мнасес; тай пенгяс ленге: Търгувинен далкеса, жи кай авав. ¹⁴Но лескере граждания мразиненас лес тай бичалде палал лесте посланика те пенен: Нана мангас кавка те царувинел упран аменде. ¹⁵А като получинягяс и царско власт тай ирисало, заповединягяс те викинен колке слуген, коленге динясас о парес, за те ахалол со припечелинде чрез о търгуване. ¹⁶Ало о първо тай пенгяс: Господарю, тери мнаса спечелингяс деш мнасес. ¹⁷Тай пенгяс леске: Шукар, лачеа слуго! Понеже ко бут хари покажинтян тут верно, нека овел тут власт деше градовиенде. ¹⁸Ало о второ тай пенгяс: Господарю, тери мнаса принесингяс панч мнасес. ¹⁹А пенгяс лескеда: Ов туда упран пандже градовиенде. ²⁰Ало авер тай пенгяс: Господарю, аке тери мнаса, която пазинавас скътано анди кърпа; ²¹сокето даравас тутар, понеже синян строго мануш; ваздес давка, ковато нана положингъян, тай жънинес, ковато нана посеингъян. ²²О господари пенгяс леске: Ка съдинав тут те собственоне думенца, зло слугас. Жанесас, кай синиом строго мануш, ваздев давка, ковато нана положингъюм, тай жънинав, ковато нана сеингиом; ²³тогава соке нана вложингъян ме парес анди банка, тай ме, като ававас манге, ка прибириналас лен е лихваса? ²⁴Тай пенгяс е присъстващоненге: Лен лестар и мнаса тай ден ла калкесте, колес иси деш мнасес, ²⁵(Пенде леске: Господарю, лес вече иси деш мнасес!) ²⁶Пенав туменге, кай всекаске, кас иси, ка дел пес; а калкестар, колес нанай, лестар ка отнеминел пес давкада, ковато си лес. ²⁷А колка мере неприятеля, колато нана мангенаас те царувинав упран ленде, анен лен ате тай посечинен лен англал манде. ²⁸Тай като пенгяс давка, о Иисус тръгнингяс нангле, като ухлелас за Ерусалим. ²⁹Тай като приближисало жи Витфагия тай Витания, жи ко хълми наречиме Елеонски, бичалгяс дуиен таро ученикия тай пенгяс ленге: ³⁰Жан андо гав, ковато си мамуял туменде, анде колесте като ден, ка аракен иеке оселес, панло, колес, нисаво мануш нана възседингяс; путрен лес тай анен лес. ³¹Тай ако декой пучел тумен: Соке путрен лес? Пенен чука: Е Девлеске требел. ³²Тай о бичалде геле, тай аракле лес, карто пенгясас ленге. ³³Тай като путерде е оселес, лескере стопания пенде: Соке путрен е оселес? ³⁴А он пенде: Е Девлеске требел. ³⁵Тай анде лес жи ко Иисус; тай като наметнинде пе шехя ко осели, качинде е Иисусес. ³⁶Тай като накелас Ов, о люде бухларенас пе шехя ко дром. ³⁷Тай като вече наближинелас те превалинел о Елеонско хълми, о цело множествос ученикия починде те лошанен тай велегласно те славинен е Девлес саворе великоне деловиенге, колато диклесас, тай пенде: ³⁸Благословиме о Тагар, Ковато авел андо Господно алав; мири ко небес тай слава андо висини! ³⁹А десаве таро фарисея машкар о народос пенде Леске: Учителю, смъмрине Те ученикиен. ⁴⁰Тай Ов в отговор пенгяс: Пенав туменге, кай ако калка траниен, ов о бара ка пишинен. ⁴¹Тай като приближисало тай диклас о градос, туно леске, тай пенгяс: ⁴²Те жанесас ту, ва! Ту, поне анде калке тере диеесте, давка, ковато служинел те мириеске; но понастоящем си гаравдо те якендар. ⁴³Сокето ка авен упран туте диеса, като тере неприятела ка вазден могила около туте, ка обсадинен тут, ка стеснинен тут отвред, ⁴⁴тай ка разоринен тут, тай ка избинен те жителен анде туте, тай нанай те мукен анде туте бар баресте; сокето ту на пенджаргян о времес, като улан посетиме. ⁴⁵Тай като диняс андо храми, почнингяс те гонинел колкен, колато бикненас; тай пенелас ленге: ⁴⁶Пишите си: " Тай мо кер ка овел молитвено кер", а туме кергиен лес " разбойническо вертели ". ⁴⁷Тай поучинелас секо диес андо храми. А о главна свещеникия, о книжникия тай о народна първенци стараиненас пес те погубинен Лес; ⁴⁸но нана аракенас со те керен, понеже саворе люде вслушвиненас пес те шунен Лес.

Chapter 20

¹Тай андо иек таро диеса, като поучинелас е люден андо храми тай проповединелас о благовестие, але о главна свещеникия тай о книжникия е старейшиненца тай хоратиненас, тай пенен Леске: ²Пен аменге, саве властяса керес давка? Или кова си Ковка, Ковато диняс Тут каика власт?³Тай в отговор пентяс ленге: Ка задав тумен Меда иек въпроси, тай отговоринен Манге: ⁴О Йоаново кръщение таро небес ли сине, или таро мануша?⁵А он разисквиненас машкар песте, тай пенде: Ако пененас: Таро небес, ка пенел: Соске нана верувингиен лес? ⁶Но ако пененас: Таро мануша, саворе люде ка мударен амен баренца, сокето си убедена, кай о Йоан сине пророки.⁷Тай отговоринде, кай нана жанен катар сине. ⁸Тогава о Исус пентяс ленге: Нито Ме пенав туменге саве властяса керав давка.⁹Тай почнингяс те пенел е люденге кайка притча: Иек мануш насадингяс лозес, диняс лес под наем земеделциенге тай гело андо странство за дълго време. ¹⁰Тай андо време е кидибнаске бичалгяс иеке слугас ко земеделция, за те ден лес таро плоди е лозеске; но о земеделция марде лес тай бичалде лес чучу.¹¹Тай бичалгяс авере слугас; а он лесда марде, срамно осърбинде лес тай бичалде лес чучу. ¹²Бичалгяс третонес; он лесда наранинде тай чивте.¹³Тогава о стопани е лозеско пентяс: Со те керав? Ка бичалав ме възлюбеноне чавес; аци лес те почетинен. ¹⁴Но о земеделция, като дикле лес, разисквиненас машкар песте, като пененас: Кавка си о наследници; нека мударас лес, за те ачол о наследство амаро.¹⁵Тай чивте лес аври таро лозес, тай мударде лес. Тай чука, со ка керел ленге о стопани е лозеско?¹⁶Ка авел тай ка погубинел калке земеделциен, тай ка дел о лозес аверенге. А като шунде давка, пенде: Дано тена овел!¹⁷А Ов диклас лен тай пентяс: Тогава со значинел кавка, ковато си пишими: " О бар, ковато отхвърлинде о зидаря, ов ачило шеро е ъгълеско"? ¹⁸Секой, ковато перел упрали калке баресте, ка разбинел пес, а упрали касте перел, ка смажинел лес.¹⁹Тай ко също сахати о книжникия тай о главна свещеникия мангле те товен васта Лесте, сокето ахалиле, кай пентяс кайка притча против ленде, но даранас таро люде. ²⁰Тай като наблюдавиненас Лес, бичалде съгледвачиен, колато преструвиненас пес, кай си праведна, за те уловинен десави Лескири дума, чука че те преден Лес ко началство тай ки власт е управителеске.²¹Тай он пучле Лес, тай пенде: Учителю, жанас, кай право хоратинес тай учинес, тай анде Туте нанай лицемерие, но учинес о Божие дром според и истина;²²право ли си аменге те дас данъкъи е цезариес, или нака?²³А Ов ахалило о лукавство ленгоро тай пентяс ленге: ²⁴Покажинен манге иек динарий. Каскоро образи тай надписи иси? Тай в отговор пенде: Цезарево.²⁵А Ов пентяс: Тогава ден о цесарово е Цесариес, а о Божие е Девлес. ²⁶Тай нанащине уловинен варесо андо думес англал о люде; тай зачудиме Лескере отговориеске, траинде.²⁷Тогава приближисале десаве таро садукея, колато твърдинен, кай нанай възкресение, тай пучле Лес, тай пенде:²⁸Учителю, о Мойсей пишингяс аменге: " Ако мерел декаске леско прал, ковато си прандеме, но си бездетно, леско прал те лел е ромня тай те ваздел потомъкъи пе пралеске".²⁹А сине ефта прала; тай о първо лилас ромня тай муло бездетно.³⁰Тай о второ, тай о трето лиле ла ;³¹чука също о ефта лиле ла тай муле, без те мукен чавен.³²А после мули и ромни.³³Тай чука, ко възкресение каское лендар ачол ромни? Сокето о ефта исине лен ромняке.³⁴А о Исус пентяс ленге: О мануша калке светоскере пранденен;³⁵а колка, колато удостоинен пес те ресен ковка светос тай о възкресение таро муле, нито женинен пес, нито омъжвинен пес.³⁶А тай нанащи вече мерен, понеже си равна е ангеленца; тай сар участниция андо възкресение, си чада е Девлеске.³⁷А кай о муле възкръснинен, давка о Мойсей покажингяс андо тан, кате пишингяс е къпинаке, като наречингяс е Девлес " Дел Авраамо, Дел Исааково тай Дел Яково".³⁸Но Ов нанай Дел е муленгора, а е живденгоро; сокето за Леске саворе си живде.³⁹А десаве таро книжникия в отговор пенде: Учителю, Ту лачес пентян.⁴⁰Сокето на смеиненас вече за нищо те пучен Лес.⁴¹Тай пентяс ленге: Сар пенен, кай о Помазаници си Давидово чаво?⁴²Сокето коркоро о Давид пенел анди книга ко Псалмес: " Пентяс о Дел* мере Девлеске: Беш отясно Манге,⁴³жи кай положинав Те враговиен Тере подножиесте".⁴⁴Тай чука, о Давид наречинел Лес Господ, тогава сар си леско чаво?⁴⁵Тай като шуненас саворе люде, Ов пентяс Пе ученициенге:⁴⁶Пазинен тумен таро книжникия, колато дехен те пирен премениме тай дехен поздравя ко пазаря, о първа столоя андо синагогес тай о първа тана ко угощения;⁴⁷колато хан о кера е вдовиценгере тай за показ принесинен дълга молитвес. Он ка получинен по-баро осъждане.

Chapter 21

¹Тай о Исус, като ваздингяс яка, диклас е барвален, кай мукен пе даровя анди съкровищница. ²А диклас иеке чоре вдовица, кай мукел оте дуй лептес. ³Тай пенгяс: Истина пенав туменге, кай кайка чори вдовица муклас по бут саворендар; ⁴сокето саворе калка мукле андо даровя е Девлеске пе излишъкиестар, а ой тари немотия пери муклас по цело имоти, ковато сине ла. ⁵Тай като десаве хоратиненас е храмиеске, кай си украсиме шукаре баренца тай посветеноне приносиенца, пенгяс: ⁶Ка авен диеса, като калкестар, кате дикен, нанай те ачол ате бар упраал баресте, ковато тена срининел пес. ⁷Тай пучле Лес, тай пенде: Учителю, а каня ка овел давка? Тай саво ка овел о белеги, като предстоинел те ачол давка? ⁸А Ов пенгяс: Внимавинен тена заблудинен тумен; сокето мнозина ка авен анде Мере алавесте тай ка пенен: Ме синьом о Помазаници; тай: О време наблизингяс. Тена жан палал ленде. ⁹Тай като ка шунен за войни тай размирицес, тена даран; сокето далка бука требе първо те ачон, но нанай веднага о свършеки.

¹⁰Тогава пенгяс ленге: Народос ка ваздел пес против народосте тай тагарипе против тагарипнасте, ¹¹тай ка овен баре трусовя, тай разноне таненде бок тай мори; ка овен ужася, тай баре знамения таро небес. ¹²А англаал те ачол всичко давка, ка товен васта туменде тай ка гонинен тумен, като преден тумен синагогенде тай андо тъмницес, тай ка икален тумен англал тагаренде тай англал управителенде ашал Мере алавеске. ¹³Давка ка служинел туменге за свидетелство. ¹⁴Тай чука, решинен ан тумаре сърценде тена обмислинен предварително со те отговоринен; ¹⁵сокето Ме ка дав тумен чука мъдро те хоратинен*, кай саворе противници тумаре ка овен без силна те противостоянен туменге или те противоречинен.

¹⁶Тай ка овен предиме даже таро родителя тай прала, ендзиендар тай амалендар; тай ка мударен декас тумендар. ¹⁷Тай ка овен мразиме саворендар ашал Мере алавеске. ¹⁸Но бал тумаре шерестар нанай те загининел. ¹⁹Чрез тумари твърдост ка придобинен тумаре души. ²⁰А като дикен о Ерусалим, кай си заобиколиме таро войски, давка те жанен, кай наблизингяс лескоро запустяване. ²¹Тогава колка, колато си анди Юдея, нека нашен андо планини, а колато си андо градос, нека иклон аври, а колато си андо околностя, тена ден анде лесте. ²²Сокето далка си диеса на въздаяние, за те изпълнили всичко, ковато си пишими. ²³Горко е непразнонене тай е кърмешонене презал колке диесенде! Сокето ка овел баро бедствие анди риг тай гняви упраал о люде. ²⁴Он ка перен телал о остиес е мечиеске тай ка овен ингалде андо плени ко саворе народя; тай о Ерусалим ка овел тъпкиме таро народос, жи кай изпълнили о времена е езичнициенге. ²⁵Тай ка ачон знамения ко кам, ки луна тай ко звезди, а ки пув - бедствие е народоске, като ка овен андо недоумение, ашал о бучене е мореске тай е вълненге. ²⁶О мануша ка примириинен даратар тай таро очакване е букиенге, колато ка постигнинен и вселена, сокето о небесна силес ка разклатинен пес. ²⁷Тай тогава ка дикен е Човешконе Чавес, кай авел андо облаки, силаса тай баре славаса. ²⁸А като ка почнинел те ачол давка, изправинен тумен тай вазден тумаре шере, сокето тумаро изкупление наблизинел. ²⁹Тай пенгяс ленге притча: Дикен и смокиния тай саворе каща.

³⁰Като дикен, кай покаринен, жанен, кай о нилаи си вече паше. ³¹Също чука тай като дикен, кай ачол давка, те жанен, кай си паше о Божие тагарипе. ³²Истина пенав туменге, кай кавка поколение нанай те пренакел, жи кай нана събъдниньоль всичко давка. ³³О небес тай и пув ка пренакен, но Мере думес нанай те пренакен. ³⁴Но внимавинен туменге, тена натегнинен тумаре сърца таро преездане, пиянство тай житетска грижес, тай ресел тумен ковка диес внезапно, сар примка; ³⁵сокето чука ка авел упраал саворенде, колато живинен ко мui целионе пувяке. ³⁶Но бдинен всяко, тай молинен тумен, за те сполучинен те избегнинен всичко, ковато предстоинел те ачол, тай те бешен англал о Човешко Чаво.

³⁷Тай секо диес Ов поучинелас андо храми; а секо рат иклолас тай ношувишелас ко хълми, наречиме Елеонски. ³⁸Тай саворе люде подраниненас паш Лесте андо храми те шунен Лес.

Chapter 22

¹А наближинелас о Празники е безквасноне маренгоро, ковато наречинел пес Пасха. ²Тай о главна свещеникия тай о книжникия обмислиненас сар те мударен Лес; соскето даранас таро люде. ³Тогава диняс о Сатана андо Юда, наречиме Искариот, ковато сине таро число е дешудонгес; ⁴тай ов гело тай хоратингяс е главноне свещеникиенца тай е началникиенца е стражакере сар те предел Лес ленге. ⁵Тай он лошанде, тай обещинде те ден лес парес. ⁶Тай ов съгласисало, тай роделас сгодно случай те предел Лес ленге, ма англал о множество. ⁷Тай ачло о диес е безквасноне маренгоро, като требеше те жертвинаел пес и пасха. ⁸Тай о Иисус бичалгяс е Петрес тай е Йоанес, тай пенгяс: Жан тай приготвинен аменге, за те хас и пасха. ⁹А он пенде Леске: Кате мангес те приготвинас? ¹⁰А Ов пенгяс ленге: Аке, като ден андо градос, ка ресел тумен мануш, ковато пиравел стомна паниеса; жан палал лесте андо кер, анде колесте дел, ¹¹тай пенен е стопаниеске е керескоро: О Учители пенел туке: Кате си е гостиенгири стая, анде колате ка хав и пасха Ме ученикиенца? ¹²Тай ов ка посочинел туменге бари упруни стая, бухларди; оте приготвинен. ¹³Тай като геле, аракле сарто пенгясас ленге; тай приготвинде и пасха. ¹⁴Тай като ало о сахати, Ов бешло ки софра, тай о апостола Леса. ¹⁵Тай пенгяс ленге: Търде бут мангльом те хав кайка пасха туменца, англал те страдинав; ¹⁶соскето пенав туменге, кай нанай вече те хав ла, жи кай ой нана изпълнингиол андо Божие тагарипе. ¹⁷Тай като приемингяс чаша, благодарингяс тай пенгяс: Лен кавка тай разделинен лес машкар туменде; ¹⁸соскето пенав туменге, кай нанай вече те пияв таро плоди е лозаке, жи кай нана авел о Божие тагарипе. ¹⁹Тай лилас маро, тай като благодарингяс, паглас лес, диняс лен, тай пенгяс: Кавка си Моро телос, ковато туменге дел пес; кавка керен за Мере възпомениеске. ²⁰Чука лилас и чаша палал и вечеря, тай пенгяс: Кайка чаша си о нево завети анде Мере ратесте, ковато за туменге проливинел пес. ²¹Но аке, о вас калкескоро, ковато предел Ман, си Манца ки софра. ²²Соскето о Човешко Чаво наистина жал, според сарто уло определиме; но горко калке манушеске, чрез колесте предел пес! ²³Тай он почнинде те пучен пес машкар песте кова ли лендар ка овел кавка, ковато ка керел давка. ²⁴Ачили още препирня машкар ленде кова лендар считинел пес за по-баро. ²⁵А Ов пенгяс ленге: О тагара е народоскере господарувинен уптал ленде тай калка, колато владеинен лен, наречинен пес благодетеля. ²⁶Но туме ма чука; а о по-баро машкар туменде нека ачол сар о по-цикно, тай ковато началствувинел - сар колкесте, ковато слугувинел. ²⁷Соскето кова си по-баро: ковка, ковато бешел ки софра ли, или ковка, ковато слугувинел? Нанай ли ковка, ковато бешел ки софра? Но Ме синъом машкар туменде, сар колкесте, ковато слугувинел. ²⁸А туме синиен колка, колато устоингиен Манца анде Мере изпитаниенде. ²⁹Далкескесе, сарто Моро Отеци завещингяс тагарипе Манге, Меда завещинав туменге ³⁰те хан тай те пиен Ме софрате анде Мере тагарипнасте; тай ка бешен престоленде те съдинен о дешудуи Израилева племена. ³¹Тай пенгяс о Дел : Симоне, Симоне, аке, о Сатана изискинел тумен саворен, за те пресеинел тумен сар житос; ³²но Ме молисалом туке, тена отслабнинел тери вяра; тай ту, като иринес тут, утвърдине те прален. ³³О Петър пенгяс Леске: Господи, готово синъом те жав Туса анди тъмницада, мерибнастеда. ³⁴А Ов пенгяс: Пенав туке, Петре, о петели нанай те загилабел авдиес, жи кай нана отречисалан трин дром, кай пенджарес Ман. ³⁵Тай пенгяс ленге: Като бичалгиом тумен би кесиякоро, би торбакоро тай би потиниенгоро, ачилен ли лишиме варесостар? А он пенде: Нисостар. ³⁶Тай пенгяс ленге: Но акана, кас иси кесия, нека те лел ла, също торбада; тай кас нанай кесия, нека бикнел пе шехя тай те кинел песке чури; ³⁷соскето пенав туменге, кай требе те изпълнинел пес уптал Манде давка писание: " Тай карик о беззаконикия уло причислиме", соскето о пишиме за Манге наближинел карик пере изпълнимнасте. ³⁸Тай он пенде: Господи, аке ате иси дуи чуря. А Ов пенгяс ленге: Достатъчна си. ³⁹Тай иклило те жал Пе обичаисте ко Елеонско хълми; палал Лесте геле о ученикияда. ⁴⁰Тай като араклило ко тан, пенгяс ленге: Молинен тумен тена перен адно изкушение. ⁴¹Тай Ов отделисало лендар, кити иек чивдо бар, тай като коленичингяс, молинелас пес, тай пенел: ⁴²Отче, ако мангес, отнак Ман калке чашаса; обаче ма Мери воля, но Тери те овел. ⁴³Тай явисало Леске ангели таро небес, тай подкрепинелас Лес. ⁴⁴Тай като изпитвинелас мъка, молинелас пес по-усърдно; тай Лескоро поти ачило сар баре капкес рат, колао капиненас ки пув*. ⁴⁵Тай като ухтинило тари молитва, ало ко ученикия тай араклас лен засуте тари скръб; тай пенгяс ленге: ⁴⁶Соске совен? Ухкиен тай молинен тумен, за тена перен андо изкушение. ⁴⁷Жи кай още хоратинелас, аке иек множество; тай кавка, ковато наречинелас пес Юда, иек таро дешудуи, пирелас англал ленде; тай приближисало жи ко Иисус, за те чумидел Лес. ⁴⁸А о Иисус пенгяс леске: Юдо, целувкаса ли предес е Човешконе Чавес? ⁴⁹Тай калка, колато сине около о Иисус, като дикле со ка ачолос, пенде: Господи, те чалавас ли чуряса? ⁵⁰Тай иек лендар чалагяс е първосвещеникискере слугас тай чингяс лескоро десно кан. ⁵¹А о Иисус захоратингяс, тай пенгяс: Стига дики; тай допирисало жи ко кан

леске, тай изцелингяс лес.⁵²Тай о Иисус пенгяс калкенге кате але против Лесте о главна свещеникия, началникия е храмиескере стражаке тай старейшинес: Сар мамуял разбойнициесте ли иклилен мечовиенца тай сопиенца?⁵³Като улом секо диес туменца андо храми, нана прострингтиен васта против Манде. Но акана си тумаро сахати тай о властване е тъмнинаке.⁵⁴Тай като долде Лес, ингалде Лес, тай денгярде Лес андо кер е първосвещеникеске. А о Петър следвинелас дурал.⁵⁵Тай като тарде яг машкар ко дворос тай бешлесас около лате, ов о Петрес да бешло машкар ленде.⁵⁶Тай иек слугиния, като диклас лес бешло жи ко пламъки, задиклас пес анде лесте тай пенгяс: Кавкада сине Леса.⁵⁷А ов отречисало, тай пенгяс: Жено, нана пенджарав Лес.⁵⁸След хари авер диклас лес тай пенгяс: Туда синян лендар. Но о Петър пенгяс: Човече, нана синиом.⁵⁹Тай като накло пес около иек сахати, авер декой настоятелно пенелас: Наистина кавкада сине Леса, сокето си галилеяни.⁶⁰А о Петър пенгяс: Човече, нажанав со пенес. Тай ко сахати, жи кай още хоратинелас, иек петели загилябингяс.⁶¹Тай о Де ирисало, тай диклас е Петрес. Тай о Петрес диняс пес годи о думес е Девлескере, сар пенгясас леске: Англал те загилябел о петели авдиес, ту трин дром ка отречинес тут Мандар.⁶²Тай иклило аври, тай руно горко.⁶³Тай о мруша, колато икеренас е Иисусес, ругайненас Лес тай маренас Лес,⁶⁴тай като закривиненас Лес (чалавенас Лес ко муй, тай) пученас Лес, тай пенен: Ахалов, кой чалагяс Тут.⁶⁵Тай бут авер хулес хоратинде против Лесте.⁶⁶Тай като дислило, кидисале о народна старейшинес, о главна свещеникия тай о книжникия тай ингалде Лес пе синедрионесте, тай пенде Леске:⁶⁷Ако синян Ту о Помазаники, пен аменге. А Ов пенгяс: Ако пенав туменге, нанай те верувинен;⁶⁸тай ако задав туменге въпроси, нанай те отговоринен.⁶⁹Но от акана наоте о Човешко Чаво ка бешел отдясно е Девлескере славате.⁷⁰Тай он саворе пенде: Тогава Божие Чаво ли синян Ту? А Ов пенгяс ленге: Туме право пенен, сокето синиом.⁷¹А он пенде: Сави нужда си амен вече таро свидетелство? Сокето коркоре аме шунгял Лескере мостар.

Chapter 23

¹Тогава о цело множество ленгере мануша ухтиниле тай ингалде Лес ко Пилат. ²Тай почнинде те обвининен Лес. Араклам Калкес, кай развратинел амаре народос, забранинел те дел пес данъки е кесариеске тай пенел за Песке, кай си Помазаники Тагар.³А о Пилат пучлас Лес, тай пенел: Ту ли синян о Юдейско тагар? А Ов в отговор пенгяс леске: Ту право пенес. ⁴Тай о Пилат пенгяс е главноне свещеникене тай е народоске: Ме нана аракав нисави вина анде Калке Манушесте.⁵А он понастойчиво пенде: Ов вълнувинел е люден, понеже поучинел ки цело Юдея, като почнингяс тари Галилея тай ресло даже жи ате.⁶А о Пилат, като шунгяс давка, пучлас дали о мануш си галилеяни. ⁷Тай като ахалило, кай си тари Иродово област, бичалгяс Лес жи ко Ирод, ковато също сине андо Ерусалим презал калке дисенде.⁸А о Ирод, като диклас е Иусес, бут лошантгяс, соскето отдавна мангелас те дикел Лес, понеже шунелас за Леске; тай надявинелас пес те дикел Лес те керел десаво знамени. ⁹Тай пучелас Лес буте думенца, но Ов нищо нана отговорингяс.¹⁰А о главна свещеникия тай о книжникия бешенас тай сильно обвининенас Лес.¹¹Но о Ирод пере войнициенца, презиринелас Лес, след като подигрависало Леске, урявгяс Лес андо великолепно шехи тай бичалгяс Лес обратно ко Пилат.¹²Андо също дис о Ирод тай о Пилат сприятелисале машкаар песте, соскето англал далкесте враждувиненас иек против авересте.

¹³Тогава о Пилат викингяс е главноне свещеникен, е началникиен тай е народос, тай пенгяс ленге:

¹⁴Ангиен манге Калке Манушес сар иек, ковато развратинел е люден; но аке, ме разпучлом Лес англал туменде, тай нана араклом анде Лесте нисави вина относно ковка, за колеске обвининен Лес.¹⁵Нито па о Ирод араклас; соскето бичалгяс Лес обратно жи аменде; тай аке, Ов нана кергяс нищо, ковато заслужинел мерибнакско наказание.¹⁶Тай чука, като накажинав Лес, ка мукав Лес. (¹⁷А ов задължинелас пес те мукел ленге секоне празнициесте по иеке затворникиес.)¹⁸Но он саворе иеке гласосте пищинде, тай пенде: Махнин Калкес тай мук аменге Варава¹⁹(ковато, за десави размирица, ачили андо градос, тай за мударибнаксе, уло чивто анди тъмница).²⁰Тай о Пилат пак пищингяс ленге, като мангелас те мукел е Иусес.²¹А он пишиненас, тай пенде: Разпнине Лес! Разпнине Лес!²²А ов трето дром пенгяс ленге: Кай саво зло кергяс Ов? Ме нана аракав анде Лесте нищо достойно мерибнаксе; тай чука, като накажинав Лес, ка мукав Лес.²³Но он настоявиненас силноне гласовиенца, като мангенаас те овел разпниме; тай ленгере гласовия надделинде.²⁴Тай о Пилат решингяс те изпълнинел со манген.²⁵Муклас колкес, колес мангенаас, ковато за размирица тай мудариба уло чивто анди тъмница; а е Иусес прединяс ки воля ленге.²⁶Тай като повединде Лес, долде десаве Симонес Киринеец, ковато иринелас пес тари нива, тай товде лесте о кръстос, за те пиравел лес палал о Иус.²⁷Тай палал Лесте пирелас баро множество таро люде тай таро жувля, колато ровенас тай жалиненас за Леске.²⁸А о Иус ирисало карик ленде тай пенгяс: Чая ерусалимска, ма ровен Манге, а ровен туменге тай тумаре чадовиенге;²⁹соскето, аке, авен дисес, като ка пенен: Блажена о неплодна тай о утробес, колато нана бянде, тай о колин, ковато нана кърмингяс.

³⁰Тогава ка почнинен те пенен е планиненге: Перен упран аменде; тай е хълмиенге: Покринен амен.

³¹Соскето, ако керен давка е суровоне кащеса, со ка ачол е шукеса?³²Тай Леса ингаленас авере дуиен, колато сине злодейция, за те погубинен лен.³³Тай като ресле ко тан, наречиме Лобно, оте разпнинде Лес тай е злодейциен, о иек отдясно Леске, а окова отляво.³⁴А о Иус пенгяс: Отче, простиене ленге, соскето нажанен со керен. Тай като разделинде Лескере шехя, чивте жребий за ленге.³⁵Тай о люде бешенас, тай дикенас. Още о началникия ругайненас Лес, тай пенен: Аверен избавингяс; нека избавинел Пес, ако Кавка си о Божие Помазаники, Лескоро Избраники.³⁶Също о войниния подигравиненас пес Леске, като приближиненас пес тай поднесиненас Леске шут, тай пененас:³⁷Ако синян о Юдейско тагар, избавине Тут.³⁸А упран Лесте сине надписи: Кавка си о Юдейско тагар.³⁹Тай иек таро увиснала ко кръстос злодейция хулинелас Лес, тай пенел: Нали Ту синян о Помазаники? Избавине Тут тай амен!⁴⁰А окова в отговор смъртингяс лес, като пенгяс: Таро Дел да ли нана дарас ту, ковато синян телал о също осъждане?

⁴¹А аме справедливо синям осъдиме, соскето получиас о заслужиме далкеске, ковато кергям; а Кавка нана кергяс нищо канило.⁴²Тай пенгяс: (Господи) Иусе, де тут годи манге, като ка авес ан Те Тагарипнасте*. ⁴³А о (Иус) пенгяс леске: Истина пенав туке, авдиец ка овес Манца андо рай.⁴⁴А сине вече около о шов сахати, тай тъмнина покривинелас и цело пув жи ко еня сахати,⁴⁵като потъмнингяс о кам; тай и завеса е храмиескири раздерингяс пес ко машкар.⁴⁶Тай о Иус пищингяс силноне гласоса, тай пенгяс: Отче, анде Тере вастенде предав Мо духос. Тай като пенгяс давка, издъхнингяс.⁴⁷Тай о стотники, като диклас со ачило, прославингяс е Девлес, като пенгяс: Наистина Кавка Мануш сине праведно.⁴⁸А саворе множества, але калке гледкаке, като дикле со ачило, ириненас пес, като маренас пес ан пе колиниенде.⁴⁹А саворе Лескере познайникия тай о жувля, колато алесас палал Лесте тари Галилея,

бешенас дурал тай дикенас давка.⁵⁰Тай аке, иек мануш ко алаб Йосиф, ковато сине съветники , мануш лачо тай праведно, ⁵¹ковато нана съгласингяcas пес е намерениеса тай е делоса ленгоро - таро юдейско гради Ариматея, мануш, ковато очаквинелас о Божие тагарипе, -⁵²гело ко Пилат тай манглас е Иисусескоро телос. ⁵³Тай като лилас лес, пакяргяс лес е плащаницаса тай положингяс лес андо мимори, изсечиме анди скала, кате никой още на сине положиме.⁵⁴Тай сине Приготвително диес, тай и събота настъпинелас.

⁵⁵Тай о жувля, колато алесас Леса тари Галилея, пиренас палал тай дикле о мимори, тай сар сине положиме Лескоро телос. ⁵⁶Тай като ирисале, приготвинде ароматия тай миро; тай анди събота почивиненас песке според и заповед.

Chapter 24

¹А андо първо диес е куркескоро, андиавин рано, о жувля але ко мимори, аненас о ароматия, колато приготвил десас. ²Тай аракле о бар отвалиме таро мимори. ³Тай като дине, нана аракле о телос е Девлескоро е Исусескоро. ⁴Тай като сине андо недоумение далкеске, аке, зачиле англал ленде дуи мруша ослепителноне облеклоса. ⁵Тай обзета даратар, он навединде пе муха жи ки пув; а о мруша пенде ленге: Соске роден е живдес машкар о муле? ⁶Нанайстало ате, но възкръснингяс. Ден тумен годи со хоратинелас туменге, като сине още анди Галилея, ⁷като пенелас, кай о Човешко Чаво требе те овел предиме андо васта грешноне манушенге, те овел разпниме тай ко трето диес те възкръснинел. ⁸Тай дине пес годи Лескере думес. ⁹Тай като ирисале таро мимори, известинде всичко давка е дешуиекенге тай саворенге околенге. ¹⁰А он сине и Магдалина Мария тай и Йоана, тай и Мария, и Яково дай, тай окола жувля ленца, колато пенде далка бука е апостоленге. ¹¹А калка думес дикле пес ленге чуче приказкес, тай нана верувинде. ¹²А о Петър ухтинило тай прастанило ко мимори, тай като надникнингяс, диклас само о савания; тай гело пе кересте, тай чудинелас пес со ачило. ¹³Тай аке, андо също диес дуи лендар жанас анде иеке гавесте ко алав Емаус, шовдеш стадиес дуре таро Ерусалим. ¹⁴Тай он хоратинелас песке машкар песте всичконаске ковка, ковато ачилюсас. ¹⁵Тай като хоратинелас тай разисквиненас, коркоро о Иисус приближисало тай пирелас ленца; ¹⁶но ленгере яка удържисале тена пенджарен Лес. ¹⁷Тай пенгяс ленге: Саве си далка думес, колато разменинен машкар туменде, като пътувинен? Тай он спирисале натъжиме. ¹⁸Тай иек лендар, ко алав Клеопа, в отговор пенгяс Леске: Само Ту ли синян пришълещи андо Ерусалим тай на жанес со ачило оте калка диеса? ¹⁹Тай пенгяс ленге: Кова? А он пенде Леске: Со ачило е Иисусеса о Назаряни, Ковато сине пророки, силно андо делос тай андо словос англал о Дел, тай англал саворе люденде; ²⁰тай сар амаре главна свещеникия тай началникия предине Лес те овел осъдиме мерибнасте, тай разпинде Лес. ²¹А аме надявениасас амен, кай Ов си Ковка, Ковато ка изкупинел о Израил. Тай освен всичко давка, вече си трето диес, от сар ачило давка. ²²Паш далкесте десаве жувля машкар аменде смаинде амен, колато, като геле андиавин ко мимори ²³тай нана аракле Лескоро телос, але тай пенде, кай дикле видение ангеленгоро, колато пенде, кай Ов уло живдо. ²⁴Тай десаве колкендар, колато сине аменца, геле ко мимори, тай аракле чука, сарто пенде о жувля; а Лес нана дикле. ²⁵Тай Ов пенгяс ленге: О, немислена тай мудна ко сърцес те верувинен всичко, ковато хоратинде о пророкия! ²⁶Нана требеше ли о Помазаници те пострадинел чука тай те дел ан Пе славате? ²⁷Тай като почнингяс таро Мойсей тай саворе пророкиендар, ълкувинелас ленге о пишиме за Леске андо саворе писания. ²⁸Тай приближинде о гав, анде колесте жанас; а Ов икерелас пес, сар кай жал по-дуре. ²⁹Но он подканинелас Лес, тай пенен: Ачов аменца, сокето си привечер, тай о диес вече превалингяс. Тай Ов диняс те ачол ленца. ³⁰Тай като бешло ленца ки софра, лилас о маро тай благословингяс, пагляс тай диняс лен. ³¹Тай ленгере яка путердиле, тай пенджарде Лес; а Ов ачило невидимо за ленге. ³²Тай пенде машкар песте: На таблолос ли анде аменде о сърцес, като хоратинелас аменге ко дром, като тълкувинелас о Писания? ³³Тай андо също сахати ухтиниле тай ирисале андо Ерусалим, кате аракле кидиме е дешуиекен тай калкен, колато сине ленца, ³⁴колато пенде: О Дел наистина възкръснингяс тай явисало е Симонеске. ³⁵Он па разправинелас со ачило ко дром тай сар пенджарде Лес, като пагелас о маро. ³⁶Тай като хоратинелас за далкеске, коркоро о Иисус зачиле машкар ленде тай пенгяс ленге: Мир вам! ³⁷А он стреснисале тай дараниле, като мислинелас, кай дикен духос. ³⁸Тай Ов пенгяс ленге: Соске смутинен тумен? Тай соске породинен пес салка мислес анде тумаре сърценде? ³⁹Дикен Ме васта тай Ме пире, кай синиом Ме о също; пипинен Ман тай дикен, сокето духос нанай маса тай кокала, сарто дикен, кай Ман иси. ⁴⁰Тай като пенгяс давка, покажингяс ленге Пе васта тай Пе пире. ⁴¹Но понеже он лошалатар още нана верувиненас тай чудинелас пес, Ов пенгяс: Иси ли тумен ате варесо хабнаске? ⁴²Тай дине лес час таро пеко мачо(тай парчес медено пита). ⁴³Тай лилас, тай халас англал ленде. ⁴⁴Тай пенгяс ленге: Калка си о думес, колато хоратинавас туменге, като улом още туменца, кай требе те изпълнингиол всичко, ковато си пишиме Манге андо Мойсеево закони, таро пророкия тай андо псалмес. ⁴⁵Тогава путергяс ленгири годи, за те ахалон о писания. ⁴⁶Тай пенгяс ленге: Чука си пишиме, кай о Помазаници требе те страдинел тай те възкръснинел таро муле андо трето диес, ⁴⁷тай кай требе те проповединел пес анде Лескере алвесте покаяние тай опрощение е безехенге машкар саворе народосте, като почнинел пес таро Ерусалим. ⁴⁸Туме синиен свидетеля далкеске. ⁴⁹Тай аке, Ме бичалав упран туменде о обещано таро Отца Моро; а туме бешен андо градос (Ерусалим), жи кай урявен тумен силаса упран. ⁵⁰Тай ингалгяс лен жи иеке танесте мамуял и Витания; тай ваздингяс Пе васта те благословинел лен. ⁵¹Тай като благословинелас лен, отделисало лендар, тай възнесисало андо небес. ⁵²Тай

он поклонисале Леске, тай ирисале андо Ерусалим баре лошаласа;⁵³ тай уле постоянно андо храми, (хвалеща тай) благославяща е Девлес. (Амин)

John

Chapter 1

¹Ко начало сине о Слово; тай о Словос сине андо Дел; тай о Словос сине о Дел. ²Ов ко начало сине андо Дел. ³Всичко чрез Лесте ачило; тай би Лескоро на ачило нищо далkestар, ковато ачило.⁴Анде Лесте сине о животос тай о животос сине светлина е манушенге. ⁵Тай и светлина светинел анди тъмнина; а и тъмнина на схванингяс ла.⁶Явисало мануш, бичалдо таро Дел, ко алаб Йоан. ⁷Ов ало за свидетелство, те свидетелствинел е Светлинаке, за те повервинен саворе чрез лесте. ⁸Нана сине ов и светлина, но ало те свидетелствинел е светлинаке.⁹И истинско Светлина, която осветлинел секоне манушес, авелас андо светос.¹⁰Ов сине андо светос; тай о светос чрез Лесте ачило; ама о светос нана пенджаргяс Лес. ¹¹Перенеде ало, ама Лескере на приеминде Лес.¹²А колкенге, колато приеминде Лес, диняс право те ачон Божия чада, демек калкенге, колато верувинен Лескере алавесте; ¹³колато бияндиле ма ратестар, нито тари пътъско похот, нито тари мъжко похот, а таро Дел.¹⁴Тай о Словос ачило пътът, тай живингяс машкар аменде; тай диклям и слава Лескири, слава сар на Единородния таро Отца, кай сине пердо с благодат тай истина. ¹⁵О Йоан свидетелствинел за Леске тай пищинелас: Аке ковка, за Колеске пенгиом, Ковато авел палал манде, изпреварингяс ман, понеже сине по-нангле мандар.¹⁶Соскето аме саворе приемингям Лескере пълнотатар тай благодат упрали благодат; ¹⁷понеже о закони сине дендо чрез о Мойсей, а и благодат тай и истина але чрез о Иисуса Христа. ¹⁸Никой нисар на дикляс е Девлес; о Единородно Чаво, Ковато си андо лонос е Отцаске, Ов изявингяс Лес.¹⁹Тай аке о свидетелство, ковато о Йоан диняс, като о юдея бичалде жи лесте свещеникиен тай левитиен таро Ерусалим те пучен лес: Ту кова синян?²⁰Ов изповедингяс, тай нана отречисало; ов изповедингяс: Нана синиом ме о Помазаники. ²¹Тай пучле лес: Тогава кова? О Илия ли синян? Тай пенгяс: Нана синиом. О пророки ли синян? Тай отговорингяс: Нана синиом.²²Тогава пенде леске: Кова синян, за те дас отговори колкен, колато бичалде амен; со пенес за туке?²³Ов пенгяс: Ме синиом " гласос иекескоро, ковато пищинел анди пустиния: Право керен о дром е Девлеске", сарто пенгяс о пророк Иая.²⁴А о бичалде сине таро фарисея.²⁵Тай пучле лес, като пенде леске: А соске кръстинес, ако на синян о Помазаники, нито о Илия, нито о пророки.²⁶В отговор о Йоан пенгяс ленге: Ме кръстинав паниеса. Машкар туменде бешел Иек, Колес туме на пенджарен,²⁷Ковка, Ковато авел палал манде, (Ковато изпреварингяс ман), за Колеске на синиом достоинно те развържиав о ремъки е потиниенгоро.²⁸Давка ачило анди Витания*, отвъд Йордан, кате о Йоан кръстинелас.²⁹Ко следващо диес о Йоан дикел е Иисусес, те авел карик лесте, тай пенел: Аке о Божие Бакро, Ковато пиравел и безех е светоскири!³⁰Кавка си, за Колеске пенгиом: Палал манде авел мануш, Ковато изпреварингяс ман, соскето сине по-нангле мандар.³¹Тай ме на пенджаравас Лес; ама алом тай кръстинав паниеса за далкеске, за те овел Ов изявиме на Израил.³²Тай о Йоан свидетелствувинел, тай пенел: Диклом о Духос те ухлел сар купши таро небес тай те почивинел упрали Лесте.³³Тай ме на пенджаравас Лес; ама Ковка, Ковато бичалгяс ман те кръстинав паниеса, Ов пенгяс манг: Ковка, упрали Колесте дикес те ухлел о Духос тай те почивинел упрали Лесте, Ов си, Ковато кръстинел с Святия Дух.³⁴Тай диклом, тай свидетелствинав, кай Кавка си Божие Чаво.³⁵Ко следващо диес о Йоан пак бешелас дуиенца пе ученикиендар.³⁶Тай като дикляс е Иисусес, като накелас, пенгяс: Аке о Божие Бакро!³⁷Тай о дуи ученикия шунде лес те хоратинел чука, тай геле палал о Иисус.³⁸Тай като ирисало о Иисус тай диклас, кай авен палал Лесте, пенгяс ленге: Со роден? А он пенде Леске: Равви (ковато значинел Учителю), кате живинес?³⁹Пенгяс ленге: Елан тай ка дикен. Але тай дикле кате живинел, тай ачиле паш Лесте давка диес. Сине около деш о сахати.⁴⁰Иек таро дуи, колато шунде таро Йоан за Леске тай последвинде Лес, сине о Андрей, прал на Симон Петър.⁴¹Ов първо араклас пе пралес Симон тай пенгяс леске: Араклам Месия (ковато значинел Помазаник).⁴²Като ингалгяс лес ко Иисус, о Иисус задикляс пес анде лесте тай пенгяс: Ту синян Симон, чаво Йоново; ту ка пенес тут Кифа (ковато значинел Петър*).⁴³Ко следващо диес о Иисус манглас те жал анди Галилея; тай аракляс Филип, тай пенгяс леске: Ела палал Манде.⁴⁴А о Филип сине тари Витсида, таро градос на Андрей тай Петър.⁴⁵О Филип араклас Натаанаил тай пенгяс леске: Араклам Колкес, за Колеске пишингяс о Мойсей андо закони тай за Колеске пишинде о пророкя, Иисус, о Йосифово чаво, Ковато си таро Назарет.⁴⁶О Натаанаил пенгяс леске: Таро Назарет ачи ли те иклол варесо лачо? О Филип пенгяс леске: Ела тай дик.⁴⁷О Иисус дикляс Натаанаил те авел карик Лесте тай пенгяс за леске: Аке истинско израиляни, анде колесте нанай лукавство.⁴⁸О

Натанаил пенгяс Леске: Катар пенджарес ман? О Иисус в отговор пенгяс леске: Англал те викинел тут о Филип, диклом тут като улан телал и смокиня.⁴⁹ О Натанаил отговорингяс Леске: Учителю, Ту синян Божие Чаво, Ту синян Израилево тагар.⁵⁰ О Иисус в отговор пенгяс леске: Понеже пенгиом тuke: Диклом тут телал и смокиня, верувинес ли? По бут далкестар ка дикес.⁵¹ Тай пенгяс леске: Истина, Истина пенав туменге, (от акана) ка дикен о небес путердо, тай о Божия ангела те възлизинен тай те ухлен упран о Човешко Чаво.

Chapter 2

¹Ко трето диес сине бияв анди Кана Галилейска тай е Иисусскири дай сине оте. ²Тай о Иисус, тай Лескере ученика сине каниме ко бияв.³Тай като свършингяс и мол, е Иисусскири дай пенгяс Леске: Мол нанай лен. ⁴А о Иисус пенгяс лаке: Со иси машкар Манде тай туте, ромние? Мо сахати още нана ало. ⁵Лескири дай пенгяс е слугенге: Со пенел туменге, керен. ⁶А оте сине шов каменна делвес, поставиме истоибнаксе по юдейско обичай, колато киденас по дуи или трин мерес. ⁷О Иисус пенгяс ленге: Перен о делвес паниеса. Тай перде лен жи упре. ⁸Тогава пенгяс ленге: Чорен акана тай ингален е настойникеiske е угощениеско. Тай он ингалде. ⁹Тай като о настойники е угощениеско вкусингяс таро пани, акана ириме молате, тай на жанелас катар си (но о слуги, колато перде о пани, жаненас), о настойники е угощениеско викингяс е жамутрес тай пенгяс леске: ¹⁰Всеко мануш товел първо и лачи мол, а о по-долно- след като макярен пес; ту задържинян и лачи мол жи акана. ¹¹Давка иззвършингяс о Иисус анди Кана Галилейска, сар начало Пе знамениенге, тай явингяс Пи слава; тай о ученикия Лескере повервинде анде Лесте. ¹²Палал далкесте ухлило андо Капернаум, Ов тай Лескири дай, тай оте бешле ма бут диеса. ¹³Тай като наближинелас и Пасха е юдеиенгири, о Иисус диняс андо Ерусалим. ¹⁴Тай араклас андо храми е продавачиен е воловиенгере, овце тай кушя, тай калка кате бешенас тай размениненас парес; ¹⁵тай кергяс бичи таро вървес, тай гонингяс лен саворен таро храми, карто е овчен тай е воловиен; чоргяс о парес е среброменикенгере тай прекатурингяс о масес ленгере; ¹⁶тай калкенге, кате бикненас е кушиен пенгяс: Вазден калкен атар; ма керен Мо Бащино кер, кер на търговия. ¹⁷Лескере ученикия спомнинде песке, кай си пишими: "И ревност за Тере кереске ка хал Ман". ¹⁸Ко поводи далкеске, о юдея, захоратинде, тай пенде Леске: Саве знамениеса ка сикавес аменге, кай иси тут власт чука те керес? ¹⁹В отговор о Иисус пенгяс ленге: Разрушинен кавка храми, тай трине диесенге ка ваздав лес. ²⁰А о юдея пенде: За четиридесет и шест бреша сине градиме кавка храми, а Ту трине диесенге ли ка ваздес лес? ²¹Но Ов хоратинелас е храмиеске Пе телоскоро. ²²Тай чука, като уло възкресиме таро муле, Лескере ученикия спомнинде песке, кай пенгясас давка; тай повервинде ко Писание, тай ко словос, ковато о Иисус хоратинелас. ²³Тай като сине андо Ерусалим, ки Пасха, презало празници мнозина повервинде Лескере алавесте, като дикенас о знамения, колато керелас. ²⁴Но о Иисус на доверинелас пес ленге, соксето пенджарелас соси манушен ²⁵тай соксето Лес насине нужда те свидетелствинен Леске декой е манушеске, понеже коркоро жанелас со иси андо мануш.

Chapter 3

¹Машкар о фарисея исине иек мануш ко алав Никодим, юдейско началники. ²Ов ало паш Иисус ират тай пенгяс Леске: Учителю, жанав, кай таро Дел алан учители; сокето никой наши керел далка знамения, колато Ту керес, ако о Дел нанай леса. ³О Иисус в отговор пенгяс леске: Истина, истина пенав туке, ако на биянгиол декой упран, наши дикел о Божие тагарипе. ⁴О Никодим пенгяс Леске: Сар ащи пуро мануш те биянгиол? Ащи ли второ дром те дел ки угроба пе даяке тай те биянгиол? ⁵О Иисус отговорингяс: Истина, истина пенав туке, ако на биянгиол декой таро пани тай таро Духос, наши дел андо Божие тагарипе. ⁶О бияндо тари плът си плът, а о бияндо таро Духос си духос. ⁷Ма чудине тут, кай пенгиом туке: Требе те биянгион упран. ⁸И балвал пудел, кате мангел, тай шунес лакоро шуми; ама на жанес катар авел тай кате жал; чука си секаса, които биянгиол таро Духос. ⁹О Никодим в отговор пенгяс Леске: Сар ащи овел давка?

¹⁰О Иисус в отговор пенгяс леске: Ту синян израилово учители, тай на жанес ли давка? ¹¹Истина, истина пенав туке, давка, ковато жанас, хоратинас, тай свидетелствинас за далкеске, ковато диклям, ама на приеминен амаро свидетелство. ¹²Ако е земноне букиенге хоратингиом туменге тай на верувинен, сар ка верувинен, ако хоратинав туменге е небесноненг? ¹³Тай никой нана възлизингяс андо небес, освен Кавка, Ковато ухлило таро небес, демек, о Човешко Чаво, Ковато си андо небес. ¹⁴Тай сарто о Мойсей ваздингяс е сапес анди пустиния, чука требва те овел ваздиме о Човешко Чаво, ¹⁵тай секои, които верувинел Лесте, (тена погининел, но) те овел лес вечно животос. ¹⁶Сокето о Дел дики възлюбингяс о светос, кай диняс Пере Единородноне Чавес, за тена погининел нито иек, ковато верувинел Лесте, но те овел лес вечно животос. ¹⁷Понеже о Дел нана бичалгяс в Чавес андо светос те съдинел е светос, но за те овел о светос спасиме чрез Лесте. ¹⁸Който верувинел Лесте, нанай осъдиме; който нана верувинел, си вече осъдиме, сокето на повервингяс андо алав е Единородноне Божие Чавеске. ¹⁹Тай давка си о осъждение: и светлина али андо светос, тай о мануша дехинде и тъмнина по-бут тари светлина, сокето ленгере дела сине зла. ²⁰Понеже секой, които керел зло, мразинел и светлина, тай нана жал карик и светлина, да не би те откриен пес лескере дела, понеже си извършиме таро Дел. ²¹Палал далкесте ало о Иисус Пе ученикиенца анди Юдейско пув; тай от живинелас ленца тай кръстинелас. ²²Също о Йоан кръстинелас андо Енон, паше до Салим, сокето оте исине бут пани; тай о люде авенас тай кръстиненас пес. ²³Понеже о Йоан още на сине чивто анди тъмница. ²⁴Тай чука, възникнингяс препирня тари рик е Йоанескере ученикиендар иеке юдеиеса относно о очистване. ²⁵Тай але паш о Йоан, тай пенде леске: Учителю, Ковка, Ковато сине туса отвъд Йордан, за Колеске ту свидетелствингян, аке, Ов кръстинел, тай саворе жан паш Лесте. ²⁶О Йоан в отговор пенгяс: Мануш нанащи лел упран песте нищо, ако нанай леске дендо таро небес.

²⁷Туме коркоре синиен манг свидетеля, кай пенгиом: На синиом ме о Помазаници, но синиом бичалдо англал Лесте. ²⁸О жамутро си, ковато силес невяста, а о амал е жамутреско, ковато бешел тай шунел лес, лошанел бут е жамутрескере гласоске; тай чука кайка мери лошали си перди. ²⁹Ов требва те бариол, апа ме те цикниовав. ³⁰Ковка, Ковато авел упран, си саворендар по-горно; който си тари пув, земно си, тай земно хоратинел. Който авел таро небес, си саворендар по-горно. ³¹Со дикляс тай шунгяс, за леске свидетелствинел; но никой на приеминел о свидетелство Лескоро. ³²Който приемингяс Лескоро свидетелство, потвърдингяс, кай о Дел си истинно. ³³Сокето Кавка, Ковато о Дел бичалгяс, хоратинел е Девлескере думес; понеже Ов нана дел Лес о Духос с меркаса. ³⁴О Отец дехел е Чавес тай прединя всичко Лескере вастесте. ³⁵Който верувинел андо Чаво, иси лес вечно животос; а който на приеминел е Чавес, нанай те дикел животос тай е Девлескоро гневи ачол упран лесте.

Chapter 4

¹Тай чука, като о Иисус ахалило, кай о фарисея шунде, кай Ов придобинел тай кръстинел по бут ученикия таро Йоан, ²(макар коркоро о Иисус тена кръстинел, а Лескере ученикия), ³напуснингяс Юдея тай гело пак анди Галилея.⁴Тай требаваше те накел презал и Самария. ⁵ай чука, ало андо иек самарийско градос, наречиме Сихар, паше жи ко землище, ковато о Яков диняс пе чес е Йосифес.⁶Оте сине о Яковово кладенеци. Тай о Иисус измориме таро пътуване, бешелас чука жи ко кладенеци. Сине около о шесто сахати. ⁷Али иек самарянка те начерпинел песке пани. О Иисус пенгяс лаке: Де Ман те пияв. ⁸(Соскето Лескере ученикия гелесас андо градос те кинен хабе.)⁹И самарянка пенгяс Леске: Сар Ту, Ковато синян юдеи, мангес пани мандар, която синиом самарянка? (Соскето о юдея нана общувинен е самаряниенца.)

¹⁰О Иисус в отговор пенгяс лаке: Ако жанесас о Божие дарос тай Кова си Давка, Ковато пенел тuke: Де Ман те пияв, ту ка мангесас Лестар, тай Ов ка дел тут живдо пани!¹¹И ромни пенгяс Леске: Господине, нито почерпалос иси тут, а о кладенеци да си дълбоко; тогава катар иси тут о живдо пани?¹²Нима синян побаро амаре дадестар таро Яков, ковато диняс амен о кладенеци, тай коркоро пиелас лестар, тай лескере чада, тай о добитаки лескоро?¹³О Иисус в отговор пенгяс лаке: Секой, който пиел далке паниестар, пак ка ожаднинел;¹⁴а който пиел таро пани, ковато Ме ка дав лес, нанай те ожаднинел жи ко векос; но о пани, ковато ка дав лес, ка ачол анде лесте извори паниескоро, ковато извиринал вечноне животоске.¹⁵И ромни пенгяс Леске: Господине, де ман давка пани, за тена ожаднинав, нито те пирав дики дром жи ате те икалав. ¹⁶О Иисус пенгяс лаке: Жа, викине те ромес тай ела ате.¹⁷В отговор и ромни пенгяс Леске: Нанай ман ром. Пенгяс лаке о Иисус: Право пенгян, кай нанай тут ром; ¹⁸соскето пандже ромен ангян, тай кавка, кате акана иси тут, нанай тuke ром. Давка право пенгян.¹⁹Пенгяс Леске и ромни: Господине, дикав, кай Ту синян пророки. ²⁰Амаре дада анде калке хълмиесте кланиненас пес; а туме пенен, кай андо Ерусалим си о тан, кате требва те кланинас амен.²¹Пенгяс лаке о Иисус: Ромнине, верувине Ман, кай авел сахати, като нито само калке хълмиесте, нито андо Ерусалим ка поклонинен тумен на Отца. ²²Туме поклонинен тумен далкеске, ковато нажанен; аме поклонинас амен далкеске, ковато жанас; соскето о спасение си таро юдея.²³Но авел сахати, тай ало да вече, като о истинска поклонника ка поклонинен пес на Отца с дух и истина; соскето салка мангел о Отец те овен о поклонника Лескере. ²⁴О Дел си духос; тай колка, колато кланинен пес Леске, с дух и истина требе те кланинен пес.²⁵Пенгяс Леске и ромни: Жанав, кай ка авел Месия (ковато наречинел пес Помазаники); Ов, като ка авел, ка явинел аменге всичко. ²⁶Пенгяс лаке о Иисус: Ме, Ковато хоратинав туса, синиом Месия.²⁷Далке времесте але Лескере ученика тай почудисале, кай хоратинел ромняса; но никой на пенгяс: Со родес, или: Соске хоратинес ласас?²⁸Тогава и ромни мукляс пи стомна, гели андо градос тай пенгяс е манушенте:²⁹Елан те дикен мануш, ковато пенгяс манге всичко, со кергиом. Тена овел Ов о Помазаники?³⁰Он иклиле таро градос тай жанас карик Лесте.³¹Машкар далкесте, о ученика молиненас е Иисусес, тай пененас: Учителю, ха.³²А Ов пенгяс ленге: Ман иси хабе те хав, за колеске туме на жанен.³³Далкеске о ученикия пененас машкар песте: Тена декой те ангяс Леске варесо хабнаксе?³⁴Пенгяс ленге о Иисус: Моро хабе си те керав и воля Колкескири, Ковато бичалгяс ман, тай те свършинав Лескири бути.³⁵Нана пенен ли: Още щар масек, тай и жетва ка авел? Аке, пенав туменге, вазден тумаре яка тай дикен, кай о нивес си вече парне жетваке.³⁶Който жънинел, получинел заплата тай кидел плоди вечноне животоске, за те лошанен заедно, който сеинел да, който жънинел да.

³⁷Соскето далке отношениесте истинно си и дума, кай иек сеинел, а aver жънинел.³⁸Ме бичалгиом тумен те жънинен давка, за колеске нана трудисален; aver трудисале, а туме диниен андо наследство ленгере трудостар.³⁹Тай далке градостар бут самария повервинде анде Лесте ашал о думес е ромнякере, която свидетелствинелас: Ов пенгяс манге всичко, со кергиом.⁴⁰Тай чука, като але о самария паш Лесте, молинде Лес те ачол паш ленде; тай бешло оте дуи диес.⁴¹Тай още мнозина повервинде ашал Лескере учениесте;⁴²тай е ромнякче пенде: Аме верувинас ма само ашал далкеске, ковато пенгян аменге, понеже коркоре шунгям тай жанас, кай Ов си наистина (о Помазаники) о Спасители е светоскоро.⁴³Палал о дуи диеса иклило отар тай гело анди Галилея.⁴⁴Соскето коркоро о Иисус заявингяс, кай пророкиес нанай почит анди рода леске.⁴⁵Тай чука, като ало анди Галилея, о галиланя приеминде Лес, като дикле всичко ковато кергяс андо Ерусалим ко празници; соскето онда гелесас ко празници.⁴⁶Тай чука, о Иисус пак ало анди Кана Галилейска, кате кергясас о пани молате. Тай сине иек царско чиновники, колескоро чо сине насвало андо Капернаум.⁴⁷Ов, като шунгяс, кай о Иисус ало тари Юдея анди Галилея, гело паш Лесте тай помолингяс Лес те ухлел тай те изцелинел лескере чес, соскето сине мерибнасте.⁴⁸Тогава о Иисус пенгяс леске: Ако на дикен знамения тай чудеса, нисар нанай те повервинен.⁴⁹О царско чиновники пенгяс леске: Господине, ела, жи кай нана муло мо чаво.⁵⁰Пенгяс леске о Иисус: Жатуке; то чо си живдо. О

мануш повервингяс и дума, която пенгяс леске о Иисус, тай гелопеске.⁵¹Тай като Ов ухлелас карик пе кересте, лескере слуги ресле лес тай пенде, кай лескоро чо си живдо.⁵²А ов пучлас лен коле сахакиесте ачило леске по-локо. Он пенде леске: Ибло ко ефта о сахати и треска муклас лес.⁵³Тай чукао дад ахалило, кай давка ачило ко също сахати, като о Иисус пенгяс леске: То чо си живдо. Тай повервингяс ов, тай лескоро цело кер.⁵⁴Кавка второ знамение кергяс о Иисус, като ало пак тари Юдея анди Галилея.

Chapter 5

¹Палал далкесте сине юдеиско празници, тай о Иисус диняс андо Ерусалим. ²А андо Ерусалим, паше жи ки Овчо порта, араклол къпалня, наречиме по еврейски Витезда, колато сине панч предверия. ³Анде ленде пашлонас множество наасвале, коре, куца тай парализирана (колато жаренас о движение е паниескоро). ⁴Соскето от време на време ангели ухлелас анди къпалня тай раздвиженелас о пани; а който първо делас палал о раздвижиба е паниескоро, оздравинелас саве болестиатар да те овелас наасвало). ⁵Тай оте сине иек мануш, наасвало от трианда тай охто бреша. ⁶О Иисус, като дикляс лес те пашлол ахалило, кай от дълго време вече боледувинел, пенгяс леске: Мангес ли те оздравинес? ⁷О наасвало отговорингяс Леске: Господине, нанай ман мануш те мукел ман анди купално, като раздвиженгиол о пани; жи кай авав ме, авер ухлел англал манде. ⁸О Иисус пенгяс леске: Ухти, вазде ти постелка тай пир. ⁹Тай ко сахати о мануш оздравингяс, ваздингяс пи постелка, тай лилас те пирел. А давка диес сине събота. ¹⁰Далкеске о юдея пенде е изцелимске: Събота си тай нанай туке позволиме ти ваздес ти постелка. ¹¹Но ов отговорингяс ленге: Ковка, Ковато изцелингяс ман, Ов пенгяс манг: Вазде ти постелка тай пир. ¹²Пучле лес: Кова мануш пенгяс туке: Вазде ти постелка тай пир? ¹³А о изцелимне нажанелас кова си; соскето о Иисус цидисалосас отар, тъй като сине множество народос далке танесте. ¹⁴Палал далкесте о Иисус араклас лес андо храми тай пенгяс леске: Аке ту синян здраво; ма съгрешине вече, за тена сполетинел тут варесо поканило. ¹⁵О мануш гело тай известингяс е юдеиенге, кай о Иисус, Ковато изцелингяс лес. ¹⁶Тай далкеске о юдея гониненас е Иусес, соскето керелас далка бука в събота. ¹⁷А о Иисус отговорингяс ленге: О Отец Моро кергяс бути жи акана, Меда керав бути. ¹⁸Далкеске о юдея мангенас още побут ти мударен Лес; соскето ма само нарушинелас и събота, но керелас е Девлес Поро Отеци, тай чука керелас Пес равно е Девлеса. ¹⁹Далкеске о Иисус пенгяс ленге: Истина, истина пенав туменг: нанащи о Чаво те керел Коркоро Пестар нищо, освен давка, ковато дикел ти керел о Отец; понеже со керел Ов, подобно о Чаво да керел лес. ²⁰Соскето о Отец дехел е Чавес тай покажинел Леске всичко, ковато керел Коркоро; ка покажинел Леске калкендар да по-баре бука, за ти чудинен тумен туме. ²¹Понеже, сар о Отец възкресинел е мулен тай съживинел лен, чука о Чаво съживинел калкен колато манген. ²²Соскето о Отец на съдинел никас, но диняс е Чавес ти съдинел саворен, ²³за ти почитинен саворе е Чавес сарто почитинен е Отециес. Който на почитинел е Чавес, на почитинел Отца, Ковато бичалгяс Лес. ²⁴Истина, истина пенав туменг: който шунел Моро учение тай верувинел анде Калкесте, Ковато бичалгяс Ман, иси лес вечно животос тай нанай ти авел на съд, но пренакло таро мериба андо животос. ²⁵Истина пенав туменг: Авел сахати, тай ало да вече, като о муле ка шунен о гласос е Девлескере Чавескоро, тай колато шунен лес, ка живинен. ²⁶Соскето, сар о Отец иси лес животос анде Песте, също чука диняс е Чавес да ти овел Лес животос анде Песте; ²⁷тай диняс Лес власт ти извършинел съдос, соскето си о Човешко Чаво. ²⁸Ма чудинен тумен далкеске; соскето авел сахати, като саворе, колато си андо миморя, ка шунен Лескоро гласос, ²⁹тай ка иклон; колка, колато керенас лачипе, ка възкресинен животоске, а колато керенас зло, ка възкресинен осъдимнаске. ³⁰Ме нанащи керав нищо Мандар; съдинав, сарто шунав; тай Ми присъда си справедливо, соскето намангав Мери воля, а и воля на Отца, Ковато бичалгяс Ман. ³¹Ако свидетелствинав Ме Манге, Мо свидетелство нанай истинно. ³²Авер си, Ковато свидетелствинел Манг; тай жанав, кай о свидетелство, ковато Ов дел Манг, си истинно. ³³Туме бичалгиен е Йоанеске; тай ов засвидетелствингяс е истинаке. ³⁴(Обаче о свидетелство, ковато Ме приеминав, нанай таро мануш; но пенав давка, за ти спасинен тумен туме.) ³⁵Ов сине о светилос, ковато таблолос тай светинелас; тай туме манглен ти лошанен за хари време лескере светибнаске. ³⁶Но Ман иси свидетелство по-баро таро Йоаново; соскето о дела, колато о Отец диняс Ман ти керав, самото о дела, колато керав, свидетелствинен Манг, кай о Отец бичалгяс Ман. ³⁷Тай о Отец, Ковато бичалгяс Ман, Ов свидетелствинел Манг. Нито Лескоро гласос шунгиен декана, нито Лескоро образи диклен. ³⁸Тай нанай тумен Лескоро слово постоянно анде туменде, соскето нана верувинен Калкес, Колес Ов бичалгяс. ³⁹Туме изследвинен о Писания, понеже мислинен чрез ленде ти овел тумен вечно животос, тай он си, колато свидетелствинен Манг, ⁴⁰тай пак наманген ти авен паш Манде, за ти овел тумен животос. ⁴¹Почит таро мануша нана аракав; ⁴²но жанав, кай тумен нанай тумен анде туменде е Девлескири любов. ⁴³Ме алом ко алав Ме Отециеске, тай нана приеминен Ман; ако авел авер пере алавесте, лес ка приеминен. ⁴⁴Сар ащи ти повервинен туме, колато приеминен почит иек аврестар, а на роден и почит, която си таро Едино Дел. ⁴⁵Ма мислинен, кай Ме ка обвининав тумен англал о Отца; иси иек, ковато обвининел тумен - о Мойсей, колесте туме облегнинен тумен. ⁴⁶Соскето, ако верувиненас е Мойсейес, ка верувиненас Манда; понеже ов Манг пишингяс. ⁴⁷Но ако на верувинен лескере писаниенде, сар ка верувинен Мере думенде?

Chapter 6

¹Палал далкесте о Исус гело ки отвъдно рик ко Галилейско, демек, о Тивериадско езерос. ²Тай палал Лесте пирелас баро множество; сокето дикенас о знамения, колато керелас упрад о насвале. ³Тай о Исус изкачисало ко хълми, тай оте бешелас Пе ученикиенца. ⁴А наближинелас о юдейско празники, и Пасха. ⁵О Исус като ваздингяс яка тай диклас, кай авел карик Лесте народос, пенгяс е Филипеске: Катар те кинас маро те хан калка? ⁶(А давка пенгяс, за те изпитинел лес; сокето Ов жанелас песке со ка керелас.)⁷О Филип отговорингяс Леске: За двеста динария маро нанай те ресел ленге, за те лен саворе по хари. ⁸Иек таро ученикия Леске, о Андрей, прал на Симон Петър, пенгяс Леске: ⁹Ате иеке чавесте араклон панч еchemична маре тай дуи маче; но со си он за дики манушенге.¹⁰О Исус пенгяс: Траден е манушен те бешен. А далке танесте исине бут чар; тай чука, бешле около пет хиляди мруша на брой. ¹¹Тай о Исус лилас о маре тай, като благодарингяс, раздиняс лен е ученикенге а он е бешленге чука таро маче да, кити манген. ¹²Тай като чаларде пес, пенгяс Пе ученикиенге: Киден о останала къшея, за тена нашалгиол нищо.¹³Тай чука, таро панч еchemична маре кидиндде тай перде дешудуи коша къшиенца, ачила калкендар, кате хале. ¹⁴Тогава о мануша, като дикле о знамение, ковато кергяс, пенде: Наистина, Кавка си о Пророки, Ковато ка авелас андо светос. ¹⁵Тай чука, о Исус като ахалило, кай ка авен те лен Лес насила, за те керен Лес тагар, пак цидисало коркоро ко хълми.¹⁶А като ратило, о ученикия Лескере ухлиле ко езерос ¹⁷тай дине анди ладия, тай жанас отвъд о езерос андо Капернаум. Тай вече ратилосас, а о Исус още нана алосас паш ленде;¹⁸ тай о езерос вълнувинелас пес, понеже пуделас силно балвал. ¹⁹Тай като гребиндесас около бишупанч или трианда стадии, дикле е Исусес, кай пирел упрад о езерос тай приближинел карик и ладия; тай дараниле. ²⁰Но Ов пенгяс ленге: Ме синиом; ма даран!²¹Тогава сине готова те лен Лес анди ладия; тай веднага и ладия араклили ки суша, карик колате жанас.²²Ко следващо диес о народос, ковато бешелас отвъд о езерос, като дикласас, кай оте нанай авер ладия, освен иек, тай кай о Исус нана динясас Пе ученикиенца анди ладия, но кай о ученикия Лескере цидиндесас коркоро²³(обаче авер ладиес алесас тари Тивериада паше жи ко тан, кате халесас о маро, след като о Дел благодарингяс),²⁴тай чука, о народос, като диклас, кай о Исус нанай оте, нито Лескере ученикия, он коркоро дине анди ладия тай але андо Капернаум, тай роденас е Исусес. ²⁵Тай като аракле Лес отвъд о езерос, пенде Леске: Учителю, кана алан ате?²⁶В отговор о Исус пенгяс ленге: Истина, истина пенав туменге, роден Ман ма сокето диклен знамения, а сокето хален таро маре тай чаларгиен тумен. ²⁷Керен бути ма хабнаксе, ковато аравгиол, а хабнаксе, ковато траинел вечно животоске, ковато о Човешко Чаво ка дел тумен; сокето Бог Отец Лес потвърдингяс Пе печатиеса.²⁸Далкеске он пенде Леске: Со те керас, за те вършинас е Девлескере дела?²⁹О Исус в отговор пенгяс ленге: Давка си е Девлескоро делос, те повервинен анде Калкесте, Колес Ов бичалгяс.³⁰Тогава пенде Леске: Кай Ту саво знамение керес, за те дикас тай те повервиас Туке? Со керес?³¹Амаре дада хале и манна анди пустиния, сарто си пишиме: " Маро таро небес диняс лен те хан".³²Далкесте о Исус пенгяс ленге: Истина, истина пенав туменге, ма о Мойсей диняс тумен маро таро небес; а Мо Отец дел тумен о истинско маро таро небес. ³³Сокето е Девлескоро маро си о маро, ковато ухлел таро небес тай дел животос е светос. ³⁴Он пенде Леске: Девла, де амен винаги давка маро.³⁵О Исус пенгяс ленге: Ме синиом о маро е животоско; който авел паш Манде, нисар нанай те бокалол, тай който верувинел Манде, нисар нанай те ожадниел.³⁶Но пенав туменге, кай туме диклен Ман тай пак на верувинен.³⁷Всичко, ковато дел Ман о Отец, ка авел паш Манде, тай който авел паш Манде, нисар нанай те гонинав лес;³⁸сокето ухлилом таро небес ма Мери воля те вършинав, а и воля Калкескири, Ковато бичалгяс Ман.³⁹Тай аке и воля Калкескири, Ковато бичалгяс Ман: всичконастар, со диняс Ман, тена нашалав нищо, но те възкресинав лес ко последно диес.⁴⁰Сокето давка си и воля Ме Отцаскири: всекой, който дикел е Чавес тай повервинел анде Лесте, те овел лес вечно животос, тай Ме те възкресинав лес ко последно диес.⁴¹Тогава о юдея възроптинде против Лесте, сокето пенгяс: Ме синиом о маро, ковато ухлило таро небес.⁴²Тай пенде: Нанай ли кавка о Исус, о Йосифово чаво, колескере дадес тай дая аме пенджарас? Сар пенел Ов акана: Ме ухлилом таро небес?⁴³О Исус в отговор пенгяс ленге: Ма роптайнен машкар туменде.⁴⁴Никой наци аве паш Манде, ако нана привлеинел лес о Отец, Ковато бичалгяс Ман, тай Ме ка възкресинав лес ко последно диес.⁴⁵Пишиме си андо пророкя: " Саворе ка овен сикавде таро Дел". Всекой който шунгяс таро Отца тай сиклило, авел паш Манде.⁴⁶Ма кай диклас декой Отца, освен Ковка, Ковато си таро Дел. Ов диклас Отца.⁴⁷Истина, истина пенав туменге: Който верувинел (анде Манде), иси лес вечно животос.⁴⁸Ме синиом о маро е животоско.⁴⁹Тумаре дада хале и манна анди пустиния тай все пак муле.⁵⁰Кавка си о маро, ковато ухлел таро небес, за те хал декой лестар тай тена мерел.⁵¹Ме синиом о живдо маро, ковато ухлило таро небес. Ако хал декой далке марестар, ка живинел

жи ко векос, ва! Тай о маро, ковато Ме ка дав, си Мери плът, (която Ме ка дав) за е светоскере животоске.

⁵²Тогава о юдея лиле те препиринен машкар песте, тай пененас: Сар ащи Кавка те дел амен те хас тари

плът Леске? ⁵³Далкеске о Иисус пенгяс ленге: Истина, истина пенав туменге, ако нана хан и плът е

Човешконе Чавескири тай на пиен о рат Лескоро, нанай тумен животос анде туменде. ⁵⁴Който парварел

пес Мери плът тай пиел Мо рат, иси лес вечно животос; тай Ме ка възкресинав лес ко последно диес.

⁵⁵Соскето Мери плът си истинско хабе, тай Моро рат си истинско пиива. ⁵⁶Който парварел пес Мери плът,

тай пиел Моро рат, ов пребъдвинел анде Манде тай Ме анде лесте. ⁵⁷Сарто о живдо Отеци бичалгяс Ман,

тай Ме живинав чрез Отца, чука ковкада, ковато парварел пес Манца, ка живинел чрез Манде. ⁵⁸Кавка си

о маро, ковато ухлило таро небес; ковка, ковато парварел пес далке мареса, ка живинел жи ко векос, а ма

сар тумаре дада хале и манна тай муле. ⁵⁹Давка пенгяс о Иисус анди синагога, като поучинелас андо

Капернаум. ⁶⁰Тай чука, мнозина таро ученикия Леске, като шунде давка, пенде: Паро си давка учение; кой

ащи те шунел лес? ⁶¹Но о Иисус, като жанелас анде Песте, кай о ученикия Лескере негодувинен против

далkestе, пенгяс ленге: Давка ли съблазнинел тумен? ⁶²Тогава со ка пенен, ако дикен о Човешко Чаво те

дел оте, кате уло преди? ⁶³О Духос си, Ковато дел животос; и плът нишо на ползвинел; о думес, колато

хоратингиом туменге, духос си тай животос си. ⁶⁴Но иси декой тумендар, колато на верувинен. Соскето о

Иисус отначало жанелас кола си невярваща тай кова си давка, ковато ка пределас Лес. ⁶⁵Тай пенгяс:

Далкеске пенгиом туменге, кай никой наши авел паш Манде, ако нанай леске диме таро Отца. ⁶⁶Ашал

далкеске мнозина таро ученикия Леске отстъпинде тай на пиренас вече Леса. ⁶⁷О Иисус пенгяс е

дешудонге: Тена манген тумеда те жан туменге? ⁶⁸О Симон Петър отговорингяс Леске: Господи, паш касте

те жас? Тут иси думес вечноне животоске ⁶⁹тай аме верувинас тай жанас, кай Ту синян (о Помазаници,

Чаво е живде Девлескоро). ⁷⁰О Иисус отговорингяс ленге: Ма Ме ли избiringиом тумен е дешудон, тай иек

тумендар си бенг? ⁷¹Ов хоратинелас за Юда Симонов Искариотски; соскето ов, иек таро дешудуи, ка

пределас Лес.

Chapter 7

¹Палал далкесте о Исус пирелас ки Галилея; сокето на мангелас те пирел ки Юдея, понеже о юдея мангенаас те мударен Лес. ²А наближинелас о юдейско празници Шатроразпъване.³Далкеске Лескере прала пенде Леске: Занак атар тай жа анди Юдея, чука че Тере да ученикия те дикен о дела, колато керес; ⁴сокето никои, който мангел коркоро те овел известно, нана керел варесо скришно. Щом керес калка дела, явине Тут андо светос.⁵(Сокето нито Лескере прала верувиненас Лесте.) ⁶А о Исус пенгяс ленге: Моро време още нана ало; а тумаро време винаги си готово. ⁷Тумен о светос нанащи мразинел; а Ман мразинел, сокето Ме заявинав за леске, кай лескере дела си нечестива.⁸Жан туме ко празници; Ме нанай още те жав калке празнициесте, сокето Мо време още нана ало. ⁹Тай като пенгяс ленге давка, ачило песке анди Галилея.¹⁰А като Лескере прала геле ко празници, тогава Ов да гело, ма явно, а тайно десар си.

¹¹А о юдея роденас Лес ко празници тай пененас: Кате си Ковка?¹²Тай исине за Леске бут гълъчка машкар о народос; иек пененас: Лачо мануш си; авер пененас: Нанай, ама заблудинел е народос. ¹³Обаче никои на хоратинелас открито за Леске поради и дар таро юдея.¹⁴Но като преполовинелас пес вече о празници, о Исус диняс андо храми тай почнингяс те поучинел. ¹⁵Тай о юдея чудиненас пес тай пененас: Сар жанел Кавка книга, като нана учингяс?¹⁶О Исус в отговор пенгяс ленге: Моро учение нанай Моро, а Колкескоро, Ковато бичалгяс Ман.¹⁷Ако мангел декой те керел Лескири воля, ка ахаловел дали о учение си таро Дел, или Ме Мандар хоратинав.¹⁸Който хоратинел пестар, родел пери слава; а който родел и слава Колкескири, Ковато бичалгяс Лес, Ов си истинско тай анде Лесте нанай неправда.¹⁹Нана диняс ли тумен о Мойсей о закони? Но пак никой тумендар нана изгълнинел о закони. Соске манген те мударен Ман?²⁰О народос отговорингяс: Бяс иси тут. Кой мангел те мударел Тут?²¹О Исус в отговор пенгяс ленге: Иек делос кергиом тай саворе чудинен тумен Манге ашал леске.²²О Мойсей диняс тумен о обрязване, (ма кай си таро Мойсей, но таро дада); тай събота обрязвинен е манушес.²³Ако обрязвинел пес мануш в събота, за тена нарушили о Мойсеево закони, Манге ли гневинен тумен, далкеске кай напълно изцелингиом манушес в събота.²⁴Ма съдинен по изглед, а съдинен справедливо.²⁵Тогава декой таро ерусалимция пенде: Нанай ли Кавка о мануш, Колес манген те мударен?²⁶Аке, Ов явно хоратинел, тай нищо на пенен Леске. Да не би о първенци положително те жанен, кай Кавка си о Помазаници.²⁷Обаче Кавка жанас катар си; а като ка авел о Помазаници, никой нанай те жанел катар си.²⁸Далкеске о Исус, като поучинелас андо храми, пицингяс, тай пенгяс: Ман да пенджарен, тай катар синиом жанен; тай Ме коркоро Мандар нана алом, но истинно си Кавка, Ковато бичалгяс Ман, Колес туме нана пенджарен.²⁹Ме пенджарав Лес, сокето синиом Лестар, тай Ов бичалгяс Ман.³⁰Тай чука, мангенаас те долен Лес; но никой на товгяс вас упрали Лесте, сокето о сахати Лескоро още нана алосас още.³¹Обаче мнозина таро народос повервиде анде Лесте, като пененас: Като ка авел о Помазаници, нима ка керел по бут знамения калкендар, колато Кавка кергяс?³²О фарисея шунде, кай чука мълвинел о народос за Леске; тай о главна свещеникя тай о фарисея бичалде служителен те долен Лес.³³А о Исус пенгяс: Още хари време синиом туменца тай тогава каа жав паш Колкесте, Ковато бичалгяс Ман.³⁴Ка роден Ман тай нанай те аракен Ман; тай кате синиом Ме, туме нанащи авен.³⁵Далкесте о юдея пенде машкар песте: Кате ка жал Кавка, кай нанай те ащи те аракас Лес? Да не би те жал паш о разпръсната машкар о гърция тай те поучинел е гърциен?³⁶Со значинен калка думес, колато пенгяс: Ка роден Ман тай нанай те аракен Ман; тай кате синиом Ме, туме нанащи авен?³⁷А ко последно диес, о велико диес е празнициеске, о Исус зачило тай пицингяс, тай пенгяс: Ако декой си жадно, нека авел паш Манде тай те пиел.³⁸Който верувинел анде Манде, реки таро живдо пани ка затавден андрал лесте ,сарто пенгяс о Писание.³⁹А давка пенгяс за е Духоске, Колес о вярваща анде Лесте ка приеминенас; сокето о (Свято) Духос още на сине дендо, понеже о Исус още нана прослависалосас.⁴⁰Тогава десаве таро народос, колато шунде далка думес, пенде: Наистина Кавка си о Пророки.⁴¹Авер пененас: Кавка си о Помазаници. Декой па пенелас: Нима тари Галилея ка авел о Помазаници?⁴²На пенгяс ли о Писание, кай о Помазаници ка авел таро Давидово потомство тай таро градос Витлеем, катар сине о Давид?⁴³Тай чука възникнингяс раздори ашал Леске машкар о народос.⁴⁴Тай декой лендар мангенаас те долен Лес; но никой на товгяс васта упрали Лесте.⁴⁵Тогава о служителя але ко главна свещеникя тай ко фарисея; тай он пенде ленге: Соске нана англен Лес?⁴⁶О служителя отговоринде: Нисар мануш на хоратингяс чука(сарто Кавка мануш).⁴⁷А о фарисея отговоринде ленге: Тумеда ли синиен заблудиме?⁴⁸Повервингяс ли анде Лесте декой таро първенци или таро фарисея?⁴⁹Но кавка простолюдие, ковато на жанел о закони, проклето си.⁵⁰О Никодим, ковато сине иек лендар, (о също, ковато гелосас паш Лесте (ират) по-рано), пенгяс ленге:⁵¹Амаро закони осъдинел ли е манушес, ако първо

на шунел лес тай нана ахалол со керел? ⁵²Он в отговор пенде леске: Тена овес туда тари Галилея? Роде тай дик, кай тари Галилея пророки нана ваздисало. ⁵³Тай секой гелопеске кере.

Chapter 8

¹А о Иисус гело ко Елеонско хълми. ²Тай рано андиавин пак ало андо храми; а саворе люде авенас паш Лесте, тай Ов бешло, тай поучинелас лен. ³О книжника тай о фарисея анде (паш Лесте) иеке ромня, долди в прелюбодейство, тай като поставинде ла ко машкар, пенде Леске.⁴Учителю, кайа ромни сине долди андо делос на прелюбодейство. ⁵А о Мойсей заповедингяс аменге андо закони те мударас салжен баренца; Ту со пенес за лаке? ⁶Тай давка пенде те изпитинен Лес, за те овел лен за соске те обвининен Лес. А о Иисус бангило нателе тай пишинелас наеса ки пув.⁷Но като постоянствиненас те пучен Лес, Ов изправисало тай пенгяс ленге: Ковато тумендар си безгрешно*, нека първо те чивел бар упрали лате. ⁸Тай пак бандило нателе, тай пишинелас наеса ки пув.⁹А он, като шунде давка, и克лонас песке иек по иек, като почнинде таро по-туре тай следвинде жи ко последна; тай о Иисус ачило коркоро, тай и ромни, кате синепеске, ко машкар. ¹⁰Тай като изправингяс пес, о Иисус пенгяс лаке: Ромние, кагеле калка, (колато обвининенас тут)? Никой ли на осъдингяс тут? ¹¹Тай ой отговорингяс: Никой Девла. О Иисус пенгяс: Нито Ме осъдинав тут; жа туке тай от акана ма съгрешине вече.¹²Тогава о Иисус пак хоратингяс ленге, тай пенгяс: Ме синиом и светлина ко светос; който следвинел Ман, нанай те пирел анди тъмнина, но ка овел лес и светлина е животоскири. ¹³Тогава о фарисея пенде Леске: Ту коркоро свидетелствинес за Туке; Торо свидетелство нанай истинно.¹⁴О Иисус в отговор пенгяс ленге: Ако те свидетелствинав да за Манге, пак Мо свидетелство си истинно; соскето жанав катар алом тай на кате жав; а туме нажанен катар авав или на кате жав.

¹⁵Туме съдинен по плът; Ме на съдинав никас. ¹⁶Тай даже ако съдинав, Мери присъда си истинно, соскето на синиом коркоро, но Ме синиом, тай о Отец, Ковато бичалгяс Ман.¹⁷Тай андо закони, ва, тумаре закониесте, си пишиме, кай о свидетелство дуие манушенгоро си истинно. ¹⁸Ме синиом, Ковато свидетелствинав Манге; тай о Отец, Ковато бичалгяс Ман, свидетелствинел Манге.¹⁹Тогава пенде Леске: Кате си Торо Отеци? О Иисус отговорингяс: Нито Ман пенджарен, нито Ме Отециес; ако пенджаренас Ман, ка пенджаренас Ме Отециес да. ²⁰Далка думес Ов хоратингяс анди съкровищница, като поучинелас андо храми; тай никой на долгяс Лес, соскето о сахати Лескоро още нана алосас.²¹Тай пак пенгяс ленге о Иисус: Ме жаманге; тай ка роден Ман, но анди безех тумари ка мерен. Кате жав Ме, туме нанащи авен.

²²Далкеске о юдея пенде: Тена мударел пес, тай пенел: Кате жав Ме, туме нанащи авен?²³Тай пенгяс ленге: Туме синиен калкендар, колато си теле; Ме синиом колкендар, кате си упре. Туме синиен калке светостар; а Ме на синиом калке светостар. ²⁴Дале причинаке пенгиом туменге, кай ка мерен анде тумаре безехенде; соскето, ако на повервинен, кай синиом давка, ковато пенав, анде тумаре безехенде ка мерен. ²⁵А он пенде Леске: Ту кова синян? О Иисус пенгяс ленге: Англал всичко, Ме синиом именно давка, ковато пенав туменге. ²⁶Бут бука исиман те хоратинав тай те съдинав за туменге; но Кавка, Ковато бичалгяс Ман, си истинско; тай со шунгиом Лестар, давка хоратинав е светоске. ²⁷Он нана ахалиле, кай хоратинел ленге за Отца.²⁸Тогава о Иисус пенгяс: Като ка вазден е Човешконе Чавес, тогава ка пенджарен, кай синиом кавка, ковато пенав, тай кай Мандар нишо на керав, но ковато сикавгяс Ман о Отец, давка хоратинав.

²⁹Тай Кавка, Ковато бичалгяс Ман, Манца си; Нана муклас Ман коркоро. Ме керав всякова давка, ковато си Леске угодно. ³⁰Като хоратинелас давка, мнозина на повервинде анде Лесте. ³¹Тогава о Иисус пенгяс калкенге колато повервинде анде Лесте юдея: Ако пребъдинен Мере учениесте, наистина синиен Мере ученики;³²тай ка пенджарен и истина, тай и истина ка керел тумен свободна. ³³Отговоринде Леске: Аме синям Авраамово потомство тай нисар жи акана нана улам никаске слуги; сар пенес Ту: Ка ачон свободна.³⁴О Иисус отговорингяс ленге: Истина, истина пенав туменге, всекой, които керел безеха, слуга си е безехаке.³⁵А о слугас нана ачол вечно андо кер; о чаво ачол вечно. ³⁶Ако о Чаво освободинел тумен, ка овен наистина свободна.³⁷Жанав, кай синиен Авраамово потомство; но пак манген те мударен Ман, соскето Моро учение нана кидел пес анде туменде. ³⁸Ме хоратинав давка, ковато диклом анде Мере Отециесте; също тумеда керен давка ковато шунгиен тумаре дадестар.³⁹Он в отговор пенде Леске: Амаро дад си о Авраам. О Иисус пенгяс ленге: Ако синиенас Авраамова чада, о Авраамова дела ка керенас.⁴⁰А акана манген те мударен Ман, о Мануш, Ковато пенгиом туменге и истина, която шунгиом таро Дел. Давка о Авраам нана керелас.⁴¹Туме керен о дела тумаре дадескере. Он пенде Леске: Аме на синиам биянде таро блудство; иек Отеци иси амен, о Дел.⁴²О Иисус пенгяс ленге: Ако сине о Дел тумаро Отеци, то туме ка дехенас Ман, соскето Ме таро Дел иклилом тай алом; понеже Ме нана алом Мандар, но Ов бичалгяс Ман.⁴³Соске нана ахалон Моро словос? Соскето нанащи шунен Моро учение.⁴⁴Тумаро дад си о бенг тай манген те керен о похоти тумаре дадескоро. Ов сине открайа човекоубийцос тай нана устоингяс анди истина; соскето анде лесте нанай истина. Като хоратинел хохаiba, перестар хоратинел, соскето си хохавно, тай е хохаибнаскоро дад.⁴⁵Но понеже Ме хоратинав и истина, туме нана верувинен Ман.⁴⁶Кова

тумендар обвининел Ман безехаке? Тай ако хоратинав и истина, соске нана верувинен Ман?⁴⁷ Ковато си таро Дел, ов шунел е Девлескере думес; туме затова нана шунен, сокето на синиен таро Дел.⁴⁸ О юдея в отговор пенде Леске: На синям ли права, като пенас, кай синян самаряни тай иси тут бяс?⁴⁹ О Иисус отговорингяс: Нанай Ман бяс; но Ме почитинав Ме Отцас, а туме позоринен Ман.⁵⁰ Но Ме нана родав слава Манг; иси Иек, Ковато родел тай съдинел.⁵¹ Истина, истина пенав туменге: ако декой опазинел Моро учение, нанай те дикел мериба жи ко векос.⁵² О юдея пенде Леске: Акан жанас, кай иси тут бяс. о Авраам муло, също о пророкя да; а Ту пенес: Ако декой опазинел Моро учение, нанай те вкусинел мериба жи ко векос.⁵³ Нима Ту синян по-баро амаре дадестар таро Авраам, ковато муло? О пророкя да муле. Ту саво керес тут?⁵⁴ О Иисус отговорингяс: Ако славинав Ме Ман, Ми слава си нищо; о Отеци Моро, си Ковато славинел Ман, за Колеске туме пенен, кай си тумаро Дел;⁵⁵ тай пак на пенджаргиен лес. Но Ме пенджарав Лес; тай ако пенав, кай на пенджарав Лес, ка овав сар туменде хохавно; но Ме пенджарав Лес тай пазинав Лескоро словос.⁵⁶ Тумаро дад о Авраам ликувинелас, кай ка дикел Моро диес; тай диклас лес, тай лошангяс.⁵⁷ О юдея пенде Леске: Пинда бреша още нанай тут, а е Авраамес ли диклян?⁵⁸ О Иисус пенгяс ленге: Истина, истина пенав туменге, преди те биангил о Авраам, Ме синиом.⁵⁹ Тогава лиле бара те чивен упран Лесте; но о Иисус гарагяс пес тай иклило таро храми (наклосас; тай чука гело песке).

Chapter 9

¹Тай като занакелас, дикляс иекес коро бияндо мануш. ²Тай Лескере ученикия пучле Лес, тай пенде: Учителю, ашал каскири безех, лескири или лескере родителенгири, ов бияндило коро? ³О Иисус отговорингяс: Нито ашал лескири безех, нито лескере родителенгири, но за те явинен пес анде лесте е Девлескере дела. ⁴Аме требе те керас о дела Калкескере, Ковато бичалгяс Ман, бискаи си диес; авел и рат, като никой наши керел бути. ⁵Като синиом андо светос, и светлина синиом ко светос. ⁶Като пенгяс давка, чунгадингяс ки пув, кергяс чик е чунгадеса тай маклас е чикаса лескере яка ; ⁷тай пенгяс леске: Жа, тов тут анди къпално Силоам(ковато значинел: бичалдо). Тай чука, ов гело, тогяс пес тай ало прогледнало. ⁸А о комшидес тай колка, колато диклесас лес по-преди, кай сине коро, пененас: Нанай ли кавка, ковато бешелас тай просинелас? ⁹Иек пененас: Ов си; авер пененас: Нака, а препел упраш лесте. Ов пенгяс: Ме синиом. ¹⁰Далкеске пенде леске: Тогава сар путердиле те яка? ¹¹Ов отговорингяс: О Мануш, Ковато пенел пес Иисус, кергяс чик, маклас ме яка тай пенгяс манг: Жа ки Силоам тай тов тут. Тай чука, гелом, тай като тогиом ман, задиклом. ¹²Тогава пенде леске: Кате си Ов? Пенел: Нажанав. ¹³Ингалде ко фарисея о някогашно коро. ¹⁴А сине събота, като о Иисус кергяс и чик тай путергяс лескере яка. ¹⁵Тай чука, пак пученас лес о фарисея сар задиклас. Тай ов пенгяс ленге: Чик тогяс ме якенде, тогиоман тай дикав. ¹⁶Далкеске десаве таро фарисея пененас: Кавка Мануш нанай таро Дел, соскето на пазинел и събота. А авер пененас: Сар ащи грешно мануш те керел салка знамения? Тай възникнингяс раздори машкар ленде. ¹⁷Пенен пак е кореске: Ту со пенес за Леске, като путергяс те яка? Тай ов пенгяс: Пророки си. ¹⁸Но о юдея на верувиненас, кай ов уло коро тай задиклас, жи кай нана викинде е родителен е продиклескере, ¹⁹тай пучле лен, тай пенде: Кавка ли си тумаро чо, за колеске пенен, кай бияндило коро? А акана сар дикел? ²⁰О родителе в отговор пенде: Жанас, кай кавка си амаро чо тай кай бияндило коро; ²¹а акана сар дикел, нажанас; или кой путергяс лескере яка, нажанас; лес пучен, ов си на възраст, коркоро нека хоратинел песке. ²²Давка пенде лескере родителя, соскето даранас таро юдея; понеже о юдея вече споразуминдесас пес машкар песте те отльчинен тари синагога колкес, ковато ка признавинел Лес, кай си Помазаники. ²³Далке причинаке лескере родителя пенде: Ов си на възраст, лес пучен. ²⁴Тай чука, викинде второ дром е манушес, ковато сине коро, тай пенде леске: Възде слава е Девлеске; аме жанас, кай Кавка Мануш си грешники. ²⁵А ов отговорингяс: Дали си грешники, нажанав; иек жанав, кай улом коро, а акана дикав. ²⁶Далкеске пенде леске: Со кергяс туке? Сар путергяс те яка? ²⁷Отговорингяс ленге: Пенгиом туменге аке акана, тай на шунгиен; соске манген пак те шунен? Тена манген тумеда те ачон Леске ученикия? ²⁸Тогава он изругинде лес, тай пенде: Ту синян Лескоро ученики; а аме синям Мойсеева ученикия. ²⁹Аме жанас, кай на Мойсей о Дел хоратингяс, а Кавка нажанас катар си. ²⁸²⁹28 Тогава он наругинделес тай пенде: Ту синян Лескоро ученики; а аме синям Мойсеева ученика. 29 Аме жанас, кайн е Мойсеске коркоро о Дел хоратингяс, а калкес нажанав катар си. ³⁰О мануш в отговор пенгяс ленге: Давка си о чудно, кай туме нажанен катар си, но пак путергяс ме яка. ³¹Жанас, кай о Дел на шунел е грешнициен; но ако декой си благочестиво тай керел е Девлескири воля, лес шунел. ³²А па таро векос нана шундилоте путергяс декой о яка манушекере бяндо коро. ³³Ако на сине Кавка Мануш таро Дел, нанай те ащи нищо те керел. ³⁴Он в отговор пенде леске: Ту цело андо безеха синян бяндо, тай амен ли сикавес? Тай гонинде лес наври. ³⁵Шунгяс о Иисус, кай гонинде лес наври тай като араклас лес, пенгяс: Ту верувинес ли андо Божие Чаво? ³⁶Ов в отговор пенгяс: А кой си Ов, Девла за те верувинав Лесте? ³⁷О Иисус пенгяс леске: Тай диклан Лес, тай Който хоратинел туса, Ов си. ³⁸А ов пенгяс: Верувинав, Девла; тай поклонисало Леске. ³⁹Тай о Иисус пенгяс: Съдимнасke алом Ме калке светосте, за те дикен о невиждаща, а о виждаща те королон. ⁴⁰Колка таро фарисея, колато сине Леса, като шунде давка, пенде Леске: Тена овас амеда коре? ⁴¹О Иисус пенгяс ленге: Ако синиенас коре, нанайас те овел тумен безех, но понеже акана пенен: Дикас, и безех ачол туменге.

Chapter 10

¹Истина, истина пенав туменге: Който нана дел таро вудар ки кошара е овценге, но прехърпинел авретар, ов си чор тай разбойники . ²А който дел таро вудар, овчари си е овценге.³Леске о вратари путрел; тай о овце шунен лескоро гласос; тай викинел пере овчен алавесте, тай икалел лен. ⁴Като икалел саворен, пирел англал ленде; тай о овце следвинен лес, сокето пенджарен лескоро гласос.⁵А чуждоне манушес нанай те следвинен, но ка нашен лестар; сокето нана пенджарен о гласос е чуждоненгоро.

⁶Кайка притча пенгяс ленге о Иисус; но он нана ахалиле со хоратинел ленге.⁷Тогава о Иисус пак пенгяс ленге: Истина, истина пенав туменге: Ме синиом о вудар е овценгоро. ⁸Саворе, колато але англал Манде, сиchora тай разбойникя; но овце нана шунде лен.⁹Ме синиом о вудар; презал Манде ако дел декой, ка овел спасиме тай ка дел , тай ка иклол, тай паша ка аракел. ¹⁰О чор авел само те чорел, те заколинел тай те погубинел; Ме алом, за те овел лен животос, тай те овел лен изобилно.¹¹Ме синиом о лачо пастири; о лачо пастири по животос дел е овценге. ¹²Ковато си наемники, а ма овчари, тай нанай стопани е овценге, дикел е вълкиес, кай авел, тай като муkel е овчен, нашел; тай о вълки грабинел лен тай разпръснинел.

¹³Ов нашел, сокето си наемники, тай нанай лес грижа е овценге.¹⁴Ме синиом о лачо пастири тай пенджараав Мерен, тай Мере Ман пенджарен, ¹⁵съшо карто о Отеци пенджарел Ман, тай Ме пенджараав е Отециес; тай Ме дав Мо животос е овценге. ¹⁶Авер да овце иси Ман, колато нанай калке кошаратар, тай лен требва те анав; тай ка шунен Мо гласос; тай ка ачон иек стадос иеке пастириеса.¹⁷Далкеске дехел Ман о Отец, сокето Ме дав Мо животос, за те лав лес пак. ¹⁸Никой нана лел лес Манге, но Ме Мандар дав лес. Иси Ман право те дав лес, тай иси Ман право пак те лав лес. Кайка заповед получингиом Ме Отециестар.

¹⁹Ашал калке думенге пак възникнингяс раздори машкар о юдея. ²⁰Мнозина лендар пененас: Бяс иси Лес тай денило си; соске шунен Лес?²¹Авер пененас: Калка думес нанай манушескере, долдо от бяс. Аци ли бесос те пуртел яка коренгере?²²Тай настъпнингяс андо Ерусалим о празници е освещениеско ко храми. Евент сине;²³тай о Иисус пирелас андо Соломоново трими е храмиеске. ²⁴Тогава о юдея заобиколинде Лес тай пенде Леске: Жи канка икерес амен възмнение? Ако синян Ту о Помазаники, пен аменге ясно.²⁵О Иисус отговорингяс ленге: Пенгиом туменге тай на верувинен. О дела, колато керав андо алав Ме Отцаске, он свидетелствинен Манге. ²⁶Но туме на верувинен, сокето на синиен Мере овцендар.²⁷Мере овце шунен Мо гласос тай Ме пенджараав лен, тай он следвинен Ман. ²⁸Тай Ме дав лен вечно животос; тай он нисар нанай те загининен, тай никой нанай те грабинел лен Ме вастестар.²⁹Мо Отец, Ковато диняс лен Манге, си по-баро саворендер; тай никой нащи грабинел лен таро вас на Отца. ³⁰Ме тай о Отец иек синям.³¹О юдея пак лиле бара, за те мударен Лес.³²О Иисус отговорингяс ленге: Бут лаче дела сикавгиом туменге таро Отца; за кова калке деловиендер мнген те мударен Ман баренца?³³О юдея отговоринде Леске: Ма за лаче делоске мангас те мударас Тут баренца, а за богохулство тай сокето Ту, като синян мануш, керес Тут Дел.

³⁴О Иисус отговорингяс ленге: Нанай ли пишими анде тумаре закониесте: "Ме пенгиом, богове синиен туме"?³⁵Ако си наречиме богове колка, карик коленде ало о Божие слово (тай о пишими нащи те нарушингиол),³⁶то Калкеске, Колес о Дел осветингяс тай бичалгяс ко светос, пенен ли: Богохулствинес, сокето пенгиом: Ме синиом Божие Чаво?³⁷Ако на керав о дела Ме Отцаскере, ма верувинен Ман; ³⁸но ако керав лен, то, макар тена верувинен Ман, верувинен ко дела, за те пенджарен тай ахалон, кай о Отец си анде Манде тай Ме андо Отца.³⁹Пак мангенас те долен Лес; но Ов нашло таро васта ленге.⁴⁰Тай гело отвъд Йордан, ко тан, кате о Йоан по-преди кръстинелас, тай ачило оте.⁴¹Тай мнозина але паш Лесте; тай пененас: о Йоан на кергяс нисаво знамение; но всичко, ковато пенгяс о Йоан за Калкеске сине истинно.

⁴²Тай оте мнозина повервие анде Лесте.

Chapter 11

¹Иек мануш ко алав Лазар, тари Витания, таро гав на Мария тай лакири пен и Марта, боледувинелас. ²(А и Мария, колакаро прал о Лазар сине насвало, сине койка, която помажингяс е Девлес мirosа тай косляс Лескере пире бе баленца.)³Тай чука, о пеня бичалде жи Лесте те пенен Леске: Девла, аке, ковка, колес дехес, си насвало. ⁴А о Иисус, като шунгяс давка, пенгяс: Кайка болест нанай мерибнаскири, но си за е Девлескере славаке, за те прославинел пес о Божие Чаво чрез лате.⁵А о Иисус дехелас е Марта тай лакере пеня, тай е Лазарес. ⁶Тогава, от сар шунгяс, кай сине насвало, ачило дуи диес ко тан, кате араклолас. ⁷А палал далкесте пенгяс е ученикиенге: Те жас пак анди Юдея.⁸Пенде Леске о ученикия: Учителю, акана о юдея мангле те мударен Тут баренца, тай пак ли оте жас? ⁹О Иисус отговорингяс: Нали иси дешудуи сахакя андо диес? Ако пирел декои о диес, нана препъзвинел пес, сокето дикел и виделина калке светоскири.

¹⁰Но ако пирел декой ират, препъзвинел пес, сокето нанай осветлиме. ¹¹Давка хоратингяс тай после пенгяс ленге: Амаро амал о Лазар засуто; но Ме жав те ухкярав лес.¹²О ученикия пенде Леске: Девла, ако засуто, ка оздравинел. ¹³Но о Иисус хоратинелас лескере мерибнаске; а он мислиненас, кай хоратинел почивибнаске андо суно. ¹⁴Далкеске о Иисус тогава пенгяс ленге ясно: О Лазарес муло.¹⁵Тай ашал туменге, лошанав, кай нана улом оте, за те повервинен; обаче нека те жас паш лесте. ¹⁶Тогава о Тома, наречиме Близнак, пенгяс е съученикиенге: Те жас амеда, за те мерас Леса.¹⁷Тай чука, като ало о Иисус, аракляс, кай о Лазар сине штар диес андо мимори. ¹⁸А Витания сине паше жи ко Ерусалим кити дешупланч стадиес;¹⁹тай мнозина таро юдея сине ки Марта тай Мария те утешинен лен ленгере пралеске. ²⁰Тай и Марта като шунгяс, кай о Иисус авелас, гели те посрещнинел Лес; а й Мария още бешелас кере.²¹Тогава и Марта пенгяс е Иисусеске: Господи, те овесас Ту ате, нанаяс те мерел мо прал. ²²А акана да жанав, кай со да те мангес таро Дел, о Дел ка дел Тут.²³Пенгяс лаке о Иисус: То прал ка възкресинел.²⁴Пенгяс Леске и Марта: Жанав, кай ка възкреснинел е възкресениеса ко последно диес.²⁵О Иисус пенгяс лаке: Ме синиом о възкресение тай о животос; който верувинел анде Манде, те мерел да, ка живинел;²⁶тай никой, който си живдо тай верувинел анде Манде, нанай те мерел жи ко векос. Верувинес ли давка?²⁷Пенел Леске: Ва, Господи, верувинав, кай Ту синян о Помазаники, о Божие Чаво, Ковато требваше те авел ко светос. ²⁸Тай като пенгяс давка, гели те викинел скришом пе пеня е Мария, тай пенелас: О Учители ало тай викинел тут.

²⁹Тай ой, щом шунгяс давка, ухтинили бързо тай гели паш Лесте.³⁰О Иисус още нана ало андо гав, а сине ко тан, кате посрещниняс Лес и Марта. ³¹А о юдея, колато сине ласа кере тай утешиненас ла, като дикле, кай и Мария ухтинили бързо тай иклили, геле палал лате, като мислиненас кай жал ко мимори те ровел оте.

³²Тай чука, и Мария, като али оте, кате сине о Иисус, тай дикляс Лес, пели англал о пире Леске тай пенгяс Леске: Господи, те овесас Ту ате, нанаяс те мерел мо прал.³³О Иисус, като диклас ла, кай ровел, тай о юдея, колато придвижненас ла, кай ровен, разтъжисало анде Пе Духосте тай смутисало.³⁴Тай пенгяс: Кате положингиен лес? Пенен Леске: Господи, ела тай дик.³⁵О Иисус просълзисало.³⁶Тогава о юдея пененас: Дик кити дехелас лес!³⁷А десаве лендар пенде: Нанащине ли Кавка, Ковато путергяс о яка е корескере, те керел, чука кай кавка да тена мерел?³⁸А о Иисус като тъжинелас пак анде Песте, ало ко мимори. Сине пещера, тай лате сине привалиме бар.³⁹О Иисус пенгяс: Местинен о бар.И Марта, и пен е мулескири, пенгяс Леске: Господи, кандел вече, сокето штар диес си андо мимори.⁴⁰Пенгяс лаке о Иисус: Нана пенгиом ли туке, кай ако повервинес, ка дикес е Девлескири слава?⁴¹Тай чука, местинде о бар. А о Иисус ваздингяс яка на упре тай пенгяс: Отче, благодаринаман Туке, кай шунгян Ман.⁴²Ме жанавас, кай Ту винаги шунес Ман; но давка пенгиом ашал о народос, ковато бешел наоколо, за те повервинен, кай Ту бичалгян Ман.⁴³Като пенгяс давка, пицингяс силноне гласоса: Лазаре, икли аври!⁴⁴О муло иклило, о васта тай о пире пакярде андо саван тай лескоро мui забрадиме кърпаса. О Иисус пенгяс ленге: Отпакярен лес тай мукен лес те жал песке.⁴⁵Тогава мнозина таро юдея, колато алесас ки Мария тай дикле давка, ковато кергяс о Иисус, повервие анде Лесте.⁴⁶А десаве лендар геле ко фарисея тай пенде ленге со кергяс о Иисус.⁴⁷Тогава о главна свещеника тай о фарисея кидинде съвети тай пенде: Со керас аме? Сокето Кавка Мануш керел бут знамения?⁴⁸Ако мукас Лес чука, саворе ка повервинен анде Лесте; тай о римланя като ка авен, ка отнеминен и страна да амари, амари народност да.⁴⁹А иек лендар ко алав Каиафа, ковато сине първосвещеници презал кавка бреш, пенгяс ленге: Туме нищо нажанен,⁵⁰нито мислинен кай туменге си по-лачес иек мануш те мерел е люденге, а ма те загининел о цело народос.⁵¹Давка нана пенгяс пестар, но понеже сине първосвещеници презал ковка бреш, предскажингяс, кай о Иисус ка мерел е народоске,⁵²тай ма само е народоске, но за те кидел да иекесте о разпръсните Божия чада.⁵³Тай чука, колке диесестар он съветвиненас пес те мударен Лес.⁵⁴Далкеске о Иисус вече на пирелас явно машкар о юдея, но отар гело ки местност, паше жи ки пустиния иеке градосте, наречиме Ефраим, тай оте ачило е ученикиенца.⁵⁵А

наближинелас и юдеиско Пасха; тай мнозина тари провинция геле андо Ерусалим англал и Пасха, за те очистинен пес.⁵⁶ Тай чука, он роденас е Иисусес тай като бешенас андо храми, хоратиненас машкар песте: Сар дикелпес туменге? Нанай ли те авел ко празници?⁵⁷ А о главна свещеникя тай о фарисея издинесас запове, ако ахалол декой кате си, те пенел, за те долен Лес.

Chapter 12

¹А шов диес англал и Пасха о Иисус ало анди Витания, кате сине о Лазарес, колес Ов възкресингяс таро муле. ²Оте приготвинде Леске вечеря тай и Марта прислугвинелас; а о Лазарес сине иек калкендар, колато бешенас Леса ки софра. ³Тогава и Мария като лилас иек литъри мiros taro чисто тай скъпоценно нарди, помажингяс о пире е Иисусескере, тай пе баленца косляс о пире Лескере; тай о кер пердило с благоухание таро мiros. ⁴Но иек таро ученикия Леске, о Юда Искариотски, ковато ка пределас Лес, пенгяс: ⁵Соске на бикиндило кавка мiros за триста динария, за те разден пес е сиромасиенге? ⁶А давка пенгяс ма соскето сине лес грижа е сиромасиенге, а соскето сине чор, тай като икерелас и каса *, лелас далkestар, ковато мукенас анде лате. ⁷Тогава о Иисус пенгяс: Муken ла; понеже пазингяс лес за ко диес Me погребениеске. ⁸Соскето о сиромасия всякова араклон машкар туменде, но Me нана аракловав всякова. ⁹А баро множество таро юдея ахалиле, кай си оте; тай але ма само ашал е Иисусеске, но за те дикен е Лазарес да, колес възкресингяс таро муле. ¹⁰А о главна свещеникя нахоратинде пес те мударен е Лазарес да, ¹¹соскето ашал леске мнозина таро юдея жанас тари рик е Иисусеске тай верувиненас анде Лесте. ¹²Ко следващо диес иек баро множество, ковато аlosas ко празници, като шунде, кай о Иисус авел андо Ерусалим, ¹³лиле палмова клоня тай иклиле те посрещнинен Лес, като пищиненас: Осанна! Благословиме Ковато авел анде Девлескоро алав, о Израилево тагар! ¹⁴А о Иисус, като араклас иеке ослес, бешло упран лесте, според карто си пишиме: ¹⁵" Ма дара, мичаи Сионова. Аке, торо Тагар авел, бешло на осле". ¹⁶Лескере ученикия отначало нана ахалиле давка; а като прослависало о Иисус, тогава динепес годи, кай давка сине пишиме за Леске, тай кай давка керде Леске. ¹⁷Тай о народос, ковато сине Леса като викингяс е Лазарес таро мимори тай възкресингяс лес таро муле, свидетелствиненас далке чудоске. ¹⁸Ки също причина посрещнингяс Лес о народос да, соскето шунде, кай кергяс давка знамение. ¹⁹Далкеске о фарисея пенде машкар песте: Дикен, кай нищо нана постигнинен! Аке, о светос жал палал Лесте. ²⁰А машкар колкенде, колато але на поклонение ко празници, исине десаве гърция. ²¹Тай он але ко Филип, ковато сине тари Витсаида Галилейска, тай помолинде лес, тай пенде: Господине, мангас те дикас е Иисусес. ²²О Филип авел тай пенел на Андрей; а о Андрей тай о Филип па пенен е Иисусеске. ²³А о Иисус в отговор пенгяс ленге: Ало о сахати те прославинел пес о Човешко Чаво. ²⁴Истина, истина пенав туменге, ако о житно зърно на перел ки пув тай на мерел, ов ачол песке самотно; но ако мерел, дел бут плоди. ²⁵Който дехел по животос, ка изгубинел лес; тай който мразинел по животос калке светосте, ка запазинел лес вечноне животоске. ²⁶Ако служинел декой Манге, Ман нека те последвинел; тай кате синиом Me, оте ка овел Mo служители да. Който служинел Манге, лес ка почетинел Mo Отеци. ²⁷Акана Mi душа си развълнувано; тай со те пенав? Отче, избавине Ман калке сахатиестар? Но далкеске алом калке сахатиесте. ²⁸Отче, прославине То алав! Тогава ало гласос таро небес: Тай прославингиом Лес, тай пак ка прославинав Лес. ²⁹Далкесте о народос, ковато бешелас оте, като шунгяс о гласос, пенгяс: Гръм си. Авер па пенде: Ангели хоратингяс Леске. ³⁰О Иисус в отговор пенгяс: Кавка гласос нана ало ашал Манге, но заради туменге. ³¹Акана си съдос калке светосте; акана о князи далке светоскоро ка овел чивдо на аври. ³²Тай като ка овав Me ваздиме тари пув, ка привлечинав саворен паш Манде. ³³А като пенелас давка. Ов диняас. те ахалол пес саве мерибнастар ка мерелас. ³⁴А о народос отговорингяс Леске: Аме шунгям таро закони, кай о Помазаници пребъдвинел жи ко векос: тогава сар пенес Tu, кай о Човешко Чаво требе те овел ваздиме? Кова си Давка Човешко Чаво? ³⁵Тай о Иисус пенгяс ленге: Още хари време и светлина си машкар туменде. Пирен, бискай иси тумен и светлина, за тена ресел тумен и тъмнина. Който пирел ки тъмнина, нажанел кате жал. ³⁶Бискай иси тумен и светлина, верувинен ки светлина, за те ачон просветиме чрез и светлина. Давка хоратингяс о Иисус, гело тай гарагяс пес лендар. ³⁷Но кай кергясас да дики знамения англал ленде, он пак нана верувиненас анде Лесте; ³⁸за те изпълнингиол о пендо таро пророк Иая, ковато пенгяс: " Господи, кова амендар повервингяс колкесте, ковато шунгям"? ³⁹Он далкеске нащине верувинен, соскето о Иая още пенгяс: ⁴⁰" Коряргяс о яка ленгере, тай закоравингяс ленгере сърца, за якенца тена дикен тай сърцеса те ахалон, тай те иринен пес тай те изцелинав лен. ⁴¹Давка пенгяс о Иая, соскето дикляс и слава Лескири тай хоратинел Леске. ⁴²Но пак мнозина таро първенци повервинде. Лесте. Но ашал о фарисея нана изповединде Лес, за тена овен отльчиме тари синагога. ⁴³соскето дехинде и похвала таро мануша по бут тари похвала е Девлескири. ⁴⁴А о Иисус пищингяс тай пенгяс Който верувинел анде Манде, ма Манде верувинел; а Калкесте, Ковато бичалгяс Ман. ⁴⁵Тай който дикел Ман, дикел Колкес, Ковато бичалгяс Ман. ⁴⁶Ме алом сар светлина ко светос, за тена ачол анди тъмнина никой който верувинел анде Манде. ⁴⁷Тай ако шунел декой Me думес тай нана пазинел лен, Me нана съдинав лес; соскето нана алом те съдинав е светос, а те спасинав е светос. ⁴⁸Който отчивел Ман тай нана приеминел Me думес, иси кой съдинел лес; о

словос, ковато хоратингиом, ов ка съдинел лес ко последно диес.⁴⁹ Соскето Ме Мандар нана хоратинав; Но о Отец Ковато бичалгяс Ман, Ов диняс Ман заповед со те пенав тай со те хоратинав.⁵⁰ Тай жанав, кай ковка, ковато Ов заповедингяс, си вечно животос. Тай чука давка, ковато хоратинав, хоратинав лес чука, сарто пенгяс Манге о Отец.

Chapter 13

¹А англал о празници на Пасхата о Иисус, жанелас, кай ало Лескоро сахати те пренакел калке светостар карик о Отца, като дехингясас Перен, колато сине ко светос, жи ко крайос дехингяс лен. ²Тай като сине готово и вечеря като вече о бенг внушигяс андо сърцес на Юда Симонов Искариотски те предел Лес. ³като жанелас о Иисус, кай о Отец прединяс всичко ко васта Леске, тай кай таро Дел иклило тай ко Дел жал. ⁴ухтинило тари вечеря, нангило Пи мантия, лилас кърпа тай препасингяс Пес. ⁵После пергяс пани андо умивалники тай почнингяс те товел о пире е ученикингере тай те косел лен е кърпаса, коласа сине препасиме. ⁶й чука, авел ко Симон Петър. Ов пенел Леске: Господи, Ту ли ка товес ме пире? ⁷О Иисус в отговор пенгяс леске: Давка, ковато Ме керав, ту акана нажанес, но после ка ахалос. ⁸О Петър пенгяс Леске: Ту нанай те истовес мере пире жи ко векос. О Иисус отговорингяс леске: Ако нана истовав тут, нанай тут дяли Манца. ⁹О Симон Петър пенел Леске: Господи, ма само ме пире, но мо шеро да. ¹⁰О Иисус пенел леске: Който нанило, нанай лес нужда те товел авер, освен пе пире, но си цело чисто, тумеда синиен чиста, но ма саворе. ¹¹Соскето Ов жанелас колкес, ковато ка пределас Лес далкеске да пенгяс: Ма саворе синиен чиста. ¹²А като тогяс ленгере пире тай лилас пи мантия, бешло пак тай пенгяс ленге: Жанен ли со кергиом туменгеге? ¹³Туме пенен Манге Учители тай Дел; тай лачес пенен, соскето синиом савка. ¹⁴Тай чука, ако Ме, Дел тай Учители, тогиом тумаре пире, то тумеда синиен длъжна иек авресте те товен тумаре пире. ¹⁵Соскето диниом тумен примери те керен тумеда, карто Ме кергиом туменгеге.

¹⁶Истина, истина пенав туменгеге: о слугас нанай по-горно пе господариестар, нито о бичалдо си по-горно колкестар, ковато бичалгяс лес. ¹⁷Като жанен давка, блажена синиен, ако керен лес. ¹⁸Нана хоратинав туменгеге саворенгеге; Ме жанав кас избирингиом; но давка ачило, за те събъднитиол о Писание: " Който хал Мо маро, ов ваздингяс пери патум против Манде" . ¹⁹От акана пенав туменгеге давка варесо, англал те ачол, тай като ка ачол, те повервинен, кай синиом Ме давка, ковато пентиом. ²⁰Истина, истина пенав туменгеге: който приеминел колкес, колес Ме бичалав, Ман приеминел; тай който приеминел Ман, приеминел Калкес, Ковато бичалгяс Ман. ²¹Като пенгяс давка, о Иисус развълнувисало анде Пе духосте тай заявингяс, тай пенгяс: Истина, истина пенав туменгеге, кай иек тумендар ка предел Ман. ²²О ученикия дикенас пес машкар песте, недоуминенас за каске хоратинел. ²³А ки софра иек таро ученикия, колес о Иисус дехелас, облегнисалосас ко Иисусово коланос. ²⁴Далкеске о Симон Петър кимвинел леске тай пенел леске: Пен аменгег за каске хоратинел. ²⁵А ов, като ирисало карик о Иисус, пучляс Лес: Господи, кова си? ²⁶О Иисус отговорингяс: Ов си ковка, за колеске ка топинав бука тай ка давла леске. Тай чука, като топингяс бука, лилас тай подиняс ла на Юда Симонов Искариотски. ²⁷Тай тогава, след и бука, Сатана диняс анде лесте; тай чука, о Иисус пенгяс леске: Со керес, кер лес по-сиго. ²⁸А никой таро бешле ки софра нана ахалиле соске пенгяс леске давка; ²⁹соскето десаве мислиненас, понеже о Юда икерелас и каса, кай о Иисус пенел леске: Кин, со требел аменгег за ко празници, или: Де варесо е сиромасиен. ³⁰Тай чука, като лилас и бука, ов веднага иклило; а сине ират. ³¹А като иклило, о Иисус пенгяс: Акана прослависало о Човешко Чаво, тай о Дел прослависало анде Лесте; ³²тай о Дел ка прославинел Лес анде Песте, тай сиго ка прославинел Лес. ³³Чавален, още хари синиом туменца. Ка роден Ман тай карто пенгиом е юдеиенгеге, чука туменгеге да пенав акана: Кате жав Ме, туме нанащи авен. ³⁴Неви заповед дав тумен: Те дехен тумен иек авресте; карто Ме дехингиом тумен, чука тумеда те дехен тумен иек авресте. ³⁵Далкестар ка ахалон саворе, кай синиен Мере ученикия, ако иси тумен любов машкар туменде. ³⁶О Симон Петър пенгяс Леске: Господи, кате жас? О Иисус отговорингяс: Кате жав, нанащи акана те авес палал Манде, но после ка авес. ³⁷О Петър пенгяс Леске: Господи, соске тенащи авав палал Туте акана? Мо животос ка дав за Туке. ³⁸О Иисус отговорингяс: То животос ли Манге ка дес? Истина, истина пенав туке, о башно нанай те загилабел, преди те отринес тут трин дром Мандар.

Chapter 14

¹Тена смутинел пес тумаро сърцес; туме верувинен ко Дел, верувинен Манде да. ²Ко кер Ме Отцаске иси бут обиталища; ако нана сине чука, Ме ка пенавас туменге, соскето жав те приготвинав туменге тан. ³Тай като ка жав тай приготвинав туменге тан, пак ка авав тай ка лав тумен паш Манде, чука че, кате синиом Ме, те овен тумеда. ⁴Тумеда жанен на кате жав тай о дром жанен. ⁵О Тома пенел Леске: Господи, нажанас кате жас; а сар те жанас о дром? ⁶О Иисус пенел леске: Ме синиом о дром тай и истина, тай о животос; никой нана авел паш о Отца, освен чрез Манде. ⁷Ако пенджаргиенас Ман, ка пенджаренас Ме Отцас да; от акана пенджарен Лес тай диклен Лес. ⁸О Филип пенел Леске: Господи, покажине аменге е Отцас тай достатъчно си аменге. ⁹О Иисус пенел леске: Дики време синиом туменца тай на пенджарес ли Ман, Филипе? Който диклас Ман, дикляс е Отцас; сар пенес ту: Покажине аменге е Отцас? ¹⁰Нана верувинес ли, кай Ме синиом андо Отца тай кай о Отец си анде Манде? О думес, колато Ме пенав туменге, ма Мандар хоратинав лен; но о пребъдващо анде Манде Отеци керел Пере дела. ¹¹Верувинен Ман, кай Ме синиом андо Отца тай кай о Отец си анде Манде; или па верувинен Ман поради о дела. ¹²Истина, истина пенав туменге, който верувинел анде Манде, о дела, колато керав Ме, ов да ка керел лен; тай по-баре лендар ка керел; соскето Ме жав ко Отца. ¹³Тай со да те мангэн Мере алавесте, ка керав лес, за те прославинел пес о Отец андо Чаво. ¹⁴Ако мангэн варесо Мере анде алавесте, давка ка керав. ¹⁵Ако дехен Ман, ка пазинен Мере заповедя. ¹⁶Тай Ме ка мангав таро Отца, тай Ов ка дел тумен авер Утешители, за те пребъдвинел туменца жи ко векос. ¹⁷О духос е истинакоро, Колес о светос нанащи те приеминел, соскето нана дикел Лес, нито пенджарел Лес. Туме пенджарен Лес, соскето Ов пребъдвинел туменца тай анде туменде ка овел. ¹⁸Нанай те мукав тумен сиракя; ка авав паш туменде. ¹⁹Още хари, тай о светос нанай вече де дикел Ман, а туме ка дикен Ман; понеже Ме живинав, тумеда ка живинен. ²⁰Колке диеесте ка пенджарен, кай Ме синиом андо Отца Моро, тай туме анде Манде, тай Ме анде туменде. ²¹Кас иси Мере заповедя тай пазинел лен, ов дехел Ман; а който дехел Ман, ка овел възлюбиме таро Отец Моро, тай Ме ка възлюбинав лес, тай ка явинав Ман леске. ²²О Юдас (ма Искариотски) пенгяс Леске: Господи, по сави причина ка явинес Тут аменге, а ма е светоске? ²³О Иисус в отговор пенгяс леск: Ако дехел Ман декой, ка пазинел Мо учение; тай о Отец Моро ка дехел лес, тай Аме ка авас паш лесте тай ка керас обиталище анде лесте. ²⁴Който нана дехел Ман, на пазинел Ме думес; тай о учение, ковато шунен, нанай Моро, а на Отца, Ковато бичалгяс Ман. ²⁵Давка хоратингиом туменге, жи кай синиом оше туменца. ²⁶А о Утешители, о Свято Духос, Колес о Отец ка бичалел Мере алавесте, Ов ка сикавел тумен на всичко тай ка дел тумен годи всичко, ковато пентиом туменге. ²⁷Мири мукав туменге; Моро мири дав тумен; Ме нана дав тумен, сарто о светос дел. Тена смутинел пес тумаро сърцес, нито те дарал. ²⁸Шунгиен сар Ме пентиом туменге: Жаманге, тай пак ка авав паш туменде. Ако дехенас Ман, ка лошаненас, кай жав ко Отца; соскето е Отец си по-баро Мандар. ²⁹Тай акана пентиом туменге давка, преди те ачол, тай, като ка ачол, те повервинен. ³⁰Ме нанай вече бут те хоратинав туменца, соскето аве о князи (калке) светоскоро. Лес нанай нищо анде Манде; ³¹но давка ачол, за те пенджарел о светос, кай Ме дехав Отца тай ка сарто заповедингяс Манге о Отец, чука керав. Ухкиен те жасаменге атар. ³⁰Ме нанаи още бут те хоратинав туменца, соскето аво о князи далке светоскоро. Лес нанай нищо лестар Манде. ³¹Но давка ачол, за те ахалол о светос, кай Ме дехав Отца тай сарто заповедингяс Манге Отца, чука керав. Ухкен, те жасаменге атар.

Chapter 15

¹Ме синиом и истинско лоза тай о Отеци Моро си о земеделцос. ²Всеко пръчка анде Манде, която нана дел плоди, Ов отрежинел ла; тай всеко, която дел плоди, очистинел ла, за те дел повече плоди. ³Туме синиен вече чиста чрез о учение, ковато хоратингиом туменге. ⁴Пребъдвинен анде Манде, тай Ме анде туменде. Сарто и пръчка нанащи дел плоди коркоти пестар, ако нана ачол ки лоза, чука тумеда нанащи, ако нана пребъдвинен анде Манде. ⁵Ме синиом и лоза, а туме синиен о пръчкес; който пребъдвинел анде Манде, тай Ме анде лесте, ов дел бут плоди; сокето, отделиме Мандар, нанащи керен нищо. ⁶Ако декой нана пребъдвинел анде Манде, ов си чивто наври сар пръчка тай шукиол; тай киден лен, тай чивен лен анди яг, тай он таблон. ⁷Ако пребъдвинен анде Манде тай Ме думес пребъдвинен анде туменде, манген со да те желаинен, тай ка овел тумен. ⁸Анде далкесте прославинел пес о Отеци Моро те ден бут плоди; тай чука ка овен Мере ученикия. ⁹Сар о Отец възлюбиягас Ман, чука Меда възлюбилигиом тумен; пребъдвинен анде мере дехимнасте. ¹⁰Ако пазинен Мере заповедя, ка пребъдвинен анде Ме дехимнасте, сарто Меда опазилигиом о заповедя Ме Отециескере тай пребъдвинав анде Лескере дехимнасте. ¹¹Давка хоратингиом туменге, за те овел Мери лошали анде туменде, тай тумари лошали те ачол перди. ¹²Кайка си Мери заповед; те дехен тумен иек авресте, сарто Ме дехилигиом тумен. ¹³Никас нанай по-бари любов далкестар те дел по животос пе амаленге. ¹⁴Туме синиен Манге амала, ако керен давка, ковато заповединав туменге. ¹⁵Нана пенав туменге вече слуги, сокето о слугас нана жанел со керел лескоро господари; а тумен наречинав амала, сокето явинав туменге всичко, ковато шунгиом Ме Отециестар. ¹⁶Туме нана избиригиниен Ман, но Ме избиригиниом тумен тай определигиом тумен те иклон андо светос тай те принесиен плоди, тай тумаро плоди те овел траинио; тай со да те манген таро Отца анде Мере алавесте, те дел тумен. ¹⁷Давка заповединав туменге: те дехен тумен иек аврес. ¹⁸Ако о светос мразинел тумен, жанен, кай Ман намразингягас англал туменде. ¹⁹Ако синиенас таро светос, о светос ка дехелас поро; а понеже на синиен таро светос, но Ме избиригиниом тумен таро светос, далкеске о светос мразинел тумен. ²⁰Помнинен и дума, която пенгиом туменге: О слугас нанай по-горно пе господариестар. Ако Ман гониненас, туменда ка гонинен; ако опазинде Моро учение, тумарода ка пазинен. ²¹Но всичко давка ка керен туменге ашал Мере алавеске, сокето нана пенджарен Колкес, Ковато бичалгягас Ман. ²²Ако нана ававас тай нана хоратинавас ленге, безех нанаяс те овел лен; акана обаче нанай лен извинение пе безехаке. ²³Който мразинел Ман, мразинел Ме Отцас да. ²⁴Ако нана керавас машкар ленде о дела, колато никой авер на кергягас, безех нанаяс те овел лен; но акана дикле тай намразинде Манда, Ме Отециес да. ²⁵Но давка ачол, за те изпълниел пес о пишими андо закони ленге слово: "Намразинде Ман би причинакоро". ²⁶А като ка авел о Утешители, Колес Ме ка бичалав туменге таро Отца, о Духос е истинакоро, Ковато иклол таро Отца, Ов ка свидетелствинел Манге. ²⁷Но тумеда свидетелствинен, сокето улен Манца таро началос.

Chapter 16

¹Давка пенгиом туменге, за тена съблазнинен тумен. ²Ка отльчинен тумен таро синагогес; даже авел сахати, като секой, ковато мударел тумен, ка мислинел кай принесинел служба е Девлеске.³Давка да ка керен, соскето нана пенджарде нито е Отециес, нито Ман. ⁴Но Ме пенгиом туменге далка букая, тай като ка авел о сахати ленгоро, те помнинен, кай пенгиом лен туменге. Отначало на пенгиомлен туменге, соскето улом туменца;⁵а акана жав паш Колкесте, Ковато бичалгяс Ман; тай никой тумендар нанаучел Ман: Кате жас? ⁶Но понеже пенгиом туменге давка, скръб изпълнингяс тумаре сърца. ⁷Обаче Ме пенав туменге истина, туменге си по-лачес те жав Ме, соскето, ако нана жав, о Утешители нанай те авел паш туменде; но ако жав, ка бичалав Лес туменге.⁸Тай Ов, като ка авел, ка обвининел е светос безехенге, правдаке тай съдоске; ⁹безехенге, соскето нана верувинен Манде; ¹⁰правдаке, соскето жав ко Отца, тай нанай те дикен Ман вече; ¹¹а съдоске, соскето о князи калке светоскоро си осъдиме.¹²Иси Ман още бут букая те пенав туменге; но нанащи те понесинен лен акана. ¹³А като ка авел Ковка, о Духос е истинакоро, ка упътвинел тумен секоне истинаке; соскето нанай те хоратинел Пестар, но ковато шунел, давка ка хоратинел, тай ка известинел туменге е букиенге колато авен. ¹⁴Ов Ман ка прославинел, соскето Мерестар ка лел тай ка известинел туменге.¹⁵Всичко, ковато си е Отециес, си Моро; далкеске пенгиом, кай Мерестар, като лел, ка известинел туменге. ¹⁶Още хари, тай нанай те дикен Ман; тай пак хари, тай ка дикен Ман.¹⁷Далкеске десаве таро ученикия Леске пенде песке машкар песте: Со си давка, ковато пенел аменге: още хари, тай нанай те дикен Ман; тай пак хари, тай ка дикен Ман; тай кавка: соскето жав ко Отца?¹⁸Тай пенде: Со си давка, ковато пенел: Още хари? Нана жанас со мангел те пенел.¹⁹О Иисус, като ахалило, кай манген те пучен Лес, пенгяс ленге: Далкеске ли пучен тумен машкар туменде, соскето пенгиом: Още хари, тай нанай те дикен Ман; тай пак хари, так ка дикен Ман?²⁰Истина, истина пенав туменге, кай туме ка заровен тай ка заридаинен, а о светос ка лошанел; туме ка скърбинен, но тумари скръб ка ирингиол лошалате.²¹Жувли, като биянел, си в скръб, соскето ало лакоро сахати; а като биянел е чавес, нана помнинел вече пе мъкес ашал и лошали, кай бияндило мануш ко светос.²²Тумеда акана синиен наскърбиме; но Ме пак ка диков тумен тай тумаро сърцес ка лошанел, тай тумари лошали никой нанай те лел ла туменге.²³Тай колке диесесте нанай те пучен Ман нисоске. Истина, истина пенав туменге: со да те манген таро Отца анде Мере алавесте, Ов ка дел лес туменге.²⁴Жи акана нищо нана манглен анде Мере алавесте; манген, тай ка получинен, за те овел тумари лошали перди.²⁵Давка хоратингиом туменге притченца. Ачол сахати, като нанай вече те хоратинав туменге притченца, а ясно ка известинав туменге е Отцаске.²⁶Колке диесесте ка манген анде Мере алавесте; тай нана пенав туменге, кай Ме ка мангав таро Отца туменге;²⁷соскето коркоро о Отец дехел тумен, понеже туме възлюбингиен Ман тай повервингиен, кай Ме таро Отца иклилом.²⁸Иклилом таро Отца тай алом ко светос; тай пак напуснинав о светос тай жав ко Отца.²⁹Пенен Лескере ученикия: Аке, акана ясно хоратинес тай нисави притча нана пенес.³⁰Акана синям увериме, кай Ту всичко жанес, тай нанай нужда теучел Тут декой, за те отговоринес леске. Далкесте верувинас, кай иклилан таро Дел.³¹О Иисус отговорингяс ленге: Акана ли верувинен?³²Аке, ачол сахати, даже ало да, те разпръснинен тумен секой перенде, тай Ман те мукен коркоро; обаче нана синиом коркоро, соскето о Отец си Манца.³³Давка пенгиом туменге, за те овел тумен анде Манде мири. Андо светос иси тумен скръб; но дерзайнен: Ме победингиом о светос.

Chapter 17

¹Давка като хоратингяс о Исус, ваздингяс Пе яка карик о небес тай пенгяс: Отче, ачило о сахати; прославине Те Чес, за те прославинел Тут о Чаво, ²сарто динян Лес власт упрали и всеко плът те дел вечно животос саворен, колен динян Лес. ³А давка си вечно животос, те пенджарен Тут, о Единно Истинно Дел, тай Иисуса Христа, Колес бичалгян. ⁴Ме прославингиом Тут ки пув, като свършиングиом о делос, ковато Ту динян Ман те керав. ⁵Тай акана прославине Ман, Отче, ан Туте е славаса, която синеман ан Туте англал о създание е светоскоро. ⁶Извядингиом То алаб е манушенге, колато динян Ман таро светос. Он сине Тере, тай Ту динян лен Манге, тай он опазинде Торо слово. ⁷Акане жанен, кай всичко, со динян Ман, си Тутар; ⁸сокето о думес, колато динян Ман Ту, ме прединиом лен ленге, тай он приеминде лен; тай наистина жанен, кай Тутар иклилом, тай верувинен, кай Ту бичалгян Ман. ⁹Ме за ленге молинав ман; нана молинав ман е светоске, а за калкенге, колен динян Ман, сокето си Тере. ¹⁰Тай всичко Моро си Торо, Торо Моро тай Ме прославинав Ман анде ленде. ¹¹Нана синиом вече андо светос, а калка си андо светос, тай Ме авав паш Туте, Отче Свято, пазине ан Те алавесте калкен, колен динян Ман, за те овен иек, сарто синям Аме. ¹²Жи кай улом ленца, Ме пазинавас анде Тере алавесте калкен, колен динян Ман; опазингиом лен тай нито иек лендар нана погинингяс, освен о предиме* на погибел, за те изпълниел пес о пишиме. ¹³А акана авав паш Туте; но жи кай синиом още андо светос пенав давка, за те овел лен Мери лошали перди анде ленде. ¹⁴Ме прединиом ленге Торо словос; тай о светос намразингяс лен, сокето он нанай таро светос, сарто Меда на синиом лестар. ¹⁵Нана молинав Ман те лес лен таро светос, но те пазинес лен таро лукавия. ¹⁶Он нанай таро светос, сарто Меда нана синиом таро светос. ¹⁷Осветине лен чрез и истина; Торо словос си истина. ¹⁸Сарто Ту бичалгян Ман андо светос, чука Меда бичалтиом лен андо светос; ¹⁹тай ашал ленге Ме освещинав Ман, за те овен онда осветиме чрез и истина. ²⁰Тай ма само ленге молинав ман, но за колкенгеда, колато ка повервиненас анде Манде чрез о учение ленгоро, ²¹те овен саворе иек; сарто Ту, Отче, синян анде Манде, тай Ме анде Туте, чука он да те овен анде Аменде, за те повервинел о светос, кай Ту бичалгян Ман. ²²Тай и слава, която Ту динян Ман, Ме диниом ла ленге; за те овен иек, сарто Амеда синям иек; ²³Ме анде ленде тай Ту анде Манде, за те овен съвършена андо единство; за те пенджарел о светос, кай Ту бичалгян Ман тай възлцбингян лен, сарто възлюбингян Манда. ²⁴Отче, мангав кате синиом Ме, те овен Манца калкада, колен динян Ман, за те дикен Мери слава, която динян Ман; сокето възлюбингян Ман англал о създание е светоскоро. ²⁵Отче праведно, о светос нана пенджаргяс Тут, но Ме пенджаргиом Тут; тай калкада пенджарде, кай Ту бичалгян Ман. ²⁶Тай явингиом ленге Торо алаб, тай ка явинав, тай и любов, коласа възлюбингян Ман, те овел анде ленде, тай Ме анде ленде.

Chapter 18

¹Като хоратингяс давка, о Иисус иклило Пе ученикиенца отвъд о потоки Кедрон, кате сине градина, анде колате дине Ов тай Лескере ученикия. ²А о Юдас, ковато пределас Лес, жанелас давка тан; сокето о Иисус често киделас пес оте Пе ученикиенца. ³Тай чука, о Юдас, като лилас иек дружина войниния тай служител таро главна свещеника, тай фарисея, ало оте фенериенца, факленца тай оръжия. ⁴А о Иисус, като жанелас всичко, ковато ка сполетинелас Лес, иклило тай пенгяс ленге: Кас роден? ⁵Отговоринде Леске: Е Иисусес о Назаряни. О Иисус пенгяс ленге: Ме синиом. Ленца бешелас о Юдас да, ковато пределас Лес. ⁶Тай като пенгяс ленге: Ме синиом, он цидисале напапале тай пеле ки пув. ⁷Пак пучлас лен: Кас роден? А он пенде: Е Иисусес о Назаряни. ⁸О Иисус отговорингяс: Пенгиом туменге, кай синиом Ме; тай чука, ако роден Ман, мукен калкен те жанпеске; ⁹(за те изпълнингиол и дума, пенди Лестар: Калкендар, колато динян Ман, нана нашалгиом ни иекес). ¹⁰А о Симон Петър, като сине лес чури, измъкнингяс лес, чалагяс е слугас е първосвещеникиескерес тай чингяс лескоро десно кан; а о алав е слугаскоро сине Малх. ¹¹Тогава о Иисус пенгяс е Петреске: Тов и чури анди ножница. И чаша, която диняс Ман о Отец, тена ли пияв ла? ¹²Тай чука, и дружина, о хилядники тай о юдейска служителя долде е Иисусес тай панле Лес. ¹³Тай ингалде Лес първо ко Анна; сокето ов сине о састро е Каиафиеескоро, ковато сине първосвещеници презал калке брешесте. ¹⁴А о Каиафа сине ковка, ковато съветвинелас е юдеиен, кай си по-лачес иек мануш те загининел е люденге. ¹⁵Тай палал о Иисус пиренас о Симон Петър тай иек авер ученики; тай давка ученики, като сине познато е първосвещеникиеске, диняс е Иисусеса андо дворос е първосвещеникиеске. ¹⁶А о Петър бешелас наври жи ко вудар; тай чука, окова ученики, ковато сине познато е първосвещеникиеске, иклило, тай пенгяс е вратаркаке тай денгяргяс е Петрес. ¹⁷Тай и слугинка вратарка пенгяс е Петреске: Туда ли синян таро ученикия Калке манушескере? Ов пенел: Нана синиом. ¹⁸А о слуги тай о служителя накалинде о жарави, сокето сине шил, тай бешенас, тай такяренас пес; а о Петрес да бешелас ленца тай такярелас пес. ¹⁹А о първосвещеници пучляс е Иисусес Лескере ученикиенге тай Лескере учениеске. ²⁰О Иисус отговорингяс леске: Ме хоратингиом явно е светоске, винаги поучингиом ко синагогес тай андо храми, кате саворе юдея киден пес, тай нищо нана хоратингиом скришно. ²¹Соске пучес Ман? Пуч колкен, колато шуненас Ман, со хоратингиом ленге; аке, он жанен со пенавас. ²²Като пенгяс давка, иек таро служителя, ковато бешелас паше, чалагяс шамари е Иисусес тай пенгяс: Чука ли отговоринес е първосвещеникиеске? ²³О Иисус отговорингяс леске: Ако хоратингиом варесо канилипе, покажине о канилипе; но ако лачо - соске марес Ман? ²⁴Тай о Анна бичалгяс Лес вържиме ко първосвещеници Каиафа. ²⁵А о Симон Петър бешелас тай такярелас пес; тай пенде леске: Нана синян ли туда Лескере ученикиендар? Ов отречинягас, тай пенгяс: Нана синиом. ²⁶Иек таро слуги е първосвещеникиеске, сродники колкеске, кате о Петрес чингяс лескоро кан, пенгяс: Нали диклом тут ме анди градина Леса? ²⁷Тай о Петрес пак отречисало; тай ко сахати загилябингяс башно. ²⁸Тогава ингалде е Иисусес таро Каиафа анди претория; а сине рано. Но коркоре он нана дине анди претория, за тена осквернинен пес, тай те ащи хан и пасха. ²⁹Тогава о Пилат иклило паш ленде тай пенгяс: Состе обвининен Калке Манушес? ³⁰В отговор пенде леске: Ако нана сине Ов злодеицос, нанаяс те предас Лес туте. ³¹А о Пилат пенгяс ленге: Лен Лес туме тай съдинен Лес според тумаре закониесте. О юдея пенде леске: Аменге нанай позволиме те умъртвинас никас ³²(за те изпулнингиол о словос , ковато пенгяс о Иисус, като делас те ахалол пес саве мерибнастар ка мерелас). ³³Тай чука, о Пилат пак диняс анди претория, викингяс е Иисусес тай пенгяс Леске: Ту о Юдейско Тагар ли синян? ³⁴О Иисус отговорингяс: Тутар ли пенес давка, или авер хоратинде туке за Манге? ³⁵О Пилат отговорингяс: Кай ме юдеи ли синиом? Торо народос тай о главна свещеника предине Тут манде. Со кергян? ³⁶О Иисус отговорингяс: Моро тагарипе нанай калке светостар; ако сине Мо тагарипе калке светостар, Ме служителя ка бориненас пес тена овав предиме ко юдея. А акана Мо тагарипе нанай атар. ³⁷Далкеске о Пилат пенгяс Леске: Тогава Ту тагар ли синян? О Иисус отговорингяс: Ту право пенес, сокето Ме синиом тагар. Ме далкеске бияндилом тай далкеске алом андо светос, те свидетелствинав е истинаке. Всекой, който си тари истина, шунел Моро гласос. ³⁸О Пилат пенгяс Леске: Со си истина? Тай като пенгяс давка, пак иклило ко юдея тай пенгяс ленге: Ме нана аракав нисави вина анде Лесте. ³⁹А туменде иси обычай те мукав туменге по иекес ки Пасха; мантен ли те мукав туменге о Юдейско тагар? ⁴⁰Тогава он пак запищинде: Ма Калкес, а Варава. А о Варава сине разбойници.

Chapter 19

¹Тогава о Пилат лилас е Иисусес тай маргяс Лес. ²Тай о войниция кувде венеци таро тръннес, товде лес ко шеро Леске так като урявде Лес мораво шехи, ³приближисале жи Лесте тай пененас: Зздравей, Тагара Юдейско! Тай чалавенас Лес шамаря. ⁴Тогава о Пилат пак иклило наври тай пенгяс ленге: Аке, икалав Лес туменге наври, за те пенджарен, кай нана аракав нисави вина анде Лесте. ⁵Тай чука, о Иисус иклило наври, пиравелас о трънено венеци тай о мораво шехи. О Пилат пенгяс ленге: Аке о Мануш! ⁶А като дикле Лес о главна свещениция тай о служителя, пищинде: Разпнине Лес, разпнине Лес! О Пилат пенгяс ленге: Лен Лес туме тай разпнинен Лес; сокето ме нана аракав вина анде Лесте. ⁷О юдея отговоринде леске: Амен иси амен закони тай по далке закониесте Ов требе те мерел, сокето кергяс Пес Божие Чаво. ⁸А о Пилат, като шунгяс дайка дума, още по бут даранило. ⁹Тай пак диняс анди претория, тай пенгяс е Иисусесе: Ту катар синян? А о Иисус нана диняс лес отговори. ¹⁰Далкеске о Пилат пенгяс Леске: Манге ли нана хоратинес? Нана жанес ли, кай иси ман власт те мукав Тут тай иси ман власт те разпнинав Тут? ¹¹О Иисус отговорингяс леске: Тут нанай те овел нисави власт упран Манде, ако нанай туке дадено упран; далкеске по-бари безех иси колкес, ковато прединяс Ман туте. ¹²Ашал далкеске о Пилат роделас начини те мукел Лес; о юдея обаче пищиненас, тай пененас: Ако мукес Калкес, нана синян кесарово амал; всекой, който керел пес тагар, си противники е кесариеске. ¹³А о Пилат, като шунгяс далка думес, икалгяс е Иисусес наври тай бешло ко съдийско столос, ко тан, наречиме Камменно настлание. А по еврейски - Гавата. ¹⁴О диес сине на приготовление е Пасхаке, около шов о сахати; тай ов пенгяс е юдеиенге: Аке тумаро Тагар! ¹⁵А он пищинде: Махнине Лес, махнин, разпнине Лес! О Пилат пенгяс ленге: Тумаре Тагарес ли те разпнинав? О главна свещениция отговоринде: Нанай амен авер тагар освен о кесари. ¹⁶Тай тогава ов прединяс Лес ленге те разпнинен Лес. ¹⁷Тай чука, лиле е Иисусес; тай Ов, коркоро като пиравелас По кръстос, иклило; тай ало ко тан, наречиме Лобно, ковато по еврейски пенел пес Голгота, ¹⁸кате разпнине Лес, тай Леса авер дуи, иекатар тай околе ригатар, а о Иисус ко машкар. ¹⁹А о Пилат пишигяс надписи, ковато товгяс упран Лесте ко кръстос. А о пишиме сине: Иисус Назарянин, о Юдейско Тагар. ²⁰Давка надписи четинде мнозина таро юдея, сокето о тан, кате разпнинде е Иисусес, сине паше жи ко градос, тай о пишиме сине по еврейски, по латински тай по гръцки. ²¹А о юдеиска главна свещениция пенде на Пилат: Ма пишине: о Юдейско Тагар, а - Самозваният Юдейско Тагар. ²²О Пилат отговорингяс: Со пишигиом, пишигиом. ²³А о войниция, като разпнинде е Иисусес, лиле Лескере шехя тай разделинде лен штаре деловиенде, всеконе войнициес по иек дяли; лиле о гат да. А о гат нана сине сивдо, а изтъкиме от упран жи теле; ²⁴тогава он пенде машкар песте: Тена раздеринас ла, а те чивас жребий за леске, каскоро те овел; за те изпълниел пес о Писание, ковато пенел: "Разделинде песке Ме шехя, тай Ме облеклоске чивте жребий. Тай чука, о войниция керде давка. ²⁵А ко кръстос е Иисусесе бешенас Лескири дай тай Лескере даякири пен, и Мария Клеопова тай и Мария Магдалина. ²⁶А о Иисус, като диклас пе дая тай е ученициес, колес дехелас, ковато бешелас паше, пенгяс Пе даяже: Ромните, аке то чо! ²⁷После пенгяс е ученициесе: Аке ти дай! Тай колке сахакиестар о ученици прибиригяс ла пе кересте." Палал далкесте о Иисус, като жанелас, кай всичко вече си свършиме, за те сбъдниел пес о Писание, пенгяс: Жадно синиом. ²⁹А като сине товдо оте съдос, пердо шутеса, товде ки исопово тръстика иек гъба, топиме ко шут, тай поднесинде ла ко мui Леске. ³⁰Тай о Иисус, като приемингяс о шут, пенгяс: Свършигяс пес; тай бангяргяс шеро, тай прединяс духос. ³¹Тай понеже сине о Приготвително диес, за тена ачон о теловя ко кръстос в събота (сокето койка събота сине баро диес), о юдея помолинде е Пилатиес те марен пес о пищяла тай те взден лен отар. ³²Далкеске але о войниция тай марде о пищяла иекескере, тай околоскере, колато сине разпната е Иисусеса. ³³Но като але ко Иисус тай дикле Лес вече муло, нана марде Лескере пищяла. ³⁴Обаче иек таро войниция хевлягяс копиеса Лескере ребра; тай веднага затавдингяс рат тай пани. ³⁵Тай кавка, ковато диклас, свидетелствуинел далкеске, тай лескоро свидетелство си верно; тай ов жанел, кай хоратинел и истина, за те повервинен тумеда. ³⁶Сокето давка ачило, за те изпълниел пес о пишиме: "Кокали Лескоро нанай те пагиол"; ³⁷тай пак авере танесте о Писание пенел: " Ка дикен Лесте, Колес хевлярде". ³⁸Палал далкесте о Йосиф тари Аrimатея, ковато сине Иисусово ученици, но тайно, ашал и дар таро юдея, помолингяс е Пилатиес те позволинел леске те лел е Иисусеско телос; тай о Пилат позволингяс. Тай ов ало тай вздингяс Лескоро телос. ³⁹Ало о Никодим да, ковато аlosas по-рано паш Лесте ират, тай ангяс около шел литра смес тари смирна тай алой. ⁴⁰Тай чука, лиле е Иисусеско телос тай пакярде Лес анди плащаница е ароматиенца според о юдейско обычай паромнасте. ⁴¹А ко тан, кате сине разпниме, исине градина, тай анди градина нево мимори, анде колесте още никой нана сине положиме. ⁴²Оте положинде е Иисусес ашал о юдейско Приготвително диес; сокето о мимори сине паше.

Chapter 20

¹Ко първо диес е куркеске и Мария Магдалина али ко мимори андиавин, жи кай сине още тъмно, тай диклас, кай о бар си ваздиме таро мимори. ²Далкеске прастанили тай али ко Симон Петър тай околе ученикисте, колес дехелас о Иисус, тай пенгяс ленге: Ваздинде е Девлес таро мимори тай нана жанас кате положинде Лес. ³Тай чука, о Петрес тай окова ученики иклиле тай геле карик о мимори; ⁴О дуида прастанас заедно, но окова ученики изпреварингяс е Петрес тай ресло първо ко мимори. ⁵Тай като надникнингяс, диклас о плащаницес товде, но нана диняс андре. ⁶Палал лесте ало о Симон Петър тай диняс андо мимори; диклас о плащаницес товде, ⁷а и кърпа, която сине Лескере шересте, насине товди е плащаниценца, а свиииме отделноне танесте. ⁸Тогава диняс окова ученики, ковато първо ресло ко мимори; тай диклас, тай повервингяс. ⁹Соскето още нана ахалилесас о Писание, кай Ов требаше те възкресниел таро муле. ¹⁰Тай чука, о ученикия ирисали пак пуменде. ¹¹А и Мария бешелас жи ко мимори аври тай ровелас; тай чука, като ровелас, надникнингяс андо мимори, ¹²тай диклас дуие ангелен парне шхиенде, бешле оте, кате пашлолас е Иисусекоро телос, иек карик о шеро тай иек карик о пире. ¹³Тай он пленен лаке: Ромние, соске ровес? Пенел ленге: Соскето ваздинде мере Девлес тай нана жанав кате положинде Лес. ¹⁴Като пенгяс давка, ой ирисали напапале тай диклас е Иисусес, кай бешел, но нана пенджаргяс, кай сине о Иисус. ¹⁵Пенел лаке о Иисус: Ромние, соске ровес? Кас родес? Ой, като мислинелас, кай си о градинари, пенел Леске: Господине, ако ту изнесинтян Лес, пен манг кате положинян Лес, тай ме ка ваздав Лес. ¹⁶Пенел лаке о Иисус: Марийо! Ой ирисали тай пенгяс Леске на еврейски: Равуни! Ковато значинел: Учителю! ¹⁷Пенел лаке о Иисус: Ма допирине тут жи Манде, соскето още нана възнесисалом ко Отца; но жа Ме праленде тай пен ленге: Възнесинаман Мере Отециесте тай тумаро Отеци, Мере Девлесте тай тумаро Дел. ¹⁸И Мария Магдалина али тай известингяс е ученикиенге, кай диклас е Девлес тай кай Ов пенгяс лаке давка. ¹⁹А ки ират ко също диес, о първо е куркеско, като о вудар е стаяжо, кате сине о ученикия, сине заключиме, ашал и дар таро юдея, о Иисус ало, зачило ко машкар, тай пенгяс ленге: Мир вам! ²⁰Тай като пенгяс давка, покажингяс ленге Пе васта тай Пе ребра. Тай лошанде о ученикия, като дикле е Девлес. ²¹Тай о Иисус пак пенгяс ленге: Мир вам! Сарто о Отец бичалгяс Ман, чука Меда бичалав тумен. ²²Тай като пенгяс давка, пудингяс упрад ленде тай пенгяс ленге: Приеминен о Свято Духос. ²³Каске простилен о безеха, простииме си ленге, коленге задържинен, задържиме си. ²⁴А о Тома, иек таро дешудуи, наречиме Близнак, нана сине ленца, като ало о Иисус. ²⁵Далкеске около ученикия пенде леске: Диклам е Девлес. А ов пенгяс ленге: Ако нана дикав ко васта Леске о ранес таро гвоздея тай нана товав мо най ко ранес таро гвоздея, тай нана товав мо вас ко ребра Леске, нанай те верувинав. ²⁶Тай палал о охто диес Лескере ученикия пак сине андре, тай о Тома ленца. А о Иисус ало, като сине заключиме о вудар, зачило машкар ленде тай пенгяс: Мир вам! ²⁷Тогава пенгяс е Томаске: Де то най ате тай дик Ме васта, тай де то вас тай тов лес Ме ребросте; тай ма ов невярващо, а вярващо. ²⁸О Тома в отговор пенгяс Леске: Господ моро тай Дел моро! ²⁹О Иисус пенгяс леске: Понеже диклан Ман (Тома), ту повервингян, блажена колка, колато, без те дикен, повервинде. ³⁰А о Иисус кергяс англал о ученикия още бут авер знамения, колато нанай запишими калке книгате. ³¹А калка си пишими, за те повервинен, кай о Иисус си о Помазаници, о Божие Чаво, тай като верувинен, те овел тумен животос анде Лескере алавесте.

Chapter 21

¹Палал далкесте о Исус пак явисало е ученикиенге ко Тивериадско езерос; тай аке сар явисало ленге: ²оте сине заедно о Симон Петър, о Тома, наречиме Близнак, о Натанаил тари Кана Галилейска, о Зеведеева Чаве тай авер дуи таро ученикия Леске. ³О Симон Петър пенгяс ленге: жав те долав мачен. Пенен леске: Ка авас амеда туса. Иклиле тай чивте пес анди ладия; тай презал колке ракяте нана долде нищо. ⁴А като дислолас вече, о Исус зачило ко брегос; о ученикия обаче нана пенджарде, кай си о Исус. ⁵О Исус пенгяс ленге: Чавален, иси ли тумен маче? Отговоринде Леске: Нанай амен. ⁶А Ов пенгяс ленге: Чивен и мрежа тари десно рик е ладияке тай ка аракен. Тай он чивте; тай вече нанащине циден ла ашал о бут маче. ⁷Тогава ковка ученики, колес дехелас о Исус, пенел е Петреске: О Дел си. А о Симон Петър, като шунгяс, кай сине о Дел, ургяс по връхно шехи (сокето сине нанго) тай чивкяс пес андо езерос. ⁸А около ученикия але анди ладия(сокето нана сине дуре тари суша, на около дуи шел лактес)тай влачиненас и мрежа е маченца. ⁹Тай като иклиле ки суша, дикле оте жарави тай маче товде лесте, тай маро. ¹⁰О Исус пенгяс ленге: Анен таро маче, колато акана долгиен. ¹¹О Симон Петър качисало анди ладия, тай цидингяс и мрежа ки суша, перди едроне маченца, на бройшелупинда тай трин; тай кай сине дики, и мрежа нана чиндили. ¹²О Исус пенгяс ленге: Елан те закусинен. (Тай никой таро ученикия нана смеинелас те пучел Лес: Ту Кова синян? Понеже жаненас кай си о Дел.) ¹³Ало о Исус, лилас о маро тай диняс лен, също о мачо да. ¹⁴Давка сине вече о трето дром, като о Исус явисало е ученикиенге, след като възкръснингяс таро муле. ¹⁵А като позакусинде, о Исус пенел на Симон Петър: Симоне Йонов, дехес ли Ман по бут отколкото дехен Ман калка? Пенел Леске: Ва, Девла, ту жанес, кай дехав Тут. Ов пенел леске: Пасине Ме бакрен. ¹⁶Пак пенел леске второ дром: Симоне Йонов, дехес ли Ман? Пенел Леске: Ва, Девла, Ту жанес, кай дехав Тут. Ов пенел леске: Пасине Ме овчен. ¹⁷Пенел леске трето дром: Симоне Йонов, дехес ли Ман? О Петрес наскърбисало, сокето трето дром пенел леске: Дехес ли Ман? Тай пенгяс Леске: Девла, Ту всичко жанес; Ту жанес, кай дехав Тут. О Исус пенел леске: Пасине Ме овчен. ¹⁸Истина, истина пенав тухе: като улан по-терно, ту коркоро опасвинесас тут тай пиресас, кате мангесас; но като ка пурис, ка простринес те васта тай авер ка опасвинел тут, тай ка ингалел тут, кате нана мангес. ¹⁹А давка пенгяс, като делас те ахалол пес саве мерибнастар о Петрес ка прославинелас е Девлес. Тай като пенгяс давка, пенгяс леске: Пир палал Манде. ²⁰О Петрес, като ирисало, диклас, кай авел палал ленде о ученики, колес дехелас о Исус, ковка, ковато ки вечеря ирисало карак Лесте тай пучлас: Девла, кова си давка, ковато ка предел Тут? ²¹Лес като диклас, о Петрес пенгяс е Исусеске: Девла, а калкеске со ка ачол? ²²О Исус пенгяс леске: Ако мангав те ачол ов, жи кай авав, тухе со си? Ту пир палал Манде. ²³Тай чука, разнесисали машкар о прала дайка дума, кай кавка ученики нанай те мерел. О Исус обаче нана пенгяс леске, кай нанай те мерел, но: Ако мангав те ачол ов, жи кай авав, тухе со си? ²⁴Кавка си о ученики, ковато свидетелствинел калке букиенге, ковато пишингяс да далка бука; тай жанас, кай лескоро свидетелство си истинно. ²⁵Иси още бут авер дела, колато кергяс о Исус; но ако пишиненас пес иек по иек, струвинел пес манге, кай цело светос нанай те кидел о пишинас книгес. (Амин.)

Acts

Chapter 1

¹И първо повест пишиниом, о, Теофиле, за всичко, ковато о Исус керелас тай учинелас, от сар почнингяс ²жи ко диес, като възнесисало, след като диняс чрез о Святи Дух заповедя е апостолен, колен избирингясас; ³коленге представингяс Пес живдо палал Пе страданиесте буте верноне доказателствоненца, като явинелас пес ленге през саранда диеса тай хоратинелас ленге за о Божие тагарипе. ⁴Тай като киделас пес ленца, пенгяс ленге тена напуснинен о Ерусалим, но те жарен о обещано таро Отца, за колеске, пенгяс Ов, шунгииен Мандар. ⁵Сокето о Йоан кръстинелас паниеса, а туме ка овен кръстиме е Святона Духоса не след бут диеса. ⁶Тай чука, иеквар, като кидисале, он пучле Лес, тай пенде: Господи, акана ли ка иринес о тагарипе е Израилеско? ⁷А Ов пенгяс ленге. Нанай туменге те жанен бреша или времена, колато о Отец положингяс Пе Собственоне властиите; ⁸но ка приеминен сила, като ка авел упраздни туменде о Свято Духос, тай ка овен свидетеля за Манге сарто андо Йерусалим, чука анди цело Юдея тай Самария, тай жи ко крайос е пувякоро. ⁹Тай като пенгяс давка, тай он дикенас Лес, Ов

възнесисало, тай облаки приемингяс Лес таро погледя ленге.¹⁰Тай като дикенас карик о небес, като възлизинелас, аке дуи мануша парне шехиенца зачиле паш ленде,¹¹колато пенде да: Галилеяни, соске бешен тай дикен карик о небес? Кавка Иисус, Ковато възнесисало тумендар ко небес, чука ка авел, сарто диклен Лес те жал ко небес.¹²Тогава ирисале андо Йерусалим таро хълми, наречиме Елеонски, ковато си паше жи ко Йерусалим, на разстояние иек съботно дис дром.¹³Тай като дине андо градос, качисале ки упруни стая, кате живиненас, о Петър тай Йоан, о Яков тай о Андрей, о Филип тай о Тома, о Вартоломей тай о Матей, о Яков Алфеев тай о Симон Зилот, тай о Юда Яковов.¹⁴Саворе калка единодушно сине в постоянно молитва (тай моление) десаве ромниенца тай и Мария, и дай е Иисусескири, тай Лескере праленца.¹⁵Презал калке дисенде о Петър ухтинило машкар о прала(а сине кидиме множество, около шел тай биш жене) тай пенгяс:¹⁶Пralalen, требавше те изпълнингиол о пишиме, ковато о Свято Духос предскажингяс чрез о Давидово мui за Юда, ковато ачило водители калкенге, колато долде е Иисусес.¹⁷Соскето ов числиналас пес машкар аменде тай получингиас дяли анде далке служениесте.¹⁸Тай чука ов придобингяс нива тари заплата пере неправдатар; тай като пело пе мосте, парило ко машкар тай лескере саворе поря чордиле.¹⁹Тай давка ачило известно саворе йерусалимсконе жителенге, чука че дайка нива наименувисали ленгере чибате Акелдама, демек Кръвно нива.²⁰Соскето си пишиме анди книга е Псалменге: "Лескоро жилище те пустонел тай тена овел кой те живинел лесте"; тай : "Авер нека те лел мо чинос."²¹Тай чука, таро мануша, колато дружиненас аменца презало саворо време, като о Господ Иисус делас тай иклолас машкар аменде,²²като почнингяс таро време, като о Йоан кръстинелас, тай следвинел жи ко дис, като възнесисало амендар, иек лендар требва те ачол свидетели аменца ко възкресение Леске.²³Тай чука, поставинде дуиен: О Йосиф, наречиме Варсава, колескоро презиме сине Юст, тай о Матия.²⁴Тай молинде пес тай пенде: Ту, Господи, сърцевидецо саворенге, покажине колкес таро калка о дуи, колес избирингян²⁵те лел о тан анде калке служениесте тай апостолство, колестар отстъпнгяс о Юдас, за те жал пере танесте.²⁶Тай чивте жребий за ленге тай о жребий пело ко Матия; тай ов сине причисли ме карик о дешуиек апостола.

Chapter 2

¹Тай като ачило о диес на Петдесетница, он саворе сине иеке танесте. ²Тай внезапно ачило шуми таро небес, сар о фучиба е силноне балвалакоро, тай изгълнингяс о цело кер, кате бешенас. ³Тай явисале ленге чиба сар ятакере, колато разделиненас пес, тай бешло по иек секой лендар. ⁴Тай он саворе изгълнисале е Святона Духоса тай почнинде те хоратинен чужда чиба, според сарто о Духос делас лен способност те хоратинен. ⁵А тогава андо Йерусалим прибивиненас юдея, благочестива мануша, всеконе народостар телал о небес. ⁶Тай като шундило давка шуми, иек навалица кидисали; тай смутисале, соксето секо иек шунелас лен те хоратинен лескири чиб. ⁷Тай саворе смаиме тай зачудиме, пененас песке: Аке, саворе калка, колато хоратинен, нанай ли галилеяния? ⁸Тогава сар шунас лен те хоратинен секой амари собственно чиб, анде колате синям бянде? ⁹Партияния, мидятия тай еламития, тай жителя тари Месопотамия, тари Юдея тай Кападокия, Понт тай Азия*, ¹⁰Фригия тай Памфилия, таро Египет тай колка страни тари Ливия, колато граничинен с Кириней, тай посетителя таро Рим - тай юдея, тай о прозелити, ¹¹критияния тай арабия, шунас лен те хоратинен амаре чиба е великоне Божие деловиенг. ¹²Тай он саворе смаисале тай андо недоумение пученас пес иек аврес: Со значинел давка? ¹³А авер асанас ленге, тай пененас: Он макярде пес гудле моласа. ¹⁴А о Петър, като изправисало е дешуиекенца, ваздингяс по гласос тай захоратингяс ленге тай пенягяс: Юдея тай туме саворе, колато живинен андо Йерусалим, нека ачол туменге знайно давка, тай внимавинен мере думенде. ¹⁵Соксето калка нанай мате, сарто туме мислинен, понеже си едва о трето сахати е диесескоро; ¹⁶но давка си пендо чрез о пророки о Йоил: ¹⁷" Тай ко последна диеса, пенел о Дел, ка излеинав Ме Духостар всеконе тварате; тай тумаре чаве тай тумаре чая ка пророкувинен, тумаре юношия ка дикен видения; тай тумаре пуре ка сънувинен суне. ¹⁸Още пе слугенге да, тай Пе слутинене ка излеинав Ме Духостар анде колке диесенде, тай ка пророкувинен. ¹⁹Тай ка ирингиол тъмнинате тай и луна ратесте, англал те авел о велико тай бележито диес Господно. ²⁰о Кам ка всекой, ковато призовинел е алаб е Девлескоро, ка спасинел пес". ²¹Израиляня, шунен калка думес: о Исусес о Назарет, засвидетелствиме машкар туменде таро Дел чрез мощна дела, чудеса, тай знамения, колато о Дел кергяс чрез Лесте машкар туменде, сарто туме коркоре жанен, ²³Лес, предиме според и определено воля е Девлескири тай предузнание, туме разпнингиен тай мударгиен чрез о вас е беззаконниенгоро; ²⁴Като о Дел възкресингяс, като развържингяс о дука е мерибнаскере, понеже на сине възможно те овел долдо Ов латар. ²⁵Соксето о Давид пенел за Леске: " Винаги товав е Девлес англал манде; понеже Ов си отдясно манг, ме нанай те поклатинаман; ²⁶далкеске лошанел мо сърцес, тай развеселисали ми душа, а още ми плът ка простоявинел анди надежда; ²⁷соксето нанай те мукас ми душа андо шеол, нито ка допуснинес Торо Свято Чавоте дикел изтление. ²⁸Ка сикавес манг о дром е животоскоро; Торо присъствиесте Иси пердо веселба." ²⁹Пralален, ащи те пенав туменге свободно за е патриархиеске о Давид, кай муло, тай сине пароме, тай лескоро мимори си аменде жи калке диесесте. ³⁰Тай чука, понеже сине пророки тай жанелас, кай о Дел совеля са обещисало леске, кай лесекере потомциендар по плът ка ваздел Христа, Лес те поставинел ко престоли Леске, ³¹ов предвидинелас давка, хоратинел е възкресениеске на Христа, кай Ов нито сине мукло андо ади, нито Лескири плът диклас изтление. ³²Калке Исусес о Дел възкресингяс, колеске аме саворе синям свидетеля. ³³Тай чука, като възвисисало жи ки Божия десница, тай лилас таро Отца о обещано Свято Духос, Ов излеингяс давка, ковато туме дикен тай шунен. ³⁴Соксето о Давид нана възнесисало андо небеса; но коркоро ов пенел: ' Пенягяс о Дел мере Девлеске: Беш отдясно Манг, ³⁵жи кай положинав Те враговиен Тере подношиесте". ³⁶Тай чука, нека жанел лачес цело Израилово кер, кай кавка Исус, Колес туме разпнингиен, Лес о Дел кергяс Дел, тай Христос. ³⁷Като шунде давка, он, ужилиме ан пе сърценде, пенде е Петреске тай околе апостоленге: Со те керас, пралален? ³⁸А о Петрес пенягяс ленге: Покайнен тумен тай секой тумендар нека кръстинел пес андо алаб Исус Христово за те простиен пес тумаре безеха; тай ка приеминен кавка дари, о Свято Духос. ³⁹Соксето туменге си о обещание тай тумаре чадовиенге, тай саворе далечноненге, кити о Дел, амаро Дел ка призовинел паш Песте. ⁴⁰Тай буте авре думенца заявинелас тай увешинелас лен, тай пенелас: Избавинен тумен далке извратеноне поколениестар. ⁴¹Тай чука, калка, колато приеминде о поучение лескоро, кръстинде пес; тай ко също диес прибависале около трин хиляда жене. ⁴²Тай он постоянноиненас андо поучение е апостоленгоро, андо общение, андо преломяване е мареске тай андо молитвес. ⁴³Тай дар долгяс всеконе душа; тай буте чудеса тай знамения ачонас чрез о апостола. ⁴⁴Тай саворе вярваща сине заедно, тай сине лен всичко общо; ⁴⁵тай бикненас и стока тай по имоти, тах разделиненас о парес саворенге, според и нужда секаске. ⁴⁶Тай секо диес прекарвиненас единодушно андо храми тай

Chapter 2

пагенас маро пе керенде, тай приеминенас хабе лошаляса тай простосърдечиеса,⁴⁷ като хвалиненас е Девлес, тай печелиненас о благоволение саворе народоске. А о Дел секо дие^s прибавинелас карик ленде, колкен колато спасиненас пес.

Chapter 3

¹Иек диес, като о Петър тай о Йоан жанас андо храми ко девето сахати, о сахати е молитваке,²десаве пиравенас иеке манушес, куцо пе биянибнастар. лес товенас секо диес ко чука наречиме Красно вудар е храмиеске, те просинел милостиния колкендар, колато денас андо храми.³Ов, като диклас е Петрес тай е Йоанес, като ка денас андо храми, попросингяс те ден лес милостиния.⁴А о Петрес заедно е Йоанеса задиклас пес анде лесте тай пенгяс: Дик амен. ⁵Тай ов задиклас пес анде ленде, като жарелас те получинел варесо лендар. ⁶Но о Петър пенгяс: Среброс тай златос ман нанай ман; но со иси ман, давка дав тут: андо алав на Иисуса Христа о Назаряни,(ухти тай пир.)⁷Тай като долгяс лес таро десно вас, ваздингяс лес; тай ко сахати о пире тай о глезеня лескере добинде сила. ⁸Тай ов, като хърпингяс, изправисало тай запиргяс; тай диняс ленца андо храми, тай пирелас тай хърпинелас, тай славинелас е Девлес.⁹Тай саворе люде дикле лес те пирел тай те славинел е Девле,¹⁰тай пенджарде лес, кай сине о също, ковато бешелас милостиняке ко Красно вудар е храмиеске; тай пердиле учудибнаса тай с удивление далкеске, со ачилосас леса.¹¹Тай понеже о изцелиме куцо мануш долелас пес ко Петър тай ко Йоан, он саворе люде смаиме стечинде пес паш ленде андо чука наречиме Соломоново притвори.¹²А о Петър, като диклас давка, захоратингяс е народоске : Израиляни, соске чудинен тумен калке манушеске? или соске задикен тумен анде аменде, все едно амаре силатар или благочестиестар кергям лес те пирел?¹³О Дел Авраамово, Исаково, тай Яковово, о Дел амаре даденгоро, прославингяс пере чавес Иисусес, Колес туме прединиен тай Колестар отречисален англал о Пилат, като ов решингясас те мукел Лес.¹⁴Но туме отречисален таро Свято тай Праведно тай като мантлен те мукел туменге иеке убийцос,¹⁵мударгиен е Начинателиес е животоскоро. Но о Дел възкресингяс Лес таро муле, за колеске аме синям свидетеля.¹⁶Тай ко основание ки вяра андо алав Леске, Лескоро алав укрепингяс калкес, колес дикен тай пенджарен. Ва! Кайка вяра, която си чрез Лесте, диняс лес англал саворенде туменде давка съвършено састипе.¹⁷Тай акана, пралален, ме жанав, кай туме, сарто о началника тумаре, кергиен давка таро незнание;¹⁸но о Дел далке начиниеса изпълнингяс давка, ковато предизвестингясас чрез о муха саворе пророкиенгере, кай Лескоро Помазаники ка пострадинел.¹⁹Далкеске покайнен тумен тай иринен тумен, за те заличингион тумаре безеха, тай те авен освежителна времена таро муй е Девлеске²⁰тай Ов те бичалел туменге о определено туменге Иисус Христос,²¹Колес требе те приеминен о небеса жи ко време, като ка възстановингиол всичко, за колеске хоратингяс о Дел таро векос чрез о муха Пе святое Пророкиенгере.²²Соскето о Мойсей пенгяс: "Господ Бог ка въздигнинел тумен тумаре пралендар Пророки, сарто въздигнингяс ман; Лес шунен в всичко, со ка пенел туменге; ²³тай секо душа, която нанай те шунел калке Пророкиес, ка овел изтребиме таро люде".²⁴Тай саворе пророкя таро Самуил тай нате, кити хоратинде, тай он известинде калке диесенге. ²⁵Туме синиен потомция е пророкиенгере тай наследникя е заветиескере, ковато о Дел кергяс амаре даденца, като пенгяс е Авраамеске: " Анде тере потомствосте ка благословинен пес саворе пувякере племена."²⁶О Дел ,като възкресиягс Пере Чавес ,първо жи туменде бичалгяс Лес, за те благословинел тумен, като иринел секас тумандар таро нечистие тумаро.

Chapter 4

¹Тай като он още хоратиненас е люденге, о свещеника тай о началники е храмиескере стражакоро, тай о садукея але паш ленде, ²възмутиме, далкеске кай он поучинен е народос тай проповединен, андо алав е Иусескесе, о възкресение таро муле. ³Тай чука, товде васта упраш ленде тай поставинде лен телал стражате за ко следващо диес, сокето вече сине ират. ⁴А мнозина колкендар, колато шунде о словос, повервинде; тай о число е повярвалоне мрушенгоро ресло жи ко панч хиляда. ⁵Тай ко следващо диес кидисале андо Йерусалим о началниния ленгере, о старейшинес тай о книжникя; ⁶тай о първосвещеници о Анна, тай о Каяфа, о Йоан, о Александър тай саворе, колато сине таро първосвещеническо роди. ⁷Тай като поставинде е Петрес тай е Йоанес ко машкар, пученас лен: Саве силаса, или анде коле алавесте кергиен давка? ⁸Тогава о Петрес, изпълниме Святоне Духоса, пенгяс ленге: Началниия е народоскере тай старейшинес, ⁹ако изпитвинен амен авдиес иеке благодеяниеске, кердо немощноте манушеске, чрез состе ов сине изцелиме, ¹⁰те жанен саворе туме тай саворе Израилева народос, кай чрез о алав на Иус Христос о Назаряни, Колес туме разпнингиен, Колес о Дел възкресингяс таро муле, чрез далке алавесте кавка мануш тергиол англал туменде здраво. ¹¹Ов си о бар, ковато туме о зидаря презрингиен, ковато ачило шеро е ъгълескоро. ¹²Тай чрез никасте авресте нанай спасение; сокето нанай телал о небес авер алав, дадено машкар о мануша, чрез колесте требе те спасинас амен. ¹³А он, като дикенас и дързост е Петрескири тай е Йоанескири тай забележиндесас вече, кай си неграмотна тай неучена мануша, чудиненас пес; тай пенджарде, кай сине е Иусеса. ¹⁴А като дикле е изцелиме манушес, бешло ленца, нанаяс со възразинен. ¹⁵Далкеске, като заповединде ленге те иклон аври таро синедриони, съвешиненас пес машкар песте, тай пененас: ¹⁶Со те керас калке манушенге, сокето саворе ерусалимсконе жителенге си известно, кай бележито знамение ачило чрез ленде; тай нанащи опровергинас лен. ¹⁷Но за тена разнесинел пес повече машкар о люде, нека заплашинас лен, за тена хоратинен вече никакске анде далке алавесте. ¹⁸Тай чука, он викинде лен тай заръчинде ленге тена хоратинен нисар, нито те поучинен андо Иусово алав. ¹⁹А о Петрес тай о Йоанес в отговор пенде ленге: Право ли си англал о Дел те шунас тумен, а ма е Девлес, разсъдинен; ²⁰сокето аме нанащи тена хоратинас давка, ковато диклам тай шунгям. ²¹А он, Като заплашинде лен отново, мукле лен, понеже нана жаненас сар те накажинен лен заради е люденге; сокето саворе славиненас е Девлес за далкеске со ачило. ²²Сокето о мануш, упраш колесте извършисало давка изцелително знамение, сине по бут таро саранда бреша. ²³Тай като мукле лен, он але паш перенде, тай известинде всичко, ковато пенде ленге о главна свещеника тай о старейшинес. ²⁴А он, като шунде, издигнинде единодушно гласос карик о Дел тай пенде: Владико, Ту синян Дел, Ковато кергян о небес, и пув о морес тай всичко, ковато си анде ленде, ²⁵Ту чрез о Свято Духос, чрез о муй Те слугаскоро, амаро дад о Давид, пенгян: "Соске разяринен пес о народос тай о племена намислинен суети?" ²⁶Опълчвинен пес е пувякере тагара тай о управника наговоринен пес заедно против о Дел тай против Лескере Помазаникиесте." ²⁷Сокето наистина о Ирод да, о Понтийски Пилат да, е езичнициенца тай о Израилева люде, кидисале калке градосте против Тере светоне Торо Свято Чаво о Иус, Колес помажингян, ²⁸за те извършинен всичко, ковато Торо вас тай Тери воля определинде те ачол. ²⁹Тай акана, Девла, дик ленгере заплашваня тай де Тере слуген те хоратинен Торо словос тай перди дързост, ³⁰жи кай Ту простринес То вас те изцелинес тай те ачон знамения тай чудеса чрез о алав Тере свято Торо Свято Чаво Иус. ³¹Тай като молисале, потресингяс пес о тан, кате уле кидиме; тай саворе изгълнисале е Святоне Духоса тай с дързост хоратиненас е Девлескоро словос. ³²А о множество е повярвалоненгоро исине иек сърцес тай душа; тай ни иек лендар нана пенелас, кай варесо таро имоти леске си лескоро, но всичко сине ленге общо. ³³Тай о апостола баре силаса свидетелствинде за е възкресениеске е Девлескоро о Иус; тай бари благодат почивинелас упраш ленде саворенде. ³⁴А тай никой лендар нана уло андо лищение; сокето саворе, колато сине стопания нивенге или керенге, бикненас лен тай аненас и цена е бикиндескири, ³⁵тай товенас ла ко пире е апостоленге; тай раззделас пес саворенге според кити сине лен нужда. ³⁶Чука о Йосиф, наречиме таро апостола Варнава (ковато значинел 'Чавоне увещениескоро'), левит, родом Кипар, ³⁷като исинелес пув, бикингяс ла, ангяс о парес тай тогяс лен ко пире е апостоленге.

Chapter 5

¹А десаво си мануш ко алав Анания, пе ромняса и Сапфира, бикингяс имоти ²тай задържингяс варесо тари цена пе ромнякере знаниеса; тай ангяс иек част, тай товгяс ла англал о пире е апостоленге.³ А о Петрес пенгяс: Анание, соске изпълнингяс о Сатана то сърцес, тай те хохавес е Святоне Духос тай те задържинес тари цена е нивакири? ⁴Жи кай бешелас небикинди, нана сине ли тери? Тай след като бикиндили, нана сине ли о парес анде тере властиите? Соске намислингян давка варесо ан те сърцесте? Нана хохагян манушен, но е Девлес. ⁵Тай о Анания, като шунелас далка думес, пело тай издъхнингяс; тай бари дар долгяс саворен, колато шунде давка. ⁶Тай о младежия ухтиниле, пакярде лес тай икалде лес, тай паронде лес.⁷ Так като накле около трин сахакя, диняс лескири ромни да, без те жанел со ачило. ⁸Тай о Петрес захоратингяс лаке: Пен манг, за зомкар ли бикингиен и нива? Тай ой пенгяс: За зомкар.⁹ А о Петрес пенгяс лаке: Соске съгласисален те изпитвинен е Девлеско Духос? Аке, о пире калкенгере, колато паронде те ромес, си ко вудар, тай ка изнесинен тут да. ¹⁰Тай ой ко сахати пели ко пире леске тай мули; а о младежия, като дине, аракле ла мули, изнесинде ла тай паронде ла жи лакере роместе. ¹¹Тай бари дар обземингяс целоне кангеря тай саворен, колато шунде давка. ¹²Тай чрез о васта е апостоленгере ачонас бут знамения тай чудеса машкар о люде (тай он саворе уле единодушно андо Соломоново трени;¹³ а оклондар никой на смейнелас те присъединил пес карик ленде; о люде обаче величайненас лен; ¹⁴тай още по-баро множество повярвала андо Дел мруша тай жувля прибависале), ¹⁵чуга че даже изнесиненас е наставен таро улицес тай товенас лен ко постелкес тай то тана, тай, като накелас о Петрес, поне лескири сянка те засегнинел декас лендар. ¹⁶Киделас пес още множество таро градовя около о Йерусалим тай пиравенас наставен тай измъчвименен таро нечиста духовя; тай саворе изцелиненас пес.¹⁷ Тогава ухтиниле о първосвещеници тай саворе, колато уле леса, съставляваща и садукеиско секта, тай, изпълниме със завист,¹⁸ товде васта упрали о апостола тай положинде лен ки общо тъмница.¹⁹ Ама ангели таро Дел машкар и рат путергяс о вудар е тъмницакоро, икалтяс лен тай пенгяс:²⁰ Жан, зачон андо храми тай хоратинен е люденге саворе думес калке животоскере.²¹ Он, като шунде давка, ки андиавин дине андо храми тай поучиненас. А о първосвещеници ало колкенца, колато уле леса, тай като свикинде о синедриони тай цело старейшинство е израиленгоро, бичалде анди тъмница те анен е апостолен.²² Но о служителя, като геле, нана аракле лен анди тъмница; тай ирисале, тай известинде, тай пенде:²³ И тъмница араклам заключиме търде здраво тай о стражаря, кате бешенас ко вудар; ама като путергям, нана араклам никак андре.²⁴ А о началники е храмовингере стражакере тай о главна свещеника, като шунде далка думес, уле в недоумение тай чудиненас пес со ка следвинел далkestар.²⁵ Ама але декой си тай известингяс ленге: Аке, о мануша, колен чикям анди тъмница, бешен андо храми тай поучинен е люден.²⁶ Тогава гело о началники е служителенца тай ангяс лен, обаче без насилие; соскето даранас таро люде, тена замервинен лен баренца.²⁷ Тай като анде лен, поставинде лен англал о синедриони; тай о първосвещеници пучлас лен:²⁸ Строго забранигям туменге те поучинен анде далке алавесте; но аке, пергиен о Йерусалим тумаре учениеса тай възнамеринен те анен упрали аменде о рат Калке Манушеско.²⁹ А о Петрес тай о апостола в отговор пенде: Подобинел те покоринас амен е Девлеске, а ма е манушенг.³⁰ О Дел амаре даденгоро възкресингяс е Исусес, Колес туме мударгиен, като повесингиен Лес ко каш.³¹ Лес о Дел възвисингяс жи Пе десницата Началнициеске тай Спасителеске, те дел покаяние е Израилес о опрощение таро безеха.³² Тай аме синям Лескере свидетеля далке букиенге, сарто си о Свято Духос, Колес о Дел диняс колкенге, колато покоринен пес Леске.³³ А он, като шунде давка, чинионас холатар, тай възнамериненас те мударен лен.³⁴ Ама иек фарисей ко алав Гамалиил, законоучители, почитиме саворе людендар, изправисало андо синедриони тай заповедингяс те икален аври е апостолен за хари време;³⁵ тай пенгяс е събориеске: Израиляния, внимавайнен лачес со ка керен калке манушенг.³⁶ Соскето ко предишна диеса въстанингяс о Тевда тай представинелас пес баре манушеске, карик колесте присъединисале около штаршел мруша на брой; ковато сине мудардо, тай саворе, колато покориненас пес леске, разпилисале тай изчезнинде.³⁷ Палал лесте въстанингяс о галилеяни о Юда, презал о време е запишимаске, тай отвлечингяс палал песте десавен таро люде; ов да загинингяс, тай саворе, колато покориненас пес леске, разпръснисале.³⁸ Тай акана пенав туменге, циден тумен далке манушендар тай мукен лен; соскето, ако давка намерение или давка делос си манушендар, ка повалинел пес;³⁹ но ако си таро Дел, нанай те ащи те повалинен лес. Пазинен тумен тена аракен тумен богопротивнишка.⁴⁰ Тай он шунде лес; тай като викинде е апостолен, марде лен тай заръчинде ленге тена хоратинен андо Исусево алав, тай мукле лен.⁴¹ А он геле песке таро синедриони възрадвиме, за далкеске кай удостоинде пес те

претърпинен опозоряване за е Иисусескоро алав.⁴²Тай нито иек диес нана престаниненас те учинен тай те благовестинен, тай андо храми, тай пе керенде, кай о Иисусес си о Христос.

Chapter 6

¹А презал калке диесенде, като умножиненас пес о ученикия, възникнингяс ропоти таро гръцка юдея против о еврейска, за далкеске андо всекидневно раздаване е потребностиене ленгере вдовицес уле пренебрегнime.²Тогава о дешудуи свикинде саворе ученикиен тай пенде: Нанай лачес аме те мукас о Боже словос тай те прислужвинас ко софрес. ³Тай чука, пралален, избиринен машкар туменде ефта жене одобриме характериеса, изпълниме е Девескере Духоса тай с мъдрост, колес те поставинас калка нуждес.

⁴А аме ка постоянствинас анди молитва тай андо служение е словоскоро.⁵Тай давка предложение харешингяс целоне множествоске; тай избиринде е Стефанес - мруш, пердо вяраса тай Святоне Духоса, тай о Филип, о Прохор, о Никанор, о Тимон, о Пармена тай Николай, прозелити тари Антиохия .⁶Лен поставинде англал о апостоля; тай он, като молинде, пес положинде васта ленде.⁷Тай о Божие учение бариолас, тай о число е ученикиенгоро андо Йерусалим умножингиолас твърде бут; тай баро множество таро свещеникия подчиненас пес е вяраке.⁸А о Стефанес, пердо с благодат тай сила, керелас баре чудеса тай знамения машкар о народос .⁹Тогава десаве тари синагога, наречиме Синагога е либертиенциенгири тай таро киринейция тай о алекандрийся, тай десаве тари Киликия тай Азия, ваздинде пес тай спориненас е Стефанеса.¹⁰Но нанащине устоинен мамуял и мъдрост тай о Духос, коленца хоратинелас.¹¹Тогава сикавде манушен те пенен: Шунгям лес те хоратинел хулна думес против о Мойсей тай против о Дел.¹²Тай подбудинде е народос , е старейшинен тай е книжникиен, тай като налетинде упраш лесте, долде лес тай анде лес ко синедриони,¹³кате поставинде хохавне свидетелен, колато пенде: Кавка мануш непрестанно хоратинел думес против кавка свято тан тай против о закони;¹⁴сокето шунгям лес те пенел, кай кавка Исус Назарянини ка разрушинел кавка тан тай ка изменинел о обредя колато о Мойсей прединяс аменге.¹⁵Тай саворе, колато бешенас ко синедриони, като задикле пес анде лесте, дикле лескоро муи, кай сине сар муи ангелескоро.

Chapter 7

¹Тогава о първосвещеници пеняся: Чука ли си давка? ²А ов пенгяс: Прала тай дада, шунен: О Дел е славакоро явисало амаре Отцаске е Авраамеске, като уло анди Месопотамия, англал те заселенел пес андо Харан, тай пенгяс лескесе: ³Икли таро отчество торо тай те родиестар тай ела ки пув, която за сикавав туке.⁴Тогава ов иклило тари Халдейско пув тай заселисало андо Харан. Тай отар, палал о мериба лескере дадескоро, о Дел преселингяс лес калке пувяте, колате туме акана живинен. ⁵Тай нана диняс лес наследство анде лате ни кити иек стъпка таро пире, а обещингяс те дел ла за притежание лескесе тай лескере потомствоске палал лесте, жи кай лес още нана сине чадос. ⁶Тай о Дел хоратингяс лескесе в смисъл, кай лескере потомция ка овенас преселиме чуждоне пувяте, кате ка поробиненас лен тай ка притесниненас лен штаршел бреш. ⁷Но Ме, пенгяс о Дел, ка съдинав е народос, колеске ка робувинен; тай палал далкесте ка иклон тай ка служинен Манге калке танесте. ⁸Тай диняс лес в завет о обрязване; тай чука о Авраам бянгяс Исаак, тай обрежингяс лес ко охто диес, о Исаак бянгяс Яков, а о Яков - дешудуи патриарсия.⁹А о патриарсия завидинде е Йосифиеске тай бикинде лес андо Египет; о Дел обаче сине леса ¹⁰тай избавингяс лес таро саворе беди лескере, тай диняс лес благоволение тай мъдрост англал о египетско тагар - Фараон, ковато поставингяс лес управители упрат о Египет тай упрат пе целоне кересте. ¹¹Тай или бок ки цело Египетско тай Ханаанско пув тай баро бедствие; а амаре дада нана аракенас прехрана. ¹²А о Яков, като шунгяс, кай исине житос андо Египет, бичалгяс първо дром амаре даден, ¹³тай ко второ дром о Йосиф открисало пе праленге, тай о Йосифово роди ачило известно е Фараониеске.¹⁴Тай о Йосиф бичалгяс те викинен лескере дадес о Яков тай леското цело роди, седемдесет и пет жене. ¹⁵Тай чука, о Яков ухлило андо Египет, кате муло, ов тай амаре дада; ¹⁶тай пренесинде лен андо Сихем тай положинде лен андо мимори ковато о Авраам кингясас ценаса в сребро таро чаве на Емор, дад на Сихем.¹⁷А като наближинелас о време те изпълнилнигиол о обещиме, ковато о Дел динясас е Авраамес, о люде барилесас тай умножисале андо Египет, ¹⁸жи кай ваздисало авер тагар упрат о Египет, ковато нана пенджарелас е Йософес.¹⁹Ов, като проявинелас коварство против амаре родиесте, дики притеснинелас амаре даден, соске те чивен пе кърмачиен, за тена ачон живде.²⁰Анде далке времесте бияндило о Мойсей, ковато сине прекрасно чаво, тай колес парварде трин масек андо бащино кер лескесе. ²¹Тай като чивте лес, и фараоново чаи лилас лес тай парваргяс лес сар лакоро чаво.²²Тай о Мойсей уло научиме савори египетско мъдрост тай уло силно андо словос тай андо делос. ²³А като навършинелас пе саранда бреша, ало леске ко сърцес те посетинел пе прален, е израилен. ²⁴Тай като диклас иекес лендар онеправдиме защингяс лес тай отмъстингяс за притеснения, като поразингяс е египтянис,²⁵като мислинелас кай лескере прала ка ахалон, саво избавление дел лен о Дел чрез лескере вастесте; но он нана ахалиле.²⁶Ко следващо диес ов явисало ленге, като дуи лендар маренас пес, тай като мангелас те помиринел лен, пенгяс: " Манушален, туме синиен прала, соске онеправдинен тумен иек аврес?"²⁷А кавка, ковато онеправдинелас пе близкенес, отпъдингяс е Моисес тай пенгяс: Кой поставингяс тут началники тай съдияс упрат аменде?²⁸Манда ли мангес те мударес, сарто мударгян иblo е египтянис?²⁹Ашал далке думенге о Мойсей нашло тай ачило пришълеци анди Мадиамско пув, кате биянгяс дуие мрушен.³⁰Тай като навършинде пес саранда бреша, явисало леске Ангели Господно анди пустиния ки Синайско планина, машкар о пламъки иеке тарде къбинакоро.³¹А о Мойсей, като диклас и гледка, почудингяс пес лаке; но като приближисало те раздикел, ало гласос таро Дел:³²" Ме синиом Дел те даденго, Дел Авраамово, Исааково тай Яковово". Тай о Мойсей за издранило тай нана смеинелас те дикел.³³Тай о Дел пенгяс леске: " Пинангиов о потиня те пирендар, соскето отан, колесте бешес, си свято пув.³⁴Диклом, диклом о злострадание Ме люденго, колато си андо Египет, сарто морес тай анди пустиния за те избавинав лен.Ела тай ка бичалав тут андо Египет."³⁵Тогава о Мойсей, колес откажиндесас те приеминен, като пенде леске: като поставингяс тут началники тай съди,³⁶лес о Дел, чрез о вас е Ангелескоро, ковато явисало леске анди о бодливо каш, бичалгяс началникиеске да, тай избавителеске.³⁷Ов изведенгяс лен, като керел чудеса тай знамения андо Египет, андо Лоло морес тай анди пустиния през саранда бреша. ³⁸Давка си о също Мойсей, ковато пенгяс е израилене: " О Дел ка въздигнинел тумен тумаре пралендар пророки, сарто въздигнингяс ман."³⁹Давка си ковка, ковато сине анди кангери анди пустиния заедно е Ангелеса, ковато хоратинелас леске анди Синайско планина, сарто амаре даденца да, ковато приемингяс да животворна думес те предел лен аменге;⁴⁰като амаре дада нана мангенас те шунен, но отхвърлинде лес тай ирисале пе сърценца андо Египет,⁴¹Като пененас е Ааронеске : " Кер аменге богове, колато те пирен англал аменде; соскето кавка Мойсей, ковато изведенгяс амен тари Египетско пув, нана жанас со ачило леса ."⁴²Тай презал колкети диеценде он керде песке телес, тай

принесинде жертва е идолеске, тай веселисале англал далкесте, ковато ленгере васта кердесас.⁴² Далкеске о Дел ирингяс пес лендар тай прединяс лен те служинен е небесноне войнствонеске, карто си пишиме ки книга е пророкиенг: " Кер Израилево, Манге ли принесиненас заклана животна тай жертвес саранда бреша анди пустиния?⁴³ Напротив, ингаленас и скиния е Молохиеске тай и звезда е девлеске Ремфан, изображения, колато кергиен туменгэ, за те кланинен тумен ленгэ; далкеске ка преселинав тумен окотар о Вавилон."⁴⁴ И скиния е свидетельствоскири сине амаре даденца анди пустиния според карто заповедингяс Ковка, ковато пенгяс е Мойсейеске те керел ла ко образи, ковато дикласас;⁴⁵ която амаре дада пе редостар приеминде тай внесинде е Исусеса Нави андо владения е народоске, колен о Дел гонингяс англал амре даденде; тай чука бешелас жи ко диеса на Давид,⁴⁶ ковато придобингяс о Божие благоволение, тай манглас те аракел обиталище е Яковоне Девлеске.⁴⁷ А о Соломон строингяс леске кер.⁴⁸ Но о Всевишно нана обитавинел андо ръкотворна храмя, карто пенел о пророки:⁴⁹" О Небес си Манге престоли, а и пув си Моро подножие; саво кер ка строинен Манге- пенел о Дел,- или саво си о тан Мере покойеске?⁵⁰ Нана кергяс ли Моро вас всичко давка?"⁵¹ Коравовратна тай необвязноне сърцеса так каненца! Туме всякога противинен тумен е Святоне Духоске; карто керенас тумаре дада, чука керен тумеда.⁵² Колес таро пророкия нана гониненас тумаре дада? А тай още избинде колкен, колато предизвестинде кай авел кавка Праведники, Колеске туме акана ачилен предателя тай убийция,⁵³ туме, колато приемингиен о закони чрез о ангелско служение тай нана опазингиен лес.⁵⁴ А като шуненас давка, ленгере сърца чинионас холятар тай он скърциненас данденца срещу лесте.⁵⁵ А о Стефанес, пердо Святоне Духоса, диклас о небес тай диклас о е Девлескири слава тай о Иисус, бешло отдясно е Девлеске;⁵⁶ тай пенгяс: Аке, дикав о небеса путерде, тай о Човешко Чаво, ковата бешло отдясно е Девлеске.⁵⁷ Но он, като запищинде силноне гласоса, запушинде пе кана тай единодушно мукле пес упран лесте.⁵⁸ Тай като изтласкинде лес аври таро градос, чивенас бара упран лесте. Тай о свидетеля товде пе шехя ко пире иеке момъкиеске , ко алаб Савел.⁵⁹ Тай чивенас бара упран о Стефанес, ковато призовинелас Христа, тай пенелас: Господи Иисусе, приемине мо духос .⁶⁰ Тай като коленичингяс, пищингяс силноне гласоса: Господи, ма считине ленге кайка безех . Тай като пенгяс давка, засуто.

Chapter 8

¹А о Савел одобринелас лескоро мудариба. Тай ко също диес ваздисало баро гонение против и кангери андо Ерусалим; тай он саворе, с изключение е апостоленге, разпръснисале ко юдейска тай самарийска околностя. ²Тай десаве благочестива мануша паронде е Стефанес тай ридаинде за леске твърде бут. ³А о Савел опустошиналас и кангери, като делас секоне кересте, завлечинелас мрушен тай жувлен, тай бичалолас лен анди тъмница.⁴ А калка, колато разпръснинесас пес, обикаляненас тай разгласиненас о благовестие. ⁵Чука о Филип ухлило андо градос Самария тай проповединелас ленге Христос. ⁶Тай о народос единодушно внимавинелас далkestе, ковато о Филип хоратинелас ленге, като шуненас всичко тай дикенас о знамения, колато керелас. ⁷Сокето о нечиста духовя, като пищиненас силноне гласоса, и克лонас таро мнозинендар, обладиме лендар; тай мнозина парализириме тай куца уле изцелиме,⁸ чука че ачили бари лошали колке градосте. ⁹А исине по нангле андо градост иек мануш ко алав Симон, ковато, като представинелас пес за десави велико личност, керелас магиес тай учудвинелас о население на Самария. ¹⁰Ов превличинелас о внимание саворенгоро таро цикне жи ко баре, тай о народос пененас: Кавка си чука наречиме Велико Божия Сила. ¹¹Тай внимавиненас лескере думенде, понеже бут време учудвинелас лен пе магиенца. ¹²Но като повервинде ко Филип, ковато благовествувинелас е Божие тагарипнаске тай за Иисус Христово алав, кръстиненас пес мруша тай жувла. ¹³Тай о самия Симон повервингяс тай като кръстингяс пес, постоянно придржинелас е Филипес тай удивинелас пес, като дикелас, кай ачон знамения тай велика дела. ¹⁴А о апостола, колато уле андо Ерусалим, като шунде, кай и Самария приемингяс о Божие учение, бичалде ленге е Петрес тай е Йоанес, ¹⁵колато, като ухлиле, молинде пес ленге, за те приеминен о Свято Духос; ¹⁶сокето Ов нана ухлилосас още нито иекесте лендар; а само уле кръстиме андо Иисус Христово алав. ¹⁷Тогава о апостола положиненас васта упрали ленде тай он приеминен о Свято Духос. ¹⁸А о Симон, като диклас, кай е положиме вастенца е апостоленгере делас пес о Свято Духос, предложингяс ленге парес, тай пенгяс: ¹⁹Ден манда дайка сила, соске, каске полагинав васта, те приеминел о Свято Духос. ²⁰А о Петър пенгяс леске: Те парес туза заедно те погининен, сокето мислингян туке те придобинес о Божие дари паренца. ²¹Тут нанай тут нито участие, нито дяли калке букяке, сокето то сърцес нанай право англал о Дел. ²²Далкеске, покайне тут далке тере нечестиестар тай молине тут е Девлеске дано простишел пес туке кайка помисъл те сърцескири; ²³понеже дикав, кай синян изпълниме горчиво жълч тай синян панло анди неправда. ²⁴А о Симон в отговор пенгяс: Молинен тумен туме е Девлеске за манг, тена ресел ман нищо далkestар, ковато пенгиен. ²⁵Тай он, след като заявиленас тай разгласиненас е Девлеско учение, ирисале андо Ерусалим, като ко дром проповединенас о благовестие буте самарийсконе гавенге. ²⁶А ангели таро Дел хоратинел е Филипеске, тай пенел: Ухти, жа карик и юг, ко дром, ковато ухлел таро Ерусалим презал и пустиния за Газа. ²⁷Тай ов ухтинило тай гело. Тай аке, мануш тари Етиопия, скопецос, велможи е етиопсконе царицаке и Кандакия, ковато уло поставиме упрали всичконе съкровищесте тай алокас андо Ерусалим те поклонинел пес, ²⁸ко ириба бешелас анди колесница пери тай четинелас пророк Исаи. ²⁹А о Духос пенгяс е Филипеске: Приближине тут тай придржине кайка колесница. ³⁰Тай о Филип прастанило, тай шунгяс лес, като четинелас пророк Исаи, тай пенгяс: Ами ахалосли со четинес? ³¹А ов пенгяс: Сар те ахаловав, ако нана упътинел ман декой? Тай помолингяс е Филипес те качинел пес тай те бешел леса. ³²А о тан таро Писание, ковато четинелас, сине давка: " Сар овца уло ингалдо на клане; тай сар бакро англал пе стригачиесте нана издел гласос, чука нана пуртел По муй. ³³Андо унижение Ов сине лишиме таро правосъдие, а Лескоро родос-кой ка опишинел? сокето Лескоро животос отнеминел пес тари пув." ³⁴Тай о евнухи захоратингяс тай пенгяс е Филипеске: Пен манг, моля ти се, за каске пенел давка о пророки-за песке ли или декаске авереске? ³⁵А о Филип путергяс муй, тай като почнингяс далке писаниестар, благовестингяс леске е Иисусес. ³⁶Тай като пиренас андо дром, але жи иеке паниесте; тай о евнухи пенгяс: Аке, пани; со пречинел манг те кръстинаман? ³⁷Тай о Филип пенгяс: Ако верувинес от все сърце, аци. А ов в отговор пенгяс: Верувинав, кай о Иисус Христос си Божие Чаво. ³⁸Тогава заповедингяс те спиринен и колесница; тай о дуи жене ухлиле андо пани, о Филип, тай о евнухи, тай дине андо пани; тай ов кръстингяс лес. ³⁹А като иклиле таро пани, о Господно Духос грабингяс е Филипес; тай о вече на евнухи вече на диклас лес, а лошало продължингяс по дром. ⁴⁰А о Филип араклило андо Азот; тай като пренакелас, проповединелас о благовестие ко саворе градовя, жи кай ресло анди Цезарея.

Chapter 9

¹А о Савел, като още дишинелас заплахес тай мудариба против о Господна ученикия, гело ко първосвещеници ²тай манглас лестар писма жи ко синагогес андо Дамаск, чука кай ако аракел декас те следвинел давка учение, мруша или жувла, те анел лен панле андо Ерусалим.³Тай ко жаиба, като приближинелас о Дамаск, внезапно блеснингяс около лесте светлина таро небес. ⁴Тай като пело ки пув, шунгяс гласос, ковато пенгяс леске: Савле, Савле, соске гонинес Ман?⁵А ов пучлас: „Кова синян ту, Господине?” Тай о Дел пенгяс: „Ме синиом о Иисус, Колес ту гонинес. Мъчно си за тuke те ритинес мамуял ръжена. ⁶Но ухти, де андо градос тай ка пепелпес тuke со требе те керес. ⁷А о мруша, колато придружиненас лес, бешенас сар вцепениме, понеже шунде о гласос, а на дикле никас.⁸Тай о Савел ухтинило тари пув, тай като путергяс пе яка, нана дикелас нищо; тай ингаленас лес вастестар, тай ингалде лес андо Дамаск. ⁹Тай трин диес нана дикелас, тай нито халас, нито пиляс.¹⁰А андо Дамаск исине иек ученики ко алав Анания; тай о Дел пенгяс леске андо видение: Анание! А ов пенгяс: Акеталом, Девла.¹¹Тай о Дел пенгяс леске: Ухти, тай жа ки улица, която пепел пес Права, тай пуч ко кер е Юдаске иеке тарсаниеске ко алав Савел; соскето, аке, ов молинел пес; ¹²тай диклас иеке манушес ко алав Анания, те дел тай те полагинел васта упраш лесте, за те задикел.¹³Но о Анания отговорингяс: Девла, шунгиом таро мнозина калке манушеске кити злини кергяс Тере светииенге андо Ерусалим.¹⁴Тай ате исине лес власт таро главна свещеникия те пандел саворен, колато призовинен Торо алав.¹⁵А о Дел пенгяс леске: Жа, соскето ов си Мангэ съдос, избираме те разгласинел Моро алав англал о народос тай тагара, тай англал о израилания;¹⁶соскето Ме ка покажинав леске кити бут ов требе те страдинел Ме алавеске.¹⁷Тай чука, о Анания гело тай диняс андо кер; тай като положингяс васта упраш лесте, пенгяс: Права Савле, о Дел бичалгяс ман - о съцо Иисус, Ковато явисало тuke ко дром, колесте ту авесас, - за те задикес тай те изпълнинес тут е Святона Духоса.¹⁸Тай ко сахати пеле таро яка леске сар люспес, тай ов задиклас; тай ухтинило тай кръстисало.¹⁹А като халяс, добингяс сила тай бешло неколко диеса е ученикиенца андо Дамаск.²⁰Тай веднага почнингяс те проповединел ко синагогес, кай о Иисус си о Божие Чаво.²¹Тай саворе, колато шуненас лес, удивиненас пес тай пепенас: Нанай ли кавка, ковато андо Ерусалим съсишинелас калкен, колато призовинен кавка алав, тай ало ате, за те ингалел салке панлен ко главна свещеникия?²²А о Савел изпълнинелас пес все по буте силаса тай чивелас андо смути е юдеиен, колато живиненас андо Дамаск, като докажинелас, кай Кавка Иисус си о Христос.²³Тай като накле доста диеса, о юдея наговоринде пес те мударен лес; ²⁴но ленгоро заговори ачило известно е Савелеске. Тай он даже дебниненас о портес о диес тай ират, за те мударен лес,²⁵но лескере ученикия лиле лес ират тай ухлавде лес презал и стена, като мукле лес кошоса.²⁶Тай като ало андо Ерусалим, ов стараинелас пес те дружинел е ученикиенца; ама саворе даранас лестар, понеже нана верувиненас, кай си ученики.²⁷Но о Варнава лилас лес тай ангяс лес ко апостола, тай разкажингяс ленге сар диклас е Девлес ко дром, тай кай хоратингяс леске, тай сар андо Дамаск дързостно проповединелас андо Иисусово алав.²⁸Тай ов иклолас тай делас ленца андо Ерусалим, като дързостно проповединелас андо Господно алав.²⁹Тай хоратинелас тай препириинелас пес е гърцконе юдеиенца; а он роденас случай те мударен лес.³⁰Ама о прала, като ахалиле давка, ингалде лес анди Цезария тай бичалде лес андо Тарс.³¹Тай чука ки цело Юдея, Галилея тай Самария ки кангери исине мири тай назидинелас пес, тай като пирелас анди дар таро Дел тай анди утеха е Святона Духоске, умножинелас пес.³²Тай о Петър, като обикаланелас саворе вярващен, ухлило жи ко светииес, колато живиненас андо Лида.³³Тай оте араклас иеке манушес, ко алав Еней, ковато сине анде танесте охто бреш, понеже сине парализираме.³⁴Тай о Петър пенгяс леске: Еней, о Иисус Христос изцелинел тут; ухти, оприне то тан. Тай ов ухтинило веднага.³⁵Тай саворе, колато живиненас андо Лида тай андо Саронско полес, дикле лес тай ирисале карик о Дел.³⁶А андо Йопия исине иек ученичка, ко алав Тавита (ковато значинел Сърна). Кайка жувли керелас бут лаче дела тай благодеяния.³⁷Тай презал калке диесенде ой насвалили тай мули; тай като нанярде ла, положинде ла иеке упруне стаяте.³⁸Тай понеже Лида сине паше жи ко Йопия, о ученикия, като шунде, кай о Петър сине оте, бичалде жи лесте дуие манушен те помолинен лес: Ма бавине тут те авес паш аменде.³⁹Тай о Петър ухтинило тай гело паш ленде. Тай като ало, ингалде лес ки упруни стая; тай саворе вдовицес бешенас около лесте тай ровенас, тай покажиненас леске о бут гада тай шехя, колато керелас и Сърна, като сине ленца.⁴⁰А о Петър икалгяс саворен наври, коленичингяс тай молисало, ирисало карик о телос тай пенгяс: Тавито, ухти. Тай ой путергяс пе яка тай като диклас е Петрес, бешли.⁴¹Тай ов подиняс вас тай изправингяс ла; после викингяс е светииен тай е вдовицен тай представингяс ла ленге живди.⁴²Тай давка ачило известно ки

цело Йопия; тай мнозина повервиде андо Дел.⁴³ А о Петър бешло дълго време андо Йопия десаве кожариесте Симон.

Chapter 10

¹Исине андо Цезарея иек мануш ко алав Корнилий, стотники таро чука наречиме Италийско полки. ²Ов сине благочестиво тай даралас таро Дел пе целоне кереса, разделас бут милостиниес е народоске тай непрестанно молинелас пес е Девлеске. ³Около о еня сахати презал о дисе ов диклас ясно андо видение иек ангели таро Дел, ковато диняс паш лесте тай пенгяс леске: Корнилий! ⁴А ов, като задиклас пес анде лесте, даравно пенгяс: Со си, Девла? Тай о ангели пенгяс леске: Тере молитвес тай тере милостиниес ваздинде пес англал о Дел спомениеске. ⁵Тай акана бичалгяс манушен андо Йопия те викинен е Симонес, колес наречинен още Петър. ⁶Ов гостувинел десаве кожариесте ко алав Симон, колескоро кер си край о морес, ов ка пенел туке со требе те керес. ⁷Тай като гело песке о ангели, ковато хоратинелас леске, ов викингяс дуиен пе слугендар тай иеке благочестивоне войникиес калкендар, колато редовно служиненас леске; ⁸тай като разкажингяс ленге всичко, бичалгяс лен андо Йопия. ⁹А ко следващо дисе, като он пътувиненас тай приближиненас о градос, около о шесто сахати о Петър качисало ко покриви е кереске те молинел пес. ¹⁰Тай като бокалило, манглияс те хал; ама жи кай приготвиненас, ов отнесисало духом ¹¹тай диклас о небес путердо тай десаво съдос те ухлел сар баро платнище, мукло е штаре крайовиене карик и пув. ¹²Анде лесте исине секаква четири нога, зверовя тай небесна птицес. ¹³Тай ало гласос карик лесте: Ухти, Петре, заколине тай ха! ¹⁴А о Петър пенгяс: Нисар, Девла, соскето нисар нана халом нищо мръсно тай нечисто. ¹⁵Тай пак ало карик лесте второ дром гласос: Ковато о Дел очистингяс, ту за мръсно ма считине лес. ¹⁶Тай давка ачило трин дром, палал далжесте о съдос ваздисало веднага ко небес. ¹⁷А жи кай о Петрес сине андо недоумение со значинелас о видение, ковато дикласас, аке, о бичалде таро Корнилий мануша, като разпучлесас е Симоновоне кереске, зачиле англал о вудар, ¹⁸тай като повикинде аврят, пучле: Ате ли гостувинел о Симон, колес наречинен Петър?¹⁹Тай жи кай о Петрес още размишлинелас е видениеске, лескоро Духос пенгяс леске: Аке, трин мануша роден тут. ²⁰Ухти, ухли, тай жа ленца; тай нисар ма съмнявина тут, соскето Ме бичалгиом лен. ²¹Тай чука, о Петър ухлило ко мануш тай пенгяс: Аке, ме синиом кавка, колес роден. Соске ален?²²А он пенде: О стотники о Корнилий, мануш праведно тай ковато дарал таро Дел тай си лаче алавеса машкар о цело юдейско народос, сине уведомиме таро Дел чрез иеке святона ангелесте те викинел тут пе кересте тай те шунел думес тутар. ²³Тогава ов поканингяс лен андре тай нагостингяс лен. Тай ки андиавин ов ухтинило тай иклило ленца; а десаве таро прала таро Йопия придружиненас лес. ²⁴Тай ко следващо дисе дине андо Цезарея; а о Корнилий жарелас лен, като свикингясас пе енданиен тай пе близконе амален. ²⁵Тай като делас о Петрес, о Корнилий посрещнингяс лес, пело англал лесте тай поклонисало. ²⁶А о Петрес ваздингяс лес, тай пенгяс: Ухти; меда синиом мануш.²⁷Тай като хоратинелас леса, ов диняс тай араклас мнозина кидиме. ²⁸Тай пенгяс ленге: Туме жанен кити незаконно си юдеиске те общувинел или те дружинел с другоплеменник; о Дел обаче покажингяс манге, кай нетребе те наречинав никак мръсно или нечисто. ²⁹Далкеске, щом викингиен ман, алом, без те възразинав; тай чука, пучав тумен, соске викингиен ман? ³⁰Тай о Корнилий пенгяс: Преди штар дисеа прекарвинавас о девето сахати в молитва кере; тай аке, англал манде зачило мануш светлоне облеклоса, ковато пенгяс: ³¹Корнилий, тери молитва си шунди, тай тере милостиниес помнинен пес англал о Дел. ³²А акана, бичал анди Йопия те викинен е Симонес, колес наречинен Петър; ов гостувинел ко кер иеке кожариеске Симон край о морес, ов, с като ка авел, ка хоратинел туке. ³³Тай чука, ко сахати бичалгиом жи туте тай ту кергян лачиес, кай алан. Тай чука, аме саворе присъствинас ате англал о Дел, за те шунас всичко, ковато си туке заповедиме таро Дел. ³⁴А о Петър путергяс муи тай пенгяс: Наистина, дикав, кай о Дел нана дикел ко муи; ³⁵но андо секо народос ковка, ковато дарал Лестар так керел о право, угодно си Леске. ³⁶О словос, ковато Ов бичалгяс е израилене тай благовестинелас ленге мири чрез о Исус Христос (Ковато си Господари саворенге), ³⁷кавка словос туме жанен, ковато палал о кръщение, проповедиме таро Йоан, разпространисало ки цело Юдея, като почнингяс тари Галилея, ³⁸Сар о Дел помажингяс Святона Духоса тай силаса е Исусес таро Назарет; Ковато обикаланелас те керел благодеяния тай те изцелинел саворе угнетонен таро бенг; соскето о Дел сине Леса. ³⁹Тай аме синям свидетеля всичконасke, ковато кергяс Ов тай анди Юдейско пув, тай андо Ерусалим; Колес мудардесас, като повесинде Лес каштесте. ⁴⁰Лес о Дел възкресингяс андо трето дисе тай диняс Лес те явинел пес, ⁴¹ма саворе народоске, а мене-о предварително избираме таро Дел свидетеля, колато халам тай пилам Леса, след като възкръснингяс таро муле. ⁴²Тай заповедингяс аменге те проповединас е народоске тай те свидетелствинас, кай Ов си определиме таро Дел Съдия е живденге тай е муленге. ⁴³За Леске свидетелствинен саворе пророкия, кай секой, който повервинел анде Лесте, ка получинел чрез Лескере алавесте опрощение пе безехенг. ⁴⁴Жи кай о Петрес още хоратинелас калка думес, о Свято Духос

ухлило саворенде, колато шуненас о словос. ⁴⁵Тай о обрежиме вярваща, колато але е Петреса, смаинде пес, кай о дари, Свято Духос, излеингяс пес ко езичникия да; ⁴⁶сокето шуненас лен те хоратинен чужда чиба тай те величайнен е Девлес. Тогава о Петрес захоратингяс: ⁴⁷Ащи ли декой те забраниел о пани, тена кръстинен пес калка, колато приеминде о Свято Духос, сарто амеда? ⁴⁸Тай заповедингяс те овен кръстиме андо алав на Иисуса Христа. Тогава примолинде пес леске те бешел неколко диеса ленде.

Chapter 11

¹Тай о апостола тай о прала, колато сине анди Юдея, шунде, кай о езичници да приеминде о Божие словос. ²Тай като о Петрес диняс андо Ерусалим, колка, колато сине таро обрежиме, укориненас лес, като пененас: ³Паш необрежиме манушенде динян тай халан ленца.⁴А о Петрес долгяс тай изложингяс ленге наред со ачило, като пенгяс: ⁵Ме улом на молитва андо градос Йопия тай отнесиме духом, диклом видение: иек съдос сар баро платнище ухлелас, мукло е штаре крайовиенге таро небес, тай ресло дори жи манде. ⁶Анде лесте, като задикломан тай разсъждинавас, диклом е пувякере четири нога, зверовя тай влечугес, тай небесна птицес. ⁷Шунгиом още гласос, ковато пенгяс манг: Ухти, Петре, заколине тай ха! ⁸Но ме пенгиом: Нисар, Господи, сокето никога нана диняс ан ме мосте варесо мръсно или нечисто. ⁹Обаче пак гласос таро небес отговорингяс: Ковато о Дел очистингяс, ту за мръсно ма считине лес. ¹⁰Давка ачило трин дром, палал далкесте всичко цидисало пак ко небес. ¹¹Тай аке, ко също сахати трин мануша, бичалде таро Цезарея жи манде, пристигнинде англал о кер, анде колесте улам. ¹²Тай о Духос пенгяс мангите жав ленца тай нисар тена керав разлика машкар о мануша, а манща але калка шов прала, тай диням андо кер е манушеске. ¹³Тай ов разкажингяс аменгес сар диклас ангелес те бешел андо кер леске тай те пенел: Бичал манушен андо Йопия те викинен е Симонес, колес наречинен Петър; ¹⁴ов ка пенел туке думес, чрез коленде ка спасинес тут ту тай то цело кер. ¹⁵Тай като почнингиом те хоратинав, о Свято Духос ухлило ленде, сарто аменгес да отначало. ¹⁶Тогава диниоман годи о хоратес е Девлескере сар пенел: "О Йоан кръстинелас паниес; а туме ка овен кръстиме е Святоне Духоса." ¹⁷Тай чука, ако о Дел диняс о също дари ленгеда, като повервиде андо Господа Иисуса Христа, сарто аменгеда, кова улом ме, тай те попречинав е Девлеске? ¹⁸Като шунде давка, он престанинде те възразинен тай славиненас е Девлес, като пененас: Е езичнициенгеда о Дел диняс о покаяние е животоскоро. ¹⁹А андо колка диеса о разпръсните таро гонение, ковато ачило ко мудариба е Стефанеске, пътувиненас чак жи ко Финикия, Кипър тай Антиохия, като никакске авереске нана известиненас о словос, освен е юдеиенге. ²⁰Обаче машкар ленде исине десаве кипряния тай киринейция, колато, като пристигнинде анди Антиохия, хоратиненас е гърциенгеда, тай благовестиненас Господа Иисуса. ²¹Е Девлескоро вас сине ленца тай баро брой мануша повервиде тай ирисале карик о Дел. ²²Тай ресло известие за ленге андо кана е кангеряке андо Ерусалим; тай он бичалде Варнава анди Антиохия, ²³ковато, като ало тай диклас о делос е Девлескири благодат, лошангяс тай увещинелас саворен те постоянствинен андо Дел непоколебимоне сърцеса. ²⁴Понеже ов сине лачо мануш, пердо Святоне Духоса тай вяраса; тай значително множествос прибависало карик о Дел. ²⁵Тогава ов гело андо Тарс те родел е Савелес; ²⁶тай като араклас лес, ангяс лес анди Антиохия; тай като киденас пес е кангеряса цело бреш, поучиненас значително множествос. Тай първо анди Антиохия о ученикия наречисале християния. ²⁷Тай презал калке диесенде ухлиле пророкия таро Ерусалим анди Антиохия, ²⁸иек колендар, ко алаб Агав, ухтинило тай обявингяс чрез о Духос, кай ка ачол бари бок ки цело пув; ковато ачиюда ко диеса е Клавдийске. ²⁹Далкеске о ученикия нарединде те бичален, секой според пе състояниесте, помош е праленгес, колато живиненас анди Юдея; ³⁰ковато кердеда, тай бичалде ла жи ко презвитеря чрез о вас на Варнава тай Савел.

Chapter 12

¹Около далке времесте о тагар о Ирод тогяс васта десавенге тари кангери, зате керел ленге зло. ²Мударгяс мечиеса е Йоанескере пралес е Яковиес; ³тай като диклас, кай си угодно е юдеиенге, уловингяс е Петрес да. Давка сине презал о диеса е безквасноне маренгере. ⁴Тай като долгяс лес, чивгяс лес анди тъмница тай прединяс лес на четири четворки войниния те пазинен лес, намерениеса те изведенен лес англал о народос палал и Пасха. ⁵Тай чука, он пазиненас е Петрес анди тъмница; а и кангери принесинелас англал о Дел усьрдно молитва за леске. ⁶Тай презал и също рат, като о Ирод ка изведенелас лес, о Петрес совелас машкар дуие войниенде, оковиме дуие веригенца; тай стражаря англал о вудар пазиненас и тъмница. ⁷Тай аке, иек ангели таро Дел зачило жи лесте тай светлина осияингяс и килия; тай ов като бутингяс е Петрес ко ребра, жангавгяс лес тай пенгяс леске: Ухти бързо! Тай о веригес пеле таро васта леске. ⁸Тай о ангели пенгяс леске: Опашине тут тай ури те сандала. Тай ов кергяс чука. Тогава пенгяс леске: Ури те шехя тай ела палал манде. ⁹Тай о Петрес иклило тай пирелас палал лесте, без те жанел, кай о кердо таро ангели си действителност, но мислинелас песке, кай дикел видение. ¹⁰А като пренакле и първо тай и второ стража, але жи ки железно порта, която ингалел андо градос, тай ой путердили ленге коркори; тай като иклиле презал лате, накле иек улица, тай о ангели веднага оттеглисало лестар. ¹¹Тай о Петрес, като ало песте, пенгяс: Акана наистина жанав, кай о Дел бичалгяс Пе ангелес тай избавингяс ман таро вас е Иродеске, тай всичконастар, ковато о юдейска люде очаквиненас. ¹²Тай като поразмислингяс, ало ко кер е Марияке, и дай е Йоанескири, колес наречиненас Марк, кате уле кидиме мнозина те молинен пес. ¹³Тай като похлопингяс ки порта, иек слугиня ко алаб Рода иклили те шунел койси. ¹⁴Тай щом пенджаргяс е Петрескоро гласос, лошалатар нана путергяс и порта, а прастанили тай известингяс, кай о Петрес бешел англал и порта. ¹⁵А он пенде лаке: Ту синян денили. Но ой настоявинелас, кай давка, ковато пенел, си верно. Тогава он пенде: Кавка си лескоро ангели*. ¹⁶А о Петрес продължинелас те хлопинел; тай като путерде, дикле лес тай смаисале. ¹⁷А ов махингяс ленге вастеса те траинен тай разкажингяс ленге сар о Дел икалгяс лес тари тъмница. Тай като пенгяс ленге: Обадинен далкеске е Яковеске тай е праленге, иклило тай гело авере танесте. ¹⁸А като дислило, ачило машкар о войниния смути - со ли ачило е Петрес. ¹⁹Тай о Ирод, като родинягяс лес тай нана араклас лес, разпитвингяс е стражариен тай заповедингяс те погубинен лен. Тай ухлило тари Юдея анди Кесария, тай оте живинелас. ²⁰А о Ирод сине бут разгневиме таро тирция тай таро сидонция; тай он але заедно паш лесте, тай като спечелинде и пере ригате е о Власт, ковато грижинелас пес за е царескере покоенге, молиненас помирение, соскето ленгири област парварелас пес таре тагарескири. ²¹Тай иеке определиме диесесте о Ирод, урявдо анди царско одежда, бешло ко престоли тай икергяс англал ленде реч. ²²А о народос пицингяс: Гласос е Девлескоро, а ма манушескоро! ²³Тай понеже нана въздинягяс слава е Девлеске, ко сахати иек ангели таро Дел поразингяс лес, тай уло хало таро керме тай муло. ²⁴А е Девлескоро слово бариолас тай умножингиолас. ²⁵А о Варнава тай о Савел, като свършинде пи служба, ирисале таро Ерусалим анди Антиохия тай лиле песа е Йоанес, колес наричиненас Марк.

Chapter 13

¹А анди Антиохийско кангери исине пророкия тай учителя: о Варнава, о Симеон, наречиме Нигер, о киринейцос Луций, о Манаин, ковато сине възпитиме заедно е четверовластнициеса о Ирод, тай о Савел.

²Тай като служиненас е Девлеске тай постиненас, о Свято Духос пенгяс: Отделинен мангепе о Варнава тай о Савел е букяке, колаке призовингиом лен. ³Тогава, като постиненас тай молиненас пес, положинде васта упрали ленде тай бичалде лен. ⁴Тай чука, он, бичалде таро Свято Духос, ухлиле анди Селевкия, тай отар отплувинде андо Кипър. ⁵Тай като уле андо Саламин, проповединенас е Девлескоро словос андо юдесика синагогес; тай исине лен о Йоанес за пумаре прислужнициеске. ⁶Тай като пренакле о цело острови жи ко Пафос, аракле десаве магъсникиес, хохавно пророки, юдеини, ко алав Варисус, ⁷ковато сине е управителеса о Сергей Павел, иек разумно мануш. Кавка о последно викингяс Варнава тай Савел тай манглас те шунел е Девлескоро словос. ⁸Ама о магъсники о Елима (сокето чука превединел пес лескоро алав) противинелас пес ленге тай старайнелас пес те отвърнинел е управителес тари вяра. ⁹Ама о Савел, ковато си о също Павел, изпълниме е Святое Духоса, задиклас пес анде лесте тай пенгяс: ¹⁰О, ту, пердо всекаквоне лукавщиненца тай всекакво коварство, бенгикано чаво, врагос всичконасче, ковато си право, нанай ли те престанинес те извратинес о права дрома е Девлескере? ¹¹Тай акана аке, е Девлескоро вас си упрали туте; ту ка королос тай нанай те дикес о кам за известно време. Тай ко сахати пело лесте помрачиба тай тъмнина; тай ов лутинелас пес, тай роделас те водинелес декой таро вас. ¹²Тогава о управители, като диклас со ачило, повервингяс, смаиме таро Господно учение. ¹³А о Павел тай лескири дружина, като отплувинде таро Пафос, але анди Перга Памфилийска; а о Йоан отделисало лендар тай ирисало андо Ерусалим. ¹⁴А он занакле таро Перга тай ресле анди Антиохия Писидийска; тай ко съботно днес дине анди синагога тай бешле. ¹⁵Тай палал о четиба е закониескоро тай о пророкия началникия е синагогакере бичалде жи ленде те пенен ленге: Пралален, ако иси тумен десави увещателно дума е люденге, пенен. ¹⁶Тай о Павел ухтинило, махингяс вастеса, тай пенгяс: Израиланя тай туме, колато даран таро Дел, шунен. ¹⁷О Дел калке израилсконе народоске избiringяс амаре даден тай възвисингяс е народос, като престоиненас анди Египетско пув, тай ваздиме мищааса изведингяс лен латар. ¹⁸Тай около саранда бреша водинелас лен тай парварелас лен анди пустиния. ¹⁹Тай като изтребингяс ефта народовиен анди Ханаанско пув, разделингяс ленге ленгири пув те овел ленге наследство за около штаршел тай пинда бреша. ²⁰Палал далкесте делас лен съдииес жи ко пророки о Самуил. ²¹После мангле тагарес; тай и Дел диняс лен о Саул, о Кишово чаво, мруш таро Вениаминово племес, за саранда бреша. ²²Тай лес като махнингяс, ваздингяс ленге тагареске о Давид, за каске свидетелствинел, като пенел: "Араклом е Давидес, о Есеево чаво, мануш според ме сърцесте, ковато ка изпълниел ми савори воля." ²³Лескере потомствостар о Дел според Пе обещаниесте ваздингяс* е Израилеске Спасителес, о Иисус, ²⁴след като о Йоан, англал ов те авел, проповединелас о кръщение на покаяние целоне израилсконе народоске. ²⁵Тай като свършинелас по дром, о Йоан пенелас: Според карто мислинен, кова синиом ме? Нана синиом Ковка, Колес очаквинен; ама аке, авел палал манде Иек, Колеске на синиом достоинно те развържинав и потини ко пире. ²⁶Пралален, потомция таро Авраамово роди, тай колато машкар туменде даран таро Дел, аменге бичалгяс пес и вест далке спасениеске. ²⁷Сокето о ерусалимска жителя тай ленгере началника нана пенджарде Лес тай, без те ахаловен о пророческа думес, колато четинен пес секо събота, изпълнинде лен, като осъдинде Лес. ²⁸Без те аракен анде Лесте варесо достойно мерибнасче, пак мангле таро Пилат те овел мудардо. ²⁹Тай като изпълнинде всичко, ковато сине пишиме за Леске, лиле Лес таро каш тай положинде Лес андо мимори. ³⁰Но о Дел възкресингяс Лес таро муле. ³¹Тай Ов в продължение буте дисенде явинелас пес калкенге, колато възлизинде Леса тари Галилея андо Ерусалим, колато акана си свидетеля за Леске англал о народос. ³²Тай аме ангям туменге и благо вест е обещаниеске, диме амаре даденге, ³³кай о Дел изпълнингяс лес упрали ленгере чадовиенде, като възкресингяс е Иисусес; карто си пишиме ко второ Псаломи: "Ту синяя Моро Чаво, Ме авдies биянгиом Тут." ³⁴А кай възкресингяс лес таро муле, нисар вече тена иринел пес андо изтление, пенел чука: " Ка дав тумен о верна милостя, обещана е Давидеске." ³⁵Сокето авере да Псаломиесте пенел: " Нанай те мекес Те Светециес те дикел изтление". ³⁶Обаче о Давид след като анде пере поколениесте послужингяс е Девлескере намерениеске, засуто тай уло положиме пе даденде, тай диклас изтление. ³⁷А Кавка, Колес о Дел възкресингяс, нана диклас изтление. ³⁸Тай чука, пралален, нека те овел туменге известно, кай чрез Лесте проповединел пес туменге опрощение е безехенг; ³⁹тай кай всекой, който верувинел, оправдинел пес чрез Лесте всичконастар, колестар нанащине оправдинен тумен чрез о Мойсеево закони. ⁴⁰Далкеске внимавинен тена ресел тумен о пендо таро пророкя: ⁴¹" Дикен, о презрителя, учудинен тумен тай

погининен; Соскето Ме ка керав иек делос анде тумаре диесенде, делос, ковато нисар нанай те верувинен, те разкажинел да лес туменге декой".⁴² Като иклонас песке тари юдейско синагога, о езичнишка молинена лен те проповединел пес ленге далка думес и следващо да събота.⁴³ Тай като размуклас пес о събрание, мнозина таро юдея тай таро благочестива прозелития цидинде палал о Павел тай о Варнава; колато, като хоратинена ленца, увещинена лен те постоянствинен е Девлеске ки благодат.⁴⁴ Анди следващо събота кидисало почти цело градос те шунел е Девлеско словос.⁴⁵ А о юдея, като дикле о множествос, пердиле с завист, опровергинена давка, ковато хоратинелас о Павел, тай хулинена.⁴⁶ Но о Павел тай о Варнава хоратинена дързостно тай пенде: Нужно сине те възвестинел пес първо туменге е Девлеско слово, но понеже отчiven лес тай считинен тумен недостойна е вечноне животоске, аке, иринаман карик о езичникя.⁴⁷ Соскето чука заповедингяс аменге о Дел, тай пенгяс: "Поставингиом Тут светлина е народоске, за те овес за спасение жи ко крайос е пувяке."⁴⁸ Тай о езичникя, като шуненена давка, лошанена тай славинена е Девлеско учение; тай повервинде саворе, колато сине отредиме вечноне животоске.⁴⁹ Тай о Господно учение разпространинелас пес ки цело даика страна.⁵⁰ А о юдея подбудинде е набожноне високопоставиме живлен тай о градска първенци, тай като ваздинде гонение против о Павел тай о Варнава, изпъдинде лен пе пределендар.⁵¹ А он отърсинде против ленде о прахос пе пирендар тай але андо Икония.⁵² А о ученикия пердиле лошаласа тай е Святоне Духоса.

Chapter 14

¹А андо Икония он дине заедно анди юдейско синагога тай чука хоратиненас, кай повервингяс баро множествос юдея тай гърция. ²А о непокорна е Девлеске ко учение юдея подбудинде тай раздразнинде о души е езичнициенгере против о прала.³Но он пак бешле оте доста време тай дързостно хоратиненас е Девлеске, Ковато свидетелствинелас е словоске за Пере благодатаке, като делас те керен пес знамения тай чудеса чрез ленгере вастенде. ⁴Тай о множествос андо градос раздоисало; иек сине е юдеенца, а авер е апостоленца.⁵Тай като породисало стремежи андо езичниция тай о юдея, ленгере началникиенца, те опозоринен лен тай те мударен лен баренца, ⁶он ахалиле тай нашле андо ликаонска градовя Листра тай Дервия тай ленгере околноне таненде, ⁷тай оте проповединенас о благовестие.⁸А анди Листра бешелас десаво мануш, немощно ан пе пиренде, куцо от таро бяниба, ковато нисар нана пиргяс. ⁹Ов шунелас е Павелес, като хоратинелас; а о Павел, като задиклас пес анде лесте тай диклас, кай иси лес вяра те овел изцелиме, ¹⁰пенгяс силноне гласоса: Ухти право те пиренде! Тай ов хърпингяс тай пирелас.¹¹А о народос, като диклас со кергяс о Павел, пищингяс силноне гласоса, тай пенгяс по ликаонски: О Богове, оприличиме манушенде, ухлиле паш аменде. ¹²Тай наречиненас о Варнава Зевс, а е Павелес Хермес, понеже ов сине о главно говорители. ¹³Тай о жреци ко Зевово капище, ковато сине англал о градос, тай ангяс теловя тай ангяс венци ко портес, тай заедно е народоса канинелас пес те принесинел жертва.

¹⁴Като шунде давка о апостола о Варнава тай о Павел, раздеринде пе шехя, хърпинде машкар о народос тай пищинде, тай пенде: ¹⁵О, мрушален, соске керен давка? Амеда синям мануша същоне естество стар сар туменде, тай благовестинас туменге те иринен тумен калке суетендар карик о живдо Дел, Ковато създиняс о небес, и пув, о морес, тай всичко, ковато иси анде ленде; ¹⁶Ковато презал о минала поколения мукелас саворе народос те пирен пере дроменде, ¹⁷ако тена да престанинелас те свидетелствинел за Песке, като керелас лачипе тай делас тумен таро небес бришимда тай родовита времена, тай перелас тумаре сърца хабнаса тай веселбаса. ¹⁸Тай като пененас давка, он едвам спиринде о множествос тена принесинел ленге жертва.¹⁹Машкар далкесте, але юдея тари Антиохия тай Икония, колато убединде е народос; тай он марде е Павелес баренца, тай извлечинде лес наври таро градос, като мислиненас, кай муло. ²⁰А като о ученикия още бешенас около лесте, ов ухтинило тай диняс андо градос; тай ки андиавин гело е Варнаваса андо Дервия.²¹Тай след като проповединенас о благовестие анде калке градосте тай придобинде бут ученикия, иринде пес андо Листра, Икония тай Антиохия, ²²тай утвърдиненас о души е ученикиенгере, като увещиненас лен те постоянствинен анди вяра, тай учиненас лен, кай презал буте скърбенде требе те дас андо Божие тагарипе.²³Тай след като ръкоположинде ленге презвитерия всеконе кангеряте тай помолинде пес постиеса, препоръчинде лен е Девлеске, анде Колесте повервинде.²⁴Тай като накле презал и Писидия, але анди Памфилия; ²⁵тай възвестинде о учение анди Перга, тай ухлиле анди Аталия.²⁶Отар отплувинде карик и Антиохия, катар уле препоръчиме е Девлескере благодатаке за е делоске, ковато акана кердесас.²⁷Тай като пристигнинде тай кидинде и кангери, он разкажинде всичко, ковато кергяс о Дел чрез ленде, тай сар путергяс е езичнициенге вудар, за те повервинен.²⁸Тай оте бешле доста време е ученикиенца.

Chapter 15

¹А десаве ухлиле тари Юдея тай учиненас е прален, тай пenenас: Ако нана обрежинен тумен според о Мойсеево обреди, нанащи те спасинен тумен. ²Тай чука като ачили ма хари препирня тай разискване машкар ленде тай о Павел тай Варнава, о прала нарединде о Павел тай о Варнава, тай десаве авер лендар те ден далке въпросиеске андо Ерусалим жи ко апостола тай о презвитеря. ³Тай он, бичалде тари кангери, накенас презал и Финикия да тай презал и Самария, като разкажиненас за е ирибнаске езичнициенгоро тай породиненас бари лошали андо саворе прала. ⁴А като ресле андо Ерусалим, уле приемиме тари кангери тай таро апостола тай о презвитеря, тай разкажиненас всичко, ковато о Дел керелас чрез ленде. ⁵Но, пенде он, десаве таро повярвала машкар и фарисейско секта ухтиниле тай пенде: Нужно си те обрежинен пес о езичниция тай те заръчинел пес ленге те пазинен о Мойсеево закони.

⁶Тогава о апостола тай о презвитеря кидисале те разисквинен давка въпроси. ⁷Тай след бут разискваня о Петрес ухтинило тай пенгяс ленге: Пралален, туме жанен сар ко ранна диеса о Дел избиригяс машкар туменде ман, сокето о езичниция чрез мере мосте те шунен о евангелско учение тай те повервинен. ⁸Тай о сърцевидцос о Дел засвидетелствингяс ленге пери милост, като диня ленда о Свято Духос, сарто амен;

⁹тай нана кергяс нисави разлика машкар аменде тай ленде, като очистингяс ленгере сърца чрез и вяра.

¹⁰Тай акана соске изпитвинен е Девлес, тай те налагинен ки шия е ученикинге хомоти ковато нито амаре дада, нито аме ащине пиравас? ¹¹Но веруинас, кай аме ка спасинас амен чрез и благодат е Девлескири е Исусескири, също сарто он да. ¹²Тогава о цело множествос млъкнингяс тай шунелас Варнава тай Павел те разкажинен саве знамения тай чудеса о Дел кергясас чрез ленде машкар о езичниция. ¹³Тай след като свършинде те хоратинен, о Яков лилас и дума тай пенгяс: Пралален, шунен ман. ¹⁴О Симон обяснигяс по саво начини о Дел по нангле посетингяс е езичниен, за те лел машкар ленде люде за Пере алавеске.

¹⁵Далкеса си съгласна о пророческа думес, сарто си пишиме: ¹⁶След далкесте ка иринав ман тай пак ка въздигнинав и паднало Давидово скиния, тай пак ка издигнинав лакере развалини, тай ка изправинав ла; ¹⁷за те роден е Девлес о останала мануша тай саворе народос, колато пenen пес мере Алавеса, ¹⁸пенел о Дел, Ковато керел те овел известно давка таро векос. ¹⁹Далкеске ме синиом ко мнение тена създас трудностия далкенге машкар о езичниция, колато иринен пес карик о Дел; ²⁰Но те пишинас ленге те въздържинен пес таро осквернение чрез о идола, чрез о блудство тай чрез о удавиме хабе* тай о рат.

²¹Сокето още таро пурано време ко саворе градовя сине салка, колато проповединде е Мойсеескоро закони, ковато четинел пес всеко събота андо синагогес. ²²Тогава о апостола тай о презвитеря е целоне кангеряса аракле лачес те избиринас машкар песте манушен тай те бичален лен анди Антиохия е Павелеса тай е Варнаваса, а именно: о Юда, наречиме Варсава, тай Сила, водителя машкар о прала. ²³Тай пишинде ленге лендар о следно: Таро апостола тай таро по-туре прала поздрави жи ко прала, колато си таро езичниция анди Антиохия, Сирия тай Киликия. ²⁴Понеже шунгям, кай десаве, колато иклиле амендар, разтревожинде тумен пе думенца, тай смутинде тумаре душки, сарто пenen туменге те обрежинен тумен тай те пазинен и закони, без те приеминде заповед амендар, ²⁵то аме, като алам жи ко единодущие, араклам за лачес те избиринас мрушен тай те бичалас лен жи туменде заедно амаре любимциенца о Варнава тай о Павел, ²⁶мануша, колато рискувинде по животос за е алавеске амаре Девлескоро Исус Христос²⁷Тай чука, бичалас Юда тай Сила те съобщинен туменге он да устно о съща букя. ²⁸Сокето диклас пес лачес е Святоне Духоске тай аменге тена налагинас туменге десави авер тегота, освен о следна необходима букя: ²⁹Те въздържинен тумен таро хабе на идоложертвено, рат тай удавено*, също таро блудство; колендар, ако пазинен тумен, лачес ка овел туменге. Здравейте! ³⁰Тай чука, о бичалде ухлиле анди Антиохия тай като кидинде саворе вярващонен, дине лен о послание. ³¹Тай он, като четинде лес, лошанде е успокоимнаске, ковато делас лен. ³²А о Юда тай Сила, колато сине пророкия да, увешиненас е прален буте хоратенца тай утвърдинде лен. ³³Тай след като бешле оте известно време, о прала мукле лен мириеса те иринен пес колкенде, колато бичалдесас лен. ³⁴Но о Сила араклас за лачес те бешел още оте. ³⁵А о Павел тай о Варнава ачиле анди Антиохия тай заедно авере мнозинствоса поучиненас тай проповединенас о Господно учение. ³⁶А след няколко диесенде о Павел пенгяс на Варнава: Те ириненас амен акана ко саворе градовя, кате проповедингям о Господно учение, тай те дикас о прала сарси. ³⁷Тай о Варнава сине ко мнение те лен пessa е Йоанес, наречиме Марк; ³⁸а о Павел нана аракелас за лачес те лен пessa калкес, ковато отделисалосас лендар още тари Памфилия, тай нана гело ленца ко делос.

³⁹Тай чука, възникнингяс разпра машкар ленде, чука че он разделисале иек аврестар; тай о Варнава лилас Марк тай отплувингяс андо Кипър, ⁴⁰а о Павел избирингяс песке Сила тай тръгнингяс,

препоръчиме таро прала е Девлескири благодат.⁴¹ Тай накелас презал и Сирия тай Киликия тай утвърдинелас о кангеря.

Chapter 16

¹После пристигнингяс анди Дервия да, тай анди Листра; тай аке, оте исине иек ученики, ко алав Тимотей, чаво иеке повярвалоне еврейкакоро, тай о дад гръкос. ²Калке ученикиес исине характери, одобриме таро прала анди Листра тай Икония. ³Лес о Павел манглас те лел песа, далкеске лилас, тай обрежингяс лес поради о юдея, колато сине колке таненде; понеже саворе жаненас, кай лескоро дад сине гръкос. ⁴Тай като пиренас ко градовя, преденас ленге о наредбес, определиме таро апостола тай о презвитеря андо Ерусалим, за те пазинен лен. ⁵Чука о кангеря утвърдиненас пес анди вяра тай таро диес андо диес умножиненас пес числено. ⁶Тай о апостола пренакле и Фригийско тай и Галатийско пув, като забранисало ленге таро Свято Духос те проповединен о словос анди Азия; ⁷тай като але жи ки Мизия, опитисале те жан анди Витания, но о Исусово духос нана позволингяс ленге. ⁸Тай чука, като накле и Мизия, ухлиле анди Троада. ⁹Тай явисало е Павелеске машкар и рат видение: Иек македонцос бешелас тай молинелас пес леске, тай пенелас: Ела анди Македония тай помагине аменге. ¹⁰Тай като диклас о видение, веднага родингям случай те жас анди Македония, като алам до заключение, кай о Дел призовинел амен те проповединас о благовестие оте. ¹¹Тай чука, като отплувингям тари Троада, отправингям амен право карик о Самотраки, ко следващо диес андо Неапол, ¹²тай отар андо Филипи, ковато си о главно гради койка част тари Македония, тай римско колония. Анде калке градосте бешлам няколко диеса. ¹³А събота иклилам аври тари порта иеке танесте край иеке рекате, кате предположинасас кай ачол молитва; тай бешлам, тай хоратингям е ромниенге кате уле кидиме. ¹⁴Тай десави си богоязливо жувли ко алав Лидия, таро градос Тиатир, продавачка моравоне платовиенге, шунелас; тай о Дел путергяс лакоро сърцес те внимавинел далкеске, ковато о Павел хоратинелас. ¹⁵Тай като кръстисали ой тай лакоро кер, помолингяс амен, тай пенгяс: Ако признавинен ман верно е Девлеске, ден ан ме кересте тай бешен. Тай принудингяс амен. ¹⁶Тай иек диес, като жасас ко молитвено тан, ресли амен иек слугиния, която сине ла предсказвателно духос тай чрез пе врачувимнасте анелас бари печалба пе господариенге. ¹⁷Ой пирелас палал о Павел тай палал аменде тай пицинелас, тай пенелас: Калка мануша си слуги е Всевишноне Девлеске, колато проповединен туменге дром за спасение. ¹⁸Давка ой керелас бут диеса нангле. А понеже бут дотегнингяс е Павелеске, ов ирисало тай пенгяс е духоске: Заповединав туке андо алав на Иисуса Христа те иклос латар. Тай иклило ко също сахати. ¹⁹А о господария лакере, като дикле, кай иклили ленгири надежда печалбаке да, долде е Павелес тай Сила тай ингалде лен ко пазари англал о началника. ²⁰Тай като ингалде лен ко градска съдиес, пенде: Калка мануша си юдея тай бут смутинен амаро гради, ²¹като проповединен обичаи, колато нанай позволиме аменге, сар римляния, те приеминас или е пазинас. ²²Тогава и талпа вкупом ваздисале против ленде тай о градска съдиес разкъсингяс ленгере шехя, тай заповединде те марен лен тоягенца. ²³Тай като марде лен бут, чивте лен анди тъмница тай заповединде е тъмничнияне началникиеске те пазинел лен здраво; ²⁴а ов като получингяс сайка заповед, чивгяс лен ки по-андруни тъмница тай стегингяс лачес ленгере пире андо клади. ²⁵Но машкар и рат, като о Павел тай Сила молиненас пес тай гилябенас химня е Девлеске, а о затворника шуненас лен, ²⁶внезапно ачило баро труси, чука че о основес е тъмницакере поклатисале; тай веднага саворе вудара путердиле, тай о оковес саворенгере развържисале. ²⁷Тай о началники, като ухтилило тай диклас о тъмнична вудара путерде, измъкнингяс по мечи тай ка мударелас пес, като мислинелас кай о затворника нашле. ²⁸Но о Павел пицингяс силноне гласоса: Ма кер нисаво зло туке, сокето саворе синям ате. ²⁹Тогава о началники манглас светилос, хърпингяс андре тай като издралас пело англал о Павел тай Сила; ³⁰тай ингалгяс лен аври, тай пенгяс: Господа, со требе те керав, за те спасинав ман? ³¹А он пенде: Повервие андо Дел Иисуса Христа, тай ка спасинестут-ту тай то кер. ³²Тай хоратиненас е Девлескоро учение леске тай саворенгере, колато сине андо кер леске. ³³Тай ов лилас лен ко също сахати машкар и рат, тай истогяс ленгере ранес; тай без забава кръстингяс пес, ов тай саворе лескере. ³⁴Тай като ингалягяс лен пе кересте, товгяс ленге софра; тай повярвало андо Дел, лошантгяс пе целоне кереса. ³⁵А като разсъмнисало, о градска съдиес бичалде е палачиен те пенен: Мук колке манушен. ³⁶Тай о началники съобщингяс о думес е Павелеске, тай пенел: О градска съдиес бичалде те мукас тумен; акана иклон тай жан туменге мириеса. ³⁷Но о Павел пенгяс ленге Марде амен публично, без те овас осъдиме, амен, колато синям римляния, тай чивте амен анди тъмница; тай акана тайно ли икален амен? Чука нана ачол; но он нека авен те икален амен. ³⁸Тай о палачия съобщинде далка думес е градсконе съдиенге; а он, като шунде, кай уле римляния, дараниле; ³⁹тай але, тай помолинде лен те овен слизходителна, тай като икален лен, поканинде лен те жан песке таро гради. ⁴⁰А он, като иклиле тари тъмница, дине андо Лидиини, тай като дикле е прален, увецинде лен, тай занакле песке.

Chapter 17

¹Тай като накле презал о Амфипол тай Аполония, пристигнинде андо Солун, кате исине синагога е юдеиенг. ²Тай по пе обичаиесте о Павел диняс паш ленде тай трин съботес наред разисквинелас ленца таро писания, ³тай поясниелас ленге тай докажинелас, кай о Христос требаше те страдинел тай те възкръснинел таро муле, тай кай Кавка Иисус, Ковато, пенгяс ов, ме проповединав туменге, си о Христос. ⁴Тай десаве лендар убедисале тай дружиненас е Павелеса тай Сила, чука баро множествос таро набожна гръцка, тай ма хари таро по-първа жувяла. ⁵Но о юдея, подбудиме тари завист, лиле песке неколко каниле манущен таро мързеливци ко пазари тай като кидинде тълпа, размириренас о градос; нападнинде о Ясоново кер тай роденас е Павелес тай Сила, за те икален лен англал о народос. ⁶Но като нана аракле лен, завлечинде е Ясониес тай десавен таро прала англал о градоначалникия тай пищиненас: Калка, колато иринде о светос, але ате да; ⁷тай о Ясон приемингяс лен; тай он саворе действинен против о цезарска указя, като пенен, кай иси авер тагар, о Иисус. ⁸Тай о народос тай о градоначалникия, като шунде давка, смутисале. ⁹Но като лиле поръчителство таро Ясон тай околендар, мукле лен. ¹⁰А о прала незабавно бичалде е Павелес тай Сила машкар и рат андо Берия; тай он, като ресле оте, геле анди юдейско синагога. ¹¹Тай о беряния уле по-благородна таро солунция, сокето приеминде о учение би секакво предразсъдаки тай всеко диес изследвиненас о Писания те дикен дали ов си верно. ¹²Тай чука мнозина лендар повертвиде, тай таро високопоставена гъркинес, тай таро мруща ма хари. ¹³Но о солунска юдея, като ахалиле, кай анди Берия да проповединел пес таро Павел о Божие учение, але оте да, тай подбудинде тай смутинде е народос. ¹⁴Тогава о прала веднага бичалде е Павелес те жал карик о морес; а Сила тай о Тимоей ачили още оте. ¹⁵А колка, колато придружиненас е Павелес, ингалде лес жи ки Атина; тай като получиnde лестар заповед жи ко Сила тай Тимотей те авен кити ацине по сиго паш лесте, занакле песке. ¹⁶А като жарелас лен о Павел анди Атина, о духос лескоро възмутинелас пес дълбоко, като дикелас о гради, пердо идоленца. ¹⁷Тай чука, разисквинелас анди синагога е юдеиенца тай е набожнененца, тай ко пазари всеко диес колкенца, коленца случинелас пес те ресен пес. ¹⁸Също десаве таро епикурейска тай стоическа философия препирирененас пес леса; тай о иек пенде: Со мангел пе пенел кавка празнословцос? А авер: Дикел пес, кай си проповедници чуждоне боговиенг; сокето проповединелас е Иисусес тай о възкресение. ¹⁹Тай чука, лиле тай ингалде лес ко ареопаги, като пененас: Ащи ли те жанас саво си давка нево учене, ковато ту проповединес? ²⁰Сокето внесинес варесо странно анде амаре каненде; мангас те жанас со си давка. ²¹(А саворе атиняния тай чужденци, колато бешенас оте, нана прекарвиненас по време нисоса авереса, освен те разкажинен или те шунен варесо нево.) ²²Тай чука, о Павел ачило машкар о ареопаги тай пенгяс: Атиняни, по всичко дикав, кай синиен бут набожна. ²³Сокето, като накавас тай раздикалас о предметия, коленге кланинен тумен, араклом иек жертвеники да, колесте сине пишиме: Е непознатоне Девлескоро. Кавка, Колеске кланинен тумен, без те жанен Лес, Лес проповединав туменге. ²⁴О Дел, Ковато създиняс о светос тай всичко, ковато си анде лесте, като си Господари е небеске тай е пувяке, нана обитавинел андо ръкотворна храмовя, ²⁵нито си Леске потребна служение манушескере вастестар, като те овел лес нужда варесостар, понеже Коркоро Ов дел саворен животос тай дишиба, тай всичко, ²⁶тай кергяс иеке ратесар саворе човешка народос те живинен ко цело мui е пувяке, като определингяс ленге положиме времена тай о пределя ленгере заселищенг, ²⁷за те роден е Девлес, тай дано те усетинен Лес тай те аракен лес, ако тена да овел Ов дуре всеконе иекестар амендар, ²⁸сокето анде Лесте живинас, движинас амен тай съществувинас; сарто десаве тумаре поетиендар пендесас: " Сокето дори Лескоро роди синям." ²⁹Тай чука, сарто синям е Девлескоро роди, на требва те мислинас, кай о Божество си подобно златосте или сребросте, или баресте, изработиме човешконе изкуствостар тай измислицес. ³⁰О Дел обаче, без те икерел сметка за е времеске на невежество, акана заповедингяс саворе манущенг секте те покайнен пес, ³¹сокето назначонгяс диес, като ка съдинел е светос справедливо чрез о мануш, Колес определингяс; за колеске диняс уверение саворенг, като възкресингяс Лес таро муле. ³²А като шунде за е възкресениескe е муленг, иек подигравиненас пес, а авер пенде: Далкеске пак мангас те шунаас тут. ³³Тай чука, о Павел иклило песке машкар ленде. ³⁴А десаве мруща прилеписале паш лесте тай повертвиде, машкар коленде сине о Дионисий Ареопагит, още иек ромни да, ко алав, Дамар, тай авер ленца.

Chapter 18

¹Палал далкесте о Павел цидингяс тари Атина тай ало андо Коринт, ²кате араклас иеке юдеиес, ко алав Акила, бияндо андо Понт, тай ма отдавна пристигнингяс тари Италия пе ромняса и Прискила, соскето о Клавдий заповедингясас те махнинен пес саворе юдея таро Рим; тай о Павел ало паш ленде. ³Тай понеже исине лес о също занятие, бешелас ленде тай керенас бути; соскето о занятие ленгоро сине те керен шатрес. ⁴Тай всеко събота разисквинелас анди синагога юдеиенца тай гърциенца, тай стараинелас пес те убединел лен. ⁵А като о Сила тай о Тимотей ухлиле тари Македония, о Павел усетинелас подтики те хоратинел о словос тай заявинелас е юдеиенге, кай о Исус си о Помазаники. ⁶Но понеже он противиненас пес тай хулиненас, ов тренингяс пе шехя тай пенгяс: О рат тумаре те овел тумаре шеренде; ме синиом чисто лестар; от акана ка жав машкар о езичникия. ⁷Тай като преместисало отар, ало андо кер десавеске, ко алав Тит Юст, ковато кланинелас пес е Девлеске тай колескоро кер сине жи ки синагога. ⁸А о Крисп, о началники е синагогакоро, повервингяс андо Дел пе целоне кереса; тай мнозина таро коринтияния, като шуненас, верувиненас тай кръстиненас пес. ⁹Тай о Дел пенгяс е Павелеске машкар и рат андо видение: Ма дара, а хоратине тай ма трание; ¹⁰соскето Ме синиом туса тай никой нанай те нападнинел тут те керел туке зло; соскето иси ман бут люде калке градосте. ¹¹Тай ов бешло оте иек бреш тай шов масек, като поучинелас лен андо Божие словос. ¹²А като о Галион сине управители анди Ахая, о юдея ваздисале единодушно против о Павел, анде лес англал о съдилище тай пенде: ¹³Кавка убединел е манущен те кланинен пес е Девлеске, несъгласно е закониеса. ¹⁴Но като о Павел ка путрелас мui, о Галион пенгя е юдеиенге: Ако сине въпроси десаве неправдаке или грозноне злодеяниеске, о, юдеи, разбирасе, требе те търпинав тумен; ¹⁵но ако о въпросия си за учение, за алавенге тай за тумаре закониеске, дикен туменге коркоре, ме нана мангав те овав съдия салке букиенге. ¹⁶Тай изгъднингяс лен таро съдилище. ¹⁷Тогава он саворе* долде е началникиес е синагогакоро Состен, тай марде лес англал о съдилище; но о Галион нана мангелас те жанел далкеске. ¹⁸А о Павел като бешло оте още доста време, простиングяс пес е праленца тай отплувингяс за Сирия (тай леса и Прискила тай Акила), като остирингяс по шеро андо Кенхрея, соскето динясас оброки. ¹⁹Като ресле андо Ефес, ов муクラス лен оте, а коркоро диняс анди синагога тай разисквинелас е юдеиенца. ²⁰А като замолинде лес те бешел по бут време, ов нана склонингяс; ²¹но простисало ленца, тай пенгяс: Но ако о Дел мангел, пак ка иринав ман паш туменде. Тай отплувингяс таро Ефес. ²²Тай като ухлило анди Цезарея, диняс андо Ерусалим, тай поздравингяс е кангеря тай после ухлило анди Антиохия. ²³Тай като побешло оте известно времес, иклило тай обикалянелас наред и Галатийско тай и Фригийско пув, тай утвърдинелас саворе ученикиен. ²⁴Тай десаво юдеи, ко алав Аполос, бияндо анди Александрия, мануш учено тай силно андо писания, ало андо Ефес. ²⁵Ов сине наставиме ко Господно дром тай като сине ко духос усьрдно, хоратинелас тай поучинелас прилежно е Исусеске, а пенджарелас само о Йоаново кръщение. ²⁶Тай почнингяс те хоратинел дързостно анди синагога; но и Прискила тай Акила, като шунде лес, прибириинде лес тай изложинде леске по-точно е Девлескоро дром. ²⁷Тай като канинела пес ов те занакел андо Ахая, о прала насьчинде лес тай пишинде жи ко ученикия те приеминен лес; тай ов, като ало, помагингяс бут е повярвалоненге чрез и благодат; ²⁸соскето силно опровергинелас е юдеиен, и то публично, като докажинелас таро писания, кай о Исус си о Христос.

Chapter 19

¹А като о Аполос сине андо Коринт, о Павел, след като наклосас о упруне рига, ало андо Ефеас, кате аракляс десаве ученикен. ²Тай пенгяс ленге: Приеминген ли о Свято Духос, като повервинген? А он отговоринде леске: Даже на шунгям дали иси Свято Духос. ³Тай пенгяс: А анде состе кръстисален? А он пенде: Андо Йоаново кръщение. ⁴А о Павел пенгяс: О Йоан кръстинелас е кръщениеса на покаяние, като пенелас е люденге те верувинен Калкесте, Ковато ка авел палал лесте, демек, андо, Исус. ⁵Тай като шунде давка, кръстинде пес андо алаб на Господа Исуса. ⁶Тай като положингяс о Павел васта ленде, о Свято Духос ало упрат ленде; тай хоратиненас авер чиба, тай пророкувиненас. ⁷Тай он саворе сине около дешудуи мруша. ⁸Тай ов диняс анди синагога, кате хоратинелас дързостно; тай андо разстояние ко трин масек разисквинелас е люденца тай увещинелас лен за е Девлескоро тагарипе. ⁹А понеже десаве закоравиненас пес тай нана верувиненас, но злословиненас о учение англал о народос, ов оттеглисало лендар тай отделингяс е ученикиен, тай разисквинелас всеко диес анди училище ко Тиран. ¹⁰Тай давка продължингяс дуи бреш, чука че саворе, колато живиненас анди Азия, юдея да, гърция да, шунде о Господне учение. ¹¹Паш далкесте о Дел керелас особена велика дела през о васта е Павелескере; ¹²борка, кай като пиравенас ко насвале кърпес или престиликес, жи коленде докасвисало лескоро телос, о болестия махниненас пес лендар, тай о зла духовя иклонас. ¹³А десасве таро скитаща юдея да заклинателя пред приеминде те произнесинен о алаб на Господа Исуса упрат калкенде, колен исине зла духовя, като пенен: Дав тумен совела андо Исус, Колес о Павел проповединел. ¹⁴Тай машкар калкенде, колато керенас давка, сине о ефта чаве десаве юдеескере Скева, главно свещеници. ¹⁵Но иеквар о зло духос в отговор пенгяс ленге: е Исусес признавинав, е Павелес да жанав; но туме кола синиен? ¹⁶Тай о мануш, анде колесте сине о зло духос, хърпингяс упрат ленде тай завладингяс лен, тай надвингяс упрат ленде, чука че нанге тай раниме нашле колке керестар. ¹⁷Тай давка ачило известно саворе ефесконе жителенг-тай юдея тай гърция; тай дар обземингяс саворен лен, тай о алаб на Господа Исуса възвеличинелас пес. ¹⁸Тай мнозина таро повярвала авенас, тай изповединенас пес тай изкажиненас пе дела. ¹⁹Мнозина още калкендар да, колато керенас магиес, аненас пе книгес тай таренас лен англал саворенде; тай като пресметнинде и цена ленгири, аракле, кай сине пинда хиляди сребърники. ²⁰Чука силно бариолас тай преобладинелас о Господно учение. ²¹Тай като свършингяс давка, о Павел през о Духос решингяс те жал андо Ерусалим, след като обикалангяс и Македония тай Ахая, като пенелас: Като побешав оте, требва те дикав о Рим. ²²Тай бичалгяс анди Македония дуиен калкендар, колато помагиненас леске, о Тимотей тай о Ераст; а ов ачило още известно време анди Азия. ²³А колке времесте ваздисало баро размирие относно о Господно дром. ²⁴Соскето иек златари ко алаб Димитри, ковато керелас сребърна моделя е Дианакере капищеске* тай анелас ма хари печалба е занятчиленге, ²⁵като кидингяс лен да, тай колкен, колато керенас подобна бука, пенгяс: О, мрушален, туме жанен, кай калке букятар авел амаро барвалипе. ²⁶Тай туме дикен тай шунен, кай ма само андо Ефес, но попчти анди цело Азия, кавка Павел убедингяс тай ириингяс баре множества, като пенел, кай нанай богове калка, колато си вастестар керде. ²⁷Тай иси опасност ма само давка амаро занятие те перел андо презрение, но о капище да е великоне богинияко и Диана те считинел пес нисоске, тай даже те перел таро величие поро койка, колаке и цело Азия тай и вселена кланинел пес. ²⁸Като шунде давка, он пердиле с гняв тай пищиненас, тай пенен: Велико си и Ефеско Артемида! ²⁹Тай безредие обхванингяс е градос; тай като долде е македонциен Гай тай Аристрах, о Павлова спътница, он мукле пес единодушно андо театъри. ³⁰А като о Павел мангелас те дел машкар о народос, о ученикия нана мукле лес. ³¹Чука десаве таро азийска началниция, понеже сине лескере амала, бичалде жи лесте те помолинен лес тена покажинел пес андо театъри. ³²Тай чука, иек пищиненас иек, а авер пищиненас авер; соскето и навалица сине разбъркиме тай по бут нана жаненас соске стечисале. ³³А десаве таро народос икалде е Александрес те хоратинел, понеже о юдея посочинде лес; тай о Александър махингяс вастеса тай ка делас обяснение англал о народос. ³⁴Но като пенджарде лес, кай си юдеи, саворе иеке гласосте пищиненас за около дуи сахакя: Велико си и Ефеско Диана! ³⁵Тогава о градско писари, като въдворингяс тишина машкар о народос, пенгяс: Ефесяни, кова си ковка мануш, ковато нана жанел, кай о градос Ефес си пазачи е великоне Артемидаке тай о пело таро Зефс идоли? ³⁶Тай чука, понеже давка си неоспоримо, туме требе те мирувинен тай тена керен нищо несмислено. ³⁷А туме ангиен ате калке манушен, колато нито си светотация, нито хулинен амаре богиния. ³⁸Ако о Димитри тай о занаятчиес, колато си леса, иси лен спори декаса, о съдилища засединен, иси съдийка чиновниция, нека съдинен пес иек авресте. ³⁹Но ако роден варесо авер, ов ка реипнгиол ко редовно събрание. ⁴⁰Соскето иси опасност

те обвининен амен поради о размирие авдиес, понеже нанай нисави причина за леске; тай аме нанай те ащи оправдинас давка сборище.⁴¹Тай като пенгяс давка, размуклас о събрание.

Chapter 20

¹Палал о утихване е размирицакоро о Павел викингяс е ученикиен тай като диняс лен наставление простиангас пес ленца, тай гело анди Македония. ²Тай като накло презал колке таненде тай увещингяс е ученикиен буте думенца, ало анди Гърция. ³Тай като побешло оте трин масек, понеже о юдея керде заговори против лесте ко време като тръгнингяс анди Сирия, ов решингяс те иринел пес презал и Македония.⁴Тай приджужинде лес жи ки Азия о беряни о Сопатър Пиров тай таро солунция о Аристарх тай Секунд; тай още о Гай тари Дервия тай о Тимотей, а тари Азия о Тихик тай о Трофим. ⁵А калка геле сас по-нангле тай жаренас амен андо Троада; ⁶тай аме отплавингям таро Филипи палал о диеса е безквасноне маренгере, тай пандже диесенге алам паш ленде анди Троада, кате бешлам ефта диеса.⁷Тай ко първо диес е куркеске, като улам кидиме за о разчупване е мареске, о Павел бешелас ленца, понеже ка отпътувинелас андиавин; тай продължингяс по словос жи машкар и рат. ⁸Тай исине бут светила ки упруни стая, кате улам кидиме.⁹Тай иек чо ко алав Евтих, ковато бешелас ко жами, засутосас дълбоко, тай като о Павел беседвинелас още по-надълго, като сине обладиме соибнастар, пело теле таро трето етажи; тай ваздинде лес муло. ¹⁰Но о Павел ухлило тай като пело управл лесте, гушиングяс лес тай пенгяс: Ма беспокойнен тумен, сокето лескоро животос си анде лесте.¹¹Палал далкесте ов качисало упре, пагляс о маро, тай халис тай приказвингяс пак надълго до зори, тай чука тръгнингяс. ¹²А е чес анде живдо, тай бут утешисале.¹³А аме тръгнингяс по-нангле е корабиеске тай отплувингям за Акос, кате ка прибиринасас е Павелес; понеже чука поръчингясас, като ка жалас пеша. ¹⁴Тай като кидисало аменца андо Акос, прибирингям лес тай алам андо Митилин.¹⁵Тай отар, като отплувингиям околе диесесте алам мамуял о Хиос, а околесте-пристигнингям андо Самос; тай като побешлам андо Трогилия ко следващо диес алам андо Милит.¹⁶Сокето о Павел решингясас те отнакел о Ефес, за тена бавинел пес анди Азия; понеже сигярелас, ако сине леске възможно, те араклол андо Ерусалим за е диесеске на Петдесетница.¹⁷А таро Милит бичалгяс андо Ефес те викинен е кантериенгере презвитериен.¹⁸Тай като але паш лесте, пенгяс ленге: Туме жанен по саво начини, таро първо диес, като стъпнгиом анди Азия, прекарнгиом саворо време машкар туменде¹⁹ андо служение е Девлеске с пердо смиреномъдрие, асвенца тай напастиенца, колато сполетинде ман таро заговоря е юдеиенге;²⁰ сар на въздържнгиоман те изявинав туменге всичко, ковато сине полезно, тай те поучинав тумен публично таро кера,²¹ като проповединавас юдеиенгеда, гърциенгеда покаяние спрямо о Дел тай вяра спрямо амаро Дел о Иисус Христос.²²Тай аке акана, заставиме духом, жав андо Ерусалим, без те жанав со ка сполетинел ман оте,²³ освен кай о Свято Духос заявинел манге анде секоне градосте, като пенел, кай оковес тай скърбес жарен ман.²⁴Но нана скъпнаман ме животоске тай нана свидинел пес манге за леске, стига само те икалав мо дром тай мо служение, ковато приемингиом таро Дел о Иисус, те проповединав о благовестие е Девлескере благодаттаке.²⁵Тай аке акана, ме жанав, кай ни иек тумендар, машкар коленде наклом тай проповедингиом о Божие тагарипе, нанай вече ти дикел мо мui.²⁶Далкеске заявинав туменге калке диесесте, кай ме синиом чисто таро рат саворенге;²⁷ сокето нана въздържнгиоман те изявинав туменге савори Божие воля.²⁸Овен бдителна туменге тай целоне стадоске, анде колесте о Свято Духос поставингяс туменге епископия, те пасинен и кангерей е Девлескири, която Ов придобингяс Пе собственоне ратеса.²⁹Ме жанав, кай палал мере занакибнасте ка ден машкар туменде свирепа вълция, колато нанай те жалинен о стадос;³⁰ тай тумендар ка вазден пес мануша, колато ка хоратинен изопачиме тай ка отвлечинен е ученикиен палал песте.³¹Далкеске бдинен тай помнинен, кай трин бреш, о диес тай ират, нана престанингиом те поучинав асвенца всеконе иекес тумендар.³²Тай акана, препоръчинав тумен е Девлеске тай е словоске Лескири благодат, ковато ащи те назидавинел тумен тай те дел тумен наследство машкар саворе осветеноненде.³³Никаскоро сребро или златос, или о шехя нана манглом.³⁴Туме коркоре жанен, кай калка мере васта послужинде мере нужденге тай е нужденге колкенге, колато уле манца.³⁵Всичконастте покажингиом туменге, кай чука трудеща требва те помагинен е немощноненге, тай те помнинен о думес е Девлескере о Иисус, саро Ов пенгяс: По-блажено си те дел о мануш, отколкото те приеминел.³⁶Като пенгяс давка, коленичингяс тай помолисало саворенца.³⁷Тай саворе руне бут; тай пеле ки мен е Павелеске, тай чумиденас лес,³⁸ наскърбиме най-бут е думенге, колато пенгяс, кай нанай вече те дикен о мui лескоро. Тай изпратинде лес жи ко кораби.

Chapter 21

¹Като разделисалам лендар тай отплавингям, алам право ко Кос, а ко следващо диес ко Родос, тай отар ко Патара. ²Тай като араклам кораби, ковато занакелас за Финикия, качисалам лесте тай отплавингям.³Тай като вече о Кипър покажисало, муклам лес отляво, плавинасас карик и Сирия, тай ухлилам андо Тир; сокето оте о кораби ка разтоваринелас пес. ⁴Тай като родингям е ученикиен, побешлам оте ефта диес; тай он чрез о Духос пененас е Павелеске тена стъпвинел андо Ерусалим.⁵Като далка диеса накле,тръгнингям тай продължингям амаро дром; тай он саворе, пе ромниенца тай пе чавенца, изпратинде амен извън о градос; тай коленичиме ко брегос, помолингям амен. ⁶Тай като простидалам иек авреса, аме качисалам ко кораби, а он ирисале пе кересте.⁷Тай аме, като преплавингям о разстояние таро Тир, реслам андо Птолемаида, кате поздравингям е прален тай бешлам ленде иек диес. ⁸А ко следващо диес тръгнингям тай реслам анди Цезарея; тай диням андо кер е благовестителеске о Филип, ковато сине иек таро ефта дякония, тай ачилам лесте. ⁹А лес исине штар чая девицес, колато пропокувиненас.¹⁰Тай след като побешлам оте бут диеса, иек пророки, ко алаб Агав, ухлило тари Юдея.

¹¹Тай като ало паш аменде, лилас о Павлово пояси, тай панляс пе пире тай пе васта тай пенгяс: Аке со пенел о Свято Духос: Чука о юдея андо Ерусалим ка панден е манушес, колескоро си кавка пояси, тай ка преден лес ко васта е езичникиенге.¹²Тай като шунгям давка, амеда, отarda, молинасас е Павелес тена жал андо Ерусалим. ¹³Тогава о Павел отговорингяс: Со керен туме, соке ровен, тай съкрушинен мо сърцес? Сокето ме синиом готово ма само те овав панло, но те мерав да андо Ерусалим е Девлескере алавеске о Иисус. ¹⁴Тай понеже ов сине неумолимо, аме траингям тай пенгям: Те овел е Девлескири воля.

¹⁵Тай палал далке диесенде приготвингям амен дромеске, тай гелам андо Ерусалим. ¹⁶А аменца але десаве таро ученикия анди Цезария, тай ингалдеамен десавесте Мнасон,киприянини, отдавнашно ученики, колесте ка овасас гостя.¹⁷Тай като реслам андо Ерусалим, о прала приеминде амен лошаласа. ¹⁸Тай около диесесте о Павел диняс аменца ко Яков, кате присъствиненас саворе презвитера. ¹⁹Тай като поздравингяс лен, разкажингяс ленге иек по иек всичко, ковато о Дел кергяс машкар о езичниция чрез лескере служениесте.²⁰А он, като шунде, прославинде е Девлес. Тогава пенде леске: Ту дикес, прала, кити десетки хиляди повярвала юдея иси, тай он саворе ревностно поддържинен о закони. ²¹А за туке си уведомиме, кай учингян саворе юдеиен, колато си машкар о езичниция, те отстъпинен таро Мойсеево закони, като пенес ленге тена обрежинен пе чавен, нито те икерен о пурране обредя.²²Тай чука, со те керел пес?

Сигорно ка кидел пес тълпа, сокето он непременно ка шунен, кай алан. ²³Далкеске кер со пенас туке. Машкар аменде иси штар мруша, колато иси лен оброки;²⁴ле лен, кер то очистване заедно ленца тай платине ленгере разносекес те муравен пе шере; тай чука саворе ка жанен, кай нанай истина давка, ковато шунде за туке, но кай туда постъпинес порядъчно тай пазинес о закони.²⁵А кити е повярвалоне езичникиенге, аме пишингям амаро решение те пазинен пес хабнастар таро идоложертвено, рат тай удавиме*, също таро блудство.²⁶Тогава о Павел лилас е мрушен паш песте; тай ко следващо диес, като кергяс по очистване заедно ленца, диняс андо храми тай обявингяс канна ка свършинен пес о диеса, определиме за ко очистване, като ка принесинел пе о приноси всеконе иекеске лендар.²⁷Тай като о ефта диеса свършиненас, о юдея тари Азия, като дикле лес андо храми, възбудинде е целоне народос, товде васта уптал лесте тай пищиненас:²⁸О, израиляния, помагинен! Кавка си о мануш, ковато на всекъде учинел саворен против амаре народосте, против о закони тай против кавка тан; а освен давка въведингяс гърциен андо храми тай осквернингяс кавка свято тан.²⁹(Сокето англал далкесте диклесас леса е ефесяниес о Трофим тай мислиненас, кай о Павел ангяс лес андо храми.)³⁰Тай цело градос развълнувисало, тай о люде прастаниле; тай като долде е Павелес, икалде лес аври таро храми; тай веднага панлиле о вудара.³¹Тай като ка мударенас лес, ресло известие жи ко хилядники е полкаке, кай цело Ерусалим си размириме;³²тай ов веднага лилас войникиен тай стотникиен, тай муклас пес мамуял ленде. А он, като дикле е хилядникиес тай е войникиен, престанинде те марен е Павеле.³³Тогава о хилядники приближисало, тай долгяс лес тай заповедингяс те оковинен лес дуие веригенца, тай разлучелас кова си ов тай со кергяс.³⁴А машкар и навалица о иек пищиненас иек, а авер-авер; тай понеже нанащине ахалол и същност е букякири поради о смущение, заповедингяс, заповедингяс те ингален лес анди крепост.³⁵А като ресло жи ко стъпала, о войникия ваздинде лес тай пиравде лес ашал о насилие е навалицакоро;³⁶сокето саворе люде пиренас палал тай пищиненас: Премахнине лес!³⁷Тай като ка ингаленас е Павелес анди крепост, ов пенгяс е хилядникиеске: Позволиме ли си мангите пенав туке варесо? А ов пенгяс: Ту жанесас гръцки!³⁸Нана синян ли тогава ковка египтяни, ковато преди известно време размирингяс тай ингалгяс анди пустиния о штар хиляда мруша убийция?³⁹А о Павел пенгяс: Ме

симиом юдеи таро Тарс Киликийски, граждани калке знаменитоне градоске; тай молинаман туке те позволинес те хоратинав е люденге.⁴⁰ Тай като позволингяс леске, о Павел зачило ко стъпала тай махингяс вастеса е люденге; а като въдворисали бари тишина, почнингяс те хоратинел ленге на еврейски, като пенгяс:

Chapter 22

¹Пralalen тай дада, шунен акана мери защита англал туменде. ²(Тай като шунде, кай хоратинел ленге на еврейски, он пазиненас още по-бари тишина; тай ов пенгяс:) ³Ме синиом юдеи, бияндо андо Тарс Киликийски, а възпитиме калке градосте паш о Гамалиилова пире, изучиме строго андо предиме амаре дадендар закони. Тай улом ревностно е Девлеске, карто синиен саворе туме авдиес; ⁴тай гонинавас жи мерибнасте е последователен калке учениескере*, като пандавас тай предавас панлибнасте мрушенда, жувленда; ⁵карто свидетелствинел мангे о първосвещеници да, о цело старейшинство да, кастар лиломас писма жи ко прала еврея андо Дамаск, кате жавас, за те ингалав панлен андо Ерусалим, за те накажинен лен. ⁶Тай като улом дроместе тай приближингиом о Дамаск, карик о пладне, внезапно блеснингяс таро небес бари светлина около манде. ⁷Тай пелом ки пув, тай шунгиом гласос, ковато пенгяс мангег: Савле, Савле, соске гонинес ман? ⁸А ме отговорингиом: Кова синян ту Девла? Тай пенгяс мангег: Ме синиом о Иисус о Назаряни, Колес ту гонинес. ⁹А ме другария дикле и светлина, но нана шунде о гласос Калкескоро, Ковато хоратинелас мангег. ¹⁰Тай пенгиом: Со те керав, Девла? Тай о Дел пенгяс мангег: Ухти, жа андо Дамаск тай оте ка пенеллес туке всичконаске, ковато си туке определиме те керес. ¹¹Тай понеже таро бляськи колке светлинакоро изгубингиом ме зрение, ме другария повединде ман вастестар, тай чука диниом андо Дамаск. ¹²Тай десаво си Анания, мануш благочестиво ко закони, характериеса, одобриме саворендар оте живяща юдея, ¹³ало паш манде тай като зачило тай бангило упран манде, пенгяс мангег: Права Савле, задик. Тай ме ко сахати получингиом мо зрение, тай диклом карик лесте. ¹⁴А ов пенгяс: О Дел амаре даденгоро предназначингяс тут те пенджарес Лескири воля тай те дикес е Праведникиес, тай те шунес гласос Лескере мостар; ¹⁵сокето ка овес свидетели за Леске англал саворе манушенде далкеске, ковато диклан тай шунгян. ¹⁶Тай акана, соске бавинес тут? Ухти, кръстине тут тай истов тут те безехендар, тай призовине е Девлескоро алав. ¹⁷Тай като ирисалом андо Ерусалим, като молинавас ман андо храми, алом в изстъплеие, ¹⁸тай диклом Лес те пенел мангег: Сигяр те иклос сиго таро Ерусалим; сокето нанай те приеминен тутар свидетелство за Мангег. ¹⁹Тай ме пенгиом: Господи, он жанен, кай ме пандавас тай маравас ко синагогес колкен, колато верувиненас анде Туте; ²⁰тай като чориолас о рат Тере мъченикескоро о Стефан, ме улом оте тай одобринавас, като пазинавас о шеяя калкенгере, колато мударенас лес. ²¹Но Ов пенгяс мангег: Жа, сокето ка бичалав тут дуре машкар о езичниция. ²²Жи калке думате шуненас лес; а тогава пищинде силноне гласоса, като пенде: Те махнинел пес савка тари пув! Сокето нанай достоинно те живинел. ²³Тай понеже он пищиненас, чивенас пе шеяя тай чивенас прахос андо въздухи, ²⁴о хилядники заповедингяс те ингален лес анди крепост тай заръчинягас те изпитинен лес марибнаса, за те ахалол по сави причина пищинен чука против лесте. ²⁵Тай като разтегниндесас лес ремакиенца, о Павел пенгяс е стотникеское, ковато бешелас оте: Законно ли си туменге те биувинен иеке римлияниес, и то неосъдиме? ²⁶Като шунгяс давка, о стотники гело, тай известингяс е хилядникиеское, тай пенгяс: Со керес? Сокето кавка мануш си римлияни. ²⁷Тогава о хилядники приближисало тай пенгяс леске: Пен мангег, римлияни ли синян? А ов пенгяс: Римлияни. ²⁸О хилядники отговорингяс: Буте паренца добингиом давка гражданство. А о Павел пенгяс: Но ме бияндилом да анде лесте. ²⁹Тогава калка, колато ка разпитвиненас лес, веднага мукле лес. А о хилядники даранило, като ахалило, кай си римлияни, понеже панласас лес. ³⁰Ки андиавин, като мангелас те ахалол и същинско причина, поради колате о юдея обвининенас лес, ов путергяс лес, заповедингяс те киден пес о главна свещеникия тай ленгоро цело синедриони, ангяс е Павелес теле тай поставингяс лес англал ленде.

Chapter 23

¹Тай о Павел като задиклас пес андо синедриони, пенгяс: Пралален, жи калке диесесте ме живингиом англал о Дел съвършеноне чистоне съвестяса. ²А о първосвещеници о Анания заповедингяс е бешленге жи лесте те чалавен лес ко мui. ³Тогава о Павел пенгяс леске: О Дел ка чалавел тут, стено варосана; тай ту бешлан те съдинес ман ко закони, а против о закони заповединес те чалавен ман!⁴А о бешле наоколо пенде: Е Девлескере първосвещеникиес ли хулинес? ⁵Тай о Павел пенгяс: Нана жангиом, пралален, кай си първосвещеници, соскето си пишиме: " Тена злословинес началникиес те народоскоро."⁶А като о Павел пенджаргяс кай и иек част си садукая, а около фарисея, пищингяс андо синедриони: Пралален, ме синиом фарисей, чаво фарисейскоро; съдинен ман поради и надежда тай о учение за е възкръсениеиске е муленгоро. ⁷Тай като пенгяс давка, възникнингяс разпра машкар о фарисея тай о садукая; тай о събрание разделисало. ⁸Соскето о садукая пенен, кай нанай възкресение, нито ангели, нито духос; а о фарисея признавинен о дуи да.⁹Тай чука възникнингяс бари глъчка; тай десаве книжники тари фарисейско риг ухтиниле, тай препириненас пес, като пенде: Нисаво зло нана аракас анде калке манушесте; тай ако хоратингяс леске духос или ангели, тена противинас амен е Девлеске. ¹⁰Тай понеже и разпра ачили бари, о хилядники, като даралас тена разкъсинен е Павелес, заповедингяс е войниене те ухлен те грабинен лес, тай те ингален лес анди крепост.¹¹Тай презал и следващо рат о Дел зачило жи лесте, тай пенгяс: Дерзайне, соскето, сарто свидетелствингян за Мангэ андо Ерусалим, чука требе те свидетелствинес андо Рим. ¹²Тай като дислило, о юдея керде заговори, обвържисале совеласар тай пенде, кай нанай те хан, ни те пиен, жи кай нана мударен е Павелес. ¹³Калка, колато керде давка заговори, сине по бут таро саранда мануша.¹⁴Он але ко главна свещеникия тай ко старейшинес тай пенде: Диням клетва тена вкусинас нищо, жикай на мударас е Павелес. ¹⁵Акан а туме е синедриониеса заявинен е хилядниковеске те анел лес теле паши туменде, уж кай манген те изучинен по-точно лескоро делос; а аме,англал те приближинел ов,синяя готова те мударас лес.¹⁶Но е Павелескере пенякоро чо,като заварингяс лен,шунгяс о заговори тай диняя анди крепост;тай обадингяс е Павелеске. ¹⁷Тогава о Павел викингяс иекес таро стотника тай пенгяс леске:Ингал калке чавес ко хилядники,соскето иси те пенел леске варесо.¹⁸Тай ов лилас лес,ингалгяс лес ко хилядники тай пенгяс:О задържиме Павелес викингяс ман тай помолингяс пес мангэ тай жарен само те обещинес тут ленге.²²Тай чука,о хилядники муклас е чавес те жал песке,като заръчингяс леске:Никаске тена пенес,кай обадингян мангэ давка.²³Тогава викингяс дуиен таро стотника тай пенгяс ленге:Приготвинен дуи шел пехотинция,ефташ конници тай дуи шел копиеносция те занакен за Кесария ко трето сахати презал ират. ²⁴Приготвинен добитъки да,колесте те възкачинен е Павелес,тай те одвединен лес безопасно жи ко управители о Феликс.²⁵Ов пишингяс писмо да,ковато исине лес о следно съдржание: ²⁶Таро Клавдий Лисий жи лескоро превъзходителство о управители о Феликс,поздрви. ²⁷Кавка мануш уло уловиме таро юдея,колато ка мударенас лес;но ме пристигнингиом е войниенца тай избавингиом лес,понеже научингиом,кай уло римляни.²⁸Тай като манглом те ахаловав и причина, колате обвининенас лес, ингалде лес теле ко синедриони ленге;²⁹тай араклом, кай обвининен лес въпросиене ленгере законистар; нана сине обаче нисаво обвинение за варесо достойно мерибнаксе или оковиенге.³⁰Тай понеже пендеманге, кай ка овел заговори против далке манушесте, веднага бичалгиом лес паши туте, като заръчингиол лескере обвинителене да те изкажинен пес англал туте против лесте. Ачов с састипнаса.³¹Тай чука, о войникия, според и дадено заповед ленге, лиле е Павелес тай ингалде лес машкар и рат анди Антипатрида. ³²Тай ки андивин мукле о конницес те жан леса, а он ирисале анди крепост. ³³А о конницес като дине анди Цезарея тай връчинде о писмо е управителеске, представинде леске е Павелес да.³⁴А като четингяс лес, пучлас коле областиятар си ; тай като ахалило, кай си тари Киликия, пенгяс: ³⁵Ка шунав тут, като ка авен те обвинителя. Тай заповедингяс те пазинен лес анди Иродово претория.

Chapter 24

¹Тай палал о панч диес о първосвещенники о Анания ухлило десаве старейшиненца тай иеке адвокатиеса, ко алав Тертил, колато подине е управителеске жалба против о Павел. ²Тай като викинде лес, о Тертил почнингяс те обвининел лес, като пенелас: Понеже чрез туте, честити Феликс, лошана с баре спокойствиеске тай понеже чрез тери предвидливост поправинен пес злини анде калке амаре народосте, ³то аме пердоне благодарностиенца по секакво начини тай признавинас давка.⁴ Но за тена отекчинав тут по бут, молинав тут те овел тут слизхождение тай те шунес амен накратко; ⁵понеже араклам, кай кавка мануш си заразители тай размирники машкар саворе юдеиенде ки вселена, още водители да е назарейсконе ересаке; ⁶ковато опитисало о храми да те осквернишел; но аме уловингям лес тай манглам те съдинас лес амаре закониесте; ⁷но о хилядники о Лисий ало тай баре насильтвоса изтръгнингяс лес амаре вастендар, тай заповедингяс лескере обвинителенге те авен паш туте.] ⁸А ту, като коркоро изпитинес лес, ка ащи ахалос лестар всичко давка, за соске обвининас лес. ⁹О юдея да потвърдинде, като пенен, кай давка си верно.¹⁰ А като о управители кимнингяс е Павелеске те лел и дума, ов отговорингяс: Понеже жанав, кай от бут бреша ту улан съдия калке народоске, ме на драго сърцес хоратинав анде мере защитаке; ¹¹сокето ащи те научинес, кай нанай по бут таро дешудуи диеса, отсар възлизингиом ко поклонение андо Ерусалим. ¹²Тай нана аракле ман нито андо храми, нито андо синагогес, нито андо градос, те препиринаман декаса или те размиринас е народос. ¹³Тай он нанащи те докажинен англал туте давка, за колеске обвининен ман акана.¹⁴ Но давка изповединав англал туте, кай според о учение*, ковато он наречинен ерес, чука служинав амаре даденгере Девлесте, като верувинав всичко, ковато си ко закони тай си пишими андо пророкия, ¹⁵тай кай надявинаман ко Дел, кай ка овел възкресение праведноненгте тай неправедноненгте, ковато он коркоре да приеминен. ¹⁶Далкеске меда старайнаман те овел ман всякова непорочно съвест тай спрямо о Дел, тай спрямо о мануша.¹⁷ А палал о изтичане е буте брешенге алом те анав милостиинес ме народоске тай принося. ¹⁸А като принесинавас лен, он аракле ман андо храми очистиме, без те овел навалица или размирие; ¹⁹но исине десаве юдея тари Азия, колато требаше те представинен пес англал туте тай те обвининен ман, ако исине лен варесо против манде.²⁰ Или он коркоре нека пенен сави неправда аракле анде манде, като зачилом англал о синедриони, ²¹освен само кавка вики, ковато издниом, като бешавас машкар ленде: Поради о учение за е възкръсениеске е муленгоро съдинен ман авдиес.²² А о Феликс, като пенджарелас доста лачес кавка учение *, отложингяс о делос, тай пенгяс: Като ка ухлел о хилядники о Лисий, ка разрешинал тумаро делос. ²³Тай заповедингяс е стотникиске те пазинен е Павелес, но те ден лес известно свобода тай тена спиринен никак лескере амалендар те прислужвинел леске.²⁴ Палал неколко диеса о Феликс ало пе ромняса и Друзила, която сине юдейка, тай бичалгяс те викинен е Павелес, колестар шунел е вяраке андо Христа Иисуса.²⁵ Тай като ов хоратинелас за правда, за себеобузздание тай за е бъдещоне съдоске, о Феликс даравно отговорингяс: За акана жатуке; тай като ка аракав време, ка викинав тут.²⁶ Машкар далкесте, ов надявинелас пес, кай ка получинел парес таро Павелес; далкеске по-честичко викинелас лес, тай приказвинелас леса.²⁷ Но като навършисале дуи бреш, о Феликс уло заместиме таро Порций Фест; а понеже мангелас о благоволение е юдеиенгоро, о Феликс муклас е Павелес андо оковес.

Chapter 25

¹Тай о Фест, като заемингяс пи област, палал о трин диес гело тари Цезарея андо Ерусалим. ²Тогава о главна свещеникия тай о юдейска първенци подине паш лесте жалба против о Павел, ³тай като молиненас лес, мангенаас те склонинел далкесте против лесте - те бичалел те анен лес андо Ерусалим; като възнамериненас те поставинен засада те мударен лес ко дром.⁴ О Фест обаче отговорингяс, кай о Павел вече пазинел пес анди Кесария тай кай ов коркоро сиго ка тръгнинел оте; ⁵далкеске, пенгяс ов, о влияителна машкар туменде нека те ухлен манца; тай ако иси варесо банго андо мануш, нека обвининен лес.⁶ Тай като побешло машкар ленде ма побут таро охто или деш диес, ов ухлило анди Цезарея, тай около диесесте бешло ко съдийско столос, тай заповедингяс те анен е Павелес. ⁷Тай като ало, о юдея, колато ухлилесас таро Ерусалим, обикалянде лес тай обвининенас лес буте тай паре обвинениенца, колато обаче нанащине докажинен; ⁸ но о Павел анди защита пери пенелас: Нито против о юдейско закони, нито против о храми, нито против о кесари извършилиом десаво престъпление.⁹ Но о Фест, понеже мангелас те спечелинел о благоволение е юдеиенгоро, андо отговори е Павелеске пенгяс: Мангес ли те вълизинес андо Ерусалим тай оте те съдинес тут далкеске англал манде?¹⁰ А о Павел пенгяс: Ме бешав англал о цезарево съдилище, кате требе те овав съдиме. Е юдеиенге нана кергиом нисави вреда, сарто туда твърде лачес жанес.¹¹ Сокето, ако синиом вредители тай кергиом варесо достойно мерибнаске, нана нашав таро мериба; но ако ни иек таро неща, за коленге калка обвининен ман, нанай истина, никой нанащи предел ман, за те угодинел ленгте. Отнасинаман жи ко цезари.¹² Тогава о Фест, след като поразискингяс о въпроси е съветиеса, отговорингяс: Отнесисалан жи ко цезари; ко цезари ка жас.¹³ А като накле неколко диеса, о тагар Агрипа тай Верникуя але анди Цезарея те поздравинен Фест.¹⁴ Тай като бавиненас пес оте доста време, о Фест доложингяс о Павлово делос англал о тагар, тай пенгяс: Иси иек мануш, мукло таро Феликс андо оковес.¹⁵ За леске, като улом андо Ерусалим, о главна свещеникия тай о юдейска старейшинес подине манге жалба тай мангенаас те съдинав лес.¹⁶ Но отговорингииом ленгте, кай о римляния нанай лен обичай за угода декаске те преден десаве манушес (мерибнасте, англал о обвиняемо те уло поставиме муи миеса пе обвинителенца, тай те дел пес леске случай те хоратинел анди пери защита относно о обвинение).¹⁷ Тай чука, като але ате заедно манца, незабавно ко следно диес, бешлом ко съдийско столос тай заповедингииом те анен е манушес.¹⁸ Но като о обвинителя лескере зачиле, нана обвининде лес нисаве каниле деловиенге, саве ме предположинавас;¹⁹ но исине лен против лесте десаве разисквания за ленгере вярвания тай за десаво Исус, Ковато муло, за Колеске о Павел твърдинелас, кай си живдо.²⁰ Тай ме, понеже улом андо недоумение сар те изпитвинав салке букиенге, пучлом дали ка жал андо Ерусалим, оте те съдинел пес далкеске.²¹ Но понеже о Павел манглас те отнесинел пес жи ко решение е Августиеске, заповедингииом те пазинен лес, жи кай бичалав лес паш о кесари.²² Тогава Агрипа пенгяс на Фест: Мангеласпес мантре те шунав меда калке манушес. Тай ов пенгяс: Тася ка шунес лес.²³ Тай чука, около диесесте, като Агрипа тай Верникуя але баре великолепиеса тай дине анди съдебно зала е хилядникиенца тай и повидна граждания, о Фест заповедингяс те анен е Павелес.²⁴ Тогава о Фест пенгяс: Тагара Агрипа, тай саворе, колато присъствинен аменца, аке о мануш, за колеске о цело юдейско народос обжалвинел манге, тай андо Ерусалим, тай ате, като пищиненас, кай ов не требе вече те живинел.²⁵ Но ме араклом, кай нана кергас нищо достойно мерибнаске; тай понеже ов коркоро отнесисало жи ко Август, решингииом те бичалав лес.²⁶ А за леске нанай ман нищо положително те пишинав ме господариеске; далкеске икалгиом лес англал туменде, тай особено англал туте, тагара Агрипа, тай, като ачол лескоро разлучиба, те овел ман со те пишинав.²⁷ Сокето дикел пес манге неразумно, като бичалав манушес панло, тена изложинав о обвинения против лесте.

Chapter 26

¹Тогава о Агрипа пенгяс е Павелеске: Позволинел пес туке те хоратинес за туке. Тай чука, о Павел простиригяс вас тай почнингяс те хоратинел пере зашитаке: ²Считинаман за честито, тагара Агрипа, за далкеске англал туте ка зашитинаман авдис отнносно всичко, за колеске обвининен ман о юдея, ³а най-вече, сокето синян веџ андо саворе обредя тай разисквания машкар о юдея; далкеске молинаман туке те шунес ман търпениеса. ⁴Тай чука, саво сине моро животос от тернирла, давка саворе юдея жанен, понеже живинавас отначало машкар ме народосте андо Ерусалим. ⁵Сокето пенджарен ман отначало (ако мангенас те свидетелствувинен), кай според и най-строго секта* амаро вероизповедание живингиом фарисей. ⁶Тай акана бешав англал о съдос ашал и надежда за о обещание, ковато о Дел диняс амаре даден, ⁷жи ко изпълнение колеске амаре дешудуи племена надявинен пес те достигнинен, като служинен е Девлеске усърдно о диес тай ират. За далке надеждаке, тагара Агрипа, обвининен ман о юдея! ⁸Соске те сметнинел пес машкар туменде за невероятно, кай о Дел възкръснел е мулен? ⁹Тай ме мислиnavас манг, кай требе те вършинав бут букя против о алаб е Исусеске о Назаряни; ¹⁰ковато керавас андо Ерусалим, понеже пандавас андо тъмнищес мнозина таро светиес, като снабдисалом с власт таро главна свещеникия, тай за ленгере мударибнаксе давас гласос против ленде. ¹¹Тай като мъчинавас лен бут дрома андо саворе синагогес, стараинавас ман те традав лен те хулинен; тай анди прекомерно ярост против ленде гонинавас лен даже ко чужда градовя. ¹²По която бути, като пътувинавас за Дамаск с власт тай препоръка таро главна свещеникия, ¹³ко пладне, тагара, диклом ко дром светлина таро небес, която отнакелас е камескоро блясъки, тай осиянгяс манда, тай калкен, колато пътувиненас манца. ¹⁴Тай като пелам саворе ки пув, шунгиом гласос, ковато пенелас манг на еврейски: Савле, Савле, соске гонинес Ман? Мъчно си туке те ритинес мамуял остан. ¹⁵Тай ме пенгиом: Кова синян Ту, Девла? А о Дел пенгяс: Ме синиом о Исус, Колес ту гонинес. ¹⁶Но ухти тай изправине тут те пиренде, понеже далкеске явисалом туке, те назначинав тут служители тай свидетели далкесте, ковато диклан, тай ковка, ковато ка откринав туке, ¹⁷като избавинав тут таро юдейско народос тай таро езичникия, машкар коленде бичалав тут ¹⁸те путрес ленгере яка, за те иринен пес тари тъмнина карик и светлина, тай тари власт е Сатанаке карик о Дел, тай те приеминен о прощение пе безехенге тай наследство машкар о осветиме чрез и вяра анде Манде. ¹⁹Далкеске, тагара Агрипа, нана улом непокорно е небесноне видениеске; ²⁰но проповедингиом първо е юдеиенге андо Дамаск, андо Ерусалим тай ки цело Юдейско пув, а после е езичнициенге, те покайвинен пес тай те иринен пес карик о Дел, като вършинен дела съответствена пе покайбнаксе. ²¹По дайка причина о юдея уловинде ман андо храми тай опитисале те мударен ман. ²²Но е помосяща, която получингиом таро Дел, бешав жи калке диеесте, тай свидетелствинав англал скромноесте, тай англал високопоставиме, без те хоратинав нищо авер освен давка, ковато о пророкия тай о Мойсей хоратиненас, кай ка ачол ²³а именно, кай о Помазаники ка пострадинел тай кай Ов като възкреснел първо таро муле, ка проповединел светлина е юдейсконе народоске тай е езичнициенге. ²⁴Като ов чука зашитинелас пес, о Фест пищингяс силноне гласоса: Денилилан, Павле; ти бари ученост анел тут жи денилипнасте. ²⁵А о Павел пенгяс: Нана денилилом, честити Фесте, но таро зорало разуми пенав истинна думес. ²⁶Сокето о тагар, колеске хоратинав дързостно, жанел далкеске; понеже синиом убедиме, кай нищо далkestар нанай гаравдо лестар, сокето ов нана ачило десаве кътиесте. ²⁷Тагара Агрипа, верувинес ли андо пророкия? Жанав, кай верувинес. ²⁸А о Агрипа пенгяс е Павелеске: Хари думенца мангес те убединес ман те ачовав християни! ²⁹А о Павел пенгяс: Ка молинавман е Девлеске, било хари думенца, било бутенца, ма само ту, но саворе, колато шунен ман авдис, те ачон салка, саво синиом ме, но би калке оковенгоро. ³⁰Тогава о тагар ухтинило, е управителиса тай Верникия, тай о бешле ленца. ³¹Тай като оттеглисале ригате, хоратиненас машкар песте, тай пенде: Кавка мануш нана вършинел нищо достойно мерибнаксе или оковенгите. ³²А о Агрипа пенгяс на Фест: Кавка мануш ащине те мукел пес, ако нана отнесинелас пес жи ко црзари.

Chapter 27

¹Тай като сине решиме те отплавинас за Италия, прединиом е Павелес тай десаве авере панлен иеке стотниеске, ко алав Юлий, таро Августово полки. ²Тай като качисалам иеке адрамитсконе корабиесте, ковато ка отплавинелас за ко тана покрай о азийско брегос, тръгнингям; тай аменца сине о Аристарх, македонцос таро Солун.³Околе диесесте реслам андо Сидон; тай о Юлий икерелас пес човеколюбиво карик о Павел, тай позволингяс леске те жал пе амаленде, за те погрижинен пес леске. ⁴Тай отар, като тръгнингям, плавинаас на завет телал о Кипър, соккето о балваля сине противна. ⁵Тай като преплавингям о Килийско тай о Памфилийско морес, реслам андо ликийско гради Мира. ⁶Оте о стотники араклас иек александрийско кораби, ковато плавинелас за Италия, тай качингяс амен лесте. ⁷Тай след като плавинаас бавно бут диеса, едват реслам мамуял о Книд, понеже и балвал нана позволинелас аменге те дас оте, тай плавинаас на завет телал о Крит мамуял о нак Салмон. ⁸Тай като пренаклам лес мъкаса, реслам иеке танесте, ковато пенел пес Лаче Пристанища, паше жи колесте сине о градос Ласей⁹Но като наклосас пес бут време тай о плавиба сине вече опасно, соккето о пости* вече наклосас, о Павел съветвинелас лен, тай пенелас ленге: ¹⁰Чавален, дикав, кай о плаване ка овел приджуме повреденца тай бари загуба ма само е товариеске тай е корабиеске, но тай амаре животоске. ¹¹Но о стотники доверинелас пес по бут е кормчиеске тай е стопаниеске е корабиеско, отколкото е Павелескере думенде. ¹²Тай понеже о пристанище нана сине сгодно за презимуване, по бут изкажинде по мнение те вазден пес отар, за те ресен, ако сине възможно, жи ко Феникс, критско пристанище, ковато дикел карик о югозапад тай северозапад, тай оте те презимувинен. ¹³Тай като пудингяс южно балвал, мислиненас, кай сполучинде пи цел, он ваздинде котва тай плавиненас паше жи ко Крит. ¹⁴Но след хари муклас пес таро острови бурно балвал, наречиме евроквилон, ¹⁵тай като о кораби сине настигниме тари балвал, тай мамуял лесте нанащине устоинел, муклам амен ко вълни те пиравен амен. ¹⁶Тай като наклам на завет телал иеке островчсте, наречиме Клавда, сполучингям мъкаса те запазинас и ладия; ¹⁷тай като икалде ла, употребиненас всекаква средства, тай препасвиненас о кораби телал; тай даранас тена овен тласните уптал о Сиртис, свининде о платна тай ингаленас пес чука. ¹⁸Тай понеже улам анди бари беда тари бурия, ко следно диес долде те чивен о товари. ¹⁹Тай ко трето диес амаре вастенца чивкям о бука е корабиескере. ²⁰Тай понеже бут диеса нана дикиолас ни кам, ни звезди, тай и силно бурия напиринаас, ов изчезнингяс всеко надежда те овас спасиме. ²¹А палал о дълго гладуване о Павел зачило машкар ленде тай пенгяс: Чавален, пралален, требеше те шунен ман тена тръгнинен тари Крит, за тена постигнинел амен кайка повреда тай загуба. ²²Но акана да съветвинав тумен те овен бодра, соккето ни иек душа тумендар нанай те нашалгиол, но само о кораби,²³соккето ангели таро Дел, Колеско синиом ме тай Колеске служинав, зачило жи манде кайка рат тай пенгяс: ²⁴Ма дара, Павле, ту требва те зачос англал о цезари; тай аке, о Дел подарингяс туке саворен, колато плавинен туса. ²⁵Далкеске, пралален, овен бодра; соккето верувинав е Девлес, кай ка овел чука, саро уло мангел пendo. ²⁶Обаче аме требва те овас чивте десаве островиесте. ²⁷А като ачили и читринайсто рат тай аме тласкинаас амен нате-ноте ко Адриатическо морес, около машкар и рат о морякия усетинде, кай приближинен пес жи ки десави суша. ²⁸Тай като меринде и дълбочина, аракле кай си биш разтегя: тай геле по ноте, тай пак меринде тай аракле, кай си дешупанч разтегя. ²⁹Далкеске, даранас тена овен чивте ко тана е баренца, мукле штар котвес кари задница тай жаренас те дислол. ³⁰Тай понеже о морякия възнамериненас те нашен таро кораби, тай ухлавдесас и ладия андо морес телал о предлоги, кай ка мукенас котвес карик и предница, ³¹о Павел пенгяс е стотниеске тай е войнициенге: Ако калка нана ачон андо кораби, туме нанащи избавинен тумен. ³²Тогава о войниния чинде о шеле е ладиякере тай мукле ла те носинел пес таро морес. ³³А ко разсъмване о Павел канинелас саворен те хан, тай пенел: Авдие си о дешуштар диес сар жарен тай бешен бокале, без те вкъсингиен варесо. ³⁴Далкеске молинав тумен те хан, соккето давка ка помагинел умаре избавиенеске; понеже никаске тумендар бал таро шеро нанай те перел. ³⁵Тай като пенгяс давка, лилас маро, благодарингяс е Девлеске англал саворенде, пагляс лес тай почнингяс те хал. ³⁶Далкестар саворе ободрисале тай хале онда. ³⁷Тай андо кораби улам всичко дуи шел ефтадеш тай шов жене. ³⁸Тай като нахранисале, облекчинде о кораби, като чивте о житос андо морес. ³⁹Тай като дислило, он нана пенджарде и пув; обаче забележинде иек заливи песъчливоне брегоса, анде колесте възнамериненас те тласнинен о корабои, ако сине възможно. ⁴⁰Тай като откачинде о котвес, мукле лен андо морес, развържинде още о връзкес е кормилонгере, развинде о цикно платно ки посока е балвалакири тай отправисале карик о брегос. ⁴¹Но попаднинде иеке танесте, кате о морес марелас дуие ригендар, тай оте о кораби заседнингяс; и предница забисали тай нана мърдинелас, а и задница лилас те

разглобинел пес таро напори е вълненге.⁴² Тай о войникия съветвиненас те избинен пес о запреня, тена изплувинел декой тай те нашел.⁴³ Но о стотники, като мангелас те избавинел е Павелес, спирингяс лен далке намерениестар тай заповедингяс те хърпинен андо морес първо колка, колато жаненас те плувинен, тай те иклон ко шукипе,⁴⁴ а около те спасинен пес кой ко дъски, кой па варесосте таро кораби. Тай чука ачило, кай саворе иклиле безопасно ки суша.

Chapter 28

¹Тай като избавингям амен, ахалилам, кай о острови наречинел пес Малта. ²А о местна жителя покажинде аменге маобикновено човеколюбие; сокето приеминде саворе амен тай понеже делас бришим тай сине шил, накладинде яг. ³Тай като о Павел натрупингяс иек купос храстия, тай чивкяс лес анди яг, иек островно сап иклило таро татипе тай залеписало лескере вастесте. ⁴А о туземция, като дикле сар о сап висинел лескере вастесте, пененас машкар песте: Без съмнение кавка мануш ка овел убийцос, ковато, ако те избавингяс пес таро морес, пак о правосъдие нана мукел лес те живинел. ⁵Но ов трескингяс е сапес анди яг тай на почувствингяс нисаво зло. ⁶А он очаквиненас, кай ка отчинел, или внезапно ка перел муло; но като жаренас бут време тай дикенас, кай нана ачол леске нисаво зло, променинде по мнение тай хоратиненас, кай си дел. ⁷А около далке танесте араклонас о имения е първенциеске е островиеско, каскоро алав сине Поплий, ковато приемингяс амен тай гощингяс приятелски трин диес. ⁸Тай случисало о Поплиево дад те пашлол насвало трескатар тай от дизентерия; а о Павел диняс паш лесте тай като молисало, положингяс васта лесте тай изцелингяс лес. ⁹Като ачило давка, околада таро острови, колато сине лен болестя, авенас тай изцелиненас пес; ¹⁰като покажиненас аменге бут почестя, тай като тръгнингям, товде андо кораби о потребно амаре нужденге. ¹¹Тай чука, палал о трин масек отплавингям иеке Александрийсконе корабиеса, ковато презимувингяс ко острови, тай ковато сине лес знациеске о Близнакия*. ¹²Тай като реслам андо Сиракуза, побешлам оте трин диес. ¹³Тай отар, като лъкатушинасас, реслам анди Ригия; так палал иек диес, като повеинтгяс южно балвал, ко второ диес алам андо Потиоли, ¹⁴кате арааклам прален, колато замолинде амен те бешас ленде ефта диес. Чука алам андо Рим, ¹⁵катар о прала, като шунде аменге, алесас жи ко Апиево тържище тай жи ко Трин кръчмес те посрещнинен амен; тай о Павел, като диклас лен, благодарингяс е Девлеске тай ободрисало. ¹⁶А като диням андо Рим, о стотники прединяс о запрения е началнициеске е стражакоро*; а позволисало е Павелеске те живинел отделно е войникиеса, ковато пазинелас лес. ¹⁷Тай палал о трин диес ов свикингяс е по-първонен таро юдея тай като кидисале, пенгяс ленге: Пралален, без те кергиом ме варесо против о народос амаро или против амаре бащиноне обичаиенде, пак таро Ерусалим предине ман панло андо васта е римлияненге; ¹⁸колато, като изпитинде ман, ка мукенас ман, сокето анде манде нана сине нищо достойно мерибнаксе. ¹⁹Но понеже о юдея възпротивисале далkestе, принудингиоман те отнесинаман жи ко кесари, а ма кай сине ман те обвининав варесосте ме народос. ²⁰Тай чука, по даика причина викингиом тумен, за те дикав тумен тай те хоратинав туменге; сокето ашал далкеске, за колеске о Израил надявинел пес, синиом панло калке веригаса. ²¹А он пенде леске: Нито получингиам аме писма таро Юдея за туке, нито ало декой таро прала те известинел аменге или те пенел аменге варесо канило за туке. ²²Но мангас те шунас тутар со мислинес; сокето си аменге известно, кай навсекъде хоратинен против каика секта*. ²³Тай като определинде леске диес, мнозина лендар але паш лесте оте, кате живинелас; тай от андиавин жи ират ов излагинелас ленге доказателствоненца е Девлеско тагарипе тай уверинелас лен е Исусеске тай е Мойсеевоне закониеске, тай таро пророкия. ²⁴Тай иек повервиде давка, ковато хоратинелас, а авер на верувиненас. ²⁵Тай он, несъгласна машкар песте, лиле те жан песке, след като о Павел пенгяс ленге калка думес: Лачес хоратинелас о Свято Духос чрез о пророк Исаия амаре даденге, като пенгяс: ²⁶Жа пен народоске: Каненца ка шунен, но нисар нанай те схванинен; тай якенца ка дикен, но нисар нанай те ахалон; ²⁷сокето затълъстингяс о сърцес калке люденгоро, тай о кане ленгере натегнинде ленге, тай пе яка панле, да не би те дикен пе якенца, тай те шунен пе каненца, тай те ахалон пе сърцеса, тай те иринен пес, тай те изцелинав лен. ²⁸Тай чука, те жанен, кай давка Божие спасение бичалгяс пес е езичниенге; он ка шунен. ²⁹Тай като пенгяс давка, о юдея геле песке, препираща се машкар песте. ³⁰А о Павел побешло цела дуи бреша отделноне кересте под наем, кате приеминелас саворен, колато авенас паш лесте, ³¹като проповединелас в Девлеско тагарипе тай пердо с дързост поучинелас за е Девлеске Иисуса Христа, без те забраниел леске никой.

Romans

Chapter 1

¹О Павел, слугас на Иисуса Христа, призвано апостолеске, отделиме те проповединел о благовестие таро Дел ²(ковато по нангле Ов обещиясас чрез Пе пророкиенде андо свята Писания) ³за Лескере Чавеске, амаро Дел о Иисус Христос, Ковато ки пътът бияндило таро Давидово потомство, ⁴а ко Духос на святост уло силаса обявиме сар Божие Чаво чрез о възкресение таро муле о Иисус Христос, амаро Дел; ⁵чрез Колесте получиням благодат тай апостолство те привединас анди послушност карак и вяра ашал Лескере алавеске манушен саворе народиендр; ⁶машкар коленде тумеда синиен, призвана таро Иисус Христос; ⁷жи саворенде андо Рим, колато си възлюбена таро Дел, призвана те овен светиес: Благодат тай мири те овен туменца таро Дел, амаро Отеци, тай о Дел Иисус Христос.⁸Най-нангле благодавинав мере Девлеске чрез о Иисус Христос за туменге саворенге, соскето тумаре вяраке хоратинел пес ко цело светос. ⁹Понеже о Дел, Колеске служинав ме духоса андо благовестие Лескере Чавеско, си мантг свидетели, кай непрестанно споменинав тумен ме молитвенде, ¹⁰молинавман вингаи, дано е Божие воляса благоуспеинав най-после акана те авав туменде. ¹¹Соскето копнеинав те дикав тумен, за те предав туменге десави духовно дарба за тумаро утвърждаване, ¹²демек, за те утешинел пес машкар туменде, взаимно туменца, чрез и общо вяра, която си тумари, тай мери. ¹³Тай мангав, пралален, те жанен, кай бут дром канинавас ман те авав паш туменде, за те овел ман десаво плоди машкар тумендела, карто машкар около народосте; но жи акана улом възпираме. ¹⁴Иси ман длъжност карак о гърция тай карак о варваря, карак о учена тай неучена; ¹⁵тай чука, кити зависинел мандар, готово синиом те проповединав о благовестие туменгеда, колато синиен андо Рим. ¹⁶Соскето нана лажав таро благовестие Христово; понеже си Божия сила спасибнаске саворенге, колато верувинен- първо е юдеиеске, а после е езичниеске. ¹⁷Соскето анде лесте откринал пес и правда, която си таро Дел чрез и вяра карак и вяра, карто си пишиме: "О праведно чрез и вяра ка живинел". ¹⁸Соскето о Божие гняви откринал пес таро небес против всеконе нечестиесте тай неправда е манушенге, колато икерен и истина анди неправда. ¹⁹Понеже давка, ковато си възможно те жанел пес е Девлеске, ленге си известно, соскето о Дел изявилгяс лес ленге. ²⁰Понеже таро създание е светоско кавка, ковато си невидимо анде Лесте, и вечно сила Лескири тай и Божественост, дикиол ясно, разбираемо чрез о творения; чука че, о мануша ачон без извинение. ²¹Соскето, като пенджарде е Девлес, нана прославинде Лес сар Дел, нито благодаринде Леске; но извратинде пес чрез пере мъдруваниенца, тай ленгоро несмислено сърцес помрачисало. ²²Каго представиненас пес мъдроненге, он глупеиненас ²³тай и слава е безсмъртноне Девлескири разменинде мамуял о подобие е образиеско смъртноне манушеске, птиценге, четириногене тай гадиненге. ²⁴Далкеске, според о страстия ленгере сърценге, о Дел прединял лен на нечистота, за те обезчестинен пес ленгере теловия машкар ленде, ²⁵он, колато заменинде и истина е Девлескири хохаибнаса тай поклонисале тай служинде е творениеиске, а ма е Творециеске, Ковато си благословиме жи ко векос. Амин. ²⁶Далкеске о Дел прединял лен лажакере страстиенде, като ленгере ромня изменинде о естествено употребление е телоско андо противоестествено. ²⁷Чука о мруша, като мукле о естествено употребление е женсконе полеско, разтабиле анди страст иек карак авересте, струвинел безобразие мруш мрушеса, тай приеминенас анде песте о заслужиме въздаяние пере нечестиестар. ²⁸Тай понеже откажиненас те пенджарен е Девлес, о Дел прединял развратноне гогяке те керен давка, ковато нанай прилично, ²⁹изпълнена всекаквоне видиеса неправда, нечество, лакомство, омраза; перда завистяса, мудариба, раздоря, измамес тай злоба; ³⁰клюкаря, клеветникия, богоненавистникия, нахална, горделива, самохвалция, измислителя канилипнаске, непокорна пе родителенге, ³¹безразсъдна, вероломна, без семайно обич, немилостива; ³²колато, жанен и Божие справедливо присъда, кай калка, колато керен салка букя, заслужинен мериба, ма само керен лен, но одобринен колкен, колато керен лен.

Chapter 2

¹Далкеске туда синян без извинение, о, човече, ковато да те овес, като съдинес аверен; соскето анде soste съдинес околес, тут осъдинес; понеже ту, ковато съдинес, керес о също. ²А жанас, кай о Божие съдос против калкенде, колато керен салка букя, си според и истина. ³Тай ту, човече, ковато съдинес колкен, колато керен салка букя, мислинес ли, кай ка избегнинес о съдос е Девлескоро, като керес туда о също? ⁴Или презиринес Лескири барвали благост, кротост, тай дълготърпение, без те жанес, кай и Божия благост си назначиме те водинел тут карик и покаяние? ⁵Но те упорствоса тай те непокаяноне сърцеса трупинес туке гняви за ко диес е гнявиеске, като ка откригиол о праведно съдос таро Дел, ⁶Ковато ка въздел саворенге според ленгере дела: ⁷вечно животос калкенге, колато постоянствоса андо лаче деловия роден слава, почест, тай безсмъртие; ⁸а па гняви тай негодувание колкенге, колато си твърдоглава тай нана покоринен пес е истинаке, а покоринен пес е неправдаке; ⁹скръб тай неволя всеконе манушескере душаке, която керел зло, първо е юдеиеске, после е гъркоске, ¹⁰а слава, тай почест, тай мири секаске, ковато керел лачипе, първо е юдеиеске, после е гъркоске. ¹¹Понеже о Дел на дикел ко муй. ¹²Соскето калка, колато съгрешинде, без те овел лен закони, би закониескоро ка погининен; тай колато съгрешинде телал о закони, телал закониесте ка овен съдиме. ¹³Соскето ма о законослушателя си праведна англал о Дел; но о законоизпълнителя ка овен оправдиме. ¹⁴(Понеже, като о езичниия, колато нанай лен закони, по природа керен давка, ковато изисквинел пес таро закони, то без те овел лен закони, он коркоре си закони песке, ¹⁵по давка, кай он покажинен о действие е закониескоро пишими ленгере сърценде, за колеске свидетелствинел ленгири съвест, а ленгере помислес или осъдинен лен, или оправдинен лен) ¹⁶кавка ка ачол ко диес, като о Дел чрез Иисус Христос ка съдинел о тайна дела е манушенгере, според мере благовестиестие. ¹⁷Но ако ту наречинес тут юдеи облегнинес тут е закониеске, хвалинес тут е Девлеса, ¹⁸жанес Лескири воля, тай ахалос о по-лачо, понеже сиклос таро закони, ¹⁹ако паш далкесте синян увериме анде туте, кай синян водители е коренге, светлина калкенге, колато си анди тъмнина, ²⁰наставники е простоненге, учители е младенциенге, понеже иси тут андо закони олицетворение е знаниеске тай е истинаке, ²¹тогава ту, ковато учинес аверес, учинес ли тут? Ту, ковато проповединес тена чорен, чорес ли? ²²Ту, ковато пенес тена прелюбодействинен, прелюбодействинес ли? Ту, ковато гнусинес тут таро идола, светотатствинес ли? ²³Ту, ковато хвалинес тут е закониеса, опозоринес ли е Девлес, като престъпинес о закони? ²⁴Пучав давка, соскето, според сарто си пишими, ашал туменге хулинел пес е Девлескоро алав машкар о езичниия. ²⁵Понеже о обрязване наистина си полезно, ако изпълнинес о закони; но ако синян престъпники е закониескоро, тогава торо обрязване ачол необрязване. ²⁶Тай чука, ако о необрязано пазинел о наредбес е закониескере, нанай ли лескоро необрязване те сменинел пес за обрязване? ²⁷Тай ковка, ковато ачол андо природно състояние необрежиме, но пак изпълнинел о закони, нанай ли те осъдинел тут, ковато иси тут пишими закони тай обрязване, но синян престъпники е закониескоро? ²⁸Соскето нанай юдеи ковка, ковато ки външност си савка, нито си обрязване ковка, ковато си авруно, анди плът; ²⁹но юдеи си кавка, ковато си савка андрал; а обрязване си давка, ковато си ко сърцес, ко духос, а ма ки буква; каскири похвала нанай таро мануша, а таро Дел.

Chapter 3

¹Тогава, саво предимство си е юдеиес или сави полза иси таро обрязване? ²Баро, си о предимство андо всеко отношение, но първо, соскето е юдеиенге поверисале о Божествена писания.³Понеже, ако десаве сине би вяракоро, со далkestар? Ленгоро безверие ка унищожинел ли и Божия вярност? ⁴Да не бъде! Но о Дел нека овел признато вернонеске, а всеко мануш хохавно, според карто си пишими: "За те оправдинес тут ан те думенде тай те побединес, като съдинес тут".⁵ Но ако амари неправда изтъквинел и Божия правда, со иси те пенас? Несправедливо ли си о Дел, като гневинел пес.(Манушканесте хоратинав.) ⁶Да не бъде! Понеже тогава сар ка съдинел о Дел е светос?⁷Обаче, пенес ту, ако мере невярностяса и Божие вярност ачол по-явно, за Лескере славаке, то соске меда, въпреки давка, те овав осъдиме сар грешници?⁸Тай соске тена керас зло, за те авел лачипе. ?Карто десаве клеветническа твърдинен, кай аме чука хоратинас.) Салкенге о осъждане си справедливо.⁹Тогава, со следвинел? Иси ли амен десаво предимство упран о езиникия? Нисар; соскето вече обвинингям юдеиен, тай гърциен, кай он саворе си телал и безех¹⁰Карто си пишими: "Нанай праведно ни иек;¹¹"нанай никой разумно, нанай кой родел е Девлес. ¹²Саворе отклонисале, заедно развратисале; нанай кой те керел лачипе, нанай нито иек".¹³" Мимори пуртердо си ленгоро кърло; пе чибенца ласкаинен". " Аспидово отрова иси телал о вуща ленге".¹⁴" Ленгере муха си перда клеветаса тай горест".¹⁵Ленгере пире сигярен те проливинен рат; ¹⁶опустощение тай разорение иси ленгере дроменде; ¹⁷тай он нана жанен о дром е мириеско".¹⁸" Англал о яка ленге нанай дар таро Дел".¹⁹А жанас, кай со пенел о закони, пенел лес колкенге, колато си телал о закони; за те панлон о муха секаскере, тай цело светос те анел пес телал о съдос е Девлеске.²⁰Соскето нито иек плът нанай те оправдинел пес англал Лесте чрез деловиенде, изисквиме таро закони, понеже чрез о закони ачол само о пенджариба е безехакоро.²¹А акана независимо таро закони явисали и Божие правда, за колаке свидетелствинен о закони тай о пророкия,²²демек, и правда таро Дел чрез вяра андо Иисус Христос, за саворенге тай на саворенге, колато верувинен; соскето нанай разлика.²³Понеже саворе съгрешинде тай нана заслужинен те прославинен пес таро Дел,²⁴а Лескере благостиаса оправдинен пес даром чрез о изкупление, ковато си андо Христа Иисуса,²⁵Колес о Дел поставингяс за умилостивяване чрез Лескере ратесте посредством вяра. Кавка кер, за те покажинел Пи правда андо опрощаане е безехенге, извършиме по-нангле, като о Дел дълго търпинелас,²⁶за те покажинел, пенав Пи правда андо настояще време, тай те пенджарел пес, кай Ов си праведно тай кай оправдинел калкес, ковато верувинел андо Иисус.²⁷Тай чука, кате ачол и хвалба? Изключиме си. Чрез саво закони ?Чрез о закони е деловиенге ли? Нака, но чрез о закони е вяракоро.²⁸Тай чука, аме заключавинас, кай мануш оправдинел пес чрез и вяра, би е деловиенгоро е закониеско.²⁹Или о Дел си Дел само е юдеиенге, а ма е езичнициенге? Ва, е езичницингеда.³⁰Понеже о също Дел ка оправдинел е обрежименен чрез и вяра тай о необрежиме чрез вяра.³¹Тогава чрез и вяра аравас ли о закони? Да не бъде! Но утвърдинас о закони.

Chapter 4

¹Тай чука, со ка пенас, кай амаро отеци о Авраам придобингяс по плът? ²Соскето, ако о Авраам оправдисало деловиенца, иси соса те хвалинел пес, само ма англал о Дел. ³Понеже, со пенел о Писание: "О Авраам повервингяс андо Дел тай давка сменисало леске правдаке." ⁴А калкеске, ковато керел дела, лескири награда нана считингиол сар благодеяние, а сар дълги; ⁵а калкеске, ковато на керел дела, а верувинел анде Колкесте, Ковато оправдинел е нечестивонес, лескири вяра сменинел пес леске правдаке. ⁶Сарто о Давид хоратинел е блаженствоске е манушескоско, каске о Дел сменинел правда независимо таро дела: ⁷"Блажена колка, каскере беззакония си простираме, каскере безеха си покрита. ⁸Блажено ковка мануш, колес о Дел нанай те сменинел безех". ⁹Впрочем, давка блаженство само е обрежименг ли си или е необрежименг? Понеже пенас: "Е Авраамеске и вяра сменисали правдаке". ¹⁰То сар сменисали леске? Като сине вече обрежиме ли, или още необрежиме? Ма като сине обрежиме, а необрежиме. ¹¹Тай ов приемингяс о обрязване сар знаци тай печати е правдаке чрез и вяра, която сине лес, като сине необрежиме, за те овел ов отеци саворенге, колато верувинен, макар необрежиме, за те сменинел пес и правда ленгеда, ¹²тай отеци колкенге о обрежиме, колато ма само си обрежиме, но пирен андо стъпкес колке вяраке, която амаро отеци о Авраам исине лес, като сине необрежиме. ¹³Понеже о обещание карик о Авраам или карик о потомство леске, кай ка овел наследники е светоскоско, нана диняс пес чрез о закони, а чрез о оправдаване посредством и вяра. ¹⁴Соскето ако си наследниция калка, колато облегнинен пес ко закони, то и вяра си чучи тай о обещание -осуетено; ¹⁵понеже о закони анел ма обещание, а гняв; но кате нанай закони, оте нанай престъпление. ¹⁶Далкеске о наследство си тари вяра, за те овел по благодат, чука че о обещание те овел осигуриме саворе потомствоске, ма само калкеске, ковато облегнинел пес ко закони, но за колкескеда, ковато си тари вяра е Авраамеске, ковато си отеци саворенге аменгеге ¹⁷(сарто си пишими: "Кергиом тут отеци буте народоске") англал о Дел, Колесте повервингян, Ковато съживинел е мулен; тай викинел андо действително съществува ковка, ковато нана съществувинел. ¹⁸О Авраам надявинел пес, без те овел причина за надежда, повервингяс, за те ачол отеци буте народоске, според о пендо: "Дики ка овел торо потомство". ¹⁹Без те отслабнинел анди вяра, ов делас пес сметка, кай лескоро телос си вече замъртвиме, понеже сине на около шел бреша, сарто сине замъртвиме е Саракири утроба, ²⁰обаче относно е Девлескоро обещание нана усъмнисало чрез неверие, а закреписало анди вяра, тай отдиняс слава е Девлеске, ²¹увериме, кай давка, ковато о Дел обещингяс, Ов си силно те изпълнинел лес. ²²Далкеске сменисало леске правдаке. ²³Давка па, кай сменисало леске правдаке, нана пишисало само леске, ²⁴но аменгеда, коленгека сменинел пес правдаке, като верувинас анде Колкесте, Ковато възкресингяс таро муле е Иисусес, амаро Дел, ²⁵Ковато сине предиме амаре прегрешениенг тай сине възкресиме амре оправданиеске.

Chapter 5

¹Тай чука, оправдана чрез и вяра, иси амен мири е Девлеса чрез амаро Дел о Иисус Христос, ²посредством Колес аме чрез и вяра придобингям амаро входи анде далке благодатате, анде колате бешас, тай лошанас ашал и надежда е Божие славаке.³Тай ма само давка, но нека хвалинас амен андо скърбес амаре, като жанас, кай и скръб произвединел твърдост, ⁴а и твърдост - изпитано правда, а и изпитано правда - надежда. ⁵А и надежда нана лажавкярел, соскето е Девлескири любов си изляно анде амаре сърцеденде чрез о дадено амаро Свято Духос.⁶Понеже като аме улам още немощна, андо определено време о Христос муло е нечестивоненге. ⁷Соскето едва ли ка араклол декой те мерел даже праведноте манушеске (при все кай си възможно те дръзниел декой те мерел е благонеске).⁸Но о Дел покажинел Пери любов карик аменде анде далkestе, кай като улам още грешника, о Христос муло аменгте. ⁹Тай акана, като оправдисалам чрез Лескере ратесте, бут повече ка избавинас амен таро Божие гняви чрез Лесте.¹⁰Соскето ако като улам неприятеля е Девлеса, улам примириме Леса чрез о мериба Лескере Чавескоро, кити по бут акана, като синям примириме Леса, ка избавинас амен чрез Лескере живоосте! ¹¹Тай ма само давка, но хвалинас амен андо Дел чрез амаре Девлесте о Иисус Христос, чрез Колесте получиям акана давка примирение.¹²Далкеске, сарто чрез иеке манушесте и безех диняс андо светос тай чрез и безех о мериба, тай по давка начини о мериба накло анде саворе манушенде, понеже саворе съгрешинце. ¹³Соскето англал о закони и безех сине андо светос безех обаче нана сменинел пес, като нанай закони.¹⁴При все давка таро Адам жи ко Мойсей о мериба царувинел упран колкендеда, колато нана съгрешиндесас според о престъпление е Адамескоро, ковато си образи е Бъдещеске. ¹⁵Но о дари нанай савка, саво сине о прегрешение; соскето, ако ашал о прегрешение иекескоро муле мнозина, то кити по бут е Девлескири благодат тай о дари, ало чрез и благодат е Иеке манушескоро, о Иисус Христос, преумножисало е мнозиненг!¹⁶Тай чука, о дари нанай сар о осъждане ашал о съгрешение иекескоро; соскето о съдиба сине тари иек безех за осъдибнаске, а о дари - буте прегрешениандар за оправдивнаске.¹⁷Соскето, ако чрез о прегрешение иекескоро о мериба царувинел чрез далке иекесте, то кити по бут калка, колато получинен о изобилие е благодатакоро тай о дари е оправданиескоро, ка царувинен андо животос чрез о Иек, Иисус Христос.¹⁸Тай чука, сарто чрез иек прегрешение ало о осъждане саворе манушенге, чука чрез иек праведно делос ало саворе манушенге о оправдание, ковато анел животос.¹⁹Соскето, сарто чрез о непослушание е иеке манушескоро ачиле грешна о мнозина, чука чрез о послушание е Иекескоро о мнозина ка ачон праведна.²⁰А упран далkestе ало о закони, тай умножисало о прегрешение; а като умножисали и безех, преумножисали и благодат;²¹чука че, сарто и безех царувинелас тай ангяс мериба, чука те царувинел и благодат чрез и правда тай те анел вечно животос чрез о Иисус Христос, амаро Дел.

Chapter 6

¹Тогава со? Те пенас ли: Нека ачовас анди безех, за те умножингиол и благодат? ²Да не бъде! Аме, колато мулам е безехаке, сар ка живинас вече анде лате? ³Или на жанен, кай аме саворе, колато кръстисалям андо Ихристос, кръстисалям андо мериба Леске? ⁴Далкеске чрез о кръщение аме паронгям амен Леса андо мериба, тай, като о Христос сине възкресиме таро муле чрез и слава е Отцаске, чука амеда те пирас андо нево животос. ⁵Соскето ако съединисалям Леса чрез о мериба, подобно сар Лескоро, ка съедининас амен чрез о възкресение, подобно сар Лескоро; ⁶Като жанас давка, кай амаро пуррано естество уло разпниме Леса, за те унищожинтиол о телос е безехакоро, тай тена робувинас вече е безехаке. ⁷Соскето, ковато муло е безехаке, ов си оправдиме таро искаия леске. ⁸Но ако мулам с Христа, верувинас, кай ка живинасада Леса, ⁹като жанас, кай о Христос, като уло възкресиме таро муле, на мерел вече; о мериба нанай лес власт упраш Лесте. ¹⁰Соскето, о мериба, колеса муло, леса Ов муло е безехаке иеквар завинаги; а о животос, ковато живинел, живинел лес е Девлеске. ¹¹Чука тумеда считинен тумен муле е безехаке, а живде е Девлеске андо Христа Ихуса. ¹²Тай чука, тена царувинел и безех анде тумаре смъртноне телосте, тай те покоринен тумен лескере страстиенде. ¹³Нито представинен тумаре телесна частя сар оръдия е неправдаке; но представинен тумен е Девлеске сар оживяла таро муле, тай тумаре телесна частя е Девлеске сар оръдия е правдаке. ¹⁴Соскето и безех нанай те владениел тумен, понеже на синиен телал о закони, а телал и благодат. ¹⁵Тогава со? Те грешинас ли, соскето на синяи телал о закони, а телал и благодат? Да не бъде! ¹⁶Нана жанен ли, кай каске преден тумен сар послушна слуги, слуги синиен колкеске, колеске покоринен тумен- било е безехаке, която анел мериба, или е послушаниеске, ковато анел правда? ¹⁷Но благодарение е Девлеске, туме, като улен слуги е безехаке, покорисален таро сърцес колке видиеске учение, анде колесте улен обучиме, ¹⁸тай освободиме тари безех, ачилен слуги е правдаке. ¹⁹(По манушканесте хоратинав ашал и немощ тумаре естествоске.) Тай чука, сарто преденас тумаре телесна частя сар слуги е нечистотаке тай е беззакониеске, ковато анел още беззаконие, чука акана преден тумаре частия сар слуги е правдаке, която анел святост. ²⁰Соскето, като улен слуги е безехаке, нана улен обуздаиме тари правда. ²¹Саво плоди сине тумен тогава колке букиендар? Букя, за коленге акана лажан, соскето ленгоро крайос си мериба. ²²Но акана, като освободисален тари безех тай ачилен слуги е Девлеске, иси тумен плодиеске кавка, кай жан карик и святост, колаке о крайос си вечно животос. ²³Соскето и заплата е безехакири си мериба; а о Божие дари си вечно животос андо Христа Ихуса, амаро Дел.

Chapter 7

¹Или нана жанен, пралален (соскето хоратинав манушенге, колато жанен со си закони), кай о закони владеинел упрали о мануш само жи кай ов си живдо.²Соскето прандеме ромни си свържиме чрез о закони за ко ром, жи кай си живдо; но като о ром мерел, ой освободинел пес далке закониестар. ³Тай чука, ако паш ко животос пе ромеске ой пранденел авереске ромеске, ачол блудница; но ако мерел лакоро ром, свободно си далке закониестар тай нана ачол блудница, ако пранденел авере ромеске.⁴Тай чука, пралален мере, тумеда мулен спрямо о закони чрез о Христово телос, за те свържинен тумен Авереса, е Възкръсименеса таро муле, за те принесинас плоди е Девлеске. ⁵Соскето, като улам плътска, о греховна страстия, колато възбудиненас пес чрез о закони, действиненас анде амаре телесноне частиенде, за те принесинас плоди, ковато анел мериба;⁶но акана, като мулам за далкеске, ковато икерелас амен, освободисалам таро закони; чука че аме служинас неве духoste, а ма по пурани буква.⁷Тогава со? Тен пенас ли, кай о закони си безех? Да не бъде! Но напротив, нанай те пенджарав и безех освен чрез о закони, соскето нанай те пенджарав, кай о пожелание си безех, ако о закони нана пенелас: " Ма пожелавине".⁸Но и безех, понеже лилас поводи тари заповед, произединягас анде манде секакво пожелание; соскето би е закониескоро и безех си мули.⁹Меда улом живдо декана би закониескоро, но като али и заповед, и безех оживингяс, а па ме мулом: ¹⁰тай араклом, кай и самото заповед, която ули назначиме те анел животос, ангяс манг мериба.¹¹Соскето и безех, като лилас поводи тари заповед, измамингяс ман тай мударгяс ман чрез лате. ¹²Чука че о закони си свято тай и заповед - свято, праведно тай лачи.¹³Тогава, кавка ли, ковато си лачо, ачило мериба манг? Да не бъде! Но и безех причининел манг мериба чрез давка лачо варесо, за те покажинел пес, кай си безех, чука че чрез и заповед и безех те ачол бут грешно.¹⁴Соскето жанас, кай о закони си духовно; а па ме синиом тари плът, бикиндо телал и безех.¹⁵Соскето нана жанав со те керав; понеже нана керав давка, ковато мангав, но ковка, ковато мразинав, лес керав.¹⁶Обаче, ако керав кавка, ковато нана мангав, съгласно синиом е закониеса, кай си лачо.¹⁷Далкеске ма ме акана керав давка, но и безех, която живинел анде манде.¹⁸Соскето жанав, кай анде манде, демек анди плът мери, нана живинел лачо; понеже желание лачипнаске иси ман; но ма сила те керав лес.¹⁹Соскето нана керав о лачипе, ковато мангав; а о зло, ковато нана мангав, лес керав.²⁰Но ако керав давка, ковато нана мангав, то вече нана керав лес ме, а и безех, която живинел анде манде.²¹Тай чука, аракав анде манде кавка закони, кай паш манде, като мангав те керав лачипе, о зло си паше.²²Соскето, кити ме андруне естествоске, ме насладинаман андо Божие закони;²³но анде ме телесноне частиенде дикав различно закони, ковато воювинел против о закони ме гогякоро тай заробинел ман телал о греховно закони, ковато си ан ме частиенде.²⁴Окаяно ме мануш! Кой ка избавинел ман далке телостар е мерибнаскоро?²⁵Благодаринав е Девлеске! Иси избавление чрез о Иисус Христос, амаро Дел. Тай чука, коркоро ме гогяса служинав е Девлескере закониеса, а е плътяса- е греховноне закониеске.

Chapter 8

¹Тай чука, акана нанай нисаво осъждане калкенге, колато си андо Христа Иисуса, колато пирен ма по плът, а по Дух. ²Соскето о закони е животтворящоне Духоскоро освободингяс ман андо Христа Иисуса таро закони е безехаке тай е мерибнаске.³Понеже кавка, ковато сине невъзможно е закониеске, ашал далкеске, кай отслабнингяс чрез и плът, о Дел кергяс лес, като бичалгяс Пе Чавес анди плът, подобно ки греховно плът тай анди жертва безехаке, тай осъдинингяс и безех анди плът, ⁴за те изпълнигион о изисквания е закониеске анде аменде, колато пираш ма ки плът, а ко Духос. ⁵Соскето калка, колато си плътска, копнеинен е плътсконеске; а калка, колато си духовна - е духовнонеске.⁶Понеже о плътско копнежи значинел мериба, а о копнежи е Духоскоро значинел животос тай мири. ⁷Соскето о плътско копнежи си враждебно е Девлеске, понеже нана покоринел пес е Девлескере закониеске, нито па ащи; ⁸тай калка, колато си плътска, нанащи угодинен е Девлеске.⁹Туме, обаче, нана синиен плътска, а духовна, ако живинел анде туменде е Девлескоро Духос. Но ако декас нанай о Христово Духос, ов нанай Лескоро. ¹⁰Обаче ако о Христос си анде туменде, о телос си муло ашал и безех, но о духос си живдо ашал и правда. ¹¹Тай ако живинел анде туменде о Духос Калкескоро, Ковато възкресингяс е Иисусес таро муле, то о Също, Ковато възкресингяс Христа Иисуса таро муле, ка съживинел тумаре муле теловия чрез Пе Духосте, Ковато обитавинел анде туменде.¹²Тай чука, пралален, амен иси длъжност, обаче ма карик и плът, тай те живинас плътски. ¹³Соскето, ако живинен плътски, ка мерен; но ако чрез о Духос умъртвинен о телесна действия, ка живинен.¹⁴Понеже, колато управлинен пес е Девлеске таро Духос, он си Божия чаве. ¹⁵Соскето нана приемингиен духос робствоске, тай пале те живинен дараса, но приемингиен Духос на осинование, чрез Колесте пищинас: Авва, Отче!¹⁶Чука о самото Духос свидетелствинел заедно амаре духоса, кай синям Божия чада. ¹⁷Тай ако синям чада, то синям наследника- наследникия е Девлеске, а сънаследника с Христа; тай ако страдинас Леса, те прославинасда амен заедно Леса.¹⁸Понеже сметниав, кай акана о временна страдания нана заслужинен те сравниен пес е славаса, която ка откринал пес анде аменде. ¹⁹Соскето о създание нетърпениеса очаквинел о откриване амаро сар Божия чаве.²⁰Понеже о създание уло подчинено ки немощ ма своеvolно, но чрез Калкесте, Ковато подчинингяс лес, ²¹надеждаса, кай коркоро о създание ка освободингиол таро робство е тлениескоро тай ка пренакел ки славно свобода е Божие чадовиенге. ²²Понеже жанас, кай о цело създание въздишинел тай мъчинел пес жи акана.²³Тай ма само ов, но амеда, колато иси амен о Духос андо начатък, тай коркоре аме въздишинас анде аменде тай очаквиас о осинование амаро, демек о изкупване амаре телоске. ²⁴Соскето далке надеждаса аме спасисалам ; а и надежда, като дикиол изпълниме, нанай вече надежда; соскето кой ка надявинел пес калкеске, ковато дикел?²⁵Но, ако надявинас амен колкеске, ковато нана дикас, тогава търпениеса жарас лес.²⁶Чука също о Духос помагинел аменгеге ан амаре немощите- понеже нана жанас те молинас амен сар требе; но о самото Духос ходатайствинел анде амаре неизговоряема стенания;²⁷а Кавка, Ковато изпитвинел о сърца, жанел сави си и годи е Духоскири, соскето Ов ходатайствинел е светиенге ки Божие воля.²⁸Но жанас, кай всичко съдействинел лачипнаске калкенге, колато дехен е Девлес, колато си призвана според Лескоро намерение.²⁹Соскето ковато предузнингяс, лен тай предопределингяс те овен съобразна е образиеса Лескере Чавескоро, за те овел Ов пъвгородно машкар буте праленде;³⁰а ковато предопределингяс, лен тай призовингяс; а ковато призовингяс, лен тай оправдингяс; а ковато оправдингяс, лен тай прославингяс.³¹Тай чука, со те пенас далкеске? Ако о Дел си карик аменде, кой ка овел против аменде?³²Ковка, Ковато нана жалингяс Пере Чавес, но прединяс Лес аменгеге саворенге, сар нанай те подаринел аменгеге заедно Леса всичко?³³Кой ка обвининел е Девлескере избраникиен? О Дел ли, Ковато оправдинел лен?³⁴Кова си ковка, ковато ка осъдинел лен? О Христос Иисус ли, Ковато муло, но още уло възкресиме таро муле, Ковато си тари десно риг е Девлеске, тай Ковато ходатайствинел аменгеге?³⁵Кой ка отльчинел амен тари Христово любов? И скръб ли, или о утеснение, о гонение или бок, и беда или о мечи?³⁶Соскето, сарто си пишими: " Мударде синям ашал Туке цело диес; считиме синям сар овце за клане".³⁷Нака; анде всичконасте далкесте ачовас по бут таро победителя чрез Калкесте, Ковато възлюбнингяс амен.³⁸Понеже синиом увериме, кай нито мериба, нито животос, нито ангела, нито властя, нито о настояще, нито о бъдеще, нито и сила,³⁹нито учипе, нито дълбоочина, нито ковато да те овел създание ка ащи отльчинел амен тари Божие любов, която си андо Христа Иисуса, амаро Дел.

Chapter 9

¹Пенав и истина андо Христа, нана хохавав, тай ми съвест свидетелствинел манца андо Свято Духос, ²кай иси ман бари скръб тай непрестанно мъка ан ме сърцесте.³Соскето мангав коркоро ме те овав отльчиме таро Христа ашал мере праленге, мере ки плът ендания, ⁴колато си израилания, коленге принадлежинел о осинование тай и слава, о завети тай о даване е закониеско, о богослужение тай о обещания, ⁵каскере си о отцидес, тай колендар бияндило ки плът о Христос, Ковато си упрат саворенде Дел, благословиме жи ко векос. Амин.⁶Обаче давка нана значинел, кай пропело о Божие слово. Соскето ма саворе колато проиклон таро Израил си Израил, ⁷нито си саворе чада, понеже си Авраамово потомство; но " андо Исаак" пенгяс о Дел: " ка наименувинел пес торо потомство."⁸Значи, ма о чада, биянде ки плът, си Божия чада; но о чада, биянде според о обещание, считинен пес потомствоске. ⁹Соскето давка уло варесо обещиме, понеже пенгяс: " Ка авав по давка време, тай е Сара ка овел чаво".¹⁰Тай ма само давка, но като и Ревека заченингяс иекестар- амаре отециестар о Исаак, ¹¹макар кай о близнакия нана уле още биянде тай нана кердесас още варесо лачо или канило, ов, за те почивинел о Божие ко избори намерение, ма ко деловя, но Колкеске, Ковато призовинел, ¹²пенгяс пес лаке: " О по-баро ка слугувинел е по-цикнске"; ¹³сарто си пишиме: " Е Яковес възлюбингиом, а е Исавес намразингиом."¹⁴Тай чука, со? Те пенас ли, кай иси неправда андо Дел? Да не бъде!¹⁵Соскето пенел е Мойсейеске: " Ка покажинав милост, карик касте ка покажинав, тай ка пожалинав, кас ка пожалинав."¹⁶Тай чука, нана зависинел калкестар, ковато мангел, нито калкестар, ковато прастал, а таро Дел, Ковато покажинел милост.¹⁷Соскето о Писание пенел е Фараониеске: " Именно далкеске ваздингиом тут, за те покажинав анде тут Ми сила тай те шуниол Мо алав ко цело светос".¹⁸Тай чука, карик касте мангел, Ов покажинел милост, тай кас мангел- закоравинел. ¹⁹Далкесте ту ка пенес: А соске още обвининел? Кой ащи противостоянел ки воля Леске?²⁰Но, о, човече, ту кова синян, кай отговоринес против о Дел? О кердо варесо ка пенел ли колкеске, ковато кергяс лес: Соске чука кергян ман?²¹Или е грънчариес нанай власт упрат и глина, частяся тари също буца те керел съдос за почит, а авере частяся - съдос за непочтеноне употребаке?²²Тай со ка пенас, ако о Дел при все, кай манглас те покажинел По гневи тай те изявинел Pi сила, пак понасинелас баре дълготърпениеса о съдовя, предметя Pe гневиеске, приготвиме за погубване,²³тай търпингяс, за те изявинел о барвалиспе Pe славакоро упрат о съдовя, предметя Pe милостяке, колато приготвингяс отанглал за славаке - ²⁴упрат аменде, колен призовингяс, ма само машкар о юдея, но машкар о езичници?²⁵Сарто анди Осия пенел: " Ка наречинав Моро народос колкен, колато нана уле Моро народос, тай възлюбенона- колка, която нана сине възлюбено".²⁶"Тай ко също тан, кате пенел пес ленге:" Нана синиен Моро народос, оте ка наречинен пес чада е живде Девлеске".²⁷А Исая пищинел е Израилеске: " Ако те овел о число е израиленгоро сар и морско поши, само остатъки лендар ка спасинел пес;²⁸соскето о Дел ка изпълнинел ки пув о пендо ки правда Лестар", като извършинел лес тай свършинел сиго .²⁹Тай сарто о Исая пенгяс ко по-предишно тан: " Ако о Дел е силенгоро нана мукалас аменге потомство, сар о Содом ка ачовас тай на Гомор ка оприличинас амен".³⁰Тай чука, со те пенас? Давка, кай о езичници, колато нана роденас правда, получинде правда, тай то правда, която си чрез вяра;³¹а о Израил, ковато роделас закони за те придобинел правда, нана ресло жи салке закониесте.³²Соске? Далкеске, кай нана родел лес чрез и вяра, а десар си чрез о дела. Он препънисале ко Бар, за препъване;³³сарто си пишиме: " Аке, положинав андо Сион бар, анде колесте те препънинен пес, тай канара, анде колате те съблазнинен пес; тай ковато верувинел анде Лесте, нанай те лажавкярел пес".

Chapter 10

¹Пralalen, моро сърдечно желание тай ми молба карик о Дел си за о спасение е Израилескоро. ²Соскето свидетелствинав за ленге, кай лен иси ревност за е Девлеске, само че нанай според о пердо знание.

³Понеже, сарто нана жанен и правда, която си таро Дел, тай мантен те поставинен пери, он нана покорисале е правдаке таро Дел.⁴Понеже о Христос изпълнил и цел е закониескири, те оправдинел пес секой, ковато верувинел. ⁵Соскето о Мойсей пишинел, кай о мануш, ковато керел и правда, която си чрез о пазиба е закониескоро, ка живинел чрез лате.⁶А и правда, която си чрез вяра, хоратинел чука: " Тена пенес ан те сърцесте: Кой ка възкачинел пес ко небес, демек, те ухлавел Христа? ⁷или : Кой ка ухлел анди бездна, демек, те икалел Христа таро муле?"⁸Но со пенел ой? Пенел, кай, " о словос си паше жи туте, анде те мосте тай ан те сърцесте", демек, о слово е вяракоро, ковато проповединас. ⁹Соскето ако изповединес те моса, кай о Иисус си Дел, тай повервинес те сърцеса, кай о Дел възкресингяс Лес таро муле, ка спасинес тут. ¹⁰Соскето сърцеса о мануш верувинел тай оправдинел пес, тай моса керел изповед тай спасинел пес. ¹¹Соскето о Писание пенел: " Никой, ковато верувинел анде Лесте, нанай те посрамингъол". ¹²Понеже нанай разлика машкар юдеисте тай гръкосте, соскето о също Дел си Дел саворенге, барвало карик саворенде, колато призовинен Лес. ¹³Соскето, " секой, ковато призовинел е Девлескоро алаб, ка спасинел пес".¹⁴Но, сар ка призовинен Калкес, анде Колесте нана повервинде? Тай сар ка повервинен анде Калкесте, за Колеске нана шунде? А сар ка шунен би проповедникиескоро? ¹⁵Тай сар ка проповединен, ако нанай бичалде? Сарто си пишими: " Кити си прекрасна о пире калкенгере, колато благовестинен о лачипе!".¹⁶Но ма саворе шунде о благовестие; соскето о Исаия пенел: " Господи, кова амендар повервингяс колкесте, ковато шунгям"? ¹⁷Тай чука, о верувиба си таро шуниба, а о шуниба - таро Христово словос.¹⁸Но пенав: Он нана шунде ли? Наистина шунде: " Ки цело пув иклило ленгоро гласос, тай ленгере думес-жико краища е вселенаке".¹⁹Но пак пенав: О Израил нана ахалило ли? Ахалило, соскето първо о Мойсей пенел: " Ме ка раздразнинав тумен жи ко ревнувиба калкенца, колато нанай народос; несмисленоне народоса ка разгневинав тумен".²⁰А о Исаия смело те пенел: " Аракло улом колкендар, колато нана роденас Ман; явно ачилом колкенге, колато на пученас Манге"; ²¹а е Израилеске пенел: " Простиринаас Ме васта цело диес карик народосте непокорно тай упорито".

Chapter 11

¹Тай чука, пенав: Отхвърлингяс ли о Дел Пере народос? Да не бъде! Соскето меда синиом израиляни, таро Авраамово потомство, таро Вениаминово племес. ²Нана отхвърлингяс о Дел Pe народос, колес предузнайнгяс. Или нана жанен со пенел о Писание е Илияске - сар пицинел карик о Дел против о Израил, тай пенел: ³"Господи, избинде Те пророкиен, разкопаинде Те олтаря тай ме ачилом коркоро; но морода животос манген те лен".⁴ Но со пенел леске о Божествено отговори? " -Муклом Манге ефта хиляда мрушен, колато нана преклонинде кочя англал о Ваал". ⁵Чука андо акана о времес иси остатъки, избириме по благодат.⁶ Но ако си по благодат, нанай вече ко деловя, иначе и благодат нанай вече благодат а ако си ко дела, нанай вече благодат, иначе о делос нанай вече делос. ⁷Тогава со? Ковка, ковато о Израил роделас, давка на получингяс, но о избрана получинде лес, а около закорависале, даже жи авдиес; ⁸сарто си пишиме: : О Дел диняс лен духос на безчувствие, яка - тена дикен, тай канна - тена шунен".⁹ Тай о Давид пенгяс: " Ленгири софра нека ачол ленге примка тай уловка, съблазан тай въздаяние; ¹⁰Те помрачинен пес ленгере яка, тай тена дикен, тай съгръбингяс ленгоро думо завинаги".¹¹ Тогава пенав: Спънисале ли, тай те перен? Да не бъде! Но чрез ленгоро отклонение ало спасение е езичнициенге, за те подбудинел лен карик и ревност. ¹²А ако ленгоро отклонение значинел барвалипсе е светоске, тай ленгоро отпадане - барвалипсе е езичнициенге, кити по бут - ленгоро пердо възстановяване!¹³ Соскето аменге, колато улам езичниция, пенав, кай доколкото синиом апостоли е езичнициенге, ме славинав мери служба, ¹⁴тай дано по десаво начини подбудинав карик и ревност калкен, колато си мери плът, тай те спасинав декас лендар. ¹⁵Соскето, ако ленгоро отхвърляне значинел помирение е светоске, саво ка овел ленгоро приемане, ако ма оживяване таро муле?¹⁶ А ако о първо таро тесто си свято, ов о цело месиба си свято; тай ако о корени си свято, ов о клонядя си свята. ¹⁷ Но, ако десаве клоня уле чинде тай ту, те овес диво маслина, улан присадиме машкар ленде, тай ачилан съучастники ленца андо корени тай анди тълстина е маслинаке, ¹⁸ма хвалине тут англал о клоня; а ако хвалинес тут, жан , кай ма ту икерес о корени, а о корени - тут.¹⁹ Но ка пенес: Чиндиле о клоня, за те присадинаман ме. ²⁰Лачес, ашал о неверие он чиндиле, а ту ашал и вяра бешес. Ма високоумствине, но дара. ²¹Соскето, ако о Дел ако нана пощадинел о естествена клоня, тутда нанай те пощадинел.²² Дик и благост тай и строгост е Девлескири; строгост карик о отпеле, а Божествено благост карик туте, ако ачос анди даика благост; иначе туда ка овес отсечиме. ²³Чука онда, ако нана ачон андо неверие, ка присадинен пес; соскето о Дел ащи пак присадинел лен. ²⁴Понеже, ако ту улан отсечиме тари маслина, ко естество диво, тай, против о естество, улан присадиме питомноне маслинате, то кити по бут колка, колато си естествена клоня, ка присадинен пес пере маслинате!²⁵ Соскето, пралален, за тена мислинен тумен мъдра, мангав те жанен кайка тайна, кай частично закоравяване сполетингяс е Израелес, само жи кай дел пердо число е езичнициенге.²⁶ Тай чука о цело Израил ка спасинел пес, сарто си пишиме: " Избавители ка авел таро Сион; Ов ка отвърниел о нечестие таро Яков; ²⁷тай аке о завети Мандар карик ленде, като ка отнеминав о безеха ленгере".²⁸ Кити за о благовестие, он си неприятеля, ковато си тумаре ползаке, а кити за е избориеске, он си възлюбена ашал е даденг. ²⁹Соскето о даровя тай о призвание таро Дел си неотнемана.³⁰ Соскето, сарто туме декана нана покориненас тумен е Девлеске, но акана чрез ленгере непокорствостар придобингиен милост,³¹ също чука он акана нана покоринен пес , тай чрез и покажиме карик туменде милост онда акана те придобинен милост. ³²Соскето о Дел панляс саворен андо непокорство, тай карик саворенде те покажинел милост.³³ О, кити си дълбоко о барвалипсе е премъдростиакоро тай о знание е Девлескоро! Кити си непостижима Лескере закония тай неизследима Лескере дрома!³⁴ Соскето: " Кой пенджаргяс и годи е Девлескири, или, кой уло Леске съветники?"³⁵ или: " Кой таро по-нангле диняс Лес варесо, тай Ов те отплатинел пес леске?"³⁶ Соскето всичко си Лестар, чрез Лесте тай за Леске, Леске те овел слава жи ко векос. Амин.

Chapter 12

¹Тай чука, молинав тумен, пралален, ашал и Божие милост, те представинен тumarе теловя анди жертва живди, свято, благоугодно е Девлеске, сар тumarо духовно служение. ²Тай ма съобразинен тумен калке векоса, но преобразинен тумен чрез о обновяване те гогяке, за те пенджарен таро опити сави си и Божие воля - кавка, ковато си лачо, благоугодно Леске тай съвършено.³Соскето чрез и дадено мангे благодат пенав секоне иекеске машкар туменде, ковато си по-видно, тена мислиниел песке по-учипнасте, отколкото требе те мислиниел, но те разсъждинел чука, кай те мислиниел скромно, според о дела е вяраке, колато о Дел секаске разпределингяс.⁴Соскето, сарто иси амен бут частя иеке телосте, а ма саворе частя иси лен и също служба,⁵чука амеда о мнозина синям иек телос андо Христа, а синям частя, секой амандар, иек авереске.⁶Тай понеже иси амен дарбес, колато различинен пес според и дадено амари благодат, ов ако иси амен пророчество, нека пророкувиас съразмерно е вяраса; ⁷ако ли служение, нека прилежинас андо служени; ако декой поучинел, нека прилежинел андо поучаване; ⁸ако увещинел - андо увещаване; ковато раздел, те раздел щедро; ковато управлинел- те управлинел усърдиеса; ковато покажинел милост- те покажинел ла доброволно.⁹И любов те овел нелицемерно; отвратинен тумен таро зло, а прилепинен тумен карик о лачипе.¹⁰Дехен тумен иек аверес пралескере дехибнаса, надпреварвинен тумен те отден туменге почит иек авереске.¹¹Андо усърдие овен нелинива; пламенна ко духос, като служинен е Девлеске.¹²Лошанен анди надежда, анди скръб овен зорале, анди молитва - постоянна.¹³Помагинен е светиенге андо нуждес ленгере; преден тумен ко гостолюбие.¹⁴Благословинен колкен, колато гонинен тумен, благословинен, а ма ден арманя.¹⁵Лошанен колкенца, колато лошанен; ровен колкенца, колато ровен.¹⁶Овен единомислена иек карик авересте; ма ден тумари годи уче букиенде, но преден тумен скромноне букиенде; ма считинен тумен мъдроненге.¹⁷Никаске ма иринен зло за зло; залягинен калкеске, ковато си лачо англал саворе манушенде;¹⁸ако си възможно, доколкото зависинел тумендар, живинен андо мири саворе манушенца.¹⁹Ма отмъстинен туменге, любезна, но ден тан е Божие гневиеске; соскето си пишиме: " Мангे принадлежинел о възмездие, Ме ка керав въздаяние, пенел о Дел".²⁰Но: " Ако си бокало то неприятели, парвар лес; ако си жадно- напоине лес; соскето давка като керес, ка трупинес жарос ко шеро леске".²¹Ма мук тут те побединел тут о зло; но ту победине о зло чрез о лачипе.

Chapter 13

¹Всеко мануш те покоринел пес е властиенге, колато си упраал лесте; соскето нанай власт, която тена овел таро Дел, тай кити властя иси, он си отредиме таро Дел. ²Далкеске, ковато противинел пес е властиенге, противинел пес е Девлескере наредбаке; а колато противинен пес, ка навлечинен осъждение упраал песте. ³Соскето о владетеля нана причининен дар е добротворцоске, а е злоторцоске. Тай чука, мангес ли тена дарас тари власт? Кер лачипе, тай ка овес хвалиме латар; ⁴понеже о владетели си Божие служители тере ползаке. Но ако керес зло, те дарас; соскето ов нана анел напразно о мечи, понеже си Божие служители, мъздовъздатели за те анел гняви упраал калкесте, ковато керел зло.

⁵Далкеске нужно си те покоринен тумен ма само ашал и дар таро гняви, но ашал и съвест. ⁶Понеже по дайка причина данъки платинен. Соскето о владетеля си Божия служителя, колато постоянно занимавинен пес далке длъжностяса. ⁷Отден саворенге о длъжимо: каске длъжинел пес данъки- о данъки; каске мито - о митос; каске дар - и дар; каске почит - и почит. ⁸Ма ачовен никаске длъжна нищонасте, освен иек аверес те дехен тумен, соскето, ковато дехел околес, изпълнинел о закони. ⁹Понеже о заповедя: " Ма прелюбодействине"; " Ма мудар"; " Ма чор"; " Ма пожелавине"; тай която да те овел авер заповед заключавинен пес анде калке думенде: " Те дехес те ближнонес, карто тут". ¹⁰И любов нана керел зло е ближнонеске; следователно и любов изпълнинел о закони. ¹¹Тай давка керен, като жанен о време, кай о сахати вече ачило те ухкиен таро соиба; соскето о спасение си по-паше жи аменде акана, отколкото, като повервингям. ¹²Ират накли, а о диес наблизингяс: тай чука, нека отхвърлинас о дела е тъмнинакере, тай те урясамен е оръжиеса е светлинакоро. ¹³Карто андо парно диес, нека пирас благопристойно ма ко пировя тай ко пиянства, ма ко блудство тай страстолюбие, ма ко крамола тай завистя. ¹⁴Но уриен тумен е Девлеса о Иисус Христос тай ма грижинен тумен е страстиенге е плътиакоро.

Chapter 14

¹Е слабонес анди вяра приеминен, но ма за те препиринен тумен лескере съмнениенца. ²Иек верувинел, кай апи всичко те хал; а ковато си слабо анди вяра, хал само зеленчуки. ³Ковато хал, тена презиринел калкес, ковато нана хал; тай ковато нана хал, тена осъдинел калкес, ковато хал; сокето о Дел приемингяс лес. ⁴Кова синян ту, ковато съдинес чуждоне слугас? Англал пере Господариесте ов бешел или перел. Но ка бешел, сокето о Дел си силно те изправинел лес. ⁵Иек мануш уважинел иек диес по бут авере диесестар; а авер мануш уважинел всеко диес еднакво. Секой те овел напълно увериме ан пере гогяте. ⁶Който пазинел о диес, е Девлеске пазинел лес, а който нана пазинел о диес, е Девлеске нана пазинел лес; ковато хал, е Девлеске хал, сокето благодаринел е Девлеске; тай ковато нана хал, е Девлеске нана хал, тай благодаринел е Девлеске. ⁷Сокето никой амендар нана живинел песке, тай никой нана мерел песке. ⁸Понеже, ако живинас, е Девлеске живинас, тай ако мерас, е Девлеске мерас: тай чука, живинас ли, мерас ли Господна синям. ⁹Сокето о Христос далкеске муло тай оживингяс - те господствинел упран о муледа, упран о живдеда. ¹⁰Тай чука, ту соске съдинес те пралес? А па ту соске презиринес те пралес? Понеже аме саворе ка зачовас англал о Божие съдилище. ¹¹Сокето си пишими: "Хав совела анде Ме животосте, пенел о Дел, кай всеко коч ка коленичинел англал Манде, тай всеко чиб ка прославинел е Девлес". ¹²Тай чука, секой амендар за песке ка отговоринел англал о Дел. ¹³Като си чука, тена съдинас вече иек аверес; но по-лачес разсъдинен калкеске - никой тена поставил пе пралеске спънка или съблазан. ¹⁴Жанав тай увериме синиом андо Дел о Иисус, кай нищо нанай коркоро пестар нечисто; само колкеске, ковато считинел варесо за нечистонеске, леске си нечисто. ¹⁵Сокето, ако то прал оскърбинел пес ашал калкеске, ковато хас, ту вече нана постъпвинес ки любов. Те хабнаса ма погубине колкен, за коленге муло о Христос. ¹⁶Тай чука, тена хулинел пес кавка, ковато туме считинен лачипнаске. ¹⁷Сокето о Божие тагарипе нанай хабе тай пиби, а правда, мири тай лошли андо Свято Духос. ¹⁸Понеже, ковато чука служинел е Христаске, овел угодно е Девлеске тай одобриме таро мануша. ¹⁹Тай чука, нека родас кавка, ковато служинел мириеске тай за взаимно назидание. ²⁰Ашал хабнаске ма съсипвине е Девлескири бути. Всичко наистина си чисто; но канило си е манушеске пе хабнаса те причининел съблазан. ²¹Лачес си тена хас мас, нито те пиес мол, нито те керес варесо, чрез колесте препънинел пес то прал или съблазнинел пес, или изнемощинел. ²²О убеждение, ковато иси тут калке букиенге, иси лес тухе анде туте англал о Дел. Блажено ковка, ковато нана осъдинел пес калкеске, ковато одобринел. ²³Но ковка, ковато съмнинел пес, осъдинел пес, ако хал, сокето нана хал таро убеждение; а всичко, ковато нана ачол таро убеждение, си безех.

Chapter 15

¹Аме, о силна, синяя дължна те пиравас о немощя е слабоненгере тай тена угодинас аменге. ²Секой амандар те угодинел пе ближноеске за лескере лачипнаске, за лескоро назидание. ³Понеже о Христос нана угодингяс Песке, но, сарто си пишими: " О укоря колкенгере, колато укориненас Тут, пеле упран Манде". ⁴Сокето всичко, ковато уло по-нангле пишими, пишими уло амаре поучениеске, тай чрез и твърдост тай и утеша таро Писания те овел амен надежда. ⁵А о Дел е твърдостиакор тай е утешакор те дел тумен единомислие машкар туменде ко примери на Христа Иисуса, ⁶тай единодушно тай иеке моса те славинен е Девлес тай е Отециес амаре Девлескоро о Иисус Христос. ⁷Далкеске приеминен тумен иек аверес, сарто о Христос приемингяс тумен, за е Божие славаке. ⁸Сокето пенав, кай о Христос ашал и Божия вярност, ачило служители е обрежимененге, за те утвърдинел о обещания, дадена е даденге, ⁹тай за те прославинен о езичници е Девлес за Лескири милост, сарто си пишими: " Далкеске ка хвалинав Тут машкар о народос, тай Те алавеске ка гилябав". ¹⁰Тай пак пенел: " Развеселинен тумен, народя, с и любов Лескири". ¹¹Тай пак: " Хвалинен е Девлес, саворе народя, тай те славословинен Лес саворе люде". ¹²Тай пак о Иисая пенел: " Ка явинел пес о Есеево корени", тай: " Ковато ка ваздел пес те владеинел упран о народос; Лесте ка надявинен пес о народос". ¹³А о Дел е надеждакор те перел тумен пердоне лошаласа тай мири анди вяра, чука кай чрез и сила е Святоне Духоскири те преумножинел пес тумари надежда. ¹⁴Тай коркоро ме синиом увериме за туменге, пралален мере, кай коркоре туме синиен перда благостиса, изпълниме всеконе знаниеса, тай кай ащи наставлинен тумен иек аверес. ¹⁵Но за те дав тумен годи, пишинав туменге жи декате по-дързостно ашал и дадено манге таро Дел благодат ¹⁶те овав служители на Иисуса Христа машкар о езичници тай те свещенослужинав андо Божие благовестие, за те овен о езичници благоприятно приноси, осветиме таро Свято Духос. ¹⁷Тай чука, кити за калкеске, ковато отнесинел пес жи ко Дел, ман иси ман за соске те хвалинав ман андо Христа Иисуса. ¹⁸Сокето нанай те осмелинаман те хоратинав за варесоске, освен ковка, ковато о Христос кергяс чрез манде за привеждане е езичнициен анди покорност е вяраке чрез моро словос тай делос, ¹⁹е силаса е знамениенге тай е чудесенге, е силаса е Святоне Духоскири Божий, чука кай таро Ерусалим тай о околностя лескере, дори жи ко Илирик, напълно проповедингиом о Христово благовестие. ²⁰Обаче сине ман за цел те проповединав о благовестие чука - ма оте, кате сине вече известно о Христово алав, тена градинав чуждоне основате; ²¹но, сарто си пишими: " Колка ка дикен, коленге нана възвестисало за Леске; тай колка ка ахалон, колато нана шунде". ²²Кавка възпиринал ман бут дрома, тай нана алом туменде. ²³Но акана, като нанай вече тан за мере букяке калке ригенде, тай понеже таро бут бреша манглом те авав паш туменде, ²⁴като тръгнинав за Испания, ка авав, сокето надявинаман те дикав тумен, като накав, тай туме те изпратинен ман за оте, след като наситинаман жи декате чрез общение туменца. ²⁵А акана жав андо Ерусалимите послужинав е светиенге. ²⁶Сокето и Македония тай и Ахая благоволинде та ден известно помош за е чоренге машкар о светиес андо Ерусалим. ²⁷Благоволинде наистина, но тай дължна си ленге, сокето, ако о езичниция участвинен ленца андо духовна букя, дължна си та послужинен ленге андо телеснада. ²⁸Тай чука, като свършинав кавка, като осигуринав ленге давка плоди, ка накав презал туменде ко дром за Испания. ²⁹Тай жанав, кай като ка авав туменде, ка авав изобилное благословиенеса таро о благовестване на Христа. ³⁰А молинав ман туменге, пралален, ашал амаре Девлеске о Иисус Христос тай ашал и любов, която си плоди е Духоскоро, та придружинен ман анди усърдно молитва карик о Дел за манге, ³¹тай та избавинав ман таро противника е вяраке анди Юдея, тай мери служба андо Ерусалим та овел благоприятно е светиенге; ³²тай е Божие воляса та авав лошало туменде, тай та почивинав манге машкар туменде. ³³А о Дел е мириескоро та овел саворенца туменца. Амин.

Chapter 16

¹Препоръчинав туменгэ амаре пеня и Фива, която си служителка ки кангери анди Кенхрея, ²те приеминен ла андо Дел, карто препел е светиенца, тай те помагинен лаке, анде состе ка овел ла нужда тумендар; соскето ойда помагингяс мнозиненгэ, карто мангеда.³Поздравинен ме съработничен андо Христа Иисуса, Прискила тай Акила, ⁴колато мере животоске положинде пе меня телал и чури, коленге ма само ме благодаринав, но тай саворе кангеря машкар о езичници; поздравинен и домашно ленгири кангери. ⁵Поздравинен ме любезнонес О Епенет, ковато си о първо плоди тари Азия е Христеске.

⁶Поздравинен е Мария, която трудисали бут туменгэ. ⁷Поздравинен Андроник тай Юний, мере сродниция тай декана заедно манца затворникия, колато машкар о апостола считинен пес бележита тай колато още англал манде уле андо Христа. ⁸Поздравинен ме любезнонес андо Дел о Амплий. ⁹Поздравинен амаре съработниес андо Христа о Урван тай мо любезноСтах. ¹⁰Поздравинен е одобрименес вернонеске андо Христа о Апелий. Поздравинен колкен, колато си таро Аристовулово семейство. ¹¹Поздравинен ме енданес о Иродион. Поздравинен таро Наркисово семейство калкен, колато си андо Дел. ¹²Поздравинен е Трифена тай е Трифоса, колато керен бути е Девлеске. Поздравинен е любезноНе Персида, която кергяс бути бут е Девлеске. ¹³Поздравинен е избранонес таро Дел о Руф тай лескири дай, която си мерида.

¹⁴Поздравинен о Асинкрит, о Флегонт, Хермий, Патрова, Херм тай о прала колато си ленца. ¹⁵Поздравинен о Филолог тай и Юлия, о Нирей тай лескири пен, тай о Олимпан, тай саворе светие, колато си ленца.

¹⁶Поздравинен тумен иек аверес святоне целувкаса. Поздравинен тумен саворе Христова кангеря. ¹⁷Тай молинав ман туменгэ, пралален, те забележинен калкен, колато причининен раздоря тай съблазес, противно е учениеске ковато сиклилен, тай отстранинен тумен лендар. ¹⁸Соскето салка мануша на служинен амаре Девлеске Иисус Христос, а пере охотаке, тай благоне тай ласкавоне думенца хохавен о сърца е простодушноненгере. ¹⁹Соскето тумари послушност си известно саворенгэ, далкеске ме лошанав туменгэ. Но мангав те овен мъдра е лачипнаскэ тай приста е канилипнаскэ. ²⁰А о Дел е мириеско сиго ка смажинел е Сатанас телал тумаре пиренде. И благодат амаре Девлескири о Иисус Христос те овел туменца. ²¹Поздравинен тумен ме съработника о Тимотей тай ме сродника о Луций, Ясон тай Сосипатър. ²²Ме, о Тертий, ковато пишингиом давка послание, поздравинав тумен андо Дел. ²³Поздравинел тумен о Гай, о гостоприемники моро тай целоне кангерякоро. Поздравинел тумен о градско ковчежники о Ераст тай о прал Кварт. ²⁴И благодат амаре Девлескири о Иисус Христос те овел саворенца туменца. Амин. А Калкеске, Ковато ащи теутжърдинел тумен според мере благожестиесте тай и проповед за о Иисус Христос, според о откриване е тайнакоро, която ули замълчиме таро таро вечна времена. А акана явиса ли чрез о пророческа Писания ки заповед е вечноне Девлескири тай ачили пенджарди саворе народоске за ленгоро покоряване е вяракоро. Е иеке премъдроне Девлеске те овел слава чрез о Иисуса Христа жи ко веков. Амин

1 Corinthians

Chapter 1

¹О Павел, е Божие воляса призвано те овел апостоли е Иисусеске Христеске, тай о прал Состен, ²жи ки Божие кангери андо Коринт, жи ко осветиме андо Христа Иисуса, призвана те овен светиес, заедно саворенца, колато призовинен секоне танесте о алаб на Иисуса Христа, амаро Дел, Ковато си ленгорода, тай амаро: ³Благодат тай мири туменгэ таро Дел, амаро Отеци, тай таро Дел о Иисуса Христа. ⁴Винаги благодаринав мере Девлеске за туменгэ, за е Божие благодатаке, която сине туменгэ денди андо Христа Иисуса, ⁵кай барвалиле чрез Лесте във всичконаса - всеконе словоса тай всеконе знаниеса, ⁶по коле начиниесте потвърдисало о свидетелство за Христа машкар туменде, ⁷чука кай туме на ачовен напалпале анди десави дарба, като жарен о явление амаре Девлеско о Иисус Христос, ⁸Ковато жи ко крайос ка утвърдинел тумен, тай те овен безупречна андо диец амаре Девлеско о Иисус Христос. ⁹Верно си о Дел, чрез Колесте улен призвана андо общение Лескере Чавеса Иисус Христос, амаро Дел. ¹⁰Молинав тумен, пралален, андо алаб амаре Девлеско о Иисус Христос, саворе те хоратинен андо съгласие тай тена овен раздория машкар туменде, но те овен съвършено съединиме анде иеке гогяте тай анде иеке мислате. ¹¹Соскето декой таро домашна Хлоинес явинде мангэ за туменгэ, пралален мере, кай машкар туменде

сине разправиес.¹²Далкеса мангав те пенав, кай секой тумендар пенел;: Ме синиом Павлово";: а ме - Аполосово":а ме - Кифов"; „а па ме - Христово".¹³Нима разделисало о Христос? О Павел ли разписало туменге? Или андо Павлово алав кръстисален?¹⁴Благодаринав е Девлеске, кай нана кръстингиом никас тумендар, освен о Крисп тай о Гай,¹⁵тена пенел декой, кай улен кръстиме анде мере алавесте.

¹⁶Кръстингиом още о Стефаниново кер; освен калкен, нана помнинав те кръстингиом декас аврес.

¹⁷Соскето о Христос нана бичалгяс ман те кръстина, а те проповедина о благовестие; ма мъдроне думенца, за тена лишинел пес о Христово кръстос пе силатар.¹⁸Соскето о словос е кръстоскоро си глупост калкенге, колато погининен: а за аменге, колато спасинас амен, ов си Божия сила.¹⁹Понеже си пишиме: "Ка унищожинав и мъдрост е мъдреноненгири, тай о разуми е разумненгора ка отхвърлинав."²⁰Кате си о мъдреци? Кате си о книжники? Кате си о философи калке векоскоро? Нана ирингяс ли о Дел анди глупост и светско мъдрост?²¹Понеже анди Божия премъдрост о светос пе мъдростяса на пенджаргяс е Девлес, о Дел благоволингяс чрез и глупост калкеске, ковато проповединел пес, те спасинел е върващонен.²²Понеже о юдея манген знамения, а о гърция роден мъдрост;²³а аме проповединас иеке разпъните Христос, е юдеиенге - съблазан, а е езичнициенге - глупост;²⁴но за е призваноненге, тай юдея, тай гърция, о Христос, Божия сила тай Божия премъдрост.²⁵Соскето о Божие глупаво си по-мъдро таро мануша тай о Божие немощно си по-силно таро мануша.²⁶Понеже, пралален, дикен саве синиен туме, о призвана, кай машкар туменде нанай мнозина мъдра според о мануша, нито мнозина силна, нито мнозина благородна.²⁷Но о Дел избиригяс о глупава, бука е светоскере, за те лажавкярел е мъдронен; също избиригяс о Дел о немощна бука е светоскере, за те лажавкярел е силнонен;²⁸О Дел избиригяс адавка, ковато още о долна тай о презряна бука е светоскере си нищо, унищожинел оковка колато си варесо,²⁹за тена похвалинел пес нито иек създание англал о Дел.³⁰А Лестар синиен туме андо Христа Иисуса, Ковато ачило аменге мъдрост таро Дел тай правда, тай освещение, тай изкупление;³¹чуга кай карто си пишиме: "ковато хвалинел пес, е Девлеса те хвалинел пес".

Chapter 2

¹Тай ме, пралален, като алом паш туменде, нана альом с превъзходно хоратибе или мъдрост те известинав туменге и Божия тайна; ²сокето решингиомас тена жанав машкар туменде варесо авер, освен Иисуса Христа, и то о Христос разгъните. ³Ме ульом немощно машкар туменде, даравас тай бут изздравас. ⁴Тай мо хоратиба, тай мо проповедиба нана ачонас е убедително думес е мъдростякякере, но доказателствоса таро Духос тай тари сила; ⁵за те овел тумари вяра основиме ма ки човешко мъдрост, а ки Божие сила.⁶Обаче аме поучинас мъдрост машкар о зрела, но ма мъдрост калке светостар, нито таро първенци калке светостар, колато пренакен; ⁷а поучинас и Божие тайнствено премъдрост, която ули гаравди, която ули предопределиме таро Дел англал о вековя те анел аменге слава.⁸Никой таро първенци калке векоскере нана пенджаргяс ла; сокето, ако пенджардесас ла, нанаяс те разпнинен е Девлес е славакоро. ⁹А според сарто си пишими: " Ковато и як нана диклас, тай кан нана шунгяс, тай е манушеске ко сърцес нана ало, всичко давка приготвингяс о Дел калкенге, колато Дехен Лес."¹⁰А аменге о Дел откримел кавка чрез о Духос; понеже о Духос издирвинел всичко, даже о Божие дълбочини. ¹¹Сокето кова мануш жанел со иси андо мануш, освен о духос е манушеско, ковато си анде лесте? Чука никой нана жанел со иси андо Дел, освен о Божие Духос.¹²Аме получиням ма о духос е светоскоро, а о Духос, Ковато си таро Дел, за те пенджарац кавка, ковато о Дел благоволингяс те подаринел аменгел; ¹³ковато възвестинас ма думенца, научиме тари човешко мъдрост, а думенца, научиме таро Духос, като пояснинас о духовна букя е духовно манущенге.¹⁴Но о естествено мануш нана възприеминел давка, ковато си таро Божие Духос, сокето за леске си глупост; тай нанащи ахалол лес, понеже ов изпитвинел пес духовно. ¹⁵Но о духовно мануш изпитвинел всичко; а лес никой нажанел те изпитвинел. ¹⁶Сокето, " Кова пенджаргяс и годи е Девлескири, за те ащи сикавел Лес?" А amen иси и годи е Христоскири.

Chapter 3

¹Тай ме, пралален, нанащине хоратинав туменгे сар духовноненге, а сар плътсконенге, сар младенциенге андо Христа. ²Тудеса парваргиом тумен, ма зорале хабнаса; сокето още нанащине приеминен лес, а тай акана още нанащи.³Понеже жи акана синиен плътска: сокето, жи кай си машкар туменде завист тай разпра, нана синиен ли плътска, тай нана постъпинен ли манушканесте? ⁴Сокето, щом иек пенел: Ме синиом Павлово, а авер: Ме синиом Аполосово, нана синиен ли сар мануша слаба? ⁵Со си о Аполос тай со си о Павел? Он си служителя, чрез коленде повервингиен, и то карто о Дел диняс всеконес лендар. ⁶Ме насадингиом, е Аполос напоингяс, но о Дел керел те барйол. ⁷Тай чука, нито ковато садинел си варесо, нито ковато поинел, а о Дел, Ковато керел те барйол. ⁸Тай чука, кавка, ковато садинел, тай кавка, ковато поинел, си равна, обаче секой според пе трудосте ка получинел пери награда; ⁹сокето синяя съработници е Девлеске, карто туме синиен Божие нива, Божие здание. ¹⁰Според и денди мангите Божие благодат, сар изкусно строители, ме положкиниом основа; а авер градинел лате. Но секой нека внимавинел сар градинел лате. ¹¹Сокето никой нанащи положинел авер основа, освен и положиме, която си о Иисус Христос.¹²Тай ако декой градинел далке основате златоса, среброса, скъпоценоне баренца, каща, сенос, слама, ¹³секаскири бути ка ачол явно сави си; сокето о Господно диес ка изявинел ла, понеже ой чрез и яг откринал пес; тай и самото яг ка изпитинел сави си и бути секаскири.¹⁴Кавка, колескири бути, която градингяс, устоинел, ка получинел награда. ¹⁵А кавка, колескири бути таблол, ка претърпинел загуба; а коркоро ов ка избавинел пес, но чука, карто презал и яг.¹⁶Нана жанен ли, кай синиен храми е Девлескоро, тай кай о Божие Духос живинел анде туменде?¹⁷Ако декой оскверниел о Божие храми, лес о Дел ка аравел; сокето о Божие храми си свято, ковато храми синиен туме.¹⁸Никой тена хохавел пес. Ако декой машкар туменде мислимел, кай си мъдро според калке светосте, нека ачол глупаво, за те овел мъдро. ¹⁹Сокето и мъдрост калке светоскири си глупост англал о Дел; понеже си пишиме: "Уловинел е мъдронен андо лукавство ленге"; ²⁰тай пак: "О Дел жанел, кай о разсъждения е мъдроненгере си суетна".²¹Далкеске никой тена хвалинел пес е манушенца. Сокето всичко си тумаро: ²²било о Павел или о Аполос, или о Кифа, или о светос, или о животос, или о мериба, или о сегашно, или о бъдещо, всичко си тумаро;²³а туме синиен Христова, а о Христос - Божие.

Chapter 4

¹Чука те считинел амен секо мануш - сар Христова служителя тай настойникия е Девлескере тайненге.

²Паш далkestе таро настойникия изисквинел пес секой те докажинел пес верно.³А за манге си твърде хари варесо те овав съдиме тумендар или андо диес човешконе съдоске; даже ме нана съдинав коркоро ман.⁴Соскето, при все кай ми съвест анде нисосте нана изобличинел ман, пак далкеса нана синиом оправдиме; соскето о Дел си, Ковато ка съдинел ман.⁵Далкеске ма съдинен нищо прездевременно, жи кай нана авел о Дел, Ковато ка икалел виделосте о гаравдо анди тъмнина тай ка изявинел о намерения е сърценгере; тай тогава секой ка получинел и подобаващо за леске похвала таро Дел.⁶Тай давка, пралален, приложингиом карик манде тай карик о Аполос ашал туменге, за те сиклон чрез аменде тена престъпвинен и граница, е пишибнаскири, тена гордеинел пес декой тумендар англал околенде, кай си различно.⁷Соскето, кой керел тут те отличинес тут околендар? Тай со иси тут, ковато тена получингян? Но ако получингян лес, соске хвалинес тут, сар кай нана получингян лес?⁸Чалярде синиен вече, обогатисален вече, царувинен, и то би амаро. Тай дано царувинен, тай амеда заедно туменца те царувинас;⁹соскето, струвинел пес манге, кай о Дел поставингяс амен, е апостолен, най-последна, сар мануша, осъдиме мерибнасте; соскето ачилам за показ е - светоске ангеленге тай манушенге:¹⁰аме - безумна ашал о Христа, а туме - разумна андо Христа: аме - немощна, а туме - силна, туме - славна, а аме - опозориме.¹¹Ме жи калке сахатиесте гладувинас, тай жадувинас, тай синям нангэ, марде синям тай скитинас,¹²трудинас амен, керас бути те парварасамен. Като подигравинен амен, благословинас, като гонинен амен - търпинас,¹³като хулинен амен - отнасинас амен кротко. Ачилам сар измети андо светоске - тай жи акана саворе ленамен за отрепки.¹⁴Нана пишинав кавка, за те лажавкярав тумен, но те увещинав тумен сар любезна мере чада.¹⁵Соскето, ако иси тумен деш хиляда наставникия андо Христа, пак мнозина дада нанай тумен; понеже ме биянгиом тумен андо Христа Иисуса чрез о благовестие.

¹⁶Далкеске молинав тумен, овен манге подражателя.¹⁷По далке причинате бичалгиом туменге е Тимотей, ковато си манге любезно тай верно чадос андо Дел; ов ка сикавел туменге мере дрома андо Христос, салка дрома, савото поучинав секате секоне кангеряте.¹⁸Но десаве възгордисале, сар кай нанайас те авав паш туменде.¹⁹Но ако си е Девлескири воля, ме сиго ка авав паш туменде тай ка изпитинав - ма о думес, а и сила колкенигири, колато възгордисале.²⁰Соскето о Божие тагарипе нана състоинел пес андо думес, а анди сила.²¹Со манген? Тоягаса ли те авав паш туменде? Или с любов тай духос на кротост?

Chapter 5

¹Дори шунас, кай машкар туменде иси блудство, савото машкар о езичникуя нана араклол, а именно, кай иек тумендар иси лес лескере дадескири ромни. ²Тай туме възгордисален, вместо те скърбинен, за те отлъчингиол машкар туменде кавка, ковато кергяс давка варесо. ³Соскето ме, тена да овав телесно туменде, но като синиом туменде ме духоса - като че ли синиом туменде, - отсьдингиом вече, андо алав амаре Девлеске о Иисус Христос, за калкеске, ковато кергяс давка ⁴като кидисало моро духос туменца е силаса амаре Девлескири о Иисус -, ⁵те предав салке манушес е Сатанаске те погубинел лескири плът, за те спасинел пес лескоро духос андо диес е Девлеске о Иисус. ⁶Тумари хвалба нанай лачи. Нана жанен ли, кай хари кваси заквасинел саворо тесто? ⁷Очистинен о пуррано кваси, за те овен нево тесто, чука кай синиен безквасна; соскето аамири Пасха, о Христос, уло заклано (аменге). ⁸Далкеске нека празнувиас - ма пурране квасоса, нито квасиеса злобакоро тай нечестие, а безквасноне мареса от искреност тай истинакоро. ⁹Пишигийом туменге ме посланиесте тена сношинен тумен блудниценца - ¹⁰ма кай манглом те пенав е блудниценге калке светосте, или е сребролюбциенге тай о грабителя, или за е идолопоклоникиенге, понеже тогава би требвало те иклон таро светос, - ¹¹но андо действително пишигийом туменге тена сношинен тумен никаса, ковато наречинел пес прал, ако си блудники, или сребролюбцос, или идолопоклонники, и грабители, салкеса дори тена хан заедно. ¹²Соскето, сави бути иси ман те съдинав е авруне манушен? Нана съдинен ли туме е андрунен, ¹³жи кай е аврунен о Дел съдинел? Отлъчинен е нечестивоне манушес машкар туменде.

Chapter 6

¹Като декас тумендар иси варесо против околесте, смеинел ли те съдинел пес англал о неправедна, а ма англал о светиес? ²Или нана жанен, кай о светиес ка съдинен е светос? Тай чука, ако туме ка съдинен е светос, на синиен ли достойна те съдинен най-цикне бука? ³Нана жанен ли, кай аме ка съдинас ангелиен? А кити по бут житеиска бука.⁴Тогава, ако иси тумен житеиска тъжби, поставинен ли за съдии колкен, колато тари кангери считинен пес нищонаске? ⁵Пенав давка, за те традав тумен те лажан. Истина ли си, кай нанай машкар туменде иек мъдро мануш, ковато ащи отсъдинел машкар пе праленде, ⁶а прал пралеса съдинел пес, и то англал о невярваща?⁷Даже англал всичконасте си баро тумаро недостатъки, кате иси тумен тъжби машкар туменде. Соске по-лачес нана ачон онеправдиме? Соске по-лачес на овен ограбиме?⁸А напротив туме коркоре онеправдинен тай ограбинен, о то е прален.⁹Или нана жанен, кай о неправедна нанай те наслединен о Божие тагарипе? Ма заблудинен тумен. Нито о блудницес, нито о идолопоклоникия, нито о прелюбодейция, нито о преластителя ко юношия, нито хомосексуалистия.¹⁰нито о чора, нито о сребролубция, нито о пияницес, нито о хулителя, нито о грабителя ка наслединен о Божие тагарипе.¹¹Тай салка уле десаве тумендар; но туме истовгиен тумен салке букиендар, но осветисален, но оправдисален андо алав е Девлеске о Иисус Христос тай е Духоса амаре Девлескоро.¹²Всичко си мангав позволиме, но нанай всичко полезно; всичко си мангав позволиме, но нана мангав те овав обладиме нисостар.¹³О хабе си е vogieske, тай о воги си е хабнаске; но о Дел ка унищожинел лесда, лесда. А о телос нанай блудствонеске, но за е Девлеске, тай о Дел си е телоске;¹⁴а о Дел, Ковато възкресингяс Господа, ка възкресинел аменда Пе силаса.¹⁵Нана жанен ли, кай тумаре теловия си частя е Христаске? Тай чука, те лав ли таро Христа Лескере частя тай те керав лен частя блудницакере? Да не бъде!¹⁶Или нана жанен, кай ковато съвокуплиnel пес блудницаса, си иек телос ласа? Соскето " ка овен", пендо си, " о дуи иек плът."¹⁷Но ковато съедининел пес е Девлеса, си иек духос Леса.¹⁸Нашен таро блудство. Всеко авер безех, ковато ащи керел мануш, си аври таро телос; но ковато блудствинел, съгрешинел против пере телосте.¹⁹Или нана жанен, кай тумаре телос си храми е Святона Духоске, Ковато си анде туменде, Колес иси тумен таро Дел? Тай туме нана синиен тумаре,²⁰соскето улен ценаса кинде; далкеске прославинен е Девлес тумаре теловиенца тай тумаре душенца, колато си Божия.

Chapter 7

¹А относно давка, ковато пишингиен манге: Лачес си мануш тена докосвинел пес жи живялте. ²Но за те избегвинен пес о блудства, всеко мруш нека те овел лес лескири ромни, тай всеко ромни нека овел ла лакоро ром. ³О ром нека овел лес е ромняса о дължимо карик лате сношение; подобно и ромни е ромеса. ⁴И живли нана владеинел по телос, а о мруш; чука о мrush нана владеинел по телос, а и живли. ⁵Ма лишинен тумен иек аверестар таро съружеска сношения, освен ако си по съгласие за хари време, за те преден тумен молитват*, тай пак овен заедно, тена о Сатана изкушинел тумен чрез тумари невъзможност те въздържинен тумен. ⁶Но давка пенав сар позволение, а ма сар заповед. ⁷Обаче мангавас саворе мануша те овен савото синиом ме. Но секас иси лескоро особено дари таро Дел, иек - чука, а авер - инак. ⁸А е непрандемененг тай е вдовиценге пенав: Лачес си за ленге, ако ачон песке салка, савото синиом ме. ⁹Но ако нанащи въздържинен пес, нека пранденен: сокето по лачес си те пранденен, отколкото те разтаблон. ¹⁰А е прандемененг пенав, тай то ма ме, а о Дел: Ромни тена мукел пе ромес; ¹¹(но ако мукел лес, нека ачол непрандеме, или нека помиринел пес пе ромеса;) тай ром тена мукел пе ромня. ¹²А околните пенав ме, ма о Дел: Ако десаво прал иси лес невярващо ромни тай ой си сугласно те живинел леса, нека тена мукел ла. ¹³Тай ромни, колато иси невярващо ром, тай ов си съгласно те живинел ласа, нека тена мукел пе ромес. ¹⁴Сокето о невярващо ром осветинел пес чрез и ромни тай и невярващо ромни осветинел пес чрез о прал, лакоро ром; иначе тумаре чада ка овенас нечиста, а акана си свята. ¹⁵Но ако о невярващо напуснинел, нека напуснинел; андо савка слукаи о прал или и пен нанай поробиме таро брачно закони. О Дел обаче призовингяс амен карик о мири. ¹⁶Сокето, катар жанес, ромние, дали нанай те спасинес те ромес? Или катар жанес, рома, дали нанай те спасинес те ромня? ¹⁷Само нека секой постъпвинел чука, сарто о Дел отделингяс леске сила, тай секой, сарто о Дел призовингяс лес; тай чука заръчвинав ко саворе кангеря. ¹⁸Обрежиме ли уло призвано декой анди вяра, тена гаравел о обрежиба. Необрежиме ли уло декой призвано, тена обрежинел пес. ¹⁹О обрязване си нищо тай о необрязване си нищо, но важно си о пазиба е Девлескере заповедиенгоро. ²⁰Всекой нека ачол песке анде далке званиесте, анде колесте уло призвано анди вяра. ²¹Андо положение робиеске ли улан призвано? Тена овел тут грижа (но ако ащи свободно те ачос, по-лачес използвине о случаи); ²²сокето, ковато уло призвано андо Дел сар роби, си свободно мануш е Девлеске; чука тай ковато уло призвано сар свободно мануш, си роби е Христаске. ²³Ценаса улен кинде; ма ачон робия манушенг. ²⁴Пralalen, всекой анде состе уло призвано анди вяра, анде лесте нека ачол песке е Девлеса. ²⁵Относно о девицес нанай ман заповед таро Дел; но дав мнение сар иек, ковато получингяс милост таро Дел те овел верно. ²⁶Тай чука, ашал и настоящо неволя, аке со мислинав лачипнаске, именно, кай си лачес е манушеске чука те ачол, сарто си песке. ²⁷Панло ли синян ромняса, ма роде развързване. Отвържиме ли синян ромнятар, ма роде ромня. ²⁸Но ако пранденес, на съгрешинес; тай девица, ако пранденел, на съгрешинел: но салка ка овен лен житетска скърбес, а ме ка жалинав тумен. ²⁹Давка само пенав, пралален, кай о останаало време си кратко; далкеске калка, колен иси ромня, нека овен се едно нанай лен; ³⁰тай колато ровен, се едно кай на ровен; колато лошанен, се едно кай на лошанен; колато кинен, се едно кай нищо нана притежинен; ³¹тай колато служинен песке е светоса, се едно кай нанай леске предана; сокето о сегашно състояние* калке светоскоро си преходно. ³²А ме мангав туме те овен безгрижна. О бипрандеме грижинел пес далкеске, ковато си Господно, сар те угодинел е Девлеске; ³³а о прандеме грижинел пес далкеске, ковато си светско, сар те угодинел пе ромняке. ³⁴Чука също машкар ромнятте тай девицате иси разлика. И бипрандеме грижинел пес далкеске, ковато си Господно, за те овел свято андо телос, тай андо духос; а и прандеме грижинел пес далкеске, ковато си светско, сар те угодинел пе ромеске. ³⁵Тай давка пенав тумаре собственоне ползаке, ма те икерав тумен оглавникиеса, а ашал о благоприлиchie тай за те служинен е Девлеске без отвличане е гогяке. ³⁶Пак, ако декой мислинел, кай постъпвинел неприлично карик и девица, за колаке си сгодиме, тай ако накли лакири цветущо възраст, тай ов чувствинел, кай требе те пранденел, нека керел со мангел. На съгрешинел. Нека пранденен. ³⁷Но ковато бешел зорало ан пе сърцесте тай на изпитвинел нужда, но иси лес власт упрад пере воляте, тай решингяс ан пе сърцесте тена пранденел девицаке, ка керел лачес. ³⁸Чука кай ковато пранденел девицаке, лачес керел; а ковато нана пранденел лаке, ка керел по-лачес. ³⁹И ромни си панли*, жи кай си живдо лакоро ром; но ако о ром мерел, свободно си те пранденел, каске мангел, само те овел андо Дел. ⁴⁰Но по мере мнениесте, по-щастливо си, ако ачол песке чука; а мислинав, кай манда си Божие Духос.

Chapter 8

¹А относно о идоложертвено: Жанас, кай аме саворе уж иси амен знание те разрешинас о въпроси! Но о знание възгординел, а и любов назидавинел. ²Ако декой мислинел, кай жанел варесо, ов още нана пенджаргяс, карто требе те ахалйовел. ³Но ако декой дехел е Девлес, ов си пенджардо Лестар. ⁴Тай чука, относно о хабе е идоложертвонес скоро, жанас, кай нисаво дел, изобразиме идолестар, нанай андо светос, тай кай нанай авер Дел, освен иек. ⁵Сокето, ако иси чука наречиме богове, било андо небес или ки пув (карто иси бут богоове, тай господария бут), ⁶аменге иси само иек Дел, о Отец, Колестар си всичко, тай аме за Леске, тай иек Дел, о Иисус Христос, чрез Колесте си всичко, тай аме чрез Лесте. ⁷Но давка знание нанай лес анде саворенде; тай десаве, карто жи акана иси лен съзнание е идоленге, хан о мас сар жертва е идоленге; тай ленгири съвест, като си слабо, оскверниел пес.⁸А кавка, ковато хас, на приближинел амен жи ко Дел; нито, ако нана хас, нашалас варесо; нито, ако хас, печелинас варесо. ⁹Но внимавинен да не би по десаво начини кайка тумари свобода те ачол спънка е слабоненге. ¹⁰Сокето, ако декой дикел, кай ту, ковато иси тут знание, бешес ки софра ко идолско капище, нанай ли лескири съвест те одързовингиол, ако си слабо, тай овда те хал идоложертвено?¹¹Тай ашал тере знаниеске о слабо погининел, о прал, за колеске муло о Христос. ¹²А като съгрешинен чука против о прала тай дукавен ленгири слабо съвест, туме съгрешинен против о Христа. ¹³Далкеске, ако давка, ковато хав, съблазнинел ме пралес, ме нисар нанай те хав мас, за тена съблазнинав ме пралес.

Chapter 9

¹На синиом ли свободно? На синиом ли апостоли? На диклом ли е Иисусес, амаро Дел? На синиен ли туме моро делос англал о Дел? ²Аверенге ако на синиом апостоли, то поне туменге синиом; сокето андо Дел туме синиен о печати мере апостолствоске.³Аке моро оправдание англал калкенде, колато осъдинен мо поведение; ⁴нанай ли амен право те хас тай те пияс е кангериенгере сметкаке? ⁵Нанай ли амен право амеда, сар околе апостоленде тай о прала е Девлеске, тай Кифа, те водинас ромня таро пеня? ⁶Или само ме тай о Варнава нанай амен право тена керас бути амаре прехранаке?⁷Кова войники служинел декана пере разносценде? Кой насадинел лозес тай нана хал лескоро плоди? Или кой пасинел стадос тай нана хал таро тут е стадоске? ⁸По манушканесте ли хоратинав давка? Или на пенел о също о законида?⁹Сокето андо Мойсеево закони си пишими: " Тена пандес е волескоро мую като вършеинел". За е воловиенге ли ате грижинел пес о Дел, ¹⁰или пенел лес несъмнено ашал аменгеге? Ба, ашал аменгеге си пишими давка; сокето, който оринел, надеждаса требе те оринел; тай ковато вършеинел, требе те вършеинел надеждаса, кай ка участинел анди подялба е плодиеске. ¹¹Ако аме посеингям анде туменде о духовно, баро варесо ли си, ако пожънинас тумендар о телесно?¹²Ако авер участникен анде далке правосте упрали туменде, на участвинас ли аме по бут? Обаче аме на използвингиам давка право, но търпинас всичко, за тена причининас нисави пречка е Христаскере благовестие. ¹³Нана жанен ли, кай калка, колато свещенодействинен, парварен пес таро светилище, кай калка, колато служинен е олтариеске, лен дяли таро олтари? ¹⁴Чука о Дел наредингяс, о проповедника е благовестие. Сокето, при все кай синиом свободно саворе манушендар, ме ачилом робос саворенге, за те придобинав по-мнозина. ²⁰Е юдеиенге ачилом сар юдеи, за те придобинав юдеиен; за калкенге, колато си телал о закони, ачилом сар телал о закони (при все кай коркоро ме на синиом телал о закони), за те придобинав калкен, колато си телал о закони. ²¹За калкенге, колен нанай закони, ачилом, сар кай нанай ман закони(при все кай на синиом би закониеско спрямо о Дел, сокето синиом телал о закони спрямо о Христа), за те придобинав калкен, колен нанай закони. ²²Е слабоненге ачилом слабо, за те придобинав е слабонен. Саворенге ачилом всичко, тай по секакво начини те спасинав неколцина. ²³Всичко давка керав ашал о благовестие, за те учасвинав меда анде лесте. ²⁴Нана жанен ли, кай колато прастан ко игрище, саворе прастан, а само иек получинел и награда? Чука прастан, кай те получинен ла. ²⁵Тай всеко състезатели въздържинел пес всичконастар. Он керен давка, за те получинен тлено венеци, а аме - нетлено. ²⁶Тай чука, ме чука прастав, ма сар карик варесо неизвестно; чука чалавав, ма сар кай марав о въздухи; ²⁷но уморинав мо телос тай поробинав лес, да не би, като проповедингиом аверенге, коркоро ме те ачовав неодобриме.

Chapter 10

¹Соскето, пралален, мангав те жанен, кай макар те уле амаре дада саворе телал о облаки, тай саворе те накле презал о морес, ²тай андо облаки, тай андо морес саворе те уле кръстиме андо Мойсей, ³тай саворе те хале таро също духовно хабе, ⁴тай саворе те пиле таро също духовно пииба(соскето пиенас тари иек духовно Канара, която придружинелас лен; тай дайка Канара сине о Христос), ⁵пак карик по бут лендар о Дел на благоволингяс; далкеске изморингяс лен анди пустиния. ⁶А анде калке букиенде он ачиле аменге примери, тай тена овас похотлива за зло, сарто он уле похотлива.⁷Нито овен идолопоклония, сарто десаве лендар, според о пишиме: " О люде бешле те хан тай те пиен, тай ухтиниле те келен". ⁸Нито те блудствинас, сарто блудствиненас десаве лендар, тай пеле анде иеке диесесте бишутрин хиляда жене. ⁹Нито те изпитвинас е Девлес, сарто десаве лендар изпитвинде Лес тай погининде таро сапа. ¹⁰Нито роптайнен, сарто въроптайнде десаве лендар тай погининде таро изтребители. ¹¹А всичко давка случисало ленге примериеске тай пишисало за поука аменге, упран коленде ресле о последна времена. ¹²Чука кай, ковато мислинел, кай бешел, нека внимавинел тена перел. ¹³Нисаво изпитание нана ресло тумен, освен давка, ковато ащи пиравел мануш; обаче о Дел си верно, Ковато нанай те мукел тумен те овен изпитиме повече, отколкото си тумари сила, но заедно е изпитаниеса ка дел изходно дром, чука кай те ащи издържинен лес. ¹⁴Далкеске, любезна мере, нашен таро идолопоклонство. ¹⁵Хоратинав сар разумноне манущенг; коркоре туме съдинен далкеске, ковато пенав. ¹⁶И чаша, която сине благословиме, тай която аме благословинас, нанай ли давка те овел амен общение андо Христово рат? О маро, ковато пагас, нанай ли те овел амен общение андо Христово телос? ¹⁷Чука като аме, те овасда мнозина, синям иек маро, иек телос, понеже саворе андо иек маро участвинас. ¹⁸Дикен народос Израил*; калка, колато хан о жертвес, нанай ли лен общение андо олтари? Тогава со? ¹⁹Пенав ли ме, кай о идоложертвено си варесо, или кай о идоли си варесо? Нака. ²⁰Но пенав, кай ковка, ковато жертвинен о езичниция, жертвинен лес е бесовиенг, а ма е Девлеске; но ме на мангав тумен те овел общение е бесовиенца. ²¹Нанащи пиен и Господно чаша тай и бесовско чаша; нанащи участвинен анди Господно софра тай анди бесовско софра. ²²Или мангас те подбудинас е Девлес карик и ревност? Аме по-силна ли синям Лестар?²³Всичко си позволиме, но ма всичко си полезно; всичко си позволиме, но ма всичко си назидателно. ²⁴Никой тена родел пери лично полза, но секой - и полза околескири. ²⁵Всичко, ковато бикнел пес ки месарница, хан, без те изпитинен за леске тумари съвест; ²⁶соскето " Господно си и пув тай всичко, со иси анде лате". ²⁷Ако декой таро невярваща канинел тумен на угощение тай туме манген те жан, хан, со товен англал туменде, без те изпитвинен за леске тумари съвест.²⁸Но ако декой пенел туменге: Кавка уло принесиме жертва, - ма хан ашал калкеске, ковато известингяс туменге, тай ашал и съвест - ²⁹съвест, пенав, ма тери, но околескири; (понеже, соске те съдинел пес мери свобода тари авер съвест?³⁰Ако ме с благодарение карик о Дел участвинав андо хабе, соске те злословинен ман за колкеске, за колеске благодаринав?)³¹Тай чука, хан ли, пиен ли, керен ли варесо, всичко керен за е Девлескере славаке. ³²Ма ачон съблазан нито юдеиенг, нито гърциенг, нито е Девлескере кангеряке;³³сарто меда угодинав саворенге андо всичко, като родав, ма мери полза, а и полза е мнозинствоскири, за те спасинен пес.

Chapter 11

¹Овен мере подражатела, сарто синиом ме е Христоске . ²А похвалинав тумен, кай помнинен ман за всичконаске, като икерен о предания, сарто прединиом лен туменге. ³Но мангав те жанен, кай шеро всеконе мрушеско си о Христос, а шеро е жувлякоро си о мrush, а шеро па е Христеско си о Дел. ⁴Всеко мrush, ковато молинел пес или пророкувинел покритоне шереса, лажавкярел по шеро.⁵ А всеко жувли, която молинел пес или пророкувинел нанге шереса, лажавкярел по шеро; сокето давка си иек тай също, като те овел муравде шереса. ⁶Сокето, която жувли нана покринел пес, нека чинел пе бала. Но ако си лажаке жувляке те чинел пе бала, или те муравел по шеро, то нека те покринел пес.⁷ Сокето о мrush на требе те покринел по шеро, понеже си образи тай слава е Девлескири; а и жувли си слава е мрушескири. ⁸(Сокето о мrush нанай тари жувли, а и жувли си таро мrush; ⁹понеже о мrush нана уло създиме е жувляке, а и жувли е мрушеске.) ¹⁰Далкеске и жувли си дължно те овел ла ко шеро белеги е мрушеске тари власт ашал о ангелай.¹¹(Обаче нито и жувли си би е мрушескири, нито о мrush би е жувлякоро андо Дел; ¹²сокето сарто и жувли си таро мrush, чука о мrush си чрез и жувли; а всичко си таро Дел.)¹³Коркоре анде туменде съдинен: Прилично ли си и жувли те молинел пес е Девлеске нанге шереса? ¹⁴Нана сикавел ли тумен о самото естество, кай ако мrush мукел пе бала те барион, давка си позори за леске, ¹⁵но ако жувли мукел пе бала те барион, давка си слава за лаке, сокето о бала си лаке денде за покривало? ¹⁶Но ако декой мислинел те препириинел пес далкеске, амен нанай савка обичай, нито о Божия кангеря.¹⁷А като заръчинав туменге о следно, нана похвалинав тумен; сокето киден тумен ма за по-лачо, а за по-канило. ¹⁸Сокето, първо, шунав, кай като киден тумен кангеряке, ачон разделения машкар туменде; (тай отчасти верувинав давка; ¹⁹сокето си нужно те овел разцепление машкар туменде, за те сикавел пес кола си о одобриме машкар туменде);²⁰тай чука, като киден тумен заедно, нанай възможно те хан и Господно вечеря; ²¹сокето ко хабе секой сигярел те лел пери вечеря англал околенде; тай чука иек ачол бокало, а авер макярел пес. Со?²²Кера ли нанай тумен, кате те хан тай те пиен? Или презириинен и Божие кангери тай лажавкярен калкен, колен нанай нищо? Со те пенав туменге? Те похвалинав ли тумен далкеске? Нана хвалинав тумен.²³Сокето ме таро Дел приемингиом давка, ковато прединиом туменге, кай о Дел о Иисус презал и рат, като уло предиме, лилас маро,²⁴тай като благодарингяс, пагляс тай пенгяс: Кавка си Моро телос, ковато си (паго) за туменге; давка керен Мере възпомениеске.²⁵Чука лилас и чаша палал и вечеря, тай пенгяс: Кайка чаша си о нево завети анде Мере ратесте; давка керен всеко дром, като пиен, за Мере възпомениеске.²⁶Сокето всеко дром, като хан кавка маро тай пиен (кайка) чаша, възвестинен о мериба е Девлеско, жи кай авел Ов.²⁷Далкеске, ковато хал о маро или пиел и Господно чаша недостойно, ка овел виновно безехаке против о телос тай о рат е Девлеске.²⁸Но те изпитвинел мануш пес, тай чука те хал таро маро тай те пиел тари чаша;²⁹сокето, ковато хал тай пиел, без те пенджарел о Господно телос, ов хал тай пиел осъждение песке.³⁰По дайка причина мнозина машкар туменде си слаба тай болнава, а доста муле.³¹Но ако пенджараасас коркоре амен, нанаяс те оvas съдиме.³²А като синям съдиме, далкеса накажинас амен таро Дел, за тена оvas осъдиме заедно е светоса.³³Далкеске, пралален мере, като киден тумен те хан, жарен тумен иек аверес.³⁴Ако декой си бокало, нека хал песке пе кересте, за тена овел тумаро кидиба осъждениеске. А за околе букиенге ка нарединав лен, като авав.

Chapter 12

¹Паш далkestе, пралален, мангав те ахалон е духовноне дарбенге. ²Туме жанен, кай като улен езичниия, отвлечиненас тумен ко лалоре идола, сарто да те водиненас тумен. ³Далкеске уведоминав тумен, кай никой, като хоратинел е Божие духоса, нана пенел: Те овел проклето о Иисус! Тай никой нащи наречинел е Иисусес Дел, освен е Святоне Духоса.⁴ О дарбес си различна; но о Духос си също. ⁵О службес си различна; но о Дел си също. ⁶Различна си о действия; но о Дел си също, Ковато керел всичко андо саворе мануша.⁷ А секаске деллес о проявяване е Духоскоро общоне ползаке. ⁸Соскето иекеске дел пес чрез о Духос словос на мъдрост, а averes - словос на знание чрез о също Духос;⁹averes - вяра чрез о също Духос, а па averes - изцелителна дарбес чрез о Едино Духос; ¹⁰аврес - те керел велика дела, а averes - те пророкувинел; averes - те пенджарел е духовиен; averes - те хоратинел разна чиба; а па averes - те тълкувинел чиба. ¹¹А всичко давка керел пес иеке същоне Духостар, Ковато разделинел секаске поотделно, сарто угодно.

¹²Соскето, сарто о телос си иек, а иси лес бут частя, тай саворе частя е телоскере, макар кай си бут, пак си иек телос, чука си о Христос. ¹³Соскето аме саворе, било юдея или гърция, било робя или свободна, кръстисалам анде иеке Духосте те съставлинас иек телос, тай саворе иеке Духосар напоисалам. ¹⁴Соскето о телос нана състоинел пес иеке частятар, а бутендар. ¹⁵Ако о пире пенен: Понеже на синиом вас, на синиом таро телос, давка на керел лен тена овен таро телос. ¹⁶Тай ако о кан пенел: Понеже на синиом як, на синиом таро телос, давка на керел лес тена овел таро телос. ¹⁷Ако о цело телос сине як, кате ка овelas о шуниба? Ако о цело телос сине шуниба, кате ка овelas о обоняние?¹⁸ Но акана о Дел поставингяс о частя, всеко иек лендер, андо телос, сарто уло Леске угодно. ¹⁹Тай ако саворе он сине иек част, кате ка овelas о телос?²⁰ Но акана он си бут частя, а иек телос.²¹ Тай и як нащи пенел е вастеске: На требес манге; или па о шеро е пиренге: На синиен манге потребна. ²²Напротив, калка частя е телоскере, колато дикион аменге по-слаба, си незаменима; ²³тай калка частя е телоскере, колато дикион аменге с по-хари почит, ленге отdas по бут почит; тай о неблагоприлична амаре частя получинен по-баро благоприличие. ²⁴А о благоприлична частя амаре нанай лен нужда далkestар. Но о Дел слобингяс о телос чука, кай диняс побари почит колке частя, която нана притежинел;²⁵ за тена овел раздори андо телос, но лескере частя те грижинен пес еднакво иек averakе. ²⁶Тай като иек част страдинел, саворе частя страдинен ласа; или ако славинел пес иек част, саворе частя лошанен заедно ласа. ²⁷А туме синиен Христово телос, тай поотделно частя Лестар.²⁸ Тай о Дел поставингяс десавен анди кангери те овен: първо апостола, второ пророкия, трето учителя, после деятеля великоне деловиенге, после иек изцелителноне дарбенца, aver дарбенца помагибнаске, управлениеiske, хоратибнаске разноне чибенде. ²⁹Саворе апостола ли си? Саворе пророкия ли си? Саворе учителя ли си? Саворе ли керен велика дела?³⁰ Саворен ли си изцелителна дарбес? Саворе ли хоратинен чиба? Саворе ли тълкувинен?³¹ Копнейинен е по-баре дарбенге. А акана ка покажинав туменге иек по-превъзходно дром.

Chapter 13

¹Ако хоратинав манушкане тай ангелсконе чибенде, а любов нанай ман, ме ачилом авгин, со звънтинел, или кимвали, со дрънкинел. ²Тай ако си ман пророческо дарба тай жанав саворе тайнес тай секо знание, тай ако си ман пълно вяра, чука кай о планини те местинав, а любов нанай ман, нищо на синиом. ³Тай ако раздав мо саворо имане за те хан о сиромася, тай ако предав мо телос тарибнаске, а любов нанай ман, сави полза? ⁴И любов дълго търпинел тай си милостиво; и любов на завиждинел; и любов на превъзнесинел пес, на гордеинел пес, ⁵на безобразничинел, на родел поро, на раздразнинел пес, на икерел сметка за зло, ⁶на лошанел неправдаке, а лошанел заедно е истинаса, ⁷всичко премълчинел, всичконасте долел вяра, всичконасте надявинел пес, всичко търпинел. ⁸И любов нисар на отперел; окола дарбес обаче пророчства ли си, ка прекратине пес; чиба ли си, ка престанинен; знание ли си, ка прекратинел пес. ⁹Соскето отчасти жанас тай отчасти пророкувиас; ¹⁰но като авел о съвършено, давка ковато си частично, ка прекратинел пес. ¹¹Като улом чаво, сар чаво хоратинавас, сар чаво чувствинавас, сар чаво разсъждавинавас; от сар ачилом мруш, напуснингиом, ковато си чавикано. ¹²Соскето акана дикас неясно, сар андо аняс, а тогава ка дикас муи анде мосте; акана пенджарарав отчасти, а тогава ка пенджарарав напълно, сарто улом напълно пенджардо. ¹³Тай чука, ачон калка о трин: и вяра, и надежда, тай и любов; но най-бари лендарси и любов.

Chapter 14

¹Следвинен и любов; но копнейнен е духовноне дарбенге, а особено е дарбаке те пророкувинен. ²Соскето, който хоратинел непознатоне чибате, на хоратинел манушенге, а е Девлеске, соксето никой нана ахалол лес, понеже пе духоса ов хоратинел тайнес. ³А ковато пророкувинел, ов хоратинел манушенге за назидание, увещание тай утешение. ⁴Ковато хоратинел непознатоне чибате, назидинел пес; а ковато пророкувинел, назидинел е кангеря. ⁵Мангавас саворе туме те хоратинен чиба, а още по бут те пророкувинен; тай ковато пророкувинел, си по-упруно калкестар, ковато хоратинел разна чиба, освен ако тълкувинел, за те назидавинел пес и кангери. ⁶Пенен акана, пралален, ако авав туменде тай хоратинав непозната чиба, сави полза ка принесинав, ако на съобщинав туменге или десаво откровение, или знание, или пророчество, или поучение? ⁷Даже о бездушна предметя, сар свирка тай китара, като изден гласос, ако на изден отличителна звуковя, сар ка пенджаргиол давка, ковато башален е свиркаса или е китараса? ⁸Соскето, ако и тръба изделас неопределено звуки, кой ка приготвинелас пес марибнаск? ⁹Също чука, ако тумеда на хоратинен тумаре чибаса думес разбирама, сар ка жанелпес со хоратинен? Соскето ка хоратинен е балвалаке. ¹⁰Иси например дики видя чиба андо светос; тай ни иек лендар нанай без значение. ¹¹Тай чука, ако нана ахаловав о значение е гласос скоро, ка овав другоезично за калкеске, ковато хоратинел; тай кавка, ковато хоратинел, ка овел другоезично манге. ¹²Чука тумеда, понеже копнейнен е духовноне дарбенге, стараинен тумен те преумножингион он анде туменде за назидание е кангеряке. ¹³Далкеске, ковато хоратинел непознатоне чибате, нека молинел пес е дарбаке те тълкувинел. ¹⁴Соскето, ако молинаман непознатоне чибате, мо духос молинел пес, а ми годи на дел плоди. ¹⁵Тогава со? Ка молинаман ме духоса, но ка молинаман ме гогясада; ка гилябав ме духоса, но ка гилябав ме гогясада. ¹⁶Иначе, ако ту славословинес те духоса, сар ка пенел: Амин, тере благодарениесте ковка, ковато си таро простолюдие, като на жанел, со хоратинес? ¹⁷Соскето ту наистина благодаринес лачес, но окова на назидавинел пес. ¹⁸Благодаринав е Девлеске, кай ме хоратинав по бут чиба саворендар тумендар; ¹⁹обаче анде кангеряте предпочитинав те хоратинав панч думес ме гогяса, за те наставинав аверен, а ма деш хиляда думес непознатоне чибате. ²⁰Пralален, ма овен чаве ко гогя, но овен чаве ки злоба, овен пълнолетна ки годи. ²¹Андо закони си пишиме: "Чрез о другоезична мануша тай чрез о вуща е чужденциенге ка хоратинав калке люденге; но тай чука нанай те шунен Ман", пенел о Дел. ²²О чиба си белеги ма е вярващоненге, а за е невярващоненге; а о пророчество си белеги ма за е невярващоненге, а за е вярващоненг. ²³Тай чука, ако кидел пес и цело кангери тай саворе хоратинен непознатоне чибенде, тай ден народос приста или невярваща, нанай ли те пенен, кай туме денилилен? ²⁴Но ако саворе пророкувинен, тай дел декой невярващо или невежо, ов обвининел пес саворендар, ов съдинел пес саворендар; ²⁵о тайнес лескере сърцескере ачон явна; ай чука, ов ка перел пе мосте, ка поклонинел пес е Девлеске тай ка изповединел, кай наистина о Дел си машкар туменде. ²⁶Тогава, пралален, со ачол машкар туменде? Като киден тумен, секас иси те предлагинел псаломи, иси поучение, иси откровение, иси те хоратинел непознато чиб, иси тълкуване. Всичко те ачол за назидание. ²⁷Ако декой хоратинел непознато чиб, нека хоратинен по дуи, или най-бут по трин, тай то редоса; а иек те тълкувинел. ²⁸Но ако нанай тълкуватели, савка нека траниел анди кангери, тай нека хоратинел песке тай е Девлеске. ²⁹Таро пророкия нека хоратинен само дуи или трин, а окола те разсъждинен. ³⁰Ако авел откровение декаске авереске таро бешле, о първо нека млъкниел. ³¹Соскето иек палал авересте саворе ащи пророкувинен, за те поучинен пес саворе тай саворе те насърчинен пес; ³²о духовя е пророкиенгере покоринен пес коркоре е пророкиенг. ³³Соскето о Дел нанай Дел е безредиеско, а е мириеско, сарто поучинав ко саворе кангера е светиенг. ³⁴О жувля нека траниен андо кангера, соскето нанай ленге позволиме те хоратинен; а нека подчининен пес, сарто пенел о закони. ³⁵Ако манген те сиклон варесо, нека пучен пе ромен кере; соскето си лажаке жувляке те хоратинел анди кангери. ³⁶Възразинел ли декой калкесте? Тогава пучав: О Божие словос тумендар ли иклило? Или само жи туменде ресло? ³⁷Ако декой мислинел, кай си пророки или духовно, нека признавинел, кай кавка, ковато пишинав туменге, си заповед таро Дел. ³⁸Но ако декой на мангел те признавинел, нека тена признавинел. ³⁹Далкеске, пралален мере, копнейнен е дарбаке те пророкувиненж тай ма забрининен те хоратинен пес чиба. ⁴⁰Обаче всичко нека ачол благоприлично тай порядъчно.

Chapter 15

¹Още, пралален, дав тумен годи о благовестие, ковато проповедингиом туменге, ковато приемингиен, анде колесте бешен, ²чрез колесте спасинен тумен, ако икерен лес, според сарто благовестингиом лес туменге - освен ако напразно повервингиен.³Соскето първо прединиом туменге ковка, ковато приемингиом - кай о Христос муло амаре безехенге според о Писания; ⁴кай уло пароме; кай уло възкресиме ко трето днес според о Писания;⁵тай кай явисало е Кифаске, после е дешудонг, ⁶кай палал далкесте явисало по бут таро панчшел прала изведнъж, колендар по бут жи акана си живде, а десаве муле; ⁷кай после явисало е Яковеске, палал далкесте саворе апостоленг; ⁸тай кай най-после саворендар явисало мангеда, сар иекеске бияндо палал о сроки. ⁹Соскето ме синиом най-нищожно таро апостола тай на синиом достоин апостолида те наречинаман, понеже гонинавас и Божие кангери.¹⁰Но е Девлескере благодатаса синиом, савото синиом; тай ми денди Лескири благодат на ули напразно, но трудсалом по бут саворендар лендар - ма ме обаче, но и Божие благодат, която сине манца.¹¹Тай чука, било ме, било он, чука проповединас, чука тумеда повервингиен.¹²Ако проповединел пес, кай о Христос си възкресиме таро муле, сар пенен десаве машкар туменде, кай нанай възкресение е муленг?¹³Ако нанай възкресение е муленг, то о Христос на уло възкресиме;¹⁴тай ако о Христос на уло възкресиме, то чучи си амари проповед, чучи си тумари вярада.¹⁵Паш далкесте, аме окажинас амен лъжесвидетеля относно о Дел; соскето свидетелствингям е Девлеске, кай възкресингяс е Помазаникies; Колес на възкресингяс, ако си верно, кай о муле на възкресинен.¹⁶Соскето, ако о муле на възкресинен, то о Христос на уло възкресиме;¹⁷тай ако о Христос на уло възкресиме, суетно си тумари вяра, туме синиен още андо безеха тумаре.

¹⁸Тогава калкада, колато муле андо Христа, погининде.¹⁹Ако само анде калке животосте надявинас амен ко Христа, то таро саворе мануша аме синям най-окаяна.²⁰Но о Христос наистина* уло възкресиме, о първо плоди е муленгоро.²¹Понеже, като чрез о мануш ало о мериба, чука чрез о мануш ало о възкресение е муленгоро.²²Соскето, сарто андо Адам саворе мерен, чука андо Христа саворе ка оживинен.²³Но секой пере редосте: о Христос - първо плоди, после, ко пришествие е Христаске, калка, колато си Лескере.²⁴Тогава ка овел о крайос, като ка предел о тагарипе е Девлеске тай е Отециеске, след като унищожинел всеко началство тай всеко власт тай сила.²⁵Соскето Ов требе те царувинел, жи кай положинел саворе враговиен телал Пе пиренде.²⁶Тай о мериба, най-последно враги, ой да ка овел унищожиме,²⁷соскето о Дел " покорингяс всичко телал о пире Леске". А като пенел пес, кай всичко си Леске вече покориме,(явно изключинел пес Кавка, Ковато покорингяс Леске всичко),²⁸Като всичко ка овел Леске покориме, тогава коркоро о Чаво ка покоринел пес Калкеске, Ковато покорингяс Леске всичко, за те овел о Дел всичко анде саворенде.²⁹Иначе со ка керен калка, кате кръстинен пес ашал е муленг? А ко о муле нисар на възкресинен пес, соске кръстинен пес ашал ленг?³⁰Соске амеда изложинас амен бедствиенде всеко сахати?³¹Пralален, давка си ми похвала, коласа гордеинаман за туменге андо Христа Иисуса, амаро Дел, ме секо днес мерав.³²Ако, по манушканесте пендо, борисалом зверовиенца андо Ефес, сави полза? Ако о муле на възкресинен, „ нека хас тай пияс, соскето тася ка мерас”.³³Ма хохавен тумен. „, О каниле другаря покваринен о лаче нравия.“³⁴Отрезнинен според и правда, тай ма съгрешинен, соскето десаве тумандар на пенджарен е Девлес. Давка пенав, за те традав тумен те лажан.³⁵Но декой ка пенел: Сар възкресинен пес о муле? Тай саве телос ка авен?³⁶Глуепео, кавка, ковато ту сеинес, на оживинел, ако на мерел.³⁷Тай като сеинес лес, на сеинес о телос, ковато ка изникнинел, а нанго зърно, со случингиол, пшенично или десаво авер;³⁸но о Дел деллес телос, савото си Леске угодно, тай секоне семес лескоро собственно телос.³⁹Всеко плът нанай еднакво; но иек си и плът е манушенгири, а авер - е животноненгири, авер па - е маченгири тай авер - е птицентири.⁴⁰Иси небесна теловя, тай земна теловя, иек обаче си и слава е небесноненгири, а авер - е земнененгири.⁴¹Иек си о блясъки е камескоро, авер - о блясъки е лунакоро, тай авер - о блясъки е звезденгоро; а тай звезда тари звезда различингиол таро блясъки.⁴²Чука си о възкресение е муленгоро. О телос сеинел пес андо тление, възкресинел андо нетление;⁴³сеинел пес андо безчестие, възкресинел анди слава; сеинел пес анди немощ, възкресинел анди сила;⁴⁴сеинел пес одушевено телос, възкресинел духовно телос. Ако иси одушевено телос, то иси духовнода телос.⁴⁵Чука си пишиме: О първо мануш о Адам " ачило живди душа", а о последно Адам ачило животворящо духос.⁴⁶Обаче нанай първо о духовно, а о одушевено, тай после о духовно.⁴⁷О първо мануш си тари пув, пръстно; о второ мануш си таро небес.⁴⁸Савото си о пръстно, салка си о пръстна; тай саво си о Небесно, салка си о небесна.⁴⁹Тай сарто ургям амен андо образи е пръстнонеске, ка уряс амен андо образи е Небеснонеске.⁵⁰А давка пенав, пралален, кай плът тай рат нанащи наслединен о Божие тагарипе, нито о тленно наслединел о нетленно.⁵¹Аке, иек тайна пенав туменг: Ма саворе ка мерас, но

саворе ка изменинас амен,⁵²анде иеке минутате, андо миги е якаке, ки последно тръба; сокето ой ка затръбинел тай о муле ка възкресинен нетленна, а аме ка изменинас амен.⁵³Сокето о тленно требе те уриел пес андо нетление, тай о смъртно те уриел пес андо безсмъртие.⁵⁴А като кавка о тленно уриел пес андо нетление, тай кавка о смъртно уриел пес андо безсмъртие, тогава ка сбъднинел пес о пишиме словос: " Погълнато уло о мериба победоносно".⁵⁵О, мериба, кате си ти победа? О, мериба, кате си то жилос?⁵⁶О жилос е мерибнаскоро си и безех, тай и сила е безехакири си о закони;⁵⁷но те благодаринас е Девлеске, Ковато дел амен победа чрез амаре Девлесте о Иисус Христос.⁵⁸Далкеске, любезна мере прала, овен зорале, непоколебима, тай преизобилствинен всекога андо Господно делос, като жанен, кай андо Дел тумаро трудос нанай напразно.

Chapter 16

¹А относно о кидиба е милостинияжко е светиенге, керен тумеда, карто наредингиом андо галатийска кангеря. ²Андо първо дие е куркеске всекой тумендар те отделинел според о успехи пе букиенгоро тай те овел лес паш песте, за тена киден, като ка авав.³Тай като ка авав, ка бичалав писменца колкен, колен ка одобринен, те ингален тумаро подаръки андо Йерусалим; ⁴тай ако заслужинав те жав меда, он ка жан манца.⁵Сокето ка авав паш туменде, след като накав презал и Македония (понеже презал и Македония накав); ⁶а апи те побешав туменде или даже те презимувинав, за те изпратинен ман туме на кате жав. ⁷Сокето нана мангелпес манге те дикав тумен акана ко занакиба; но надявинаман те ачовав туменде десаво време, ако позволинел о Дел. ⁸А ка бавинаман андо Ефес жи ки Петдесетница; ⁹сокето путердило манге баро вудар букяке, иси бут противникияда.¹⁰Ако авел о Тимотей, внимавинен тена стеснинел пес машкар туменде; сокето ов да керел бути о Господно делос, карто меда; ¹¹далкеске, никой тена презиринел лес. Но изпратинен лес мириеса те авел манде, сокето жарав лес е праленца. ¹²А кити е пралеске о Аполос, бут молингиоман леске те авел туменде е праленца; но нисар на мангеласпес леске те авел акана; ка авел обаче, като аракел случай.¹³Бдинен, бешен зоралесте анди вяра, овен мъжествена, укрепинен тумен! ¹⁴Всичко анде туменде те ачол с любов.¹⁵Още молинав тумен, пралален: Туме жанен, кай семейство таро Стефанас си о първо плоди анди Ахая тай кай он посветинде пес те служинен е светиенг; ¹⁶салкенге те подчининен тумен тумеда, тай секаске, ковато помагинел андо делос тай трудинел пес.¹⁷Лошанав кай авен о Стефанас, о Фортунат тай о Ахаик, сокето он запълнинде мо лишение тумендар; ¹⁸понеже успокоинде мо духос тай тумаро; далкеске признавинен салке манушен. ¹⁹Поздравинен тумен о кангеря, колато си анди Азия.Иситумен поздравия таро Дел тай и Акила тай и Прискила, пе домашноне кангеряса.²⁰Поздравинен тумен саворе прала. Поздравинен тумен иек аверес святоне целувкаса.²¹О поздрави пишинав ме, о Павел, ме собственоне вастеса.²²Който на дехен е Девлес, те овел проклето. О Дел амаро авел.²³И благодат е Девлескири о Исус Христос те овел туменца.²⁴Ми любов те овел саворенца туменца андо Христа Иисуса. Амин.

2 Corinthians

Chapter 1

¹О Павел, е Божие воляса апостоли на Иисуса Христа, тай о прал о Тимотей, жи ки Божие кангери, кате си андо Коринт, тай жи саворе светиенде, колато си ки цело Ахая : ²Благодат тай мири туменге таро Дел, амаро Отеци, тай Дел о Иисуса Христа.³Благословиме о Дел тай о Отец амаре Девлескоро о Иисус Христос, Отеци е милосърдиеске тай Дел е пердоне утехакоро, ⁴Ковато утешинел амен анде секакво амари скръб, за те апи амеда те утешинас калкен, колато араклон анди сави да те овел скръб, утехаса, коласа амеда коркоре утешинас амен таро Дел.⁵Сокето, карто аме изобилно страдинас е Христаске, чука амари утеша изобилствинел чрез Христа. ⁶Но ако наскърбинен амен, давка си тумаре утешаке тай спасениеске, или ако утешинен амен, давка си тумаре утешаке (тай спасениеске), ковато създел анде туменде търпеливо понасиба е същоне страданиенге, колато понасиба амеда. ⁷Тай и надежда амари за туменге си зорали; понеже жанас, кай сар синиен участникия андо страдания, чука синиен анди утеша.⁸Сокето мангас те жанен, пралален, е скръбяке, която сполетингяс амен анди Азия, кай улам изключително притесниме, аври амаре силатар, чука кай отчаисалам дори амаре животоске; ⁹даже аме коркоре счетингям, кай приемингям мерибнаскири присъда анде аменде, за тена уловинас амен аменде, а ко Дел, Ковато възкресинел е мулен. ¹⁰Тай Ов избавингяс амен таро дики паше мерибнастар, тай още избавинел, тай надявинас амен Лесте, кай пак ка избавинел амен;¹¹като съдействинен амнеге туме чрез молитва,чука,поради и дадено амнге чрез молитва благодат, те благодаринас саворенг¹²Сокето амари похвала си кайка, о свидетелство амаре съвестяжко, кай аме живингям андо светос, а най-бут машкар туменде, святостияса тай искреностяса англал о Дел, ма плътсконе мъдростияса, а е Божие благодатаса.¹³Сокето на пишинас туменге авер, освен давка, ковато четинен , тай ахальон, тай ковато, надявинаман, кай жи ко крайос ка признавинен ¹⁴(карто отчасти ахальовен), кай синям похвала туменге, карто туме да си ен аменге, андо дие амаре Девлеске о Иисус.¹⁵Далке увереностиаса мангавас те авав първо паш туменде, за те овел тумен двойно полза,¹⁶като презал туменде накав анди Македония; тай пак тари

Македония авав туменде, тай тогава туме те изпратинен ман за Юдея.¹⁷Лачес, като сине ман давка намерение, лекоумно ли постъпнгиом? Или мо намерение уло манушескоро* намерение, тай те пенав ту: Ва, ва, ту: Нака, нака?¹⁸Но сарто о Дел си верно, чука амаро словос карак туменде на уло "ва" тай "нака".¹⁹Соскето о е Девлескоро Чаво, о Иисус Христос, Ковато уло проповедиме машкар туменде амендар (мандар, о Сила тай о Тимотей), на ачило "ва" тай "нака", но анде Лесте ачило "ва";²⁰понеже саворе Божия обещания , анде Лесте си "ва", тай анде Лесте "амин", за е Божие славаке чрез аменде .²¹А Кавка, Ковато утвърдинел амен заедно туменца андо Христа, тай Ковато помажингяс амен, си о Дел:²²Ковато запечатингяс амен, тай диняс анде амаре сърценде о Духос андо залоги.²³Но ме призовинав е Девлес свидетелеске мере душаке, кай за те пощадинав тумен, въздържнгиом ман те авав андо Коринт;²⁴соскето на господарувинас упран тумаре вярате, но синям помощниция тумаре лошалаке; понеже, кити е вяраке, туме бешен зорале.

Chapter 2

¹Обаче давка решингиом анде манде- тена авав паш туменде отново със скръб. ²Соскето, ако ме наскърбинав тумен, то ман кой ка развеселинел, ако нанай кавка, ковато уло наскърбиме мандар?³Тай давка пишинигиом нарочно, да не би, като авав, те овав наскърбиме колкендар, колато требе те лошанкярен ман, като иси ман уверение анде саворенде туменде, кай мери лошали си лошали саворенге туменге. ⁴Соскето тари бари скръб тай тари сърдечно тъга пишинигиом туменге буте асвенца ма за те наскърбинен тумен, а за те пенджарен и любов, която питайнав особено карик туменде.⁵Но ако декой наскърбингяс ман, нана наскърбингяс само ман, но саворен тумен отчасти (тена пенав пребут). ⁶За салке иекеске доста си о наказание, ковато уло леске наложиме таро по бут тумендар; ⁷чуга кай акана вече* си по-лачес те простилен леске тай те утешинен лес, да не би савка те овел погълниме тари прекомерно скръб.⁸Далкеске молинав тумен те уверинен лес анде тумари любов карик лесте. ⁹Понеже далкеске пишинигиом, за те пенджарарав тумен чрез о опити, дали синиен послушна андо всичко.¹⁰А каске туме простилен варесо, простилен меда; соскето, ако простилигиом варесо, простилигиом лес ашал туменге англал о Христа,¹¹да бе би о Сатана те използвинел о случаи против аменде; соскето аме жанас лескере замислес.¹²А като алом андо Троада те проповединав о Христово благовестие, тай путердило манге вудар андо Господно делос,¹³мо духос на успокоисало, понеже на араклом ме пралес и Тит, а като простисалом ленца, отпътувнигиом за Македония.¹⁴Но те благодариас е Девлеске, Ковато винаги водинел амен андо победно шествие андо Христа на насекате изявинел чрез аменде о благоухание е познаниескоро за Леске.¹⁵Соскето англал о Дел аме синям Христово благоухание за калкенге, колато спасилен пес, тай околненге, колато погининен.¹⁶Иекенге синям мерибнаскоро ухание, ковато анел мериба, а околненге - животворно ухание, ковато анел животос. Тай далке делоске кой си способно? ¹⁷Аме синям; соскето на синям сар мнозина, колато прекерен о Божие словос, но хоратинаас искрено андо Христа, като таро Дел, англал о Дел.

Chapter 3

¹Пак ли почниас те препоръчвиас амен? Или иси амен нужда, сарто декой, таро препоръчителна писма жи туменде или тумендар? ²Туме синиен амаро писмо, пишими анде амаре сърценде, узнавиме тай четиме саворе манушендар; ³тай явинен тумен, кай синиен Христово писмо, проиклило чрез амаро служение, пишими ма мастилоса, а е Духоса е живде Девлескоро, ма плоченде барестар, а плочендар тари плът - е сърцеске.⁴Саика увереност иси амен спрямо о Дел чрез о Христа. ⁵Ма кай синям способно коркоре амандар те съдинас варесоске сар амандар; но амари способност си таро Дел, ⁶Ковато кергяс амен способна сар служителя иеке неве заветиске, ма е букваке, а е духосске; соскето и буква мударел, а о духос оживотворинел.⁷Но ако о служение колкеске, ковато анел мериба, пишими буквенца, издълбана баресте, ачило салке славаса, кай о израиляния нацине дикен е Мойсейес андо мui ашал о бляськи лескере москоро. ковато впрочем уло преходно, ⁸сар нанай те овел о служение е Духоскоро по-баре славаса?⁹Соскето, ако о служение колкеске, ковато анел осъждане, ачило славаса, о служение колкеске, ковато анел правда, отнакел лес бут повече анди слава, която превъзходинел.) ¹⁰(Тай наистина ковка, ковато уло прославиме, нашалел пи слава далке отношениесте ашал и слава, която превъзходинел.) ¹¹Соскето, ако кавка, ковато пренакелас, уло славно, то бут по-славно си о трайно.¹²Тай чука, като иси амен саика надежда, хоратинас баре откровеностяса, ¹³тай на синям сар о Мойсей, ковато товелас покривалос пе мосте, за тенащи о израиляния те дикен о изчезване калкеске, ковато пренакелас.¹⁴Но ленгере гогя уле корядре; соскето жи авдиец, като четинен о Пурено Завети, о също покривалос ачол, соскето ов снеминел пес само андо Христа. ¹⁵Тай жи авдиец ко четиба е Мойсейеске покривалос , пашлол ко сърцес ленге. , ¹⁶Но като о Израил иринел пес карик о Дел, о покривалос ка снеминел пес.¹⁷А о Дел си о Духос; тай кате си о Господно Духос, оте си свобода. ¹⁸А аме саворе, колато непокритоне муиенца отразинас* и Господно слава сар анде анясте, преобразинас амен анде Лескере образиесте тари слава анди слава, сарто таро Духос Господно.

Chapter 4

¹Далкеске, като иси амен давка служение, сарто придобингям милост, нана обезсърчинас амен; ²но отречисалам тайнендар тай лажавне дела, тай на постъпвинас лукаво, нито изопачинас о Божие словос, но като изявинас и истина, препоръчинас амен ки съвест всеконе манушеске англал о Дел.³Но ако амаро благовестие си покрито, ов си покриме калкенге, колато погивинен, ⁴калкенге, о невярваща, каскири годи о дел калке светоскоро коряргяс, за тена озаринел лен и светлина таро славно благовестие е Христоскес, Ковато си образи е Девлеске.⁵(Соскето аме на проповединас амен, а Христа Иисуса сар Дел, а амен - сар тумаре слуги ашал е Иисусеске.)⁶Понеже о Дел, Ковато пенгяс е светлинаке те изгреинел тари тъмнина, Ов си, Ковато огреингяс анде амаре сърценде, за те просветинел пес о светос е пенджарибната е Божие славакири андо лицес на Иисуса Христа.⁷А амен иси давка съкровище андо пръстна съдовя, за те дикиол, кай и превъзходно сила си таро Дел, а ма амендар.⁸Угнетена синям отсекатар, но на синям сломена; андо недоумение синям, но ма жи ко отчаяние;⁹гониме синям, но ма мукле; повалиме синям, но ма погубиме.¹⁰Винаги пиравас анде амаре теловиенде о мериба е (Девлескоро) о Иисус, за те араклол анде амаре телосте о животос е Иисусескоро.¹¹Соскето аме, о живде, винаги синям предиме ко мериба за е Иисусеске, за те изявинел пес о животос е Иисусескоро анде амаре мерибнаскири плът.¹²Чука кай о мериба действинел анде аменде, а о животос - анде туменде.¹³А като иси амен о също духос вяракоро според о пишими: "Повервингиом, далкеске хоратингиом", то амеда, понеже верувинас, далкеске хоратинас;¹⁴понеже жанас, кай Кавка, Ковато възкресингяс е Девлес е Иисусес, ка възкресинел аменда заедно е Иисусеса, тай ка представинел амен заедно туменца.¹⁵Соскето всичко давка си ашал туменге, чука кай и благодат, увеличиме чрез о мнозина, те преумножинел о благодарение, за е Божие славаке.¹⁶Далкеске аме на обезсърчинас амен; но ако те тleinел о авруно амаро мануш, пак о андруно секо дис обновинел пес.¹⁷Соскето ами временно локи скръб спечелинел аменгеечно слава, която дуре превишинел ла,¹⁸като на дикас ко видимо, а ко невидимо; соскето о видимо си временно, а о невидимо -ечно.

Chapter 5

¹Соскето жanas, кай ако арагиол амаро кер ки пув, и телесно скиния, иси амен таро Дел здание ко небеса, кер неръкторно, вечно. ²Понеже анде далке кересте стенинас, като очаквинас те уряс амен амаре небесноне жилищеса, ³стига само, урявде леса, тена аракловас нанге.⁴Соскето аме, колато синям анди каика телесно скиния, сар обремениме стенинас; ма кай мангас те нангиовас, но те уряс амен още по бут, за те овел о муликано погълнато таро животос. ⁵А о Дел си, Ковато създияс амен тъкмо далкеске, тай диняс амен о Духос андо залоги.⁶Тай чука, понеже винаги одързостинас амен, като жanas, кай жи кай синям кере андо телос, аме синям отдалечиме таро Дел ⁷(сокето верувибнаса пирас, а ма дикибнаса), - ⁸понеже, пенав, одързостинас амен, то предпочтитинас те оvas отстраниме таро телос тай те оvas кере ко Дел.⁹Далкеске ревностно стараинас амен, било кере или отстраниме, те оvas угодна Леске. ¹⁰Соскето саворе требе те зачовас открита англал о Христово съдилище, за те получинел секой според со кергяс андо телос, било лачо или канило.¹¹Тай чука, като пенджарас и дар таро Дел, убединас е манушен; а е Девлеске синям позната, надявинаман още, кай тумареда съвестиене синям позната. ¹²Далкеса нана препоръчинас амен туменге отново, а дас тумен поводи те хвалинен тумен аменца, за те овел тумен со те отговоринен колкенте, колато хвалинен пес далкеса, ковато си ко мui, а ма далкеса, ковато си андо сърцес.¹³Соскето, ако гелам жи ко крайностя, ов уло за е Девлеске; или ако умерено мъдрувинас, ов си ашал туменге. ¹⁴Соскето и Христово любов принудинел амен, като разсъждинас чука, кай понеже иек муло саворенге, то саворе муле; ¹⁵Ов муло саворенге, за тена живинен вече о живде за песке, а за Калкеске, Ковато муло тай възкресингяс за ленге.¹⁶Далкеске аме от акана наоте на пенджарас никас ки плът; ако пенджаргиям Христа ки плът, пак акана вече чука на пенджарас Лес. ¹⁷Далкеске, ако си декой андо Христа, ов си нево създание; о пуррано отнаклас; аке, (всичко) ачило нево.¹⁸А всичко си таро Дел, Ковато примирингяс амен Песа чрез (Исуса) Христа тай диняс амен о служение е примирениеско, ¹⁹демек, кай о Дел андо Христа примирингяс е светос Песа, като на вменинелас е манушенге ленгере прегрешения, тай кай поверингяс аменге о послание е примириеско.²⁰Тай чука, тари Христово риг синям посланикия, сар кай о Дел чрез аменде умолинел; молинас тумен тари Христово риг, примиринен тумен е Девлеса,²¹Ковато аменге кергяс грешно* Колкес, Ковато нана жанелас безех, за те ачовас аме чрез Лесте праведна англал о Дел.

Chapter 6

¹Тай аме, като съдействинас е Девлеса, също умолинас тумен тена приеминен напразно и Божие благодат. ²Соскето пендо си: " Андо благоприятно време шунгиом тут, тай андо спасително диес помагингиом туке. "; Аке, акана си благоприятно времес, аке, акана си спасително диес.) ³Аме нисосте на дас нисави причина за съблазан, тена злословингиол амаро служение,⁴ но андо всичко представинас амен, сар Божия служителя, баре зоралипнаса, андо скърбес, анди нужда, андо утеснения, ⁵андо бичувания, андо панлиба, андо смутовя, андо трудовя, андо безсъния, андо неядения, ⁶андо шужипе, андо благоразумие, андо дълготърпение, анди благост, андо Свято Духос, анди нелицемерно любов, ⁷андо хоратива и истина, анди Божие сила, чрез о оръжие е правдакере андо десно вас тай андо лево;⁸ машкар и слава тай опозорение, машкар о хулиба тай и спохвала; считиме сар измамникия, но пак истинна; ⁹сар непозната, а пак лачес пенджарде; сар мерибнасте, а аке, живинас; сар накажиме, а ма умъртвиме; ¹⁰сар наскърбиме, а винаги лошале; сар сиромася, но обогатяваща мнозинен; сар кай нищо нанай амен, но притежаваща всичко.¹¹О, коринтяни, о думес амаре карик туменде си откровена*, амаро сърцес бухлило.

¹²Туменге нанай тесно анде аменде, но анде туменде си тесно аменге. ¹³Тай чука, за равноне отплатаке (сар чадоненге хоратинав), бухларен тумеда тумаре сърца.¹⁴Ма впрегинен тумен несходно е невярващоненца; соскето, саво общо иси е правда тай е беззакониес? Или саво общение иси е светлина тай е тъмнина? ¹⁵Тай саво съгласие иси е Христас е Сатанаса*? Или саво съучастие иси е вярващонес е невярващонеса? ¹⁶Тай саво споразумение иси е Божие храмиес е идоленца? Соскето туме синиен храми е живде Девлеске, карто пенгяс о Дел: " Ка заселинаман машкар ленде тай машкар ленде ка пирав; тай ка овав ленге Дел, тай он ка овен Манге люде".¹⁷Далкеске: " Иклон машкар лендар тай отделинен тумен," пенел о Дел, " Тай ма допиринен тумен жи ко нечисто"; тай: " Ме ка приеминав тумен, ¹⁸тай ка овав туменге Отеци, тай туме ка овен Манге чаве тай чая", пенел о Всемогъщо Дел.

Chapter 7

¹Тай чука, любезна, като иси амен далка обещания, нека очистинас амен всеконе плътсконе тай духовноне нечистотатар, като усьвършенствинас амен анди святост дараса таро Дел.²Керен тан анде тумаре сърцеденде за аменге; никак на онеправдингям, никак на развратингям, никастар на възползвингям амен. ³На пенав давка, за те осъдинав тумен: соскето по-нангле пенгиом, кай синиен анде амаре сърценде, за те оvas заедно като каа мерас, тай като живинас. ⁴Баро си моро доверие анде туменде, бут хвалинаман туменца, пердо синиом утексас; анди секакво амари скръб ми лошали си преизобилно.

⁵Соскето, отсар алам анди Македония, на сине амен* нисаво спокойствие, но секатар улам утеснена: аврят о борби, андрал и дар. ⁶Но о Дел, Ковато утешинел е смиренонен, утешингям амен е Титиескере пристигнимнаса; ⁷тай ма просто лескере пристигнимнаса, но ашал и утеха, коласа туме утешингиенас лес, като известингяс аменге тумаро копнеки, тумаро роиба, тумари ревност за манге; чука кай още по бут лошангиом.⁸Соскето, при все кай наскърбингиом тумен ме посланиеса, нана разкайвинаман; макар те пораскайнавас ман, като диклом, кай ковка писмо наскърбингяс тумен, но само за хари време. ⁹Аканя лошанав, ма за тумаре наскърбимнаске, но соскето тумаро наскърбяване ангяс тумен жи ко покаяние; понеже скърбиненас палал о Дел, тай тена понесинен нисави вреда амандар нисосте. ¹⁰Соскето и скръб палал о Дел биянел спасително покаяние, ковато ингалел жи ко спасение тай на мукел разкайние, а и светско скръб биянел мериба.¹¹Соскето, аке кавка тумаро скърбиба палал о Дел, саво усьрдие породингяс анде туменде, саво себеочистване, саво негодувание, сави дар, саво очакване, сави ревност, сави готовност те дикен възмездие! Всичконасте туме покажингиен, кай синиен чиста анде далке делосте.

¹²Тай чука, ако пишигиом туменге давка, на пишигиом лес ашал о оскърбители, нито ашал о оскърбиме, а за те ачол туменге ясно англал о Дел кити синиен аменге предана.¹³Далкескере утешисалам; тай анде далке амаре утехате още по бут залошангям ашал и лошали на Тит, соскето туме саворе успокоингиен лескоро духос. ¹⁴Соскето, ако похвалингиоман лескере хари туменца, нана лажанилом; но сарто всичко, ковато хоратингям туменге, уло истинно, чука и похвалила амари туменца англал о Тит иклили истинно.¹⁵Тай ов още по бут милениел туменге, като дел пес годи и послушност саворенгири, сар приемингиен лес дараса тай трепетиеса. ¹⁶Лошанав, кай анде всичконасте ащи доверинав ман туменде.

Chapter 8

¹Паш далkestе, пралален, известинав туменге и Божие благодат, денди ко кангеря анди Македония, ²кай макар те търпинен баро утеснение, пак ленгири изобилно лошали тай ленгири дълбоко сиромашия керде те преливинел о барвалипе ленгере щедростиятар.³Соскето свидетелствинав, кай он дине доброволно според пи сила, тай даже аври пе силатар, ⁴като умолиненас амен баре настояниеса, относно давка деиба*, дано те участвинен онда андо служение е светиенге. ⁵Тай он ма само дине, карто надявинасас амен, но първо предине пес е Девлеске тай, ки Божие воля, аменгетe;⁶чука кай помолингям е Титиес те довършинел машкар туменде давка благодеяние, карто започнингясас лес. ⁷Тай чука, карто изобилствинен андо всеко варесо: анди вяра, андо словос, андо знание, андо пердо усърдие, тай анди любов карик аменде, чука те преизобилствинен анде далке благодеяниесте.⁸На пенав давка сар заповед, а за те изпитвинав и искреност тай любов чрез о усърдие околенгоро. ⁹Соскето жанен и благодат амаре Девлескири о Иисус Христос, кай като уло барвало, за туменге ачило чоро, за те обогатинен тумен туме чрез Лескере чорипнасте.¹⁰А относно давка ме дав кавка съвети, кай чука те керен лес си полезно туменге, колато окова бреш улен първа ма само те керен лес, но те манген те керен лес.¹¹А акана керен лес ко делос, чука кай карто улен усърдна андо желание, чука те овен андо довършване, според со иси тумен.¹²Соскето, ако иси усърдие, ов си приемиме, според кити иси е манушес, а ма според кити нанай лес.¹³Понеже на мангав авер те овен облекчиме, а туме утесниме;¹⁴но те овел равенство, сар тумаро сегашно изобилие пергяс ленгири оскъдност, тай ленгоро изобилие послужингяс тумаре оскъдностиаке; тай те овел равенство,¹⁵според карто си пишиме: " Ковато кидингясас бут, на сине лес излишъки; тай ковато кидингясас хари, на сине леске оскъдно".¹⁶Те благодаринас е Девлеске, Ковато вложинел андо сърцес на Тит о също усърдие за туменге, ковато иси аменда;¹⁷соскето наистина приемингяс амари молба, а паш далkestе, като уло коркоро бут усърдно, тръгнингяс карик туменде доброволно.¹⁸Бичалгям леса е пралес, колескири похвала андо делос е благовестиескоро си известно андо саворе кангеря;¹⁹тай ма само давка, но още уло избираме таро кангеря те пътувинел аменца за е делоске далке благодеяниескоро, колеске служинас за е Девлескере славаке, тай за те покажинел пес амаро усърдие,²⁰като избегвинас давка, декой те упреквинел амен относно давка щедро подаръки, ковато си повериме амаре служениеске;²¹понеже грижинас амен далкеске, ковато си честно ма само англал о Дел, но англал о манушада.²²Бичалгям ленца около амаре пралес, колескоро усърдие бут дрома тай анде буте букиенде опитвингям, тай колато акана си бут по-усърдно ашал лескоро баро доверие карик туменде.²³Кити за е Титиеске, ов си моро другари тай съработники машкар туменде; а кити амаре праленге, он си пратеникия е кангериенгере, слава е Христаске.²⁴Далкеске, покажинен ленге англал о кангеря доказателство за тумари любов тай за амаре похвалаке за туменге.

Chapter 9

¹А наистина излишно си те пишинав туменге за те ден помоща е светиенге; ²понеже жанав тумаро усърдие, за колеске хвалинаман туменца англал о македонция, кай и Ахая още от окова бреш си приготвиме; тай тумари ревност подбудингяс по бут лендар.³А бичалгиом е прален, за тена иклол чучи амари похвала за туменге андо давка отношение, тай те овен, карто пенавас, приготвиме; ⁴тена, ако авен манца македонция тай аракен тумен неприготвиме, те ачовас лажаке аме, тена пенав туме, анди даика увереност. ⁵Тай чука, араклом за нужно те помолинав е прален те авен по-нангле паш туменде тай те приготвинен предварително тумари отрано обещиме милостиния, за те овел готово сар милостиния, а ма сар изнудване.⁶А давка пенав, кай ковато дел хари, хари ка лел, ковато дел бут, бут ка лел. ⁷Всекой те дел, според карто решингяс ан пе сърцесте, без те скъпинел пес, тай ма по принуда; соскето о Дел дехел колкес, ковато дел на драго сърце.⁸А о Дел си силно те преумножинел туменге секакво благо, чука кай като иси тумен всякога тай андо всичко достатъчно андо всеко отношение, те изобилствинен андо всеко лачо делос; ⁹карто си пишиме: "Раздиняс бут, диняс е чорен, Лескири правда траинел жи ко векос."¹⁰А Кавка, Ковато дел семес е сеячиеске тай маро хабнасke, ка дел тай ка умножинел тумаро семес за сейтбаке, тай ка керел изобилна о плодове тумаре правдакере, ¹¹за те овен барвале андо всеко отношение тай щедра андо всеко поводи, тай чрез аменде тумари щедрост ка породинел благодарност карик о Дел. ¹²Соскето о извършване калке служениеско ма само перел о нуждес е светиенге, но тай чрез о бут благодарностя изливинел пес англал о Дел; ¹³понеже ашал о служение, чрез колесте докажингиен тумен, он славинен е Девлес за тумаре послушаниеске, съпътстващо о изповядване е Христескере благовестиеско, тай и щедрост тумаре споделимнасke ленца тай саворенца. ¹⁴А тай андо молитвес ленге за туменге ленгере сърца ка закопнеинен туменге ашал и денди туменге изобилно Божие благодат. ¹⁵Те благодаринас е Девлеске за Лескоро неизказано дари!

Chapter 10

¹Тай коркоро ме, о Павел, молинав тумен е Христескере кротостяса тай нежностяса, ме, ковато синиом смиreno, като синиом машкар туменде, а като отъствинав, ачовав смело карик уменде, ²молинав ман туменге, като синиом паш туменде, тена принудинаман те употребинав смелост колке увереностяса, коласа мислинав те одързости наман против декасе, колато мислинен, кай аме постъпвинас плътски. ³Соскето, ако те живинасада анди плът, ки плът на воювинас. ⁴Соскето о оръжия, коленца воювинас, нанай плътска, но чрез о Дел си силна пераибнаксе е крепостиенг. ⁵Понеже перавас помислес тай всичко, ковато ваздел пес учипнасте против о познание е Девлескоро, тай пленинас всеко разуми те покоринел пес е Христаске. ⁶Тай синям готова те накажинас секакво непослушание, щом ачол пердо тумаро послушание. ⁷Туме дикен о авруно. Ако декой си увериме анде песте, кай си Христово, то нека размислинел още иеквар анде песте, кай карто, ов си Христово, чука амеда синям Христова. ⁸Соскето, ако похвалинавас ман варесо по бут амаре властиаса, която о Дел диняс за тумаре назиданиеске, а ма за тумаре разорибнаксе, нанай те лажав. ⁹Обаче нека тена дикиол, кай мангав те заплашвинав тумен ме посланиенца. ¹⁰Понеже, пленен десаве, лескере послания си паре тай силна, но лескоро лично присъствие си слабо тай лескири реч - нищожно. ¹¹Савка нека овел лес предвид давка, кай саве синям ко словос амаре посланиенде, като синям дуре тумендар, салка синям ко делос, като синям паш туменде. ¹²Соскето на смеинас те считинас или те сравнинас амен декаса колкендар, колато препоръчвинен коркоро пес; но он, като меринен пес песа, тай като сравнинен пес песа, на постъпинен разумно. ¹³А аме нанай те хвалинас амен далкеса, ковато си аври амаре пределендар, а ка ограничинас амен е областяса, която о Дел определингяс аменг, област, която ресел дори жи туменде. ¹⁴Соскето аме нана жас твърде дуре е хвалбенца амаренца, като че ли на реслам жи туменде; соскето реслам жи туменде е Христаскере благовестиеса. ¹⁵Тай на хвалинас амен далкеса, ковато си аври амаре пределендар, демек, чуждоне трудоса, но иси амен надежда, кай с нарастване тумаре вяраса, ка разшириггиол и област амари за букяке машкар туменде, тай то преображен, ¹⁶чука кай те проповединас о благовестие тумендар по-ноте. Соскето на мангас те хвалинас амен е извършиме букяса анди чуждо област. ¹⁷А който хвалинел пес, е Девлеса нека хвалинел пес. ¹⁸Соскето нанай одобриме кавка, ковато коркоро пес препоръчвинел, а кавка, колес о Дел препоръчвинел.

Chapter 11

¹Дано те ащи търпинен хари моро безумие! Ва ! потърпинен ман, ²сокето ревнувинав за туменге божественоне ревностяса; понеже сгодингиом тумен иеке мрушеса, те представинел тумен сар шужи девица е Христаске.³Но дарав тена, карто о сап хохавгяс е Ева пе хохамнаса, те нашальол тумари годи тай отперел тари простота тай чистота, която дължинен е Христаске. ⁴Сокето, ако авел декой тай проповединел туменге авере Иисусес, Колес аме на проповедингям, или ако получинен авер духос, ковато на получингиен, или авер благовестие, ковато на приемингиен, туме лесно търпинен лес.⁵Обаче мислинав, кай ме на синиом андо нищо по-долно калке превъзходноне апостолендар! ⁶А па, те овавда анде ме речяте просто, андо знание на синиом; дори аме по секакво начини покажингям туменге давка андо всичко.⁷Безех ли кергиом, като смиринаас ман, за те вазден тумен туме, като проповедингиом туменге о Божие благовестие даром? ⁸Авер кангеря оберингиом, като лавас заплата лендар, за те служинав туменге; ⁹а като улом паш туменде тай пелом анди нужда, на дотегнгиом никаске, сокето о прала, колато але тари Македония, задоволинде ми нужда, Чука андо всичко опазингиом ман, тай ка пазинав ман, тена дотегнинав туменге.¹⁰И Христово истина, която си анде манде, свидетелствинел, кай никой нанай те отнеминел мангэ дайка похвала андо Ахайска тана. ¹¹Соске? Сокето нана дехав ли тумен? Жанел о Дел!¹²А со керав, давка ка керав, за те пресечинав о поводи калкенгора, колато роден поводи против манде, тай андо давка, колеса хвалинен пес, те окажинен пес сар аменде. ¹³Сокето салка мануша си хохавне апостола, лукава работника, колато прекерен пес Христова апостола.¹⁴Тай нанай чудно; сокето коркоро о Сатана прекерел пес светоне ангелесте;¹⁵чука кай нанай баро варесо, ако лескере служиеля прекерен пес служителя е правдакере. Но ленгоро крайос ка овел според ленгере деловиенде.¹⁶Пак пенав, никой тена считинел ман безумнонске; ако ли не, приеминен ман сар безумно, кай те похвалинав ман меда хари варесо. ¹⁷(Давка, ковато пенав салке самоувереноне хвалбаса, на пенав лес сар ко Дел, а сар безумцос. ¹⁸Чука кай мнозина хвалинен пес ки плът, ка похвалинав ман меда.)¹⁹Сокето туме, като синиен разумна, готовностяса търпинен е безумнонен; ²⁰понеже търпинен, ако декой поробвинел тумен, ако ограбинел тумен, ако използвинел тумен, ако превъзнесинел пес, ако марел тумен ко мую. ²¹Лажаке пенав лес, се едно кай улам слаба! Но соса осмелинел пес декой те хвалинел пес (sar безумцос хоратинав), осмелинав ман меда.²²Еврея ли си? Меда синиом. Израилляния ли си? Меда си ом. Авраамово потомство ли си? Меда. ²³Служителя Христова ли си? (sar безумцос хоратинав), ме по бут: ульом по бут андо трудос, андо бичувания прекомерно, андо тъмницес още по бут, бут дрома мерибнастеда.²⁴Панч дром о юдея чалавде мангэ по саранда без иек ударя; ²⁵трин дром улом мардо тоягаса, иеквар марде ман баренца, трин дром претърпингиом корабокрушение, иек рат тай иек диес улом ко морска дълбочини.²⁶Бут дрома улом андо пътешествия; андо опасностя таро реки, анди опасност таро разбойники, анди опасност таро съотечественики, анди опасност таро езичници, анди опасност андо градос, анди опасност анди пустиния, анди опасност ко морес, анди опасност машкар о хохавне прала;²⁷андо трудос тай мъка, бут дром андо безъньние, анди бок тай жажда, бут дром андо неядене, андо шил тай андо нантиба;²⁸тай освен окولا букя, упран манде тежинел секо диес и грижа саворе кангериенгири. ²⁹Кой изнемощинел, без те изнемощинав меда? Кой съблазнинел пес, без те разтабльовав меда?³⁰Ако требе те хвалинав ман, ка похвалинав ман далкеса, ковато отнесинел пес жи ме немощяте. ³¹О Дел тай о Отец е Девлеске о Иисуса (Христа), Ковато си благословиме жи ко векос, жанел, кай на хохавав.³²(Андо Дамаск о областно управители е тагареске о Арета поставингяс стража андо градос Дамаск, за те уловинел ман;³³тай презал о жами ки стена мукле ман кошоса, тай нашлом таро васта леске.)

Chapter 12

¹Принудиме синиом те хвалинав ман, при все кай нанай ползаке; но акана ка авав жи ко видения тай откровения таро Дел. ²Пенджарарав иеке манушес андо Христа, ковато преди дешуштар бреша (андо телос ли, на жанав, аври таро телос ли, на жанав; о Дел жанел) уло ингалдо жи ко трето небес. ³Тай салке манушес пенджарарав (андо телос ли, би е телоскоро ли, на жанав; о Дел жанел), ⁴ковато уло ингалдо андо рай тай шунгяс неизразима думес, колато манушеске нанай позволиме те хоратинел. ⁵Салке манушеска ка похвалинав ман; а манца нанай те похвалинав ман, освен ме немощиенца.⁶(Соккето, даже ако мангав те похвалинав ман, нанай те овав безумно, понеже ка хоратинав истина; но икерав ман, тена декой мислинел манге по бут, состар дикел или шунел мандар.) ⁷А за тена превъзнесинав ман ашал о преображене, диняс пес манге каро* анди пътът, пратеники таро Сатана, те мъчинел ман, за тена превъзнесинав ман.⁸Далкеске трин дром молисалом е Девлеске те отстраниел лес мандар; ⁹тай Ов пенгяс манге: Ресел туке Мери благодат; соккето Ми сила анди немощ покажинел пес съвършено. Тай чука, е пребудете лошаласа по-лачес ка похвалинав ман ме немощиенца, за те вселинел пес анде манде и Христово сила. ¹⁰Далкеске аракав удоволствие андо немощя, андо укоря, андо лишение, андо гонения, андо притеснения за е Христаске; соккето, като синиом немощно, тогава синиом силно.¹¹Ачилом безумцос. Туме принудингиен ман, соккето туме требеше те препоръчинен ман; понеже на улом подолно калке превъзходното апостолендар, макар те овав нищо. ¹²Наистина о признакя иеке апостолескере - знамения, чудеса тай велика деловя, покажинде пес машкар туменде пердоне постоянствоса. ¹³Соккето, анде сесте улен поставиме по-теле около кангерииендар, освен анде далкесте, кай на дотегнингиом туменг? Простиен манге дайка неправда!¹⁴Аке, готово синиом те авав паш туменде трето дром тай нанай те дотегнина туменг, соккето на мангав тумаро, а тумен; понеже о чада нанай длъжна те киден имоти пе родителенге, а о родителя - е чадовиенге. ¹⁵А па ме пребудете лошаласа ка жертвина тай цело ка жертвина ман за тумаре душенг. Ако ме дехав тумен по бут, туме по-хари ли ка дехен ман?¹⁶Но, пенен туме, чука те овел - на дотегнингиом туменг, обаче сар пирно долгиом тумен измамаса. Чука ли си?¹⁷Възползвисалом ли тумендар чрез декасте колкендар, колато бичалгиом жи туменде?¹⁸Помолингиом е Титиес те авел паш туменде тай леса бичалгиом иеке пралес. О Тит ли припечелингяс варесо тумендар? На пирас ли анде иеке същоне духосте? Андо иек тай съща стъпкес?¹⁹Още ли мислинен, кай аме оправдинас амен англал туменде? Нака; англал о Дел хоратинас давка андо Христа, тай то всичко, любезна мере, за тумаре назиданиеске.²⁰Соккето дарав тена, като авав, те аракав тумен ма саве мангав тумен, тай ме те аракловав туменг ма саво манген ман, тай тена овел машкар туменде раздори, завист, гняв, партизанство, одумваня, клюкарство, високомерие, безредицес. ²¹Тена, като ка авав пак, те смиринал ман моро Дел машкар туменде, тай те оплаквинав мнозинен, колато англал далкесте съгрешинде тай нана покайнде пес е нечистотаке, о блудство тай о сладострастие, коленде предине пес.

Chapter 13

¹Аке, трето дром авав паш туменде." Таро муи донге или трине свидетеленге требе те потвърдинел пес всеко делос". ²Сарто, като улом паш туменде о второ дром, предупредингиом тумен, чука акана, като на синиом туменде, предупрединав калкен, колато преди съгрешинде, тай саворен околен, кай ако авав пак, нанай те пощадинав;³чука като роден доказателство, кай чрез манде хоратинел о Христос, Ковато карик туменде нанай немощно, но си силно машкар туменде; ⁴сокето, при все кай Ов уло разпните анди немощ, пак живинел чрез и Божие сила. Подобно Леске амеда синям немощна, но ка живинас Леса машкар туменде чрез и Божие сила.⁵Изпитвинен тумен дали синиен анди вяра; опитвинен тумен. Или на съзнавинен, кай о Иисус Христос си анде туменде - освен ако синиен неодобриме? ⁶А надявинаман, те пенджарен, кай аме синям одобриме.⁷Тай молинав е Девлес тена керен нисаво зло ма за те покажинас амен, кай синям одобриме, а за те керен туме давка, ковато си лачо, те дикиолда кай аме синям неодобриме. ⁸Сокето наши керас нищо против и истина, но за е истинаке ащи.⁹Понеже лошанас, като аме синям немощна, а туме синиен силна; тай далкеске молинас амен - тумаре усьвършенствоске. ¹⁰Аке соске, като отсъствинав, пишинав давка, тай като синиом туменде, тена отнесинаман строго, според и власт, която диняс ман о Дел за съзидание, а ма те первав.¹¹Най-после, пралален, Сар си ен. Усьвършенствинен тумен, утешинен тумен, овен единомислена, живинен андо мири; тай о Дел на любовта тай е мириеско ка овел туменца. ¹²Поздравинен тумен иек аверес святоне целувкаса.

¹³Поздравинен тумен саворе светиес. 14 И Благодат е Девлескири Иисус Христос тай любов е Девлескири, тай о общение е Святе Духоско, те овел саворенцар туменца. Амин.

Galatians

Chapter 1

¹О Павел, апостоли ма таро мануша, нито чрез о мануш, но чрез о Иисуса Христа тай о Дел о Отец, Ковато възкресингяс Лес таро муле, ²тай саворе прала, колато си манца, карик о галатийска кангеря:³Благодат тай мири туменге те овел таро Дел о Отца тай амаре Девлестар о Иисус Христос, ⁴Ковато диняс Пес амаре безехенге, за те избавинел амен таро настоящо нечестиво светос, според и воля амаре Девлескири тай Отеци, ⁵Колеске те овел и слава жи ко вечна векове. Амин.⁶Чудинав ман сар туме чука сиго пренакен Колкестар, Ковато призовингяс тумен чрез и Христово благодат, карик авере благовестиесте, ⁷ковато нанай авер благовестие, а си делос на неколцина, колато смутинен тумен тай манген те изопачинен о Христово благовестие.⁸Но ако тай аме коркоре или ангели таро небес проповединел туменге авер благовестие, освен ковка, ковато проповедингям туменге, нека овел проклето. ⁹Сарто пенгям преди, пак пенав лес акана: Ако декой проповединел туменге авер благовестие, освен ковка, ковато приемингиен, нека овел проклето. ¹⁰Сокето манушенге ли мангав те угодничинав акана или е Девлеске? Или мангав те угодинав манушенге? Ако угодинавав още манушенге, нанаяс те овав Христово слугас.¹¹Сокето известинав туменге, пралален, кай о проповядано мандар благовестие нанай манушеско; ¹²понеже не нито таро мануш приемингиом лес, нито сиклилом лес таро мануш, а чрез о откровение таро Иисуса Христа.¹³Сокето шунгиен за о някогашно моро поведение анди юдейско религия, сар прекомерно гонинавас и Божие кангери тай разоринавас ла. ¹⁴Тай напреднинавас анди юдейско религия по бут таро мнозина мере връснишка машкар о съотечественикия мере, тай улом бут ревностно за о предания мере даденгере.¹⁵А като о Дел, Ковато още тари утроба ме даякири, отделингиас ман тай призовингяс ман чрез Пери благодат,¹⁶благоволингяс те откринал манге Пе Чавес, за те проповединав Лес машкар о езичниции, ме на допучломан жи ки плът тай рат,¹⁷нито възлизингиом андо Ерусалим паш колкенде, колато уле апостола англал манде, а занаклом веднага за Арабия тай пак ирисалом андо Дамаск.¹⁸Тогава, палал о трин бреша, гельом андо Ерусалим, за те запенджарав ман е Кифаса, тай ачилом паш лесте дешупанч диеса;¹⁹аверес таро апостола на диклом освен о Яков, Господно прал.²⁰А за далкеске, ковато пишинав туменге, аке, англал о Дел уверинав тумен, кай на хохавав.²¹После алом андо обласкя Сирия тай Киликия.²²Тай лично на улом още познато е Христовоне кангериенге анди Юдея,²³а само шуненас, кай ковка, ковато по иеке времесте гонинелас лен, акана проповединел и вяра, която декана разоринелас.²⁴Тай славиненас е Девлес ашал мангे.

Chapter 2

¹После, палал дешущар бреша, пак гельом андо Ерусалим е Варнаваса, като лильом манца е Титиес. ²А гельом по откровение. Тай изложингъом англал о прала о благовестие, ковато проповединав машкар о езичници, но коркоресте англал о по-именита лендар, тена прастав или те прастанилом напразно.³Но даже о Тит, ковато сине манца, макар гръкос, на уло принудиме те обрежинел пес. ⁴Кити жи ко хохавне прала, колато промъкниндесас пес машкар аменде те дебнинен и свобода, която иси амен андо Христа Иисуса, за те поробинен амен, ⁵ленге нито сахакиеске на отстъпнгям те покоринас амен ленге, за те пребъдвинел туменца и истина е благовестиескири. ⁶А калка, колато считиненас пес варесоске (саве да те уле, мангеси все иек; о Дел на дикел ко муй е манушеске), калка, о по-видима, пенав, на прибавинде нищо по бут карик моро учение; ⁷а, напротив, като дикле, кай мангеси уло повериме те проповединав о благовестие машкар о необрежиме, карто е Петреске машкар о обрежиме, ⁸(соскето Ковато действинел андо Петрес за апостолство машкар о обрежиме, действинел анде манде за апостолство машкар о езичниция), ⁹тай като пенджарде и денди мангеси благодат, то о Яков, о Кифа тай о Йоан, колато считиненас пес стълбовиенге, дине десницес общувибнаксе мангеси тай е Варнаваске, за те жас аме машкар о езичниция, а он - машкар о обрязана. ¹⁰Мангениас само те помнинас е сиромасиен - ковато, ревностно мангениас те керав. ¹¹А като о Кифа ало анди Антиохия, ме лично възпротивиоман леске, соскето провинисалосас. ¹²Понеже, англал те авен десаве таро Яков, ов халас заедно е езичнициенца, а като але, оттеглисало тай странинелас лендар, соскето даралас таро обрежиме. ¹³Тай заедно леса лицемерствиненас околада юдея, чука кай о Варнава увлечисало ленгере лицемерствостар. ¹⁴Но като диклом, кай на постъпинен право ки истина е благовестиескири, пентиом е Кифаске англал саворенде: Ако ту, ковато синян юдеи, живинес сар о езичниция, а ма сар о юдея, сар принудинес е езичнициен те живинен сар о юдея?¹⁵Аме, колато синям по природа юдея, а ма грешникия таро езичниция, ¹⁶като жанас, кай мануш на оправдинел пес чрез о дела ко закони, а само чрез и вяра андо Иисуса Христа, тай аме повервингям андо Христа Иисуса, за те оправдинас амен чрез и вяра андо Христа, а ма чрез о дела ко закони; соскето чрез о дела ко закони нанай те оправдинел пес нисаво мануш. ¹⁷Но канда мангасас те оправдинас амен андо Христа, коркоре окажисалам грешна, нима Христос си служители е безехаке? Да не бъде! ¹⁸Соскето, ако градинав наново ковка, ковато арагъом, покажинав ман престъпници. ¹⁹Соскето ме чрез о закони мулом спрямо о закони, за те живинав е Девлеске. ²⁰Съразгънинъоман е Христоса тай акана вече ме на живинав, но о Христос живинел анде манде; а о животос, ковато акана живинав андо телос, живинав лес е вяраса, която си андо Божие Чаво, Ковато възлюбингяс ман тай прединяс Пес за мангеси. ²¹На отчиваю и Божие благодат; соскето, ако и правда придобинел пес чрез о закони, тогава о Христос муло напразно.

Chapter 3

¹О, неразумна галатияния, кой омаингяс тумен, англал каскере якенде о Иисус Христос уло ясно изобразиме сар разпнато? ²Давка само мангав тумендар: Чрез о дела ко закони ли получингиен о Духос, или чрез и вяра андо евангелско послание? ³Дики ли синиен неразумна, кай като почнингиен андо Духос, акана усъвършенствинен тумен анди плът? ⁴Напразно ли дики страдингиен? Ако наистина уло напразно! ⁵Кавка, Ковато дел тумен о Духос тай керел велика дела машкар туменде, чрез о дела ко закони ли керел давка, или чрез и вяра андо послание, ⁶сарто о Авраам, повервингяс андо Дел тай вменингяс пес леске правдаке? ⁷Тогава жанен, кай калка, колато упражнинен вяра, он си Авраамова чада; ⁸тай о Писание, сар предвид, кай о Дел чрез и вяра ка оправдинел е езичнициен, предизвестингяс о благовестие е Авраамеске, тай пентгяс: "Анде туте ка благословинен пес саворе народос." ⁹Чука кай калка, колато упражнинен вяра, благословинен пес заедно е вярващоне Авраамеса. ¹⁰Соскето саворе, колато облегнинен пес деловиенде ко закони, си телал клетвате, понеже си пишими: "Проклето всекой, ковато на постоянствинел те изпълнишел всичко, пишими анди книга е закониескири". ¹¹А кай никой на оправдинел пес англал о Дел чрез о закони, си явно, соскето "о праведно чрез и вяра ка живинел"; ¹²а о закони на действинел чрез и вяра, но пенел: "Ковато керел давка, ковато заповединел о закони, ка живинел чрез лесте". ¹³О Христос искупингяс амен таро проклятие е закониеске, като ачило проклето аменге; соскето си пишими: "Проклето всекой, ковато висинел кащесте"; ¹⁴чука кай о благословение, дендо е Авраамеске, те авел чрез о Христа Иисуса е езичнициенге, за те приеминас о обещими Духос чрез и вяра. ¹⁵Пralalen, (манушканесте хоратинав) иек завещание, даже ако си само манушескоро, иеквар потвърдинел ли пес, нана аравгиол, нито карик лесте прибавинел пес. ¹⁶А о обещания изречинде пес е Авраамеске тай лескero потомство. На пенел: "тай е потомциенге", сар за саворенге, но сар иекеске: "тай тере потомъкиеске", Ковато си о Христос. ¹⁷Тай давка пенав, кай завети, предварително потвърдиме таро Дел, нащи овел аравдо таро закони, въведиме штар шел тай триянда бреша по-късно, тай те унищожингиол о обещание. ¹⁸Соскето, ако о наследство си по закон, то нанай вече по обещание; а о Дел дарингяс лес е Авраамеске по обещание. ¹⁹Тогава соске диняс пес о закони? Прибавингяс пес с цел те изявинен пес о престъпления, жи кай авел о Потомъки, Колеске уло дендо о обещание; тай уло постановено таро ангеля чрез о вас иеке ходатайескоро. ²⁰Но о ходатай неходатайствинел само иекеске; а о Дел, Ковато дел обещание, си иек. ²¹Тогава о закони противно ли си е Божие обещаниенге? Да не бъде! Соскето, ако уло дендо закони, ковато те ачи оживотворинел, то наистина и правда ка овelas таро закони. ²²Но о Писание панлас всичко телал и безех, тай о обещание, изпълниме чрез и вяра андо Иисуса Христа, те дел пес калкенге, колато верувинен. ²³А англал те авел и вяра, аме улам телал и стража е закониескири, панле жи ко време е вяраке, която исине те откринал пес. ²⁴Чука о закони ачило аменге детеводител, те анел амен паш о Христа, за те оправдинас амен чрез и вяра. ²⁵Но англал те авел и вяра на синям вече телал о ръководство леске. ²⁶Соскето саворе синиен Божия чаве чрез и вяра андо Иисуса Христа. ²⁷Понеже саворе туме, колато кръстисален андо Христа, е Христаса урявтиен тумен. ²⁸Нанай вече юдеи, нито гръцкос, нанай робос, нито свободно, нанай мрушескоро поли, ни жувляжко; соскето туме саворе синиен иек андо Христа Иисуса. ²⁹Тай ако синиен Христова, то синиен Авраамово потомство, наследниция по обещание.

Chapter 4

¹Пенав още: Жи тогава, жи кай о наследники си малолетно, ов на различинел пес нисостар таро роби, макар те овел господари всичконаске, ²но си телал надзирателенде тай настойнициенде жи ко назначиме таро дад сроки.³Чука амеда, като улам малолетна, улам поробиме телал о първоначална учения е светоскере; ⁴а като изпълнингиол о времес, о Дел бичалгяс Пе Чавес, Ковато бияндило жувлятар, бияндило телал о закони, ⁵за те изкупинел колжен, колато уле телал о закони, тай те получинас о осинование.⁶Тай понеже синиен чаве, о Дел бичалгяс анде амаре сърценде о Духос Пе Чавескоро, Ковато пищинел: Авва, Отче! ⁷Далкеске на синян вече робос, а чаво; тай ако синян чаво, то синян наследники чрез о Дел.⁸Но тогава, като на пенджаренас е Девлес, туме робувиненас колженге, колато по естество нанай богове; ⁹а акана, като пенджаргиен е Девлес, или по-лачес - като ачилен позната таро Дел, сар иринен тумен пак карик о слаба тай окаяна първоначална учения, коленге отново манген те робувинен?¹⁰Туме пазинен диеса, масекя, сезона тай бреша. ¹¹Дарав туменге, тена напразно трудисалом машкар туменде.¹²Молинав тумен, пралален, ачон сар манде, соксето меда ачилом сар туменде. На кергиен мангे нисави неправда, ¹³но коркоре жанен, кай о първо дром проповедингиом туменге о благовестие вследствие телесноне слабостяке; ¹⁴но пак, давка, ковато уло туменге изпитание анде мере телосте, туме на презрингиен лес, нито погнусисален лестар, но приемингиен ман сар Божий ангели, сар о Христа Иисуса.¹⁵Тогава кай гело окова тъмаро изповедиме блаженство? Свидетелствинав туменге, кай ако сине възможно, тумаре яка ка икаленас тай ка денаслен мангт. ¹⁶Тай чука, неприятели ли ачилом туменге, понеже хоратинав туменге и истина?¹⁷Калка учителя роден тумен ревностно по нелачо начини; даже он манген те отльчинен тумен амандар, за те роден лен ревностно. ¹⁸Но лачес си те овен родиме ревностно далкеске, ковато си лачо, тай то винаги, а ма само като аракловав машкар туменде.¹⁹Чавален мере, за коленге синиом пак андо биянибнаскере дука, жи кай изобразингиол о Христос анде туменде, ²⁰мангавас те овав акана паш туменде тай те променинав мо гласос, соксето синиом андо недоумение за туменге.²¹Пенен мангт, туме, колато манген те овен телал о закони, на шунен ли со пенел о закони?²²Соксето си пишими, кай е Абраамес исине дуи чаве- иек тари робния тай иек тари свободно; ²³но кавка, ковато сине тари робния, бияндило естествено, а ковка, ковато сине тари свободно-по обещание.²⁴Тай давка си иносказание, соксето калка жувля представинен дуи заветя- о иек тари Синайско планина, ковато биянел чада робствоске, тай ов си Агар.²⁵А и Агар представинел и планина Синай анди Арабия тай съответствинел е днешноне Йерусалимске, соксето си андо робство пе чадовиенца.²⁶А о упруно Йерусалим си свободно, ковато си саворенге дай,²⁷соксето си пишими: "Веселине тут, билодно, която на биянес; възгласине тай пищине, ту, която на улан андо биянибнаскере дука, соксето по бут си о чада е самотнонакере, отколкото о чада е прандеменакере".²⁸А аме, пралален, сарто о Исаак, синям чада по обещание.²⁹Но сарто тогава о бияндо естествено гонинелас е бияндес по Дух, чука си аканада.³⁰Обаче, со пенел о Писание? - " Изпъдигяс е робния тай лакере чавес; соксето о чаво е робния коро нанай те наслединел заедно е чавеса е свободнонакереса".³¹Далкеске, пралален, аме на синям чада е робния кере, а е свободнонакере.

Chapter 5

¹Тай чука, бешен зоралесте анди свобода, за колаке о Христос освободингяс амен, тай ма заплетинен тумен отново андо робско игос. ²Аке ме, о Павел, пенав туменге, кай ако обрежинен тумен, нанай те овел тумен нисави полза таро Христа. ³Ва, повторно заявиав секоне манушеске, ковато обрежинел пес, кай си дължно те изпълнивел о цело закони. ⁴Туме, колато манген те оправдинен тумен чрез о закони, отлъчилан таро Христа, отпелен тари благодат. ⁵Соскето чрез о Духос аме очаквиас о оправдание чрез и вяра, за колеске надявинас амен. ⁶Понеже андо Христа Иисуса нито о обрязване иси лес десави сила, нито о необрязване, а и вяра, която действинел чрез и любов. ⁷Туме верувиненас лачес; кой попречингяс туменге те покоринен тумен е истинаке? ⁸Кавка убеждаване на сине Колкестар, Ковато призовингяс тумен. ⁹Хари квасос заквасинел саворо тесто. ¹⁰Ме синиом увериме за туменге андо Дел, кай нанай те мислинен аверячес; а ковка, ковато смутинел тумен, ка понесинел поро наказание, ковато да те овел ов.

¹¹Тай ме, пралален, соске още те овав гониме, ако продължинав те проповединав обрежиба? Соскето тогава и съблазан ко кръстос ка премахнинеласпес. ¹²Дано скопинен пес колка, колато разколебинен тумен. ¹³Соскето туме, пралален, карик и свобода улен призвана; само ма употребинен тумари свобода поводиеске те разпустиналес и плът, но с любов служинен туменге иек авереске. ¹⁴Соскето о цело закони изпълнивел пес анде иеке думате, анде калкате: " Те дехес те ближнонес, саро тут". ¹⁵Но ако данделен тумен тай хан тумен иек аверес, пазинен тумен тена иек аверес те изтребинен тумен. ¹⁶Тай чука, пенав: Пирен по Дух тай нанай те угодинен е плътсконе страстиенг. ¹⁷Соскето и плът силно мангел о противно е Духоске, а о Духос - о противно е плътяке; понеже он противопоставинен пес иек аверес, за тенащи керен давка, ковато манген. ¹⁸Но ако водинен тумен таро Духос, на синиен телал о закони. ¹⁹А о дела е плътякере си явна, тай он си: блудство, нечистота, сладострастие, ²⁰идолопоклонство, чародейства, враждес, разпрес, къскандиба, яростя, партизанства, раздория, разцепления, ²¹завистя, пиянства, пирувания тай авер подобна; за коленге предупрединав тумен, сарто предупредингиом тумен, кай колато керен салка буки, нанай те наслединен о Божие тагарипе. ²²А о плоди е Духоскоро си: любов, лошли, мири, дълготърпение, благост, милосърдие, вярност, ²³кротост, себеобуздание; против салке букиенде нанай закони. ²⁴А колато си Христова, разпинде и плът заедно е страстияса тай е похотиенца лакере. ²⁵Ако ко Духос живинас, ко Духос те пирасада. ²⁶Тена ачовас тъслевна, тай те дразнинас амен иек аверес тай те завиждинас аменге иек авереске.

Chapter 6

¹Пralalen, даже ако перел мануш анде десаве прегрешениесте, туме, о духовна, поправинен салкес кротконе духоса; но секаске пенав: Пазине тут, тена овес туда изкушиме. ²Иек авересте тumarе теготиес пиравен, тай чука изпълнинен о Христово закони.³Сокет, ако декой мислинел пес варесоске, а нанай нищо, ов хохавел пес. ⁴Но секой нека изпитвинел пере дела тай тогава ка ащи те хвалинел пес само песа, а ма андо сравнение авереса; ⁵сокето секой иси те пиравел поро товари. ⁶А кавка, ковато поучинел пес андо Божие словос, нека делинел пе саворе блага калкеса, ковато учинел лес. ⁷Ма хохавен туме:: О Дел нанай подигравибнаске: понеже, со поseinел о мануш, давка ка пожъниел. ⁸Сокето ковато сeinел пе плътяке, тари плът ка пожъниел тление, а ковато сeinел е Духоске, таро Духос ка пожъниел вечно животос.⁹Тена дотегниел аменгте те керас лачипе; сокето, ако нана уморинас амен, ко време ка пожъниас. ¹⁰Тай чука, паш ко случай, нека керас лачипе саворенге, а особено колкенге, колато си таро семейство е вяраке.¹¹Дикен кити едроне буквенца пишигиом туменге ме собственоне вастеса! ¹²Колка, колато манген те керен лачо впечатление ки плът, он заставинел тумен те обрежинен тумен; он роден само тена овен гониме е Христовоне кръстоске.¹³Сокето коркоре колка, колато обрежинен пес, на пазинен о закони, но манген те обрежинен тумен туме, за те ащи хвалинел пес тumarе плътсконе животоса.¹⁴А дуре мандар те хвалинав ман авереса, освен е кръстоса амаре Девлескоро о Иисус Христос, чрез колесте за манген о светос си разпниме, тай ме е светоске. ¹⁵Сокето нито о обрязване си варесо, нито о необрязване си варесо, а о нево създание. ¹⁶Тай саворенге, колато живинен далке правилосте, мири тай милост те овел ленге тай е Божие Израилеске.¹⁷От акана насте никой тена досадинел манген, сокето ме пиравав ме телосте о белега е Девлескоро о Иисус. ¹⁸Пralalen, и благодат амаре Девлескири о Иисус Христос те овел тumarе духоса. Амин.

Ephesians

Chapter 1

¹О Павел, е Божие воляса апостоли Иисус Христово, жи ко светиес тай о верна андо Христа Иисуса, колато си андо Ефес: ²Благодат тай мири те овел туменде таро Дел, амаро Отеци, тай таро Дел о Иисуса Христа.
³Благословиме те овел о Дел тай Отец амаре Девлескоро о Иисус Христос, Ковато андо Христа благословингяс амен секоне духовноне благословениеса андо небесна тана; ⁴като избиригяс амен анде Лесте англал о създание е светоскоро, те овас свята тай би недостатъкиескороанглал Лесте анди любов;
⁵като предопределигяс амен те осиновинел амен чрез о Иисуса Христа, ко благоволение Пере воляке,
⁶похвалаке Пере славноне благодатаке, коласа обдaringяс амен анде Пере Възлюбенонесте.⁷Анде Лесте иси амен амаро изкупление чрез Лескере ратесте, о опрощение амаре прегрешениенгро, според о барвалипе Лескере благодатакоро, ⁸която дарингяс аменгте изобилно целоне мъдростяся тай разумиеса, ⁹като открингяс аменгте и тайна Пере волякири според По благо намерение, ковато вложингяс анде Песте,
¹⁰ковато те приложингъол, като изпълнингъон о времена, демек те кидел андо Христа всичко - давка, ковато си андо небеса, тай давка, ковато си ки пув.¹¹Анде Лесте, анде Колесте ачилам наследство, като улам предопределиме далкеске според о намерение е Девлескоро, Ковато керел всичко ко решение Пере воляко, ¹²чука кай те овас похвалаке Лескере славаке - аме, колато първа надявинаас амен ко Христа.
¹³Анде Колесте тумеда, като шунгиен о словос е истинакоро, демек, о благовестие тumarе спасибнаско, тай като повервингиен анде Лесте, улен запечатиме е обещииме Святоне Духоса, ¹⁴Ковато си залоги амаре наследствоске, жи кай овел изкупиме о притежание е Девлескоро похвалаке Лескере славаке.¹⁵Далкеске меда, като шунгиом тumarе вяраке андо Дел о Иисус тай за тумари любов, карик саворе светиенде,
¹⁶непрестанно благодаринав е Девлеске за туменге тай споменинав тумен анде ме молитвенде, ¹⁷дано о Дел амаре Девлескоро о Иисус Христос, о славно Отеци, дел тумен духос на мъдрост тай откровение, за те пенджарен Лес, ¹⁸тай те просветлиел о яка тumarе сърцескере, за те пенджарен сави си и надежда, карик колате призовинел тумен, саво си о барвалипе машкар о светиес Лескере славноне наследствосте,¹⁹тай кити превъзходно си Лескири сила карик аменде, о вярваща-според о действие Лескере могъщоне мощяко, ²⁰коласа подействингяс андо Христа, като възкресингяс Лес таро муле тай тогяс Лес те бешел Пере десноне ригатар андо небеса, ²¹дуре по-упре всеконе началствостар тай властиятар, сила тай

господство, тай всеко чинос, колеса именувинен пес ма само анде калке светосте, но ко бъдещода.²²Тай всичко покорингяс телал о пире Леске тай поставингяс Лес шеро упран всичконаст е кангеряке,²³която си Лескоро телос, изпълниме е пълнотаса Калкескераке, Ковато изпълниел всичко анде саворенде.

Chapter 2

¹Тай съживингяс тумен, колато улен муле ашал тумаре престъплениенге тай безехенге, ²анде коленде пиргиен декана според о вървежи калке светоскоро, андо съгласие е князиеса е въздушноне владениескоро, е духоскоро, ковато акана действинел андо роди е непокорнененгоро; ³машкар коленде амеда саворе живингям декана амаре плътсконе страстиенде, като изпълнингям и воля е плътякири тай е помисленгири тай ко естество улам изложиме ко гневи, сарто околада.⁴О Дел обаче Ковато си барвало милостяся, ашал и бари любов, коласа възлюбингяс амен, ⁵даже като улам муле ашал амаре престъплениенге, съживингяс амен заедно е Христаса (по благодат синиен спасиме), ⁶тай като съвъзкресингяс амен, тогяс амен те бешас андо небесна тана, андо Христа Иисуса; ⁷за те покажинел презал о идна вековя, о несравненно барвалише Пере благодатаке, чрез Пе лачипнасте карик аменде андо Христа Иисуса.⁸Соскето по благодат синиен спасиме чрез и вяра, тай то ма коркоре тумендар; давка си дари таро Дел; ⁹ма чрез о дела, за тена похвалинел пес декой. ¹⁰Соскето синям Лескоро творение, създадена андо Хриса Иисуса за лаче деловиенге, саве о Дел отнангле определингяс те керас.¹¹Далкеске, ден тумен годи, кай туме, декана езичниция ки плът, наречиме необрязана калкендар, колато наречинен пес обрязана-обрежимнаса ки плът, ковато керел пес вастенца, ¹²анде колке времесте улен отделиме таро Христа, отстраниме таро израилово гражданство, тай чужденци карик о заветя е обещаниескере, без те овел тумен надежда тай би е Девлеско андо светос. ¹³А акана андо Христа Иисуса туме, колато декана улен дуре, синиен поставиме паше чрез о рат е Христаске. ¹⁴Соскето Ов си амаро мири, Ковато кергияс таро дуи народя иек тай арагяс и машкаруни стена, която разделинелас лен, ¹⁵като анде пе плътяте унищожингяс и вражда, о закони Лескере заповедиенца, изразиме андо постановления, за те създел анде Песте таро дуи иек нево мануш, тай чука те установинел мири, ¹⁶тай иеке телосте те примиринел о дуида е Девлеса чрез о кръстос, като мударгяс лесте и вражда.¹⁷Тай като авел, благовестинел мири туменге, колато улен дуре, тай мири калкенге, колато уле паше; ¹⁸соскето чрез Лесте о иекда, околада иси амен достъпи паш о Отца, андо едино Духос.¹⁹Далкеске туме на синиен вече чужда тай пришълцидес, а синиен съграждания е светиенге тай членовя е Божие семействоске; ²⁰понеже улен съградиме упран и основа е апостоленге тай е пророкиенге, сар крайъгълно бар си Коркоро о Христос Иисус, ²¹анде Колесте о цело здание, слобиме, бариол храмиеске свято е Девлеске; ²²анде Колесте тумеда вградинен тумен заедно андо Духос за Божие обиталище.

Chapter 3

¹Далкеске ме, о Павел, затворники е Иисусеске е Христеске ашал туменге, о езичниция, ²понеже шунгиен о наредиме таро Божие благодат, която си манге денди ашал туменге,³сокето по откровение ачили манге известно и тайна (сарто по-упре накратко пишигиом туменге). ⁴Далкестар, като четинен, ащи ахалон сар проумингиом и Христово тайна), ⁵която е предишноне поколениенге е манушескере родиесте на ули известно, сарто акана чрез о Духос откриали Лескере святоне апостоленге тай пророкиенге,⁶а именно, кай о езичниция си сънаследниция, като съставлинен иек телос, тай си съпричастниция Лескере обещаниесте андо Христа Иисуса чрез о благовестие, ⁷колеске ачилом служители според и Божие благодат- дари, ковато ди манге дендо ко действие Лескере силатар.⁸Манге, о най-нищожно саворе светиендар, диняс пес дайка благодат, те благовестинав машкар о езичниция о неизследимо Христово барвалипе ⁹тай те осветлинав саворен анди наредба относно и тайна, която таро вековия ули гаравди андо Дел, о Създатели всичконаске,¹⁰тай е небесноне началствоненге тай властиенге те ачол пенджарди акана чрез и кангери и бутобразно премъдрост е Девлескири,¹¹според о предвечно намерение, ковато Ов осъществиняс андо Христа Иисуса, амаро Дел,¹²анде Колесте иси амен дързост тай достъпли увереностяся чрез и вяра анде Лесте;¹³Ашал далкеске молинав тумен тена обезсърчинен тумен мере страданиендар за туменге, чука кай он си тумари слава.¹⁴Далкеске преклонинав ме кочя англал о Отец амаре Девлескоро о Иисус Христос,¹⁵Колестар пиравел по алаб всеко бащинство ко небеса тай ки пув,¹⁶те дел тумен, според о барвалипе Пе славакоро, те утвърдинен тумен зоралесте чрез Лескере Духосте андо андруно мануш,¹⁷те вселинел пес о Христос анде тумаре сърценде чрез и вяра, тай, вкоренена тай утвърдена анди любов,¹⁸те овен сила те ахальон заедно саворе светиенца со си и широчина тай и дължина, и височина тай и дълбочина,¹⁹тай те пенджарен и Христово любов, която превъходинел всеко знание, за те изпълнинен тумен жи ки цело Божие пълнота.²⁰А Калкеске, Ковато, според и действащо анде аменде сила, ащи керел несравнено по бут, отколкото мангас или мислинас,²¹Леске те овел слава анди кангери тай андо Христа Иисуса андо саворе поколения таро векос тай жи ко векос! Амин.

Chapter 4

¹Тай чука, ме, затворники е Девлеске, молинав тумен те живинен достойно за е званиеске, за колеске улен призвана, ²съвършеноне смирениеса тай кротостяса, е дълготърпениеса, като търпинен тумен иек аверес с любов ³тай стараинен тумен чрез и свръзка е мириескири те опазинен о единство е Духоскоро. ⁴Иси иек телос тай иек Духос, карто улен призвана карик иеке надеждате тумаре званиескири: ⁵иек Дел, иек вяра, иек кръщение, ⁶иек Дел тай Отеци саворенге, Ковато си упран саворенде, чрез саворенде тай анде саворенде.⁷ А секаске амандар диняс пес благодат според и мярка далкескири, ковато о Христос диняс амен. ⁸Далкеске пенел: "Като възлезингяс учипнасте, лилас множество пленикия, тай диняс дарования е манушенге."⁹(А давка " възлезингяс" со авер значинел, освен кай уло тай по-нангле ухлило андо по-телуне тана е пувякере. ¹⁰Кавка, Ковато ухлило, си о Също, Ковато възлезингяс по-упре таро саворе небеса, за те изпълнишел всичко.)¹¹Тай Ов диняс иек те овен апостола, авер пророкия, авер па благовестителя, а авер пастиря тай учителя, ¹²с цел те усъвършенствинен пес о светиес за е делоске е служениескоро, за назидание е Хрисовоне телоске; ¹³жи кай аме саворе на ресас жи ко единство е вяраке тай о познаване е Божие Чавеске, андо пълнолетно мъжество, анди мярка е Христовоне пълнотаке;¹⁴за тена овас вече чаве, бутиме тай завлечиме всеконе балвалатар е учениеске, чрез е манушескири заблуда, андо лукавство, ко хохавне пирниипнадес; ¹⁵но действаща истинно анди любов, те баривас всичконастте анде Лесте, Ковато си о шеро, о Христос, ¹⁶Колестар о цело телос, стлобиме тай свържиме чрез о участие секоне съединениесте, според о съразмерно действие всеконе иеке частяко, бариол тай изградинел пес анди любов.¹⁷Давка пенав тай заявинал андо Дел, тена постъпинен вече, карто постъпинен о езичниия, според пере суетноне гогяса, ¹⁸помрачиме андо разуми тай отстраниме таро животос е Девлеске ашал о невежество, ковато си анде ленде, тай ашал о закоравяване ленгере сърцеденге; ¹⁹колато, нашалде чувство, предине пес ко сладострастие, те керен ненаситно секакво нечистота.²⁰Но туме на пенджаргиен чука е Христас, ²¹понеже шунгиен тай синиен сикавде Лестар (карто си и истина андо Иисуса) ²²те нангъон, относно о по-предишно тумаро поведение, о пурено мануш, ковато тлеинел андо хохавне страстия;²³тай те подновинен тумен таро обитавашо анде тумере гогяте Духос, ²⁴тай те уриен тумен е неве манушеса, създиме ко образи е Девлеске анди правда тай святост колато си тари истина.²⁵Далкеске, като отчiven о хохаiba, хоратинен секой пе близненеса истина; сокето синям частя иек авереске. ²⁶Гневинен тумен, но без те съгрешинен; о кам тена залезинел ан тумаре гневиесте; ²⁷нито ден тан е бенгес.²⁸Ковато чоргяс, тена чорел вече, а по-лачес те трудинел пес, като керел пе вастенца варесо полезно, за те овел со отделинел калкескеда, ковато си анди нужда. ²⁹Нисави гнило дума тена иклол тумаре мостар, а само ковка, ковато си лачо за назидание според и нужда, за те принесинел благодат каалкенге, колато шунен; ³⁰тай ма наскърбинен е Святоне Божие Духос, анде Колесте синиен запечатиме за ко дис е изкуплениескоро.³¹Всекакво огорчение, ярост, гняв, пищиба тай хулиба, заедно всеконе злобаса, те махнинел пес тумендар; ³²а овен иек карик авересте блага, милосърдна; простиинен туменге иек авереске, карто о Дел андо Христа простиингяс туменге.

Chapter 5

¹Тай чука, подражавинен е Девлеске сар любезна чада ²тай живинен анди любов, карто о Христос възлюбингяс амен тай прединяс Пес за аменге, сар приноси тай жертвa е Девлеске за благоухание.³А блудство тай секакво нечистота или сребролюбие тена даже споменинен пес машкар туменде, карто препел светиенде; ⁴нито лажакере или чуче приказки, нито подигравкес, колато си неприлична бука, а по-лачес благодарение.⁵Соскето лачес жанен давка, кай нисаво блудники, или нечисто, или сребролюбцос (ковато си идолопоклонники) нанай лес наследство андо тагарипе е Христаске тай е Девлеске. ⁶Никой тена хохавел тумен чуче думенца; понеже ашал далке букиенге авел о Божие гняви упраle о роди е непокорноненгоро. ⁷Тай чука, ма овен съучастникуия ленгe. ⁸Чука като декана улен тъмнина, а акана синиен светлина андо Дел, живинен сар таро роди е осветлименене⁹(соскето о плоди е Духоско състоинел пес андо всичко, ковато си благо, право тай истинно). ¹⁰Опитвинен ковато си благоугодно е Девлеске ¹¹тай ма участвинен андо биплодна дела е тъмнинакере, а по-лачес изобличинен лен; ¹²соскето давка, ковато гаравдунесте керен о непокорна, си лажаке те хоратинелпес.¹³А всичко, ковато изобличинел пес, ачол явно чрез и светлина; понеже секо варесо, ковато ачол явно, си осветлиме. ¹⁴Далкеске си пендо: " Ухти ту, ковато совес, тай възкръснине таро муле, тай ка осветинел тут о Христос."¹⁵Тай чука, внимавинен лачес сар живинен- ма сар неразумна, а сар мъдра, ¹⁶като използвинен о благовремие, соскето о диеса си каниле. ¹⁷Далкеске ма овен безразсъдна, а проуминен сави си и Господно воля. ¹⁸Тай ма макярен тумен моласа, о следствие колатар си разврати, а изпълнинен тумен е Духоса; ¹⁹тай хоратинен туменге псалменца тай химниенца, тай духовна гиля, като гилябен тай възпеинен е Девлес ан тумаре сърцесте ²⁰като благодаринен винаги всичконаске е Девлеске тай е Отециеске андо алаб амаре Девлеске о Иисус Христос, ²¹тай подчининен тумен иек авереске анди дар таро Христа.²²Ромнялен, покоринен тумен тумаре роменге, сар е Девлеске; ²³соскето о ром си шеро е ромняке, карто о Христос си шеро е кангеряке (тай Ов си Спасители е телоскоро). ²⁴Но карто и кантери покоринел пес е Христаске, чука о ромня нека покоринен пес андо всичко пере роменге.²⁵Ромален, дехен тумаре ромниен, карто о Христос възлюбингяс и кантери тай прединяс Пес за лаке, ²⁶за те осветинел ла, карто очистингяс ла е водноне тоибната чрез о словос, ²⁷за те представинел ла Песке славно кантери, би петноско или бръчкакоро, или варесо подобно, но те овел свято тай непорочно.²⁸Чука си длъжна о рома те дехен пе ромниен, карто пере телоя. Ковато дехел пе ромня, пес дехел. ²⁹Соскето никой нисар нана намразингяс поро телос, а парварел лес тай грижинел пес леске, карто о Христос е кангеряке; ³⁰понеже синям частя Лескере телостар -Лескере плътятар тай Лескере кокалендар.³¹"Далкеске ка мукел мануш пе дадес тай пе дая тай ка привържинел пес карик пе ромнияте, тай о дуи ка ачон иек плът". ³²Давка си велико тайна; но ме хоратинав давка за е Христаске тай е кангеряке. ³³Но тай туме, всекой тумендар, те дехел пере ромня, карто пес; а и ромни те дарал пе роместар.

Chapter 6

¹Чавален, покоринен тумен тумаре родителенгэ андо Дел, сокето давка си право. ²"Почитине те дадес тай те дая"(ковато си и първо заповед обещаниеса), ³"за те овел туке лачес тай те живинес бут бреша ки пув".⁴Тай туме, о дада, ма дразнинен тумаре чавен, а възпитавинен лен анди дисциплина тай наставление Господно.⁵Слуги, покоринен тумен тумаре земноне господариенгэ дараса тай трепетиеса, анди простота тумаре сърцеске, сар е Христаске. ⁶Ма керен бути само якенге, сар манушегодникия, а сар Христова, слуги изпълнинен тари душа и Божие воля; ⁷тай слугувинен лаче воляса, сар е Девлеске, а ма манущенге; ⁸понеже жанен, кай секой, слугас или свободно, ка получинел таро Дел о също лачипе, ковато керел.⁹Тай туме, о господаря, постъпвинен също чука ленца, като въздържинен тумен заплахендар; понеже жанен, кай упрали лендеда, тай упрали туменде иси Господари андо небеса, анде Колесте нанай лицеприятие.¹⁰Най-после, овен крепка андо Дел тай анди сила Лескере могъществоске.

¹¹Урявен тумен андо Божие всеоръжие, за те ащи устоинен мамуял о пирнипе е бенгескоро.¹²Сокето амари борба нанай мамуял о рат тай и плът, а мамуял о началства, мамуял о властя, мамуял о всесветска управителя е тъмнинаке, мамуял о духовна силес е нечестиескере андо небесна тана. ¹³Далкеске лен туменгэ о Божие всеоръжие, за те ащи противостоинен андо зло диес, тай като надвинен всичконасте, те устоинен.¹⁴Бешен препасиме е истинаса презал тумаре думесте тай урявде анди правда броненоне нагръдниеске; ¹⁵тай пиренца, урявде готовностяса чрез о благовестие е мириескоро. ¹⁶А освен всичко давка лен о щити е вяракоро, колеса ка ащи мударен соси ягакере стрели е нечистивонескере;¹⁷Лен също о шлеми е спасениескоро тай о мечи е Духоскоро, ковато си о Божие словос; ¹⁸Тай молинен тумен андо Духос ко всеко времес секоне молитваса тай молбаса, като овен бодра анде далкесте неуморноне постоянствоса тай молениеса за саворе светиенг, ¹⁹тай за манг, тай като путрав мо муй, те дел пес манг словос, за те оповестинав дързостно и тайна е благовестииескири, ²⁰за колеске синиом посланици андо оковес, те хоратинав за леске смело, сарто подобавинел те хоратинав. ²¹А, за те жанен тумеда мере букиенг, тай сар синиом, сичко ка пенел туменгэ о Тихик, о любезно прал тай верно андо Дел служители, ²²колес бичалгиом жи туменде нарочно далкеске- те ахальон амаро състояние, тай ов те утешинел тумаре сърца.²³Мири е праленг, тай любов вяраса, таро Дел Отца тай о Дел Иисуса Христа.
²⁴Благодат те овел саворенца, колато искрено дехен амаре Девлес о Иисус Христос. Амин.

Philippians

Chapter 1

¹О Павел тай о Тимотей, слугидес Иисус Христова, жи саворенде андо Христа Иисуса светиес, колато си андо Филипи, заедно е епископиенца тай е дякониенца: ²Благодат тай мири туменгэ таро Дел, амаро Отеци, тай таро Дел о Иисуса Христа.³Благодаринав мере Двлеске секо дром, като даман годи туменг, ⁴винаги анди секо мери молитва, като молинав ман саворенгэ туменгэ лошаласа, ⁵за тумаре участиеске андо делос е благовестииескоро таро първо диес дори жи акана; ⁶като синиом увериме именно анде далкесте, кай Кавка, Ковато почнингяс лачо делос анде туменде, ка усьвършенствинел лес жи ко диес на Иисуса Христа.⁷Тай право си те мислинав давка саворенгэ туменгэ, понеже синиен манг ко сърцес, чука като туме саворе синиен съучастнику манца анди благодат, сарто андо оковес мере, чука анди защита тай андо утвърждение е благовестииеске. ⁸Сокето о Дел си манг свидетели сар мислинав саворенгэ туменгэ със сърдечна любов на Иисус Христово.⁹Тай далкеске молинав ман тумари любов те овел все по бут тай по бут изобилно просветиме тай всячески проницателно, ¹⁰за те ащи различинен о лачипе, тай те овен искрена тай безупрвчна жи ко диес е Христоск, ¹¹изпълниме е плодовенца е правдакере, колато си чрез о Иисуса Христа, славаке тай хвалаке е Девлеске.¹²А мангав те жанен, пралален, кай кавка, ковато ресло ман, помагингяс по бут е преуспяванеске е благовестииескоро, ¹³чука кай ачило известно целоне преторяке тай саворенгэ околенте, кай синиом андо оковес е Христоск; ¹⁴тай по бут таро прала андо Дел, одързостиме ме успехиестар андо оковес, ачиле по-смела те хоратинен о Божие словос би дараса.¹⁵Десаве, наистина, проповединен е Христас тари зависттай любов карик и препирня, а десаве - тари лачи воля. ¹⁶О иек керен давка тари любов, като жанен, кай синиом поставиме те защитинав о благовестие; ¹⁷а около възвестинен е Христос таро съперничество, неискрено, като мислинен те прибавинен тъга карик ме

оковинде¹⁸. Тогава со? Само давка, кай по секакво начини, било прекердо или истинно, о Христос проповединел пес; тай далкеске ме лошанав, тай ка лошанав.¹⁹ Соскето жанав, кай давка ка помагинел мере спасениеске чрез тумаре молитвате тай и подкрепа е Духоскири Иисус Христово,²⁰ според мо усърдно очакване тай надежда, кай нанай андо нищо те лажавкяраман, но сарто винаги, чука акана, ка възвеличинав е Христос анде ме телосте пердоне дързостяся, било чрез о животос или чрез о мериба.

²¹ Соскето за манге те живинав си о Христос, а те мерав - придобивка.²² Но ако живинав андо телос, давка значинел те овел плодоносно мо делос; тай чука, кова те избиринав²³, на жанав, но синиом натясно машкар о дуи; понеже иси ман желание те жав тай те овав е Христос като давка ка овел бут по лачес;²⁴ но те ачовав андо телос си по-нужно туменгे.²⁵ Тай като иси ман дайка увереност, жанав, кай ка ачовав так ка пребъдинав саворенца туменца за тумаре преуспяванеске тай лошали анди вяра;²⁶ чука кай чрез мере завръщанесте машкар туменде те ащи ашал манге бут те хвалинен тумен андо Иисуса Христа.²⁷ Само живинен достойно е Христовоне благовестиеске, тай, ако авав тай дикав тумен, или па отсъствинав, те шунав за туменге, кай бешен зоралесте иеке духосте тай сражавинен тумен сар иек за е вяраке е благовестиеске²⁸ тай кай андо нищо нана даран таро противникия; ковато си доказателство за ленгере погибелаке, а туменге - за спасениеске, и то таро Дел;²⁹ соскето, относно о Христа, туменге си дендо ма само те верувинен анде Лесте, но те страдинен за Леске;³⁰ като пренакен презал и също борба, презал колате ме пренаклом, тай акана шунен, кай все още си анде манде.

Chapter 2

¹Тай чука, ако иси десаво насърчение андо Христа или десави утеха тари любов тай обещание андо Духос, или десаво милосърдие или състрадание, ²керен ми лошали перди, като синиен единомислена, като иси тумен еднакво любов, иек духос тай единомислена.³Ма керен нищо таро съперничество или таро тщеславие, но смиреномъдриениеса нека секой считинел околес по-упруно пестар. ⁴Ма дикен секой само переске, но секой е чуждонеске.⁵Те овел тумен анде туменде о също съзнание, ковато сине ковато сине андо Иисус Христос, ⁶Ковато, сарто сине андо Божие образи, пак на счетингяс, кай требе зоралесте те икерел равенство е Девлеса, ⁷но откажисало всичконастар, като приемингяс образи слугаскоро тай ачило подобно манушесте; ⁸тай като приемингяс манушескоро образи, смирингяс Пес тай ачило послушно жи ко мериба, даже мериба ко кръстос.⁹Далкеске о Дел превъзвишишгяс Лес тай подарингяс Леске алаб, ковато си упрали всеконе авере алавесте; ¹⁰чука кай андо алаб е Иисусеске те преклонинел пес всеко коч таро небесна тай е пувякере, тай телал и пув о същества, ¹¹тай секо чиб те изповединел, кай о Иисус Христос си Дел, славаке е Девлеске о Отца.¹²Далкеске, любезна мере, сарто улен винаги послушна ма само мере присъствиесте, но акана бут повече паш мере отсъствиесте, изработвинен тумаро спасение дараса тай трепетиеса; ¹³сокето о Дел си, Ковато според о благовестие Поро действинел анде туменде те манген давка тай те изработвинен лес.¹⁴Керен всичко би роптаниескоро тай би препирнякоро, ¹⁵за те овен биукурна тай мазлоблива, непорочна Божие чада машкар о опако тай извратено поколение, машкар колесте блестинен сар светила андо светос, ¹⁶като явинен о словос е животоскоро; за те овел ман соса те хвалинав ман андо диес е Христаске, кай на прастанилом напразно, нито трудисалом напразно.¹⁷Но макар кай принасинаман ме сар възлияние упрали и жертва тай о служение тумаре вяракоро, лошанав, тай саворенца туменца лошанав.¹⁸Чука също тумеда лошанен, тай манца заедно лошанен.¹⁹А надявинаман е Девлеске е Иисусеске те бичалав туменге сиго е Тимотейес, тай меда те утешинаман, като ахаловав тумаро състояние.²⁰Сокето нанай ман никой авер еднаквоне духосте манца, ковато те погрижинел пес искрено туменге.²¹Понеже саворе роден поро, а ма ковка, ковато си Иисус Христово.²²А туме жанен лескири изпитано вярност, кай ов служингяс манца андо делос е благовестиескоро, сарто чадос пе дадеса.²³Лес надявинаман те бичалав, щом ахаловав со ка ачол манца;²⁴а уверено синиом андо Дел, кай ме коркоро сиго ка авав.²⁵Счетингиом обаче нужненеске те бичалав туменге е пралес о Епафродит, моро съработники тай сподвижници, бичалдо тумендар те послужинел манге андо нуждес; ²⁶понеже милинелас саворенге туменге тай тъжинелас, сокето шунгиен, кай уло наставо.²⁷Тай наистина ов боледувинел почти жи ко мериба; но о Дел покажингяс леске милост, тай ма само леске, но мангеда, за тена прибавинел пес манге скръб упрали и скръб.²⁸Далкеске по-сиго бичалгиом лес, тай, като дикен лес пак, те лошанен, тай ме те овав по-хари скърбиме.²⁹Тай чука, приеминен лес андо Дел пердоне лошаласа; тай овен тумен салка на почит,³⁰понеже ашал о Христово делос ов уло паше жи ко мериба, като изложингяс по животос ки опасност, за те доперел о недостиги тумаре услугенгоро карик манде.

Chapter 3

¹Впрочем, пралален, мере, лошанен андо Дел. Манг нанай досадно те пишинав туменге са също, ов тумен предпазинел. ²Пазинен тумен таро безнравствена учителя*, пазинен тумен таро зла работниния, пазинен тумен таро хохавно обрязване*, ³сокето аме синям о обрежиме, колато е Божие Духоса кланинас амен тай хвалинас амен е Христаса е Иисусеса, тай нана уповинас амен е плътяке.⁴При все кай ме ащи е плътякеда те уповинав ман. Ако декой авер мислинел, кай ащи уповинел пес е плътяке , то ме още по бут, ⁵като овав обрежиме ко осмо диес, таро Израилево роди, таро Вениаминово племес, евреини таро евреи, ко закони фарисей, ⁶ки ревност гонители е кангеряжко, ки правда, която си таро закони-непорочно. ⁷Но давка, ковато сине манге придобивка, сар загуба счетингиом лес ашал о Христа.⁸А още всичко считинав сар загуба ашал далке превъзходноне варесоске - о познаване мере Девлескоро о Иисус Христос, за Колеске нашалгиом всичко тай считинав всичко за измет, само е Христас те придобинав, ⁹тай те аракловав анде Лесте, без те овел ман за мере правдаке койка, която си таро закони, а койка, която си чрез и вяра андо Христа, демек, и правда която си таро Дел въз основа е вяраке, ¹⁰за те пенджарав Лес, и сила Лескере възкресениескири тай о общение андо споделиба Лескере страданиескере, като ачовав уподобиме Лесте андо Мериба Леске, ¹¹тай дано десар те ресав о възкресение е муленгоро.¹²Ма кай сполучингиом вече, или кай ачилом вече съвършено; но гонинав, дано уловинав давка, за колеске меда улом уловиме таро Христа Иисуса. ¹³Пralален, ме на считинав, кай вече уловингиом лес, но иек керав - като бистрав со си палал манде тай стреминаман силно карик далkestе, ковато си англал манде, ¹⁴мукаман карик и прицелно точка за е наградаке е Божие мере упран призваниеските андо Христа Иисуса. ¹⁵Тай чука, аме, колато синям зрела, нека мислинас чука; тай ако мислинен туме варесо аверяче, о Дел ка откринал туменге лесда. ¹⁶Само нека иси амен правилоске те живинас според далkestе, анде колесте реслам тай о също те мислинас.¹⁷Пralален, подражинен манг тай дикен калкен, колато живинен чука, сарто аме диням тумен примери. ¹⁸Сокето мнозина, за коленге бут дром пентиом туменге, а акана роибнаса пенав туменге, живинен сар враговя ко Христово кръстос; ¹⁹коленгири сетнина си погибел, каскоро дел си о воги тай каскоро хваление си давка, ковато си лажакоро, колато отден пе гогя е пувякере букиенге.²⁰Сокето амаро гражданство си ко небеса, катар жанас Спасителес, е Девлес о Иисус Христос, ²¹Ковато чрез и сила, коласа покоринел всичко Песа, ка преобразинел амаро унижиме телос, за те ачол съобразно Лескере славноне телоса.

Chapter 4

¹Далкеске, любезна тай бут желана мере прала, мери лошали тай моро венеци, бешен зоралесте андо Дел, любезна мере. ²Молинав е Еводияс, молинав е Синтихияс, те овен единомислена андо Дел. ³Ва, тай тут молинав, искрено моро сътрудничес, помагине калке ромниенге, сокето трудисале андо делос е благовестиеско заедно манца тай е Климентиеса, тай околе мере съработниенца, коленгере алова си анди книга е животоскири. ⁴Лошанен всякова андо Дел! Пак ка пенав: Лошанен! ⁵Тумаро самовъздържание те овел пенджардо саворе манушенге; о Дел си паше. ⁶Ма безпокойнен тумен нисоске, но относно всеко варесо, молитваса тай молбаса пенен тумаре искания е Девлеске благодарениеса; ⁷тай о Божие мири, ковато нисави годи наши схванинел, ка пазинел стража упран тумаре сърценде тай тумаре мисленде андо Христа Иисуса. ⁸Най-после, пралален, всичко, ковато си истинно, ковато си почтено, ковато си праведно, ковато си чисто, ковато си любезно, ковато си благодатно, - ако иси варесо добродетелно, тай ако иси варесо похвално, - давка зачитинен. ⁹Давка, ковато сиклилен, тай приемингиен, тай шунгиен, тай диклен анде манде, лес керен; тай о Дел е мириеско ка овел туменца. ¹⁰Ме бут лошанав андо Дел, кай акана най-после кергиен те процъфтинел наново тумари грижа за манге; за колеске наистина сине тумен грижа, но нана сине тумен благовремие. ¹¹На пенав давка ашал и оскъдност; сокето сиклилом те овав доволно андо саворе да състояние те аракловав. ¹²Жанав анди оскъдностда, жанав андо изобилиеда те живинав; андо секо нещо тай андо саворе обстоятелства сиклилом и тайна те овав чало, тай те овав бокало, те живинав андо изобилие или анди оскъдност. ¹³За всичконаске иси ман сила чрез Колкесте, Ковато подкрепинел ман. ¹⁴Но кергиен о лачипе, тай лилен участие анди скръб мери. ¹⁵А тумеда, филипияня, жанен, кай като иклилом тари Македония тай почнингиом о делос е благовестиеско, нито иек кантери, освен единствено туме, на диняс андо отношение ни те дел ни те лел манца; ¹⁶сокето андо Солун иек-дуи дрома бичалгиен манге за ме нуждаке. ¹⁷Ма кай мангав о подаръки, но мангав о плоди, ковато умножингиол тумаре сметкаке. ¹⁸Но получингиом всичко тай иси ман изобилие, чаларгиоман, како получингиом таро Епафродит о бичалдо тумендар, благоуханно миризма, жертва приятно, благоугодно е Девлеске. ¹⁹А моро Дел ка снабдинел всеко тумари нужда според Пере барвалипнасте анди слава андо Христа Иисуса. ²⁰А амаре Девлеске тай Отециеске те овел слава жи ко вечна векове. Амин. ²¹Поздравинен секоне светиис андо Христа Иисуса, Поздравинен тумен о прала, колато си манца. ²²Поздравинен тумен саворе светиес, а особено калка, колато си таро кесарево кер. ²³И благодат е Девлескири о Иисуса Христа те овел тумаре духоса. Амин.

Colossians

Chapter 1

¹О Павел, е Божие воляса апостоли Иисус Христово, тай о прал о Тимотей, ²жи ко свята тай верна прала андо Христа, колато си андо Колос: Благодат тай мири, туменге таро Дел, амаре Отеци тай о Дел о Иисус Христос. ³Благодаринас е Девлеске, о Отеци амаре Девлеско о Иисус Христос (като молинас амен винаги туменге), ⁴понеже шунгиям за тумаре вяраке андо Христа Иисуса тай за тумари любов карик саворе светиенде), ⁵ашал и надежда, която пазинел туменге андо небеса, за колаке шунгиен по-нангле андо истинско словос е благовестиеско, ⁶ковато ало жи туменде; ов принесинел плоди тай бариол сарто андо цело светос, чука машкар туменде, таро диес, като шунгиен тай наистина пенджаргиен и Божия благодат, ⁷сарто сиклилен амаре любезноне сътрудникиестар о Епафрас, ковато си аменге верно Христово служители; ⁸тай известингяс аменге за тумари любов андо Духос. ⁹Далкеске амеда, таро диес, като шунгиам давка, на престанинас те молинас амен туменге тай те мангас таро Дел те изпълнингьон е пенджарибнаса Лескере волятар чрез и перди духовно мъдрост тай разбиране, ¹⁰за те живинен достойно за е Девлеске, те овен Леске угодна андо всичко, като принесинен плоди андо всеко лачо делос тай барьон андо познаване е Девлеске; ¹¹подкрепиме пердоне силаса, според о могъщество Лескере славаке, за те издържинен тай търпинен всичко лошаласа; ¹²като благодаринен е Отцаске, Ковато удостоингяс амен те участвинас андо наследство е светиенге анди светлина; ¹³Ковато избавингяс амен тари власт е тъмнинаке тай преселингяс амен андо тагарипе Пере възлюбеноне Чавеске. ¹⁴Анде Лесте иси амен изкупление, о опрощение амре безехенгоро; ¹⁵анде Лесте, Ковато си образи е невидимоне Девлеске,

първородно англал всеко създание; ¹⁶понеже чрез Лесте уло създадено всичко, ковато си андо небеса тай ки пув, видимо тай невидимо, било престола или господства, било началства или властя, всичко чрез Лесте тай за Лескве уло създиме; ¹⁷тай Ов си англал всичконасте тай всичко чрез Лесте сплотинел пес.¹⁸Тай шеро е телоске, демек е кангеряке, си Ов, Ковато си о началос, първородно таро муле, за те овел Лес първенство андо всико. ¹⁹Соскето о Отец благоволингяс те вселинел анде Лесте и съвършено пълнота ²⁰тай чрез Лесте те примиринел всичко Песа- тай о земна, тай небесна, като въдворингяс мири чрез Лесте е ратеса, чорди Лескере кръстосте.²¹Тай тумен, колато улен декана отстраниме Лестар тай ко разположение Лескере враговия ашал тумаре зла дела, ²²примирингяс акана чрез Лескере мерибнаса андо плътско телос Лескоро, за те представинел туменге англал Песте свята, непорочна тай безупречна, ²³ако ачон зорале тай непоколебима анди вяра тай непоклатима анди надежда, открита андо благовестие, ковато шунгиен, тай ковто уло проповедиме всеконе създаниеске телал о небеса, колеске ме, о Павел, ачилом служители.²⁴Акано лошанав андо страдания мере за туменге тай доперав о недостиги е Христовоне скърбенге анде мере телосте ашал Лескере телоске, ковато си и канпери; ²⁵колаке ме ачилом служители ки Божие наредба, възложиме манге ашал туменге, за те проповединав напълно о словос е Девлескоро, ²⁶демек и тайна, гаравди за вековиенге тай поколениенге, а акана аракли Лескере светиенге; ²⁷коленг о Дел манглес те откринал со си о превъзходно барвалипе калке тайнакоро машкар о езичниция, демек о Христос анде туменде, и надежда е славакири.²⁸Лес аме провъзгласинас, като съветвинас тай поучинас всеконе манушес целоне мъдростяся, за те представинас всеконе манушес съвършено андо Христа. ²⁹Далкеске трудинаман, като боринаман според Лескере силате, която действинел мощно анде манде.

Chapter 2

¹Соскето мангав те жанен анде саве баре борбате синиом ашал туменге, тай ашал колкенге, колато на дикле ман лично, ²за те утвърдинен пес ленгере сърца тай, сплотена анди любов, те придобинен андо пердо барвалипе о съвършено разбиране, те пенджарен и Божие тай е Отециекири тайна, демек о Христа, ³анде Колесте си гаравде саворе съкровища е премъдростиякере тай е знание скоро. ⁴Давка пенав туменге, за тена хохавел тумен декой хохавне хоратенца. ⁵Соскето, тена да овав туменца телом, пак духом синиом туменца, тай лошанав, като дикав тумари порядъчност тай о постоянство тумаре вяракоро андо Христа. ⁶Тай чука, сарто приемингиен е Христа Иисуса, о Дел, чука живинен анде Лесте, ⁷вкоренена тай назидавана анде Лесте, утвърдиме анди вяра пери, сарто улен сикавде, тай изобилстваща (анде лате) благодарениеса. ⁸Внимавинен тена заплениел тумен декой пе философияса, пе чуче хохаибнаса по манушкане преданиесте, ко първоначална учения е светоскере, а ма ко Христа. ⁹Соскето анде Лесте обитавинел телесно и савори пълнота е Божествоскири; ¹⁰туменда иси пълнота анде Лесте, Ковато си шеро всеконе началствоске тай властяке. ¹¹Анде Лесте улен обрежиме обрежибнаса ма таро вас кердо, а е обрежибнаса, ковато си таро Христа, като нангилен о плътско телос; ¹²пароме Леса андо кръщение, анде колесте улен възкресиме Леса чрез и вяра андо действие е Девлеске, Ковато възкресингяс Лес таро муле. ¹³Тай тумен, колато улен муле чрез тумаре прегрешениенде тай о необрежиме тумаро плътско естество, тумен съживингяс Леса, като простингяс саворе амаре престъпления; ¹⁴тай като заличингяс амаре противниес андо постановления лескере закони, ковато уло аменге враждебно, махнингяс лес тай приковингяс лес ко кръстос; ¹⁵тай като обезоръжингяс е началствонен тай е властиен, изложингяс лен явноне показиесте, като въэтържествувинде упрад ленде чрез о кръстос. ¹⁶Тай чука, никой тена осъдинел тумен далкеске, ковато хан или ковато пиен, или варесоске относно десаво празници, или новолуние, или събота ¹⁷колато си сянка колкеске, ковато ка авел, а и същност си Христово. ¹⁸Никой тена отнеминел тумари награда хохаибнаса, чрез прекердо смирене тай поклонение ангеленгоро, като вглабинел пес андо букя, колато нана дикляс, тай напразно надувинел пес пе плътсконе гогяса, ¹⁹а на икерел о шеро - Христа, Колестар о цело телос, подържиме тай свържиме чрез о ставес тай о жилес пере, бариол с нарастване, дендо таро Дел. ²⁰Ако мулен е Христаса относно о първоначална учения е светоскере, то соске, сар кай живинен андо светос, подчининен тумен ко постановления, сар: ²¹" Ма докоснине тут", " Ма вкусине", "Ма пипине" ²²(колато саворе аравгион тари употреба), по манушканесте заповедя тай учения? ²³Калка постановления наистина дикион мъдра андо своееволно богослужение тай прекердо смирене, тай нещадене е телоске, но на струвинен нищо анди борба против о угодиба е телоске.

Chapter 3

¹Тай чука, ако улен възкресиме заедно е Христаса, роден давка, ковато си упре, кате бешел о Христос одясно е Девлеске. ²Мислинен е упрунске, а ма е пувякоро; ³сокето мулен, тай тумаро животос си гаравдо е Христаса андо Дел. ⁴Като о Христос, амаро животос, явисало, тогава тумеда ка явинен тумен Леса анди слава. ⁵Далкеске мударен тумаре пувякере частя: блудство, нечистота, страсть, зложелание тай сребролюбие, ковато си идолопоклонство; ⁶ашал колеске авел о Божие гняви упран о роди е непокорноненгоро; ⁷анде коленде тумеда декана пиргиен, като живиненас анде ленде. ⁸Но акана отчiven тумеда всичко давка: гневи, ярост, злоба, хулиба, лажакере хоратес тумаре муйендар. ⁹Ма хохавен тумен иек аверес, понеже нангилен вече е пуране манушес лескере деловиенца, ¹⁰тай ургиен тумен андо нево, ковато подновинел пес е придобивнаске е знаниеске ко образи Калкеске, Ковато създинял лес; ¹¹кате нанай ни гръкос, ни юденини, ни обрязване, ни необрязване, ни варварини, ни скити, ни робос, ни свободно; но о Христос си всичко тай андо всичко. ¹²Тай чука, сар Божия избириме, свята тай възлюбена, уриен тумен андо милосърдие, благост, смирение, кротост, дълготърпение. ¹³Претърпинен тумен иек аверес тай простилен туменге, ако декас иси оплакване против декасте; сарто о Дел простиляс туменге, чука простилен тумеда. ¹⁴А упран всичконасте далкесте уриен тумен анди любов, която свържинел всичко андо съвършенство. ¹⁵Тай нека царувинел анде тумаре сърценде о Христово мири, колесте улен призвана андо иек телос; тай овен благодарна. ¹⁶О Христово словос те вселинел пес анде туменде барвалесте; пердоне мъдростяса учинен тумен тай увещинен тумен псалменца тай химниенца, тай духовна гиля, като възпениен е Девлес благодатаса анде тумаре сърценде; ¹⁷тай со да те керен, ко хоратес или ко делос, керен всичко андо алав е Девлеске о Иисус, като благодаринен чрез Лесте е Девлеске о Отца. ¹⁸Ромнялен, покоринен тумен тумаре роменге, сарто подобинел андо Дел. ¹⁹Ромален, дехен тумаре ромниен тай ма огорчинен лен. ²⁰Чавален, покоринен тумен тумаре родителенге андо всичко, сокето давка си угодно е Девлеске. ²¹Дада, ма раздразнинен тумаре чавен, за тена обезсърчинен пес. ²²Слуги, покоринен тумен андо всичко тумаре земноне господариенге, като керен бути ма якенге, таро човекоугодничество, а сърдечноне простотаса, като даран таро Дел. ²³Со да те керен, керен бути таро сърцес, сар за е Девлеске, а ма сар за е манушенге; ²⁴понеже жанен, кай анди награда ка получинен таро Дел наследство. Сокето слугувинен е Девлеске о Христа. ²⁵Ковато керел неправда, ка получинел според пе неправдате, и то без лицеприятие.

Chapter 4

¹Господаря, ден тумаре слуген безпристрастно давка, ковато си справедливо, като жанен, кай туменда иси Господари ко небеса.²Постоянствинен анди молитва тай бдинен анде лате благодарениеса.³Молинен тумен още аменгеда, те путрел аменгте о Дел вудар е словоске, те разгласинас и тайна, която си андо Христа, за колаке синииом андо оковес,⁴те изявинав ла чука, карто требе те хоратинав.⁵Отнесинен тумен мъдро карик о авруне, като използвинен о благовремие.⁶Давка, ковато хоратинен, те овел винаги благодатаса, подправиме лонеса, за те жанен сар требе те отговоринен секаске.⁷Кити за манге, всичко ка пенел туменге о любезно прал тай верно служители тай съработници андо Дел о Тихик,⁸колес бичалгиом жи туменде нарочно, за те ахальон моро състояние тай ов те уешинел тумаре сърца.

⁹Бичалгъм леса е верноне тай любезноне пралес о Онисим, ковато си тумендар. Он ка пенен туменге всичко за ате.¹⁰Поздравинел тумен о Аристарх, ковато си панло манца, тай о Варнавово пенякоро чаво о Марк (за колеске получингиен и поръчка: Ако авел паш туменде, приеминен лес),¹¹тай о Иисус, наречиме Юст. Таро обрежиме калка си о единствена мере съработниция за е Божие тагарипнаске, колато уле манге утха.¹²Поздравинел тумен о служители е Исусеске Христеске о Епафрас, ковато си тумендар тай ковато всякога усърдно молинел пес туменге те бешен зрела тай напълно увериме андо всичко, ковато си и Божие воля.¹³Свидетелствинав за леске, кай трудинел пес бут туменге тай калкенге, колато си анди Лаодикия тай андо Йерапол.¹⁴Поздравинен тумен о възлюбено лекари о Лука тай о Димас.¹⁵Поздравинен е прален, колато си анди Лаодикия, тай и Нимфа лакере домашноне кангеряса.¹⁶Тай като четинен кавка послание машкар туменде, нарединен те четинел пес анди Лаодикийско кангери; тай оковка, ковато си тари Лаодикия, те четинен лес тумеда.¹⁷Тай пенен е Архипиеске: Внимавине те изпълниес и служба, която приемингян андо Дел.¹⁸О поздрави пишинав ме, о Павел, ме собственоне вастеса. Помниен ме оковес. Благодат те овел туменца. Амин.

1 Thessalonians

Chapter 1

¹О Павел о Сила тай о Тимотей - жи ки Солунско кангери андо Дел о Отца тай о Дел о Иисус Христос: Благодат тай мири те овел туменде.²Винаги благодаринас е Девлеске саворенге туменге тай споменинас тумен андо молитвес амаре,³като дасамен годи непрестанно англал амаре Девлесте тай Отеци о делос тумаре вяракоро, о трудос тумаре любовтаке тай о търпение тумаре надеждакоро анде амаре Девлесте о Иисус Христос.⁴Понеже жanas, пралален възлюбиме таро Дел, кай Ов избиригяс тумен;⁵сокето амаро благовествване машкар туменде на сине само хоратенца, но силаса, е Святоне Духоса, тай баре увереностяся; карто жанен саве докажисалам машкар туменде ашал туменге.⁶Тай туме ачилен подражатела аменгте тай е Девлеске, като машкар буте скърбенде приемингиен о словос лошаласа, която си таро Свято Духос;⁷чука кай ачилен примериеске саворе вярващоненге, колато си анди Македония тай анди Ахая.⁸Сокето ма само прогласисало о Девлеско словос тумендар анди Македония тай Ахая, но разшунгяс пес тумари вяра андо Дел секате, чука кай нанай нужно тамте те пенас варесо за лаке.⁹Сокето коркоре он оповестинен аменгте, саво достъпи сине амен паш туменде тай сар ирисален таро идола карик о Дел, за те служинен е живде тай истинсконе Девлеске,¹⁰тай те очаквинен Лескере Чавес таро небеса, о също Иисус, Колес възкресингяс таро муле, Ковато избавинел амен таро идещо гневи.

Chapter 2

¹Соскето коркоре туме жанен, пралален, кай амаро идване паш туменде нана уло напразно; ²но като улам по-нангле пострадала тай поругана андо Филипи, карто жанен, одързостисалам анде амаре Девлесте те проповединас туменге о Божие благовестие машкар баре борбате.³Соскето анде амаре увещаниесте нана сине самоизмама, нито нечиста подбудес, нито лукавство; ⁴но карто улам одобриме таро Дел те поверишел аменгे о делос е благовестиеско, чука хоратинас, ма за те угодинас е манушенге, а е Девлеске, Ковато изпитвинел амаре сърца.⁵Соскето, карто жанен, нисар на употребиняям ласкателна хоратес или гаравдо сребролюбие (о Дел си свидетели); ⁶нито родингям слава таро мануша, било тумендар, било аверендар (ако те ащинеда те притежинас власт сар Христова апостола),⁷но улам блага машкар туменде сар кърмачка, като грижинел пес пе чавенгे.⁸Чука, като сине амен горещо любов карик туменде, уло аменгे драго те предас туменге ма само о Божие благовестие, но амаре душки, соскето ачиленас аменге мила.⁹Соскето туме, пралален, помнинен амаро трудос тай усилие, сар, керас бути о дис тай ират, за тена оvas тежест ни иекеске тумендар, проповединяям туменге о Божие благовестие.¹⁰Туме синиен свидетеля, тай о Дел също, сар свято, праведно тай безукорно икергям амен машкар туменде, о вярваща,¹¹като жанен сар увещинасас тай утешинасас всеконе иекес тумендар, карто о дад - пе чадовиен,¹²тай заръчвинасас туменге те живинен достойно е Девлеске, Ковато призовинел тумен анде Пере тагарипнасте тай славате.¹³Далкеске амеда непрестано благодаринас е Девлеске, соскето, като приемингиен чрез аменде о словос е Божие посланиеске, приемингиен лес ма сар манушеско словос, а сар Божие словос, савото си наистина, ковато действинел машкар туменде, о вярваща.¹⁴Соскето туме, пралален, ачилен подражателя е Божие андо Христа Иисуса кантериенге, колато си анди Юдея, понеже тумеда претърпингиен о също тумаре сънароднициендар, карто онда таро юдея;¹⁵колато тай о Дел о Иисус, тай о пророкия мударде, тай амен гонинде, е Девлеске на угодинен тай саворе манушенге си противна,¹⁶като забранинен аменге те хоратинас е езичнициенге, за те спасинен пес. Чука он винаги допълнинен и мярка пе безехентири; но о безгранично гневи ресло лен.¹⁷А аме, пралален, като осиротингям тумендар за хари време (кити за телесноне присъствиеске, а ма сърцеске), постараисалам още по бут, баре желаниеса, дано дикас тумаро муи.¹⁸Соскето манглен те авас паш туменде (поне ме, о Павел) иек-дуи дрома, но о Сатана попречингяс аменге.¹⁹Понеже коя си амари надежда или лошали, или венеци колеса хвалинас амен? На синиен ли туме англал амаре Девлесте о Иисус паш Лескере пришествииесте?²⁰Соскето туме синиен амари слава тай лошали.

Chapter 3

¹Далкеске, като нащине вече търпинас, араклам за лачес те мукен амен коркоре анди Атина; ²тай бичалгиям о Тимотей, амаро прал тай Божие служители андо Христово благовестие, те утвърдинел тумен тай те утешинел тумен относно тумари вяра, ³за тена разколебинел пес никой калке скърбендар; соскето туме жанен, кай за далкеске синям определиме.⁴Соскето, като улам паш туменде, пенасас туменге предварително, кай ка претърпинас беди; ковато ачилода, сарто жанен. ⁵Тай по дайка причина, като нащине вече те търпинав, бичалгиом те ахаловав за тумаре вяраке, тена изкусиняс тумен о изкусители тай амаро трудос те овел напразно.⁶Но акана, като о Тимотей ало паш аменде тумендар тай ангяс аменге лаче вестя за тумари вяра тай любов, тай кай винаги иси тумен лаче споменя за аменге тай манген те дикен амен, сарто амеда тумен, ⁷тогава, пралален, паш савори амари нужда тай скръб, утешингям амен туменге ашал тумари вяра;⁸понеже аме акана живинас, ако туме бешен зоралесте андо Дел. ⁹Соскето, сар ащи досдатъчно те благодаринас е Девлеске за туменге ашал и савори лошали, коласа лошанас за туменге англал амаре Девлесте?¹⁰Ират тай о диес молинас амен най-усърдно те дикас тумаро муи тай те допълнинас давка, ковато на ресел тумаре вяраке.¹¹А коркоро амаро Дел тай Отеци, тай амаро Дел о Иисус дано опринел амаро дром карик туменде. ¹²Тай о Дел те керел те барийон тай те преизобилствинен анди любов иек карик авересте тай карик саворенде, сарто амеда преизобилствинас карик туменде, ¹³за те утвърдинел тумаре сърца непорочно анди святост англал амаре Девлесте тай Отеци паш о пришествие амаре Девлескоро о Иисус саворе Лескере светиенца.

Chapter 4

¹Тай чука, пралален, молинас тай увещинас тумен андо Дел о Иисус, сарто сиклилен амендар сар требе те живинен тай те угодинен е Девлеске (сарто живиненда), чука те преуспенин по бут тай по бут. ²Соскето жанен саве заръкес диняи тумен таро алав е Девлеске о Иисус.³Понеже давка си и Божие воля - амаро освещение: те въздържинен тумен таро блудство; ⁴те жанел секой тумендар сар те лел песке ромня* анди святост тай почест, ⁵а ма анди страстно похота, сар о езичникия, колато на пенджарен е Девлес; ⁶тай тена престъпинел никой, тай те покваринел пе пралес анде калке варесосте; соскето са всичконааске далкеске о Дел си мъздовъздатели, сарто по-нангле пенгам туменге тай уверингам тумен.⁷Соскето о Дел на призовингяс амен карик и нечистота, а карик и святост. ⁸Соскето, който отчивел давка, на отчивел е манушес, а е Девлес, Ковато дел тумен По Свято Духос.⁹А за е братолюбиеске нанай нужно те пишинав туменге; соскето коркоре туме синиен сикавде таро Дел те дехен тумен иек аверес, ¹⁰понеже чука керен саворе праленца ки цело Македония. Но молинас амен туменге, пралален, те преуспенин анде далкесте по бут тай по бут, ¹¹тай усърдно те стараинен тумен те живинен тихо, те керен тумаре бука тай те керен бути тумаре собственоне вастенца, сарто заръчиням туменге; ¹²за те икерен тумен благоприлично англал о авруне тай тена овел тумен нужда нисостар.¹³Нана мангас, пралален, те ачон андо неведение колкенге, колато мерен, или па те скърбинен сарто колкенде, колато нанай лен надежда. ¹⁴Соскето ако верувиас, кай о Иисус муло тай възкресингяс, чука о муле андо Иисус о Дел ка привединел заедно Леса.
¹⁵Соскето давка пенас туменге чрез о Господно словос, кай аме, колато ачовас живде жи ко Господно
пришествие, нанай те изпревариас е мулен.¹⁶Понеже коркоро о Дел ка ухлел таро небес повелителноне
викиеса, тай гласос на архангел тай и Божие тръба; тай първо ка възкресинен о муле андо Христа;
¹⁷после аме, колато ачилам живде, ка овас грабната заедно ленца андо облакя те посрещниас е Девлес
андо въздухи; тай чука ка овас винаги е Девлеса. ¹⁸Тай чука, насьрчинен тумен иек аверес калке
хоратенца.

Chapter 5

¹А за е брешенге тай е времеске, пралален, нанай нужда те пишинел пес туменге; ²сокето туме лачес жанен, кай о Господно диес ка авел сар чор ират. ³Като пенен: Мири тай безопасност!, тогава внезапно ка авел гибел, карто е бянимаскере дука камне ромнякере; тай он нанай те нашен. ⁴Но туме, пралален, на синиен анди тъмнина, кай те изненадинел тумен давка диес сар чор. ⁵Сокето туме саворе синиен чаве е светлинакере* тай чаве е диесескере*, на синям тари ират, нито тари тъмнина. ⁶Тай чука, тена совас, сар околенде, а те овас жангала тай трезвена. ⁷Сокето, колато совен, ират совен, тай колато макярен пес, ират макярен пес;⁸ а аме, като синям таро диес, нека овас трезвена, тай нека уряс за бронен нагръдник и вяра тай и любов, тай те товас шлемиеске и надежда е спасениескири. ⁹Сокето о Дел определингяс амен ма за гневиеске, а те получинас спасение чрез амаре Девлесте о Иисус Христос, ¹⁰Ковато муло аменге, чука кай аме, живде или муле, те живинас заедно Леса. ¹¹Далкеское насьчинен тумен машкар туменде тай назидавинен тумен иек аверес, карто керен. ¹²Тай молинас тумен, пралален, те признавинен калжен, колато трудинен пес машкар туменде сар тумаре настойникия андо Дел тай тумаре увещателя, ¹³тай те почитинен лен твърде бут с любов ашал ленгоро делос. Живинен мирно машкар туменде. ¹⁴Молинас тумен още, пралален, увешчинен е безчиновиен, насьчинен е малодушнен, поддържинен е слабонен, овен търпелива карик саворенде. ¹⁵Внимавинен никой никаскте тена иринел зло за зло; а винаги роден о лачо иек авересте тай саворенде. ¹⁶Винаги лошанен. ¹⁷Непрестанно молинен тумен. ¹⁸Всичконаске благодаринен; сокето давка си и Божие воля за туменге андо Христа Иисуса. ¹⁹О духос ма угасинен. ²⁰О пророчества ма презиринен. ²¹Всичко изпитвинен; икерен о лачо, ²²а въздържинен тумен таро секакво зло. ²³А Коркоро о Дел е мириескоро те осветинел тумен напълно; тай дано запазинен пес непокътната о духос, и душа тай о телос тумаро би порокиескоро, жи ко причество амаре Девлескоро о Иисус Христос. ²⁴Верно си Ковка, Ковато призовинел тумен, тай ка керел давка. ²⁵Пralален, молинен тумен аменге. ²⁶Поздравинен саворе прален святоне целувкаса. ²⁷Дав тумен совела андо Дел те четинел пес давка послание саворе (святоне) праленге. ²⁸И благодат амаре Девлескири о Иисус Христос те овел туменца. (Амин).

2 Thessalonians

Chapter 1

¹О Павел, о Сила тай о Тимотей жи ки Солунско кантери андо Дел, амаро Отеци, тай о Дел о Иисус Христос: ²Благодат тай мири те овел туменде таро Дел о Отца тай о Дел Иисуса Христа. ³Длъжна синям, пралален, винаги те благодаринен е Девлеске за туменге, карто си прилично, сокето тумари вяра бариол твърде бут, тай и любов секоне иекескири тумендар карик околенде умножинел пес; ⁴чука кай коркоре аме хвалинас амен туменца машкар о Божия кангеря за тумаро зоралипе тай вяра паш о саворе гонения тай неволес, колато понесинен; ⁵ковато си доказателство за е Девлескере справедливо съдоске, за те удостоинен тумен е Божие тагарипнаса, за колеске страдинен. ⁶Понеже си справедливо англал о Дел те въздел скръб колкенге, колато оскърбинен тумен, ⁷а туменге, о оскърбиме, те дел утеха карто аменгеда, като явинел пес о Дел Иисус таро небес Пере силноне ангеленца, ⁸анди пламенно яг те раздел възмездие колкенге, колато на пенджарен е Девлес, тай колкенге, колато на покоринен пес е благовестиеске амаре Девлескоро о Иисус. ⁹Салка ка приеминен наказаниеске те овен анди вечно погибел, лишиме таро присъствие е Девлескоро тай тари слава Лескере силатар, ¹⁰като авел колке диесесте, за те прославинел пес анде Пере светиенде, тай те удивинен пес Леске саворе повярвала (сокето тумеда повервигтиен амаре свидетелствоске). ¹¹Далкеское винаги молинас амен туменге, дано амаро Дел сметнинел тумен достойна за тумаре призваниеске тай те перел силаса секо лачо желание тай секо делос в вяраке; ¹²за те прославинел пес анде туменде о алав амаре Девлескоро о Иисус, тай туме анде Лесте според и благодат амаре Девлескири тай о Дел Иисус Христос.

Chapter 2

¹А относно о пришествие амаре Девлескоро о Иисус Христос тай амаро събиране паш Лесте, молинас тумен, пралален, ²тена разклатинен тумен лесно, нито те смутинен тумен, било таро духос, било таро словос, или таро послание уж амандар бичалдо, като кай вече ало о дие с е Девлескоро.³Никой тена хохавел тумен по нисаво начини; сокето давка нанай те овел, жи кай първо нана авел о отстъпление тай нана явинел пес о мануш е безехакоро, о осъдиме на погибел⁴ ковато противинел пес тай превъзнесинел пес упрали всичко насте, ковато наречинел пес дел, или колеске отдел пес поклонение, за те бешел (сарто о Дел) андо Божие храми тай те представинел пес Девлеске.⁵На помниен ли, кай още като улом туменде, пенгиом туменге давка? ⁶Тай акана жанен со спиринел лес, за тена явинел пес несвоевременно. ⁷Сокето и тайна е беззаконие скири вече действинел, но само жи кай на премахнингиол ковка, ковато акана спиринел ла;⁸тай тогава ка открингиол о беззаконники, колес о Дел о Иисус ка мударел Пе москере дъхоса тай ла изтребинел е бляськеса е пришествиескоро Поро. ⁹Кавка, колескоро идване дължинел пес е действиеске е Сатанакереске, съпроводиме секоне силатар, знамения, хохавне чудеса ¹⁰тай целоне хохайниса е неправдаке, машкар колкенде, колато загивинен; сокето на приеминде те дехен истина тай те спасинен пес.¹¹Тай далкеске о Дел бичалел заблуждение е действинел машкар ленде, за те верувинен е хохайнисаке,¹²тай те овен осъдиме саворе, колато на повервиде анди истина, а дехинде и неправда.¹³А аме синям дължна винаги те благодаринас е Девлеске за туменге, възлюбиме таро Дел прала, сокето о Дел отначало избiringяс тумен спасениеске чрез о освещение е Духоскоро тай е вяракоро анди истина,¹⁴за коле спасениеске призвингяс тумен чрез амаре благовестиесте, за те получинен и слава амаре Девлескири о Иисус Христос.¹⁵Тай чука, пралален, бешен зоралесте тай икерен о предания, колато сиклилен било амаре словостар, било амаре посланиестар.¹⁶А коркоро амаро Дел о Иисус Христос тай амаро Дел тай Отеци, Ковато възлюбингиас амен тай ки благодат диняс амен вечно утеша тай лачи надежда,¹⁷те утешинел тумаре сърца тай те утвърдинел тумен андо секо лачо делос тай словос.

Chapter 3

¹Най-после, пралален, молинен тумен аменге, те напредвинел о Господно словос тай те прославинав ман, карто туменде, ²тай те избавинас амен таро неразбрана тай нечестива мануша; сокето ма саворен иси вяра. ³Но верно си о Дел, Ковато ка утвърдинел тумен тай ка пазинел тумен таро лукавия. ⁴Тай уверена синям андо Дел за туменге, кай керен, тай ка керен давка, ковато заповединас. ⁵А о Дел те насочинел тумаре сърца анди Божие любов тай анди Христово твърдост. ⁶Заръчвиас туменге още, пралален, андо алав амаре Девлеске о Иисус Христос те странинен секоне пралестар, ковато живинел безчинно, а ма ко предание, ковато приемингиен амандар. ⁷Понеже коркоре туме жанен сар требе те подражинен аменге, сокето аме на живингям безчинно машкар туменде; ⁸нито даром халам маро декасте, а трудоса тай усилиеса кергям бути ират тай о диес, за тена овас анди тежест никаске тумендар; ⁹ма кай нанай амен о право, а за те представинас амен примериеске, за те подражинен аменге. ¹⁰Сокето като улам туменде, заръчинасас туменге давка: Ако декой на мангел те керел бути, на требе те хал. ¹¹Понеже шунас, кай десаве постъпваниен безчинно машкар туменде, като на керен бути нищо, а ехминен пес чуждоне букиенге. ¹²Салкенге заръчвиас тай увещинас лен андо алав е Девлеске о Иисус Христос те керен бути тихо тай те хан песке поро маро. ¹³А туменге, пралален, тена дотегнинел туменге те керен лачипе. ¹⁴Тай ако декой на покоринел пес амаре словоске чрез давка послание, забележинен лес тай ма киден тумен леса, за те лажал. ¹⁵Обаче ма сметниен лес за неприятелеске, а наставлиен лес сар прал. ¹⁶А коркоро о Дел е мириеско те дел тумен мири винаги тай секак. О Дел те овел саворенца туменца. ¹⁷О поздрави мере собственоне вастеса, ковато си белеги андо секо послание, ме, о Павел, пишинав чука: ¹⁸И благодат амаре Девлескири о Иисус Христос те овел саворенца туменца. (Амин).

1 Timothy

Chapter 1

¹О Павел, апостоли Иисус Христово, ки заповед е Девлеске, амаро Спасители, тай на Христа Иисуса, аами надежда ²жи ко Тимотей, истинско моро чадос анди вяра: Благодат, милост, мири таро Дел Отца тай таро Христа Иисуса, амаро Дел. ³Сарто молингиом тут, като жавас анди Македония, те ачос андо Ефес, за те заръчинес декаске тена преден авер учение, ⁴нито те занимавинен пес басненца тай безкрайноне родословиенца, колато помагинен по бут препирниенге, а ма за и Божие спасително наредба чрез и вяра. ⁵А и цел калке заръкари си любов таро шужо сърцес, лачи съвест тай нелицимерно вяра, ⁶относно колато бука десаве, като на улучинде и цел, отклонисале андо празнословие, ⁷тай манген те овен законоучителя, без те ахалон нито со хоратинен, нито со твърдинен. ⁸А аме жанас, кай о закони си лачо, ако употребинел лес декой законно, ⁹като жанен давка, кай о закони си установиме ма за е праведноеске, а за е беззакониенге тай непокорнене, за е нечистивоненге тай грешниенге, за е неблаговейноненге тай скверноненге, за е убийциенге е даденгере тай убийция даиенгере, за е човекоубийциенге, ¹⁰за е блудниенге, е извратоненге, о търгуваща робиенца, о хохавне, клетвопрестъпниия тай сичконаске авереске, ковато си противно е зорале учениеске. ¹¹според о славно благовестие е блаженоне Девлеско, ковато уло манге повериме. ¹²Благодаринав е Христеске, амаро Дел, Ковато диняс ман сила, кай счетингяс ман верноеске, тай поставингяс ман андо служение, ¹³при все кай улом по-рано хулители, гонители тай пакостники. Но придобингиом милост, понеже, сар невежо кергиом давка андо неверие; ¹⁴тай и благодат амаре Девлескири преумножисали карик манде вяраса тай с любов андо Христа Иисуса. ¹⁵Верно си давка словос тай заслужинел пълно приемане, кай о Христос Иисус ало андо светос те спасинел е грешнонен, колендар о главно синиом ме. ¹⁶Но придобингиом милост по дайка причина, за те покажинел Иисус Христос анде манде, о главно грешники, По саворо дълготърпение, примериеске колкенге, колато повервинен Лесте за вечноне животоске. ¹⁷А е вечноне Тагареске, е безсмъртноеске, о невидимо, о единствено Дел, те овел чест тай слава жи ко вечна векове. Амин. ¹⁸Кайка заръка предав туке, чадо Тимотее, според о пророчества, колато първо он посочинде, за те воювинес съобразно ленца сар лачо воини, ¹⁹като иси тут вяра тай чисто съвест, колато десаве отчivte тай отпеле тари вяра; ²⁰лендар си о Именей тай Александър, колен прединиом ко Сатана, за те сиклон тена богохулствинен.

Chapter 2

¹Тай чука, увещинав ангал всичконасте те отправинен молбидес, молитвес, прошения, благодарения за саворе манушенге, ²за тагаренге тай саворенге, колато си високопоставена, за те овел амен тихо тай спокойно животос андо пердо благочестие тай сериозност. ³Давка си лачо тай угодно англал о Дел, амаро Спасители, ⁴Колато манген те спасинен пес саворе мануша тай те ресен те пенджарен и истина.⁵Соскето иси само иек Дел тай иек ходатай машкар о Дел -тай машкар о мануша, о мануш Христос Иисус, ⁶Ковато, сар своевременно свидетелство за далкеске, диняс Пес откупи саворенге; ⁷за колеске ме улом поставиме вестители тай апостоли (истина пенав, нана хохавав), учители е езичнициенге анди вяра тай анди истина.⁸Тай чука, мангав о мруша те молинен пес секоне танесте, като вазден васта свята, би гневиескоро тай съмнениескоро. ⁹Чука о жувля те украсинен пес скромноне пременаса, лажаса тай целомъдриеса, ма кувде баленца тай златос или бисеря, или скъпа шея, ¹⁰а лаче деловиенца, сарто подобава е жувленге, колато посветисале е благочестиеске.¹¹И жувли те сиклол мълчаливо пердоне покорствоса. ¹²А е жувляке на позволинав те поучинел, нито те владеинел упран о мруш, но нека овел мълчаливо.¹³Соскето първо о Адам уло създиме, а после и Ева. ¹⁴Тай о Адам нана хохавдило; но и жувли хохавдили, тай пели андо престъпление.¹⁵Но пак ой ка спасинел пес чрез о бяниба е чавенгоро, ако он пребъдвинен анди вяра, анди любов тай андо святост целомъдриеса.

Chapter 3

¹Верно си давка словос: Ако мангел декой епископство, лачо варесо мангел. ²А о епископи требе те овел непорочно, иеке ромнякоро ром, самообладано, разбрано, порядъчно, гостолюбиво, способно те поучинел, ³ма сикло мате разправиенде, ма побойники, а кротко, ма чингарало, ма сребролюбцос, ⁴ковато управлинел лачес поро собственно кер, тай икерел пе чадовиен андо послушание пердоне сериозностяса; ⁵(сокето, ако мануиш нана жанел те управлинел поро собственно кер, сар ка грижинел пес е Божие кангеряке?)⁶тена овел нево анди вяра, за тена възгордеинел пес тай перел телал о също осъждане е бенгеса. ⁷Паш далkestе, ов требе те ползвинел пес лаче отзвиенца тай таро авруне, за тена перел андо укори тай анди примка е бенгеске.⁸Чука о дякония требе те овен сериозна, ма дуие чибенгере, тена дехен бут мол, тена овен лакома за гнусноне печалбаке, ⁹те икерен чистоне съвестяся и тайна е вяракири.

¹⁰Също онда първо те изпитвинен пес тай после те ачон дякония, ако окажинен пес непорочна.¹¹Чука о ромня* ленгере требе гте овен сериозна, ма клеветниция, самообладана, верна андо всичко. ¹²О дякония те овен рома секой иеке ромнякоро тай те управлинен лачес пе чадовиен тай пе кера. ¹³Сокето калка, колато служинде лачес сар дякония, придобинен за песке лачо положение тай баро дръзвновение анди вяра андо Христа Иисуса.¹⁴Надявинаман сиго те авав паш туте; а давка пишинав туке, ¹⁵андо случай кай закъснинав, за те жанес сар требе те икерен пес о народос андо Божие кер, ковато си кангери е живде Девлеске, стълби тай опора е истинаке.¹⁶Тай би съмнениескоро, велико си и тайна е благочестииескири: Кавка, "Ковато явисало анди плът, докажиме чрез о Духос, дикло таро ангела, проповедиме машкар о народос, повервиме андо светос, възнесиме анди слава."

Chapter 4

¹А о Духос изрично пенел, кай андо последна времена десаве ка отстъпинен таро вяра тай ка шунен хохавне духовиен тай бесовска учения, ²чрез о лицемерие е манушенгоро, колато хохавен, коленгири съвест претабили, ³колато забранинен от прандеба тай заповединен въздържание таро ястия, колато о Дел създанияс, за те употребинен пес благодарностяса колкендар, колато верувинен тай пенджарен и истина. ⁴Сокето секо варесо, създиме таро Дел, си лачо, тай нищо нанай отхвърлимнаске, ако приеминел пес благодарностяса; ⁵понеже освещинел пес чрез о Божие словос тай молитва. ⁶Анде далkestе като съветвинес е прален, ка овес лачо служители на Иисуса Христа, парвардо е хоратенца е вяракере тай о лачо учение, ковато следвингян жи акана. ⁷А отчив о скверна тай бабешка баснес тай обучине тут андо благочестие. ⁸Сокето о телесно обучение си за хари полезно; а о благочестие си сичконаске полезно, понеже иси лес о обещание за акана, тай за о бъдещо животос. ⁹Кавка словос си верно тай заслужинел пълно приемане; ¹⁰понеже далкеске трудинас амен тай боринас амен, сокето надявинас амен ко живдо Дел, Ковато си Спасители саворе манушенге, а най-вече е вярващененге. ¹¹Давка заръчвинае тай учине. ¹²Никой тена презиринел торо тернипе; но те овес е вярващененге примери андо словос, андо поведение, анди любов, анди вяра, анди чистота. ¹³Жи кай авав, посветине тут ко четиба, ко увещаване тай ко поучаване. ¹⁴Ма пренебрегнине и дарба, която иси тут, която диняс пес туке, съгласно о пророчество, чрез о ръкополагане таро презвитеря. ¹⁵Анде далkestе ов прилежно, далкеске преде тут, за те ачол явно саворенге торо напредъки. ¹⁶Внимавине за туке тай за те поучениеске, постоянствине анде далkestе; сокето, като керес давка, ка спасинес тутда, те слушателенда.

Chapter 5

¹Пуре манушес ма корине, а увещине лес сар дад, е по-тернен - сар прала, ²е пуре ромниен - сар дая, е по-тернен - сар пеня, съвършеноне чистотаса.³Почитине е вдовицен, колато наистина си вдовицес. ⁴А ако десаве вдовица иси чаве или унукия, он нека сиклон първо те сикавен благочестие карик пе домашноненде тай те отден о дължимо пе родителенг; соскето давка си угодно англал о Дел.⁵А и истинско вдовица, която ачили коркори, надявинел пес ко Дел тай постоянствуинел андо молби тай андо молитвес ират тай о диес; ⁶но койка, която живинел сладострастно, живди си мули.⁷Заръчвине давка, за е овен непорочна. ⁸А ако декой на грижинел пес перенге, тай особено за пе домашноненге, ов отричисало таро вяра, тай таро неверники си по-канило.⁹Те запишинел пес само сайка вдовица, която нанай по-теле таро пиндуadesh бреша, която ули иеке ромеске ромни, ¹⁰известно пе лаче деловиенца: ако парваргяс чадовиен, ако приеминелас странникиен, ако товелас о пире е светиенгере, ако помагинелас е страдашоненге, ако отдалас пес секоне лаче делоске.¹¹А е по-терне вдовицен ма приемине, соскето, като ленгере страстя иринен лен таро Христа, манген те пранденен, ¹²тай перен телал о осъждане, соскето отметнисале таро първо поро убеждение. ¹³А паш далкесте, он сиклон те бешен би букякоро, те пирен кер керестар тай ма само те овен би букякоро, но бъбривада, като ехминен пес чуждоне букиенде тай хоратинен давка, ковато на требе те хоратинел пес.¹⁴По дайка причина мангав о по-терне вдовицес те пранденен, те биянен чавен, те управлинел кер, тена ден нисаво поводи е противникиес те хулиnel; ¹⁵соскето десаве вече отклонисале палал о Сатана. ¹⁶Ако десаво вярващо, мруш или жувли, иси лен сродницес вдовицес, нека приглеждинен лен пескес, тай и кангери тена обременинел пес, за те ащи приглеждинел е истинсконе вдовицен.¹⁷О презвитеря, колато управлинен лачес, нека удостоинен пес двойноне почитяся, особено колка, колато трудинен пес андо словос тай поучение; ¹⁸соскето о Писание пенел: "Тена пандес о мui е волескоро, като вършениел"; тай : "О работники заслужинел пи заплата". ¹⁹Против о презвитери ма приемине обвинение, освен ако нанай подкрепиме дуие или трине свидетелендар. ²⁰Изобличине англал саворенде колкен, колато съгрешинен, за те даран околада.²¹Англал о Дел, англал о Христа Иисуса тай англал о избириме ангела заръчинав туке те спазвинес калка заповедя би предубеждениескоро, тай ници тена керес пристрастиеса. ²²Ма сигяр те ръкоположинес никас, нито участвине чуждоне безехенде. Пазине тут чисто.²³Ма пи вече само пани, но употребине хари мол ашал те стомахиеске тай те честоне боледувимнаске. ²⁴О безеха десаве манушенгере си явна отпреди тай изпреваринен лен ко съдос; а декаскес авен палал ленде. ²⁵Чука о лаче дела десавенге си явна; тай колка, колато нанай, нанащи гаравен пес завинаги.

Chapter 6

¹Колато си телал о робско игос, нека считинен пе господариен достойна секоне почитяке, за тена хулинел пес е Девлескоро алав тай о учение. ²А колка, колато иси лен вярваща господария, тена презириинен лен, соскето си прала; а дики по бут нека те керен ленге бути, соскето колка, колато ползвинен пес таро усърдие ленгоро, си вярваща тай възлюбена. Давка поучавине тай увещине.³тай ако декой предел авер учение, тай нана съобразинел пес е зорале хоратенца амаре Девлескере о Иисус Христос тай е благочестивоне учениеса, ⁴ов възгордисало тай нана жанел нищо, тай иси лес мазорали склонност карик о споровия тай о препирни, колендар проиклон завист, разпрес, хули, лукава подозрения, ⁵кавги машкар о мануша развратноне гогиенца тай лишиме тари истина, колато мислинен, кай о благочестие си средство печалбаке.⁶А о благочестие, приемиме задоволствоса, си бари печалба; ⁷соскето нищо нана ангям андо светос, нито ащи икалас варесо. ⁸а като иси амен хабе тай шехия, нека овас доволна.⁹А колато ламтинен те барвалон, перен андо изкушение, анди примка тай андо бут глупава тай вредна страстя, колато потопинен е манушен андо разорение тай погибел. ¹⁰Соскето о сребролюбие си корени секоне канилипнаскоро, карик колесте, като стреминде пес десаве, отклонисале тари вяра, тай пронижинде пес буте скърбенца.¹¹Но ту, човече Божий, наш далке букиендар; тай следвине и правда, о благочестие, и вяра, и любов, о търпение, и кротост. ¹²Подвизине тут анди лачи битка е вяраке; икер тут ко вечно животос, колеске улан призвано, като кергян и лачи изповед англал о мнозина свидетеля.¹³Заръчинав туке англал о Дел, Ковато оживинел всичко, тай англал о Христа Иисуса, Ковато англал о Понтийски Пилат засвидетелствингяс и лачи изповед,¹⁴те пазинес дайка заповед чисто тай безукорно жи ко явяване амаре Девлескоро о Иисус Христос,¹⁵ковато свое временно ка овел откриме таро блажено тай единствено Властители, Тагар е тагаренгоро тай Господ е господстващоненге,¹⁶Ковато коржоро притехинел безсмъртие, обитавинел анди непристъпно светлина; Колес нисаво мануш на диклас, нито ащи дикел; Леске те овел чест тай вечно сила. Амин.¹⁷Колкенте, колато притехинел барвалипе калке светосте, заръчине тена високоумствинен, нито те надявинен пес ко непостоянно барвалипе, а ко Дел*, Ковато деламен всичко изобилно те насладинас амен; ¹⁸те керен лачипе, те барвалон лаче деловиенца, те овен щедра, съчувстваща,¹⁹като киден песке съкровище, ковато ка овел лачи основа е бъдещеске, за те долен пес ко истинско животос.²⁰О, Тимотее, пазине давка, ковато си туке повериме, като отклонинес тут таро скверна празнословия тай противоречия е хохавне жанибнаскоро,²¹колесте, като предине пес десаве, отклонисале тари вяра. Благодат те овел туменца. Амин.

2 Timothy

Chapter 1

¹О Павел, е Божие воляса апостоли Иисус Христово, за е проглашаванеске о обещано животос, ковато си андо Христа Иисуса,²жи ко Тимотей, мо възлюбено чадос: Благодат милост, мири те овел туса таро Дел Отец тай таро Христа Иисуса, амаро Дел.³Благодаринав е Девлеске, Колеске служинав, сар ме прародителенде, чистоне съвестяса, като не-престанно споменинав тут андо молитвес мере ират тай о дис, ⁴тай споминав мангे те асвес, копнеинав те диков тут, за те изпълнинав ман лошаласа.⁵Понеже припомнинав мангे тери нелицемерно вяра, която първо сине ла те мамате и Лоида тай те даяте и Евникия, а като синиом увериме, тай анде туте.⁶По дайка причина напомнинав туке те разтарес и дарба таро Дел, която иси тут чрез о полагане мере вастенгоро.⁷Соскето о Дел диняс амен духос ма дараибнаскоро, а силакоро, любов тай себевладение.⁸Тай чука, ма лажа таро свидетелство за амаре Девлеске, нито мандар - затворници за Леске, но участине андо страдания за е благовестиеске ки сила, денди таро Дел,⁹Ковато спасингяс амен тай призовингяс амен святонае призваниеса, ма според амаре деловиенде, с според Пере намерениесте тай според и благодат, денди аменге андо Христа Иисуса англал о вечна времена,¹⁰а акана откриме чрез о явление амаре Спасителескоро о Христос Иисус, Ковато унищожингяс о мериба тай осиянгяс животос тай безсмъртие чрез о благовестие,¹¹колеске ме улом поставиме, апостоли проповедници тай учители.¹²Далескесе чука страдинав. Но нана лажав, соскето жанав анде Касте повервингиом, тай синиом увериме, кай Ов си силно те опазинел жи колке дисесте ковка, ковато поверингиом Леске.¹³Те овен тут образециеске о зорале хоратес, колато шунгян мандар,

вяраса тай с любов андо Христа Иисуса.¹⁴Ковка лачо варесо, ковато уло туке повериме, опазине чрез о Свято Духос, Ковато живинел анде аменде.¹⁵Ту жанес давка, кай саворе анди Азия ирисале мандар, машкар коленде си о Фигел тай Ермоген.¹⁶О Дел те покажинел милост карик о кер на Онисифор, соскето ов бут дрома подкрепинелас ман тай на лажалас ме оковендар,¹⁷а, напротив, като уло андо Рим, старателно родингяс ман тай араклас ман.¹⁸О Дел те делес те аракел милост англал о Дел анде колке диесесте; а кити помагингяс манге андо Ефес, ту жанес твърде лачес.

Chapter 2

¹Тай чука, ту, чадо моро, заяквине анди благодат, която си андо Христа Иисуса. ²Тай со шунгиян мандар паш буте свидетеленде, давка преде верноне манушенге, колато те овен способна аверенда те сикавен.

³Съчувствине андо страдания сар лачо воини Иисус Христово. ⁴Никой служещо сар воини на заплетинел пес андо житетска букя, за те угодинел калкеске, ковато запишингяс лес воиниеске. ⁵Също тай ако състезавинел пес декой андо игрес, он нанай увенчиме, ако нана състезависало според о правила. ⁶О трудещо се земеделцос требе първо те вкусинел таро плодове. ⁷Размишлине упрана далкесте, ковато пенав туке; тай о Дел ка делтут те ахалос всичко. ⁸Помнине Иисуса Христа, таро Давидово потомство, Ковато възкръснингяс таро муле според мере благовестиесте; ⁹за колеске страдинав жи ко оковес сар злодеицос. Но о Божие словос на вържинел пес. ¹⁰Далкеске ме сичко издържинав ашал о избираме, за те получинен онда о спасение, ковато си андо Христа Иисуса, заедно вечноне славаса. ¹¹Верно си давка словос: "Соскето, ако мулам Леса, то ка живинасада Леса; ¹²ако устоинас, то тай ка царувинас Леса; ако отричинас амен Лестар, Овда ка отричинел пес амендар; ¹³ако синям неверна, Ов верно ачол; соскето нащи отречинел пес Пестар." ¹⁴Давка напомнине ленге тай заръчине ленге англал о Дел тена ден андо препирни, колендар нанай полза, а погубвинен е слушателен. ¹⁵Стараине тут те представинес тут одобриме англал о Дел работники, ковато нанай состар те лажал, като излагинес право о словос е истинакоро. ¹⁶А о скверна празнословия отбегвине, соскето, колато произнесинен лен, ка жан още по-дуре андо нечестие, ¹⁷тай о учение салкенгоро ка разяждинел сар гангрена; колендар си о Именей тай о Филет, ¹⁸колато отклонисале тари истина, като пленен, кай о възкресение вече ачило, тай разрушинен и вяра десавенгири. ¹⁹Но и зорали основа, положиме таро Дел, бешел, като си ла кавка печати: " О Дел пенджарел Перен" тай: " Секой ковато изповединел е Девлеско алаб, те отстыпинел тари неправда". ²⁰А анде иеке баре кересте о съдовя нанай само златна тай сребърна, но сървена тай пръстна; так о иек си за почтена употреба, а авер за непочтена. ²¹Тай чука, ако декой очистинел пес калке заблуждениандар, ов ка овел съдос за почтена употреба, осветиме, полезно е Стопаниеске, приготвиме секоне лаче делоске.

²²Отбегвине о младежка страстия тай заедно калкенца, колато призовинен е Девлес таро чисто сърцес, следвине и правда, и вяра, и любов, о мири. ²³А избегвине тут таро глупава тай просташка разисквания, като жанес, кай породинен препирни. ²⁴А о Господно слугас на требе те препиринал пес, но требе те овел кратко карик саворенде, способно те поучинел, търпеливо; ²⁵кортостяса те увещинел е противнициен, тай дано те дел лен о Дел покаяние, за те пенджарен и истина, ²⁶тай те трезонгион, като избавинен пес тари примка е бенгескири, колестар си уловиме живде, за те керен лескири воля.

Chapter 3

¹А давка те жанес, кай андо последна диеса ка ачон усилена времена. ²Соскето о мануша ка овен себелюбива, сребролюбива, надменна, горделива, хулителя, непокорна родителенге, неблагодарна, нечестива, ³безъсрдечна, непримирима, клеветниция, невъздържана, свирепа, неприятела е лачипнаксе, ⁴предателя, буйна, надута, по бут сластолюбива, а ма боголюбива, ⁵като иси лен наглед благочестие, но отричаща и сила лескири. Тай салкендар да цидетут! ⁶Соскето лендар си колка, колато вмъкнинен пес андо кера тай хохавен е обременонен безехенца жувлен, водиме различноне страстиендар, ⁷колато все учинен пес, а нисар нащи ресен жи ко познание е истинаке. ⁸Тай карто Яний тай Ямврий възпротивисале е Мойсейеске, чука онда противинен пес е истинаке, мануша покварноне гогяса, извратиме анди вяра. ⁹Но он нанай те успениен по бут; соскето ленгоро безумие ка ачол известно саворенге, карто ачило е безумиеса калке дуиенгоро. ¹⁰А ту последвингян моро учение, поведение, и цел, ми вяра, о дълготърпение, и любов, о зоралипе, ¹¹о гонения, о страдания, колато сполетинде ман анди Антиохия, анди Икония, анди Листра; саве гонения издържингиом! тай таро саворе лендар о Дел избавингяс ман. ¹²Но тай саворе, колато мангэн те живинен благочестиво андо Христа Иисуса, ка овен гониме. ¹³А ту нечестива тай хохавне мануша ка жан таро канило карик о по-канило, като хохавен тай си хохавде. ¹⁴А ту постоянствине анде далkestе, ковато сиклилан тай за колеске улан убедиме, като жанес саве муиендар сиклилан, ¹⁵тай кай от цикнярла жанес о свещена Писания, колато ащи умъдринен тут спасениеске чрез и вяра андо Христа Иисуса. ¹⁶Саворо Писание си боговдъхновено тай полезно поучимнаксе, изобличениеске, поправлениеске, наставлениеске, анди правда; ¹⁷за те овел о Божие мануш усьвършенствиме, съвършено пригответиме за секоне лаче делоске.

Chapter 4

¹Заръчинав туке англал о Дел тай англал о Христа Иисуса, Ковато ка съдинел е живден тай е мулен паш Пе явимнасте тай Пе царувимнасте: ²проповедине о словос, настоявине ко време тай без време, изобличине, порицавине, увешине, пердоне търпениеса тай непрестано поучаване.³Сокето ка авел време, като нанай те търпинен о зорало учение; но понеже манген те шунен новостя, ка киден песке учителен пере страстиенде, за те гъделичкинен ленгоро слухи*, ⁴тай като иринен пе канатари истина, ка иринен пес карик о баснес. ⁵Но ту ов разбрано андо всичко, понесине страдание, извършине о делос благовестителеско, изпълнине жи ко крайос то служение.⁶Сокето ме вече ачовав жертва, тай о време ме жаибнаксе ачол. ⁷Ме подвизисалом андо лачо войнстване, о дром свършигиом, и вяра опазингиом; ⁸от акана наоте пазине тут за мангे о венеци е правдакоро, ковато о Дел, о праведно Съдияс, ка въздел манге анде колке диесесте; тай ма само манге, но тай саворенге, колато дехинде Лескоро явяване. ⁹Постараине тут те авес сиго паш манде; ¹⁰Сокето о Димас муклас ман, като дехингяс о светос акана; ов гело андо Солун, Кристкент* - анди Галатия, а о Тит анди Далмация.¹¹Само о Лука си паш манде. Ле е Маркиес тай ан лес туса, сокето си манге полезно е служениеске. ¹²А о Тихик бичал андо Ефес. ¹³Като ка авес, ан о наметалос, ковато муклом анди Троада ко Карп, тай о книгес, а особено о пергаментия. ¹⁴О медникири о Александър кергяс манге бут зло; о Дел ка иринел лескес според лескере деловиенде; ¹⁵лестар тута пазине тут, сокето ов бут противинел пес амаре хоратенде. ¹⁶Ки първо мери защита никой нана лилас мери риг, а саворе мукле ман; дано тена счетинел пес ленге безехаке.¹⁷Но о Дел уло манца тай укрепингяс ман, за те прогласинел пес напълно о послание чрез манде тай те шунен саворе езичники; меда улом избавиме таро муй е лъвоске. ¹⁸О Дел ка избавинел ман секоне зло делостар е лукавонеске тай ка спасинел ман, тай ингалел андо небесно Поро тагарипе; Лескес те овел слава жи ко вечна векове. Амин.¹⁹Поздравине е Прискила тай е Акила тай о Онисифорово кер. ²⁰О Ераст ачило андо Коринт, а е Трифомиес муклом насвало андо Милит. ²¹Постараине тут те авес англал о евент. Поздравинен тут о Евлул, Пуд, Лин, Клавдия тай саворе прала. ²²О Дел те овел тере духоса. Благодат те овел туменца. (Амин.)

Titus

Chapter 1

¹О Павел, слугас Божие тай апостоли на Иисуса Христа, за подпомагане и вяра е Божие избраноненге тай ленгоро познание е истинаке, която си по благочестие, ²служещо анди надежда е животоске, колато преди вечна времена обещингяс о Дел, Ковато нана хохавел, ³а Пере временде явингяс о изпълнение далке Пере словосконо чрез о послание, повериме манге ки заповед е Девлеске, амаро Спасители,⁴жи ко Тит, о истинско моро чадос ки общо амари вяра: Благодат тай мири те овел туса таро Дел Отца тай Христа Иисуса, амаро Спасители. ⁵Муклом тут андо Крит по кайка причина, те товес андо редос о недовършиме тай те поставинес презвитериен анде секоне градосте, сарто ме заръчнигиом туке;⁶Ако декой си непорочно, иеке ромняке ром тай иси лес върваша чада, колато нанай обвиниме андо разпуснато животос или непокорство, савка те поставинел пес. ⁷Сокето о епископи требе те овел непорочно, сар Божие настойники, ма своееволно, нито гневливо, нито пияница, нито побойники, нито те овел лакомо гнусноне печалбаке,⁸а гостолюбиво, любители е лачипнаске, разбрано, праведно, благочестиво, самообладиме;⁹ковато те икерел о верно словос, според сарто уло сикавдо, за те аци те увешинел е зорале учениеса тай те опровергинел колжен, колато противоречинен.¹⁰Сокето иси мнозина непокорна, празнословция тай хохавне, а особено таро обрязана, ¹¹коленгоро муй требе те панлол, мануша, колато развращинен цела кера, като учинен гнусноне печалбаке далkestе, колесте на требе. ¹²Иек лендар, десаво ленгоро пророки, пенгяс: " О критияния си винаги хохавне, зла зверовя, безделна лакомция." ¹³Давка твърдение си верно. По далке причинате изобличине лен строго, за те овен зорале анди вяра¹⁴тай тена ден внимание юдейсконе басненде тай заповедия таро мануша, колато иринен пес тари истина.¹⁵Е чистоненге всичко си чисто, а за е осквернененге тай е невървашоненге нищо нанай чисто, но ленгири годида тай и съвест ленгири си осквернена. ¹⁶Твърдинен, кай пенджарен е Девлес, но пе деловиенца отричинен пес Лестар, като си мелале тай непокорна, неспособна за савото да те уло лачо делос.

Chapter 2

¹Но ту хоратине давка, ковато прилежинел е зорале учениеске, именно: ²о пуре те овен самообладана, сериозна, разбрана, зорале анди вяра, анди любов, андо търпение; ³също о пуре ромня те овел лен благоговейно поведение, тена овен клеветникия, нито предиме бут те пиен мол, те поучинен давка, ковато си лачо; ⁴за те сикавен е терне ромниен те дехен пе ромен тай пе чавен, ⁵те овен разбрана, целомъдрена, къщовникия, те овен блага, покорна пе роменге, за тена хулинел пес о Божие учение.⁶Чука е терне ромен увещине те овен разбрана. ⁷Анде сичконастте покажине тут примери лаче деловиенге; анде те поучениесте покажине искреност, сериозност, ⁸зорало тай безукорно хоратиба, за те лажал о противници, като нанай со канило те пенел аменгеге.⁹Увещине е слуген те покоринен пес пе господариенге, те угодинен ленге андо сичко, тена противоречинен ленге, ¹⁰тена присвоинен о чуждо, а те покажинен винаги съвършено вярност; за те украсинен андо всичко о учение е Девлескоро, амаро Спасители.¹¹Сокето и Божие благодат, спасително саворе манушенге, явисали, ¹²тай сикавел амен те отречинас амен таро нечестие тай таро светска страстия, тай те живинас разбрано, праведно тай благочестиво андо сегашно светос, ¹³като очаквинен те създанигиол амари блажено надежда, о славно явяване амаре великоне Девлескоро тай Спасители о Иисус Христос,¹⁴Ковато диняс Пес за аменгеге, за те изкупинел амен секоне беззакониестар тай очистинел Песке, люде за Пере притежаниеске, ревностна лаче деловиенге.¹⁵Чука хоратине, увещине тай изобличине пълновластно. Никои тена презиринел тут.

Chapter 3

¹Напомнине ленге те покоринен пес е началствоненгте тай е властиенге, те шунен лен те овен готова секоне лаче делоске, ²тена злословинен никаске, тена овен крамолникия, те овен блага тай те покажинен съвършено кротост карик саворе манушенде. ³Соскето амеда декана улам неразумна, непокорна, хохавде тай поробиме таро разна страстия тай удоволствия тай като живинасас анди злоба тай завист, улам мразиме, тай мразинасас амен иек аверес. ⁴Но като явисали и благост е Девлескири, амаро Спасители, тай Лескири любов карик о мануша, ⁵Ов спасингяс амен ма според о праведна дела, колато аме кергяма, а по Пери милост, чрез о окъпване, демек о неворождение тай о обновяване е Святоне Духоско, ⁶Колес излеингяс обилно упрали аменде чрез о Иисуса Христа, амаро Спасители, ⁷тай, оправдиме чрез Лескири благодат, те ачовас според и надежда, наследниция е вечноне животоске. ⁸Верно си давка словос. Тай ме мангав те настоящинес упрали далкесте с цел колка, колато повервинде андо Дел, те упражнинен пес старателно андо лаче дела. Давка си лачо тай полезно е манушенге. ⁹А отбегвине глупава разисквания, родословия, препирни тай чингара относно о закони, соскето он си безполезна тай суетна. ¹⁰След като съветвинес иек-дуи дрома е манушес, ковато сеинел раздоря, мук лес, ¹¹като жанес, кай савка мануш извратисало тай съгрешинел, тари коркоро пестар си одъсиме. ¹²Като бичалав жи туте Артема или Тихик, постараине тут те аве паш манде андо Никопол, соскето решингиом оте презимувинав. ¹³Погрижине тут те бичалес дроместе е законикиес о Зина тай о Аполос, чука кай нищо тена липсвинел ленге. ¹⁴Нека сиклон амареда те упражнинен пес старателно анде салке лаче деловиенде, за тена овен безплодна за о посрещане е необходимоне нужденге. ¹⁵Поздравинен тут саворе, колато си манца, Поздравине колкен, колато дехен амен анди вяра. Благодат те овел саворенца туменца. Амин.

Philemon

Chapter 1

¹О Павел, затворники за Христа Иисуса, тай о прал Тимотей, жи амаре любезноне съработнициесте о Филимон ²тай жи ки пен и Апфия, тай жи амаре сподвижнициесте о Архип, тай жи тере домашноне кангеряте: ³Благодат тай мири туменге таро Дел, амаро Отеци, тай о Дел о Иисус Христос. ⁴Винаги благодаринав мере Девлеске, като споменинав тут ан ме молитвенде, ⁵като шунав за тери любов тай за е вяраке, която иси тут карик о Дел о Иисус, тай която покажинес карик саворе светиенде. ⁶Тай молинав ман о споделиба тере вяракоро те анел плодове, като пенджарен секо лачипе, ковато си анде туте андо Христа. ⁷Соскето изпитвингиом бари лошли тай утеха ашал тери любов, понеже ободриненас пес о сърца е светиенгере чрез туте, прала. ⁸Далкеске, макар те овел ман право баре дръзвновениеса андо Христа те заповединав туке давка, ковато подобинел, ⁹пак ашал и любов предпочтинав те молинав тут. Тай чука, ме, ковато синиом о Павел, пуро, а акана затворники за Христа Иисуса, ¹⁰молинав тут мере чадоске о Онисим, колес биянгиом анде ме оковенде, ¹¹ковато уло декана безполезно за туке, а акана полезно тукеда, мангеда; ¹²колес бичалав туке напапале лично, демек мо самото сърцес. ¹³Ме ка мангавас те задържинав лес паш манде, те служинел манге вместо туте, като синиом андо оковес е благовестие; ¹⁴но без те жанав торо мнение, на мангав те керав нищо, за тена овел торо лачипе по принуждение, а доброволно. ¹⁵Соскето може би далкеске ов отльчисало тутар за хари време, за те приеминес лес завинаги, ¹⁶ма вече сар слугас, но по бут слугастар-сар прал, особено скъпо манге, а още по бут туке, тай сар мануш, тай андо Дел! ¹⁷Тай чука, ако считинес ман съдружнициеске, приемине лес сар манде. ¹⁸Тай ако варесосте онеправдингяс тут, или дължинел туке варесо, нак давка мере сметкате. ¹⁹Ме, о Павел, пишинав давка ме вастеса: Ме ка платинав! За тена пенав туке, кай ту дължинес манге тай коркоро тут. ²⁰Ва, прала, нека овел ман дайка печалба тутар андо Дел; ободрингян мо сърцес андо Христа. ²¹Увериме анде тери послушност, ме пишинав туке, тай жанав, кай ка керес тай по бут, отколкото пенав туке. ²²Между другото, приготвине манге стая, понеже надявинав ман, кай ка овав туменге подариме чрез тумаре молитвенде. ²³Поздравинен тут о Епафрас, ковато си панло манца ашал о Христа Иисуса, ²⁴съшо мере съработниция: о Марк, о Аристарх, о Димас тай о Лука. ²⁵И благодат амаре Девлескири о Иисус Христос те овел е саворенгере духоса. Амин.

Hebrews

Chapter 1

¹О Дел, Ковато бут дрома тай по бут начиня хоратингяс андо пурano времес амаре даденге чрез о пророкия, ²андо крайос калке дисенгоро хоратинел аменге чрез о Чаво, Колес поставингяс наследники всичконаске, чрез Колесте кергяс о световя; ³Ковато, като си сияние Лескере славаке тай отпечатъки Лескере съществоске тай като икерел всичко чрез Пере погъщоне словосте, след като извършинтяс (чрез Песте) очистване е безехенге, бешло отдясно ко Величие андо висини, ⁴тай ачило дики по-упруно таро ангела, кити о алав, ковато наследингяс, си по-упруно ленгерендар. ⁵Соскето каске таро ангела пенгяс о Дел декана: "Ту синян Моро Чаво, Ме авдиес биянгиом Тут." Тай пак: "Ме ка овав Леске Отеци, тай Ов ка овел Манге Чаво"? ⁶А като па въведенел е Пъвроднонес анди вселена, пенел: "Тай поклонинен тумен Леске, саворе Божия ангела". ⁷Тай за е ангеленге пенел: "Ковато керел Pe ангелен силна сар балвала тай Pe служителен сар ятакоро пламъки"; ⁸а за е Чавеске пенел: "Торо престоли, о, Боже, си жи ко вечна вековя; тай о скрипти Тере тагарипнаскоро си скрипти Тре правотакоро. ⁹Възлюбиян правда тай намразингян беззакониен; далкеске, Боже, Торо Дел помажингяс Тут мироса лошалакоро по бут Тере съпраненде". ¹⁰Тай пак: "Андо началос Ту, Господи, основингян и пув, тай делос Тере вастенгоро си о небес; ¹¹он ка изчезнинен, а Ту преъдвинес; ва, он саворе ка овехнинен сар пурano шехи, ¹²тай сар наметалос ка свиинес лен, тай он ка овен измениме; но Ту синян о Също, тай Тере бреша нанай те свършигион". ¹³А каске таро ангела пенгяс декана: "Беш отдясно Манге, жи кай положинав Te враговиен за Тере подножиеске"? ¹⁴Нанай ли он саворе служебна духовя, бичалде те слугувинен колкенге, колато ка наслединен спасение?

Chapter 2

¹Далкеске аме синям длъжна те внимавинас по бут колкеске, ковато шунгям, тена нашалас лес декана.

²Соскето, ако о словос, хоратиме чрез о ангела, окажисало верно, тай секо престъпление тай непокорство получинел справедливо отплата, ³то сар ка избегвинас аме, ако пренебрегнингям иек дики велико спасение? Спасение, ковато, отначало прогласиме таро Дел, потвърдисало машкар аменде калкендар, колато шундесас Лес; ⁴като съсвидетелствингяс ленге о Дел чрез о знамения тай чудеса, чрез разноне великоне деловиенде тай чрез о раздаване е Святоне Духоско според Пери воля. ⁵Соскето ма ангеленге подчинингяс Ов о бъдещо светос, за колеске хоратинас; ⁶но декой заявингяс декате, като пенгяс: "Со си о мануш, тай те помнинес лес, или човешко чаво, тай те посетинес лес?" Ту кергян лес само хари по-телуно таро ангела, славаса тай честяса увенчингян лес, тай поставингян лес упраш о деловия Те вастенгере; ⁸всичко подчинингян телал о пире леске". А като подчинингяс леске всичко, нана муклас нищо неподчинено леске; акана обаче още на дикас те овел леске всичко подчинено.⁹ Но дикас е Иисусес, Ковато уло кердо хари по-телуно таро ангела, кай си увенчиме славаса тай честяса ашал о претърпяно мериба, тай е Девлескере благодатаса те вкусинел мериба секоне манушеске. ¹⁰Соскето сине уместно Ковка, ашал Колеске си всичко, тай чрез Колесте си всичко, като привединел буте чавен анди слава, те усьвършенствинел чрез о страдания о Начинатели ленгере спасениескоро. ¹¹Понеже Ковка, Ковато освещинел, тай колка, колато освещинен пес, саворе си таро Иек; далкеске Ов нана лажал те наречинел лен прала, ¹²като пенел: "Ка възвестиинав То алаб Ме праленг; ка хвалиинав Тут машкар о събрание". ¹³Тай пак: "Ме Лесте ка уповинав ман". Тай пак: "Акеталом Ме тай о чаве, колато диняс Ман о Дел". ¹⁴Тай чука, понеже о чаве си същества тари общо плът тай рат, то Ов, подобно ленде, лилас участие адно също, за те унищожинел чрез о мериба колкес, колес иси власт упраш о мериба, демек о бенг, ¹⁵тай те избавинел саворен колкен, колато ашал и дар таро мериба презал пе целоне животосте уле подложиме ко робство.

¹⁶(Соскето наистина Ов на помагингяс е ангеленге, но помагингяс е Авраамовоне потомствоске.)

¹⁷Далкеске требеше те опреличинопес всичконасте сар Пе праленде, за те овел милостиово тай верно първосвещеници анди служба е Девлеске, за те извършинел умилостивение е безехенге е люденгере.

¹⁸Понеже тай Коркоро Ов пострадингяс сар изкушиме, ащи е изкушаваноненге те помагинел.

Chapter 3

¹Далкеске, свята прала, участникуя андо небесно звание, размислиnen за е Апостолеске тай о Първосвещеници, Колес аме изповединас, о Иисуса*; ²Ковато уло верно Колкеске, Ковато поставингяс Лес, карто уло о Мойсей андо цело Лескоро кер. ³Понеже Ов удостоисало славаса, по-бари тари Мойсеево, карто кавка, ковато построингяс о кер си ки по-бари почит таро самото кер. ⁴Соскето секо кер строинел пес декастар; а Кавка, Ковато сътворингяс всичко, си о Дел.⁵Тай о Мойсей уло верно андо цело Божие кер сар слугас, за те свидетелствинел за колкеске, ковато ка хоратинелас пес по-късно; ⁶а о Христос уло верно упраle Лескере кересте сар Чаво. Лескоро кер синям аме, ако икерас зоралесте жи ко крайос анди дързост тай надежда, коласа хвалинас амен.⁷Далкеске, карто пенел о Свято Духос: "Авдие, ако шунен Лескоро гласос, ⁸ма закоравинен тумаре сърца, карто андо преогорчение, карто андо диес е искущениеске анди пустиния, ⁹кате тумаре дада изкусинде Ман, изпитинде Ман, тай дикле Ме дела саранда бреша. ¹⁰Далкеске възнегодувингиом против далке поколениесте, тай пенгиом: Винаги заблудинен пес анде пе сърценде, он нана пенджарде Мере дрома; ¹¹чука заклевингиоман ан Ме гневиесте: Он нанай те ден анде Мере почивкате."¹²Внимавинен, пралален, тена овел анде декасте тумендар нечестиво, невярващо сърцес, ковато те отстъпинел таро живдо Дел; ¹³но увещинен тумен иек аверес секо диес, жи кай още си "авдие", тена декой тумендар закоравинел пес чрез и измама е безехакири. ¹⁴Соскето аме участвинас андо Христа, ако удържинас зоралесте жи ко крайос амари първоначално увереност; ¹⁵жи кай пенел пес: "Авдие, ако шунен Лескоро гласос, ма закоравинен тумаре сърца, карто андо преогорчение". ¹⁶Соскето кола, като шунде, преогорчинде Лес?Ма саворе ли колка, колато иклиле таро Египет чрез о Мойсей? ¹⁷А против коленде негодувингяс саранда бреша? Ма против коленде ли, колато съгрешинде тай коленгере труповя пеле анди пустиния? ¹⁸Коленде още заклевисало, кай нанай те ден анде Лескере почивкате? Ма коленде ли, колато уле непокорна? ¹⁹Тай чука, дикас, кай ашал о неверие поро он нанашине ден.

Chapter 4

¹Тай чука, понеже си аменге мукло обещание де дас анде Лескере почивката, нека дарас, тена откринал пес, кай декой тумендар нана доресло жи лате. ²Соскето тай аменгеда, карто ленгеда, ангяс пес иек благовестие; но о словос, ковато он шунде, на принесингяс ленге полза, понеже колка, колато шунде лес, нана съчетинде лес вяраса.³Далкеске аме, о повярвала, дас анде далке почивката; карто пенгяс о Дел: "Чука заклевингиоман анде ме гневиесте: Он нанай те ден анде Мере почивката"; те овенас да съвършена Лескере дела още ко основаване е светоскоро. ⁴Соскето декате пенгяс е ефта диесеске чука: "Тай почивингяс песке о Дел ко ефтато диес Пе саворе деловиендар"; ⁵тай пак далке танесте : "Нанай ете ден анде Мере почивката".⁶Тай чука, понеже ачол те ден десаве анде лате, а колка, коленге по-рано благовестисало, нана дине ашал о неверив* поро, ⁷далкеске Ов пак определинел иек диес, "авдиес", карто пенел след дики време чрез о Давид, карто вече пенгям: "Авдиес, ако шунен Лескоро гласос, ма закоравинен тумаре сърца".⁸Соскето, ако о Иисус Навиев делас лен почивка, о Дел нанай те хоратинелас палал далкесте авере диесеске. ⁹Следователно е Божие люденге ачол иек събота почивка*. ¹⁰Соскето ковка, ковато диняс анде Лескере почивката, ов почивингяс песке пере деловиендар, карто о Дел Перендар. ¹¹Далкеске нека те постараинас амен те дас анде далке почивката, за тена перел декой, като следвинел о също примери е невериеске.¹²Соскето о Божие словос си живдо, деятелно, по-остро секоне двуостроне мечиестар, пронижинел жи ко разделяне и душа тай о духос, о ставес тай и годи, тай родел о помислес тай о намерения е сърцескере. ¹³Тай нанай създание, ковато тена овел явно англал о Дел; но всичко си нанго тай разкрито англал о яка Калкеске, англал Колесте ка отговоринас.¹⁴Тай чука, като иси амен велико Първосвещеници, о Иисус о Божие Чаво, Ковато уло сичконасте изкушиме сар аменде, без те араклол анде Лесте безех. ¹⁵Далкеске нека пристъпвинас дързостяса карик о престоли е благодатаке, за те придобинас милост тай те аракас благодат, която те помагинел благовременно.

Chapter 5

¹Соскето всеко първосвещеници, като си лендо машкар о мануша, поставилел пес те принесинел даровя тай жертвес е Девлеске за е безехенге е манушенгере. ²Савка първосвещеници ачи състрадинел е невежжоненца тай е заблудимененца, соскето тай ов коркоро си обикаламе немощиендар, ³тай далкеске си длъжно те принесинел жертва е безехенге, карто е люденге, чука песке.⁴А карто никой на лел песте кайка почест, освен ако овел призвано таро Дел, карто уло о Аарон, ⁵чука о Христос на присвоингяс Песке и слава те ачол първосвещеници, а диняс ла Леске Ковка, Ковато пентгяс Леске: "Ту синян Моро Чаво, Ме авдиес биянгиом Тут";⁶карто авере танесте пенел: "Ту синян свещеници жи ко векос според о чини Мелхиседеково".⁷Ов, андо диеса Пе плътяке, като отправингяс силноне пищаса тай асвенца молитвес тай молбидес карик Колкесте, Ковато ащине избавинел Лес таро мериба, тай като уло шундо ашал о благоговение Поро, ⁸ако те овеласда Чаво, пак сиклило послушаниесте чрез давка, ковато страдингяс,⁹тай като усьвършенствисало, ачило причина вечноне спасениеске саворенге, колато си Леске послушна,¹⁰като уло наименувиме таро Дел Първосвещеници според о Мелхиседеково чини. ¹¹Упрандалкесте сис амен те пенас бут букя, тай мъчна пояснимнаск; соскето бавно схванинен.¹²Понеже жи далке времесте туме требеше учителя те ачон, а иси тумен нужда те учинел тумен декой наново ко най-елементарна начала ко Божия словоса, тай реслен жи оте, те овел тумен нужда тудестар, а ма зорале хабнастар.¹³Соскето секой, ковато парварел пес тудеса, си неопитно андо словос е правдаке, понеже си невръстно;¹⁴а о зорало хабе си е пълнолетноненге, колато чрез о упражнение обучинде пе чувства те пенджарен о лачипе тай о канилипе.

Chapter 6

¹Ашал далкеске, нека мукас о първоначално учение е Христаске, тай нека стреминас амен карик и зрялост, като на положинас пак основаке пак о покаяние таро муле дела, и вяра андо Дел, ²о учение е кръщениенге, за о ръкополагане, за о възкресение е муленгоро тай е вечноне съдоске. ³Тай давка ка керас, ако о Дел позволинел. ⁴Соскето колка, колато иеквар уле просветиме тай вкусинде таро небесно дари, тай ачиле причастна е Святона Духоске, ⁵тай вкусинде таро лачо Божие словос тай таро велика дела е бъдещоне векоскере, ⁶а отпеле, невъзможно си пак те овен обновиме тай анде андо покаяние, жи кай разпнинен второ дром анде песте е Девлескере Чавес тай опозоринен Лес. ⁷Соскето и пув, която поинелас пес таро бришим, ковато перел често лате, тай която биянел чар, полезно калкенге, за коленге обработвинел пес, получинел благословение таро Дел; ⁸но ако биянел каре тай репея, ои си непотребно тай паше жи ко проклятие, тай и сетнина лакири си те овел тарди. ⁹Обаче, те хоратинасада чука, надявинас амен относно туменге, любезна, за варесоске по-лачо, ковато ингалел жи ко спасение.

¹⁰Соскето о Дел нанай неправедно, тай те бистрел тумаро делос, тай и любов, която покажингиен карик Лескере алвесте, като послужингиен тай още служинен е светиенге. ¹¹Тай мангас секой тумендар те покажинел о също усърдие за пълно увереност анди надежда жи ко крайос; ¹²тена овен ленива, а те подражавинен колкенге, колато чрез и вяра тай дълготърпение наслединен о обещания. ¹³Соскето, като о Дел делас обещания е Авраамес, понеже на сине никой по-баро, анде колесте те халсовел, халас совел упран Песте, като пенгяс: ¹⁴"Наистина ка благословинав тут преубут, тай ка умножинав тут тай преумножинав". ¹⁵Тай чука, о Авраам дълготърпениеса полуучингяс о обещание. ¹⁶Соскето сар о мануша хан совел упрана декасте, по-баро лендар, тай и совел, денди андо потвърждение, товел крайос секоне спориесте машкар ленде. ¹⁷Далкеске о Дел, като мангелас те покажинел по-ясно е наследнициенге е обещаниескере, кай Лес скоро намерение си неизменно, послужингяс песке клетваса, ¹⁸тай чрез дуие неизменноне букиенде, анде коленде нанай възможно о Дел те хохавел, те овел амен баро насьрчение амен, колато прибегнингям те икерас амен ки предстоящо надежда; ¹⁹която за амаре душаке си сар зорали тай непоклатимо котва, тай която прониковинел анде далкесте, ковато си палал и завеса; ²⁰кате о Иисус, като предчетингяс диняс аменгеге, тай ачило Първосвещеници жи ко векос според о Мелхиседеково чини.

Chapter 7

¹Соскето давка Мелхиседек, салимско тагар, свещеники е Всевишноне Девлеске, ковато ресло е Авраамес, като иринелас пес таро поражение е тагаренгоро тай благословингяс лес, ²колеске о Авраам отделингяс десятъки всичконастар - кавка, ковато ко значение лескере алавесте си първо тагар е правдаке, а после тай салимско тагар, демек, тагар мириеске - ³би дадескоро, би даяжко, би родословиескоро, без те овел лес началос дисенгоро, нито крайос е животоске, но оприличиме е Девлескере Чавесте, ачол завинаги свещеники.⁴Помислинен кити велико си кавка мануш, колеске о патриархи о Авраам диняс десятъки тари най-лачи пери плячка. ⁵Колка таро Левиева потомция, колато приеминен о свещенство, иси лен заповед ко закони те лен десятъки таро народос, демек пе пралендар, макаар калка те проиклон таро чресла е Авраамеске. ⁶Ов обаче, ковато нана проиклило лентере родиестар, лилас десятъки таро Авраам, тай благословингяс колкес, колеске уле денде о обещания. ⁷А биспориескоро о по-телуно благословинел пес таро по-упруно. ⁸Тай андо иек случай о смъртна мануша лен десятъки, андо окова - кавка, за колеске свидетелствинел пес, кай живинел. ⁹Тай чука те пенав, коркоро о Левий, ковато лел десятъки, диняс десятъки чрез о Авраам; ¹⁰соскето уло още андо чресла пе дадеске, като о Мелхиседек ресло лес. ¹¹Тай чука, ако постигнинелас пес съвършенство чрез о левитско свещенство (соскето телал лесте о люде получинде о закони), сави нужда исине вече те ваздел пес авер свещеники според о Мелхиседеково чини тай тена считинел пес според о Аароново чини? ¹²Соскето, ако променинел пес о свещенство, по необходимост ачол промениба е закониескеда. ¹³Понеже Кавка, за Колеске пенел пес давка, принадлежинел авере племеске, колестар никой на служингяс е олтариеске. ¹⁴Соскето си известно, кай амаро Дел проиклило таро Юдово племес, а относно давка племес о Мойсей на пенгяс нищо свещеникиенге. ¹⁵Давка, ковато пенас, ачол още по-явно, чука като ко подобие е Мелхиседекиеске ваздел пес авер свещеники, ¹⁶Ковато установисало ма ко закони, изразиме анди плътско* заповед, а ки сила е безкрайноне животоскири; ¹⁷соскето за Леске свидетелствинел пес: "Ту синян свещеники жи ко векос според о чини Мелхиседеково"; ¹⁸соскето по давка начини унищожинел пес и по-предишно заповед, ашал лакири слабост тай безполезност ¹⁹(понеже о закони нана усьвършествингяс нищо), тай въведенел пес иек по-лачи надежда, чрез колате приближинас амен жи ко Дел. ²⁰Тай жи кити Ов нана ачило свещеники би совелакоро ²¹Исус обаче ачило би совелакоро чрез Окова който пенгяс Леске: Одел халас совел тай нанай те раскаинел пес Тусинян свещеники жи ко векос според о чини на Мелхиседек. ²²жи дики по-лаче заветиеске о Иисус ачило поръчители. ²³Паш далкесте о поставиме свещеникия уле мнозина, соскето о мериба причинел ленге те продължинен анде пе чиносте, ²⁴но Ов, понеже пребъдвинел вечно, иси Лес свещенство, ковато нана пренакел аверенде. ²⁵Далкеске ащи съвършено те спасинел калкан, колато авен ко Дел чрез Лесте, понеже всякога си живдо, за те ходатайствинел ленге. ²⁶Соскето савка Първосвещеники требелас аменгеге: свято, невино, непорочно, отделиме таро грешна тай възвисиме уптал о небеса; ²⁷Колес нанай нужда секо дис, сарто колка първосвещеникия, те принесинел жертвес първо Пере безехенге, после е безехенге е люденгере; соскето кергяс давка иеквар завинаги, като принесингяс Пес. ²⁸Соскето о закони поставилел първосвещеникиенге немощноне манушен ; а о хоратес е клетвакере, която ули палал о закони, поставилен о Чаво, Ковато си усьвършенствано завинаги.

Chapter 8

¹А далkestар, ковато пенас, аке о главно: Амен иси савка Първосвещеници, Ковато бешло отдясно ко престоли е Величиеске андо небеса, ²Служители е светилищеске тай е истинсконе скиниякоро, която о Дел поставингяс, а ма мануш.³Соскето секо първосвещеници поставилел пес те принесинел даровя, тай жертвес; далкеске, нужно си Кавка Първосвещеници те овел со принесинел. ⁴А ако сине ки пув, Ов нанаяс те овел свещеници, соскето иси свещеникия, колато принесинен даровя според о закони; ⁵(колато служинен околкеске, ковато си само образи тай сеня е небесноне букиенге, саро уло заповедиме е Мойсейеске, като ка керelas и скиния; соскето: "Внимавине", пенгяс леске о Дел, "те керес всичко ко образези, ковато уло туке сикавдо ки планина"), ⁶но ко делос о Христос получингяс служение дики по-превъзходно, кити о завети, колеске Ов си Ходатай, си по-превъзходно, сар узакониме упран о по-превъзходна обещания. ⁷Соскето, ако ковка първо завети уло би недостатъкиеско, о Дел нанай те родел тан второнеске. ⁸А напротив, като порицавинел е израиляниен, пенел: "Аке, авен диеса, пенел о Дел, като ка сключинав е Израилевоне кереса тай е Юдовоне кереса нево завети; ⁹ма савка завети, саво кергиом ленгере даденца андо диес, като долгиом лен таро вас, за те икалав лен тари Египетско пув; соскето он нана устоинде андо завети Моро, тай Ме муклом лен, пенел о Дел.¹⁰Соскето, аке о завети, ковато ка сключинав е Израилевоне кереса палал колке диесенде, пенел о Дел: ка положинав Ме закония анди годи ленге тай ка пишинав лен андо сърца ленге; Ме ка овав ленгоро Дел тай он ка овен Моро народос; ¹¹тай нанай вече те учинен секой пе съграждание тай секой пе пралес, като пенен леске: Пенджар е Девлес; соскето саворе ка пенджарен Ман, таро цикно жи ко баро машкар ленде. ¹²Соскето ка покажинав милост карик о неправдес ленгере, тай о безеха ленгере (тай о беззакония ленгере) нанай те помнинав вече".¹³А като пенел "нево" завети, Ов обявинел о първо за пуррано. А ковка, ковато овехтинел тай пурниол, си паше жи ко изчезниба.

Chapter 9

¹А даже ко първо завети исине постановления богослужениескере, тай исине земно светилище. ²Соскето ули приготвиме скиния, анди първо част колате уле о светилники, и софра, тай о присъствена маре; кайка част пенел пес Светилище;³ а палал и второ завеса ули койка част тари скиния, която пенелас пес Светая светих, ⁴кате уле и златно кадилница тай о ковчети е заветиескоро, секатар ковиме златоса, анде колесте сине и златно стомна, съдържащи и манна, о Аароново жезъли, ковато разцъфтингяс, тай о плочес е заветиескере; ⁵тай упрат лесте сине о херувимия е Божие славакере, колато осениненас о умилостивилище; за коллеске нанай акана времес те хоратинас подробно.⁶Тай като калка бука уле чука приготвиме, анди първо част е скинияке о свещеникия денас постоянно те керен о богослужение; ⁷ а анди второ иеквар андо бреш делас само о първосвещеници, тай от ма би ратескоро, ковато принесинелас песке тай е безехенге е народоскере, керде таро незнание.⁸Далкеса о Свято Духос покажинелас, кай о дром за ко светилище на уло аракло, жи кай бешелас още и първо част е скиниякири, ⁹којто си образи е времеске акана, презал колесте принесинен пес даровя тай жертвес, колато нанащи керен е приносителес съвършено чисто анди съвест, ¹⁰понеже състоинен пес само андо хабе, пиибе тай разна умивания - преходна* постановления, наложиме жи ко времес на преобразование.¹¹Но понеже о Христос ало сар Първосвещеници е бъдещоне лачипнаске, Ов диняс презал и по-бари тай по-съвършено скиния, ма вастеса керди, демек ма таро настоящо творение. ¹²Тай ма ратеса бузниенгоро тай телциенгоро, но Пе Собственоне ратеса диняс иеквар завинаги андо светилище тай придобингяс аменге вечно изкупление.

¹³Соскето, ако о рат таро бузня тай таро телци тай о прахос тари телица, коленца поръзвиненас пес о осквернена, освещинел очистване е телоскоро, ¹⁴то кити по бут о рат на Христа, Ковато чрез о вечно Духос принесингяс Пес би недостатъкиескоро е Девлеске, ка очистинел тумари съвест муле деловиендар, за те служинен е живде Девлеске! ¹⁵Тай далкеске Ов си Посредникин неве заветиеске, чука кай чрез о мериба за изкупимнаске таро престъпления, извършиме ко първо завети, о призвана те получинен о обещиме вечно наследство.¹⁶Соскето, кате иси завещание, необходимо си те докажинел пес о мериба е завещателескоро. ¹⁷Соскето о завещание дел анди сила само палал о мериба, ов нисар нанай лес сила, жи кай си живдо о завещатели.¹⁸Далкеске о първо завети нана уло утвърдиме би ратескоро. ¹⁹Соскето, след като о Мойсей хоратингяс секо заповед таро закони англал целоне народосте, лилас о рат е телциенгоро тай е бузниенгоро, паниеса тал лоле вълнаса, тай исопи, тай поръсингяс и самото книга, тай целоне народос, като пенел: ²⁰"Кавка си о рат е заветиескоро, ковато заповедингяс туменг о Дел".²¹Паш далкесте ов ко също начини поръсингяс е ратеса и скиния, тай саворе богослужебна съдовя. ²²А според о закони почти всичко ратеса очистинелпес ; тай би проливиме ратескоро нанай опрощения.²³Тай чука, необходимо сине о образия е небесноне букиенгере те очиствинен пес калке жертвенца, а самото о небесна бука - жертвенца, по-лаче калкендар. ²⁴Соскето о Христос диняс ма андо ръкотворно светилище, образи е истинсконеске, а самото андо небеса, за те явинел пес акана англал о Божие муй за аменге;²⁵тай ма те принесинел Пес бут дрома, саро о първосвещеници дел андо светилище секо бреш чуждоне ратеса; ²⁶(иначе Ов требеше те страдинел бут дрома таро създаване е светоскоро), а акана, андо крайос е вековиенге, явисало иеквар завинаги, за те премахнинел и безех чрез о пожертване Песке.²⁷Тай сарто си определиме е манушенге иеквар те мерен, а палал далкесте ачол съдос, ²⁸чука о Христос, като уло принесиме иеквар, за те понесинел о безеха мнозиненге, ка явинел пес второ дром, без те овел лес бути безехаса, за е спасиеске колженге, колато жарен Лес.

Chapter 10

¹Соскето, о закони, като съдържинел анде песте само сенка е бъдещоне лачипнаске, а ма о самото образи е букиенгоро, нисар наши иеке същоне жертвенаца, принесиме постоянно секо бреш, те керел съвършена кол肯, колато пристъпинен те жертвенин. ²Иначе он ка престанинен те принесинен лен; соскето о жертвоприносителя, иеквар очистиме, нанай те овел лен вече нисаво съзнание безехенге. ³Но далке жертвенаца секо бреш напомнинен пес о безеха. ⁴Соскето нанай възможно рат таро юнци тай таро телци те махнинел безеха. ⁵Далкеске о Хрисос, като диняс андо дел анди светос, пенел: "Жертва тай приноси нана манглан, но приготвингян Манге телос; ⁶всеизгаряния тай принося е безехаке нанай Туке угодна. ⁷Тогава пенгиом: Аке, алом (анди свитъки е книгаке си пишими за Манге) те изпълнина Тери воля, о Боже". ⁸Като пенгяс първо: "Жертввес тай принося, тай всеизгаряния тай принося е безехаке нана манглан, нито си Туке угодна" (колато принесинен пес според о закони), ⁹после пенел: "Аке, алом те изпълнина Ти воля." Далкеса Ов отменинел о първо, за те постановинел о второ. ¹⁰Калке воляса аме синям осветиме чрез о принасяне е Иисус Христовоне телоскоро иеквар завинаги. ¹¹Тай секо свещеници, като бешел тай служинел секо диес, принесинел бут дрома о съща жертвес, колато нисар наши премахнинен безеха; ¹²но Ов, като принесингяс иек жертвта за е безехенге, бешло завинаги отдясно е Девлеске, ¹³тай от тогава наоте жарел, жи кай положинен пес Лескере враговя за Лескоро подножие. ¹⁴Соскето само иеке приносиеса Ов кергяс съвършена завинаги кол肯, колато освещенинен пес. ¹⁵А тай о Свято Духос свидетелствинел аменге далкеске, соскето след като пенгяс: ¹⁶"Аке о завети, ковато ка сключинав ленца палал колке диесенде, пенел о Дел: ка положинав Ме закония андо сърца ленге, тай ка пишинав лен андо гогя ленге", прибавинел: ¹⁷"Тай ленгере безеха, тай о беззакония ленгере нанай те помнина вечен", ¹⁸А кати иси опрощение калке букиенге, оте вече нанай приноси безехакоро. ¹⁹Тай чука, пралален, като иси амен чрез о рат е Иисусеско дързост те дас андо светилище, ²⁰ко нево тай живдо дром, ковато Ов открингяс за аменге презал и завеса, демек Пи плът, ²¹тай като иси амен велико Свещеници упран о Божие кер, ²²нека пристъпинас искреноне сърцеса анди пълно вяра, сърцеденца, очистиме чрез о поръзване тари лукаво съвест, тай телоса, истовдо шуже паниесте; ²³нека икерас непоколебимо и надежда, която изповединас, соскето си верно Ковка, Ковато обещингяс пес; ²⁴тай нека грижинас амен иек авереске, за те поощринас амен карик и любов тай лаче дела, ²⁵като на престанинас те кидас амен заедно, сарто десаве иси лен обичай, а като увешинас амен иек аверес, тай дики по бут, кити дикен, кай о диес наближингяс. ²⁶Соскето, ако съгрешинас самоволно, след като пенджаргам и истина, на ачол вече жертвта безехенгири, ²⁷а иек дарако очакване съдоске, тай ягакоро гневи, ковато ка погълнина е противнициен. ²⁸Декой, ковато престъпингяс о Мойсеево закони, мерел безпощадно ки дума дуие или трине свидетеленге; ²⁹тогава, кити по-паро наказание, мислинен, ка заслужинел ковка, ковато потъпкингяс е Божие Чавес тай счетингяс простоне варесоске о рат е заветеско, колеса си осветиме, тай оскърбингяс о Духос е благодатакоро? ³⁰Соскето пенджарас Колкес, Ковато пенгяс: " Манге принадлежинел о възмездие, Ме ка отплатинав, пенел о Дел"; тай пак: "О Дел ка съдинел Пе народос". ³¹Дараке си те перел мануш андо васта е живде Девлеске! ³²Припомниен туменге още е първоне диесенге, като, след като просветисален, издържингиен бари борба муг мамуял мосте страданиенца, ³³ту опозоряване хуленаца тай оскърбления, ту сар съучастниция калкенца, колато също чука страдинде. ³⁴Соскето туме състрадавингиен колкенге, колато уле андо оковес*, тай лошаласа посрещниненас о разграбване тумаре имотиенгоро, като жаненас, кай иси тумен по-лачо тай траино имоти. ³⁵Тай чука, ма напуснинен тумари увереност, за колаке иси бари награда. ³⁶"Соскето си туменге нужно те издържинен, тай, като извършинен и Божие воля, те получинен о обещано. ³⁷"Соскето още тръдре хари време, тай ка авел Кавка, Ковато си те авел, тай нанай те бавинел пес. ³⁸А ковато си праведно англал Манде*, ка живинел чрез вяра; но ако цидел пес напапале, нанай те благоволинел анде лесте Ми душа." ³⁹Аме обаче на синям колкендар, колато циден пес напапале тай погубвинен пес, а калкендар, колато верувинен тай ленгири душа спасинел пес.

Chapter 11

¹А и вяра си те дес зорали уверенос анде варесосте, за колеске надявинас амен, убеденост анде букиенде, колато на дикион. ²Соскето ашал лаке за е старовременноненге лачес свидетелствинелас пес. ³Вяраса ахаловас, кай о световя уле създиме е Божие словоса, чука кай о видимо на ачило видимоне букиендар.

⁴Вяраса о Авел принесингяс е Девлеске жертва, по-лачи тари Каиново, чрез колате за леске свидетелствинел пес, кай си праведно, понеже о Дел свидетелствинел лескере даровиенге; тай чрез далке вярате ов палал пе мерибнасте още хоратинел. ⁵Чрез и вяра о Енох уло преселиме, за тена дикел мериба, тай нана араклило, соскето о Дел преселингяс лес; понеже англал лескере преселимнасте уло засвидетелствиме за леске, кай уло угодно е Девлеске. ⁶А би вяракоро нанай възможно те овел Леске угодно мануш; соскето, който авел ко Дел, требе те верувинел, кай иси Дел, тай кай Ов възнаградинел калкен, колато роден Лес. ⁷Вяраса о Ной, предупредиме таро Дел букиенге, колато още на дикион, подбудиме таро сатрахопочитание, кергяс ковчеги за спасимнаске пе кереске. Чрез далке вярате ов осъдингяс о светос тай ачило наследники е правдаке, която си чрез и вяра. ⁸Вяраса о Авраам шунгяс, като уло призовиме те занакел ко тан, ковато ка получинелас андо наследство, тай тръгнингяс, без те жанел кате жал. ⁹Вяраса заселисало анди обещано пув, сар анди чуждо, тай живингяс андо шатрес, сарто тай о Исаак тай о Яков, о наследниция заедно леса ко също обещание. ¹⁰Соскето очаквинелас о градос, ковато иси лес вечна основес, колескоро архитекти тай строители си о Дел. ¹¹Вяраса тай коркори и Сара добингяс сила те камниол анди пренакли възраст, понеже счетингяс вернонеске Колкес, Ковато обещисалосас.

¹²Далкеске само иеке манушестар, тай ов замъртвиме, народисало множество, кити о небесна звезди тай сар и крайморско поши, ковато нащи генелпес. ¹³Саворе калка муле анди вяра, чука като на получиндесас о изпълнение е обещаниенго, но дикле лен тай приветствинде лен удурал, като изповединде, кай си чужденци тай пришълци ки пув. ¹⁴А колка, колато хоратинен чука, явно покажинен, кай роден поро отечество; ¹⁵тай ако наистина сине лен ки годи ковка отечество, колестар иклилесас, ка аракенас случай те иринен пес. ¹⁶Но акана мантен иек по-лачо отечество, демек о небесно; далкеске о Де нана лажал лендар те наречинел пес ленгоро Дел, соскето приготвингяс ленге гради. ¹⁷Вяраса о Авраам, като изпитвинелас лес о Дел, принесингяс е Исаакиес жертва. Ва, кавка, ковато получингясас о обещания, принесинелас пе иеке чавес, ¹⁸кавка, колеске уло пендо: "Ко Исаак ка наименувинел пес торо потомство"; ¹⁹като разъдингяс, кай о Дел ащи възкресинел таро муле - катар получингяс лес обратно сар преобрази е възкресениеске. ²⁰Вяраса о Исаак благословингяс е Яковес тай е Исавес даже относно о бъдеща бука.

²¹Вяраса о Яков, ко мериба, благословингяс саворен таро Йосифова чаве тай поклонисало е Девлеске като пропинелас пес ко крайос пе тоягаке. ²²Вяраса о Йосиф, ко мериба, споменингяс е иклумнаске е израиленге таро Египет тай диняс поръчка пе кокаленге. ²³Вяраса, като бияндило о Мойсей, лескере родителя гаравде лес трин масек, соскето дикле, кай уло красиво чаво; тай нана даранас тари заповед е тагарескири. ²⁴Вяраса о Мойсей, като ачило на възраст, откажингяс пес те наречинел пес чаво е фараонеске чаяжко ²⁵тай предпочитингяс те страдинел е Божие люденца, а ма те насладинел пес кратконе времеске е безехаке, ²⁶като разъдингяс, кай о укори е Помазаникеске си по-баро барвалипе таро египетска съкровища; соскето дикелас карик и бъдещо награда. ²⁷Вяраса напуснингяс Египет, без те дарал таро гневи е тагареске; соскето издържингяс сар иек, ковато дикелас е Невидимонес. ²⁸Вяраса установингяс и Пасха тай и поръзване е ратеса, за тена допринел пес жи ленде кавка, ковато погубинелас е първороднен. ²⁹Вяраса о израиляния накле презал о Лоло морес сар ки суша, ковато опитисале о египтияния, тай таслиле. ³⁰Чрез и вяра о ерихонска стенес пеле палал о ефта диеса обиколиба около ленде. ³¹Вяраса и Раав и блудница на погинингяс заедно е непокорненец, като приемингяс е съгледвачиен мириеса. ³²Тай со по бут те пенав? Соскето нанай те ресел ман временес те хоратинав за Гидеон, Варак, Самсон тай Ефтай, за Давид, още тай о Самуил, тай о пророкия; ³³колато вяраса побединенас тагарипнадес, разденас правда, получиненас обещания, панденас о муй е лъзвовиенгере, ³⁴мударенас и сила е ягакири, избегвиненас о остриес е мечиеско, таро слаба ачонас силна, ачонас храбра анди битка, ириненас андо бяг чужда войски. ³⁵Жувля приеминенас пе мулен възкресиме; а авер уле мъчиме, соскето, за те получинен по-лачо възкресение, он нана приеминенас те овен избавиме. ³⁶Авер па изпитвиненас подиграввкес тай бичувания, а още оковес тай тъмницес;

³⁷баренца уле мударде, триониеса претрита, мъкенца мъчиме; меренас заклана мечиеса, скитиненас пес андо овча тай андо коза кожес тай търпиненас лишения, бедствия тай страдания; ³⁸он, за коленге о светос на уло достоинно, скитиненас пес ко пустиниес тай ко планини, ко пещери тай ко рововя е пувяже.

³⁹Но саворе калка, ако сполучиндеда те свидетелствинел пес лачес за ленге ашал ленгири вяра, пак на

получинде о изпълнение е обещаниеско, ⁴⁰сокето о Дел промислингясас аменге варесо по-лачо, тай би амаро тена постигнинен съвършенство.

Chapter 12

¹Последователно амеда, като синям обикаляме салже баре облакиестар свидетеля, нека отчива всеко теготия тай безех, ковато лесно оплетинел амен, тай нека, като устоинас, накас амаро предстоящо попице, ²като дикас е Иисусес, о Начинатели тай Усьвършители амаре вяраке, Ковато, ашал Лескири предстоящо лошали, издържингяс кръстос, като презрингяс и лач бешло отddyно ко Божие престоли.

³Соскето размислинен Калкеске, Ковато издържинел савка противопоставяне мамуял Песте таро грешна, за тена дотегнинел туменг тай тена обхванинел тумен малодушие.⁴Нана съпроивисален още жи ко рат анди борба тумари против и безех. ⁵Тай бистергиен о съвети, ковато увещинел тумен сар чаве: " Моро чаво, ма презирине о наказание таро Дел, нито отпер духом, като изобличинел тут Ов; ⁶соскето о Дел накажинел колкен, колен дехел, тай марел секоне чавес, колес приеминел".⁷Ако търпинен наказание, о Дел постъпинел туменца сар чаве; соскето кова си давка чаво, колес лескоро дад нана накажинел? ⁸Но ако нана накажинен тумен, сарто накажинен саворен околен, тогава синиен незаконно биянде, а ма чаве.⁹Освен давка, исине амен земна дада*, колато накажиненас амен, тай почитинасас лен; нанай ли още по бут те покоринас амен е Отециеске е духовиенг тай те живинас?¹⁰Соскето он за хари време накажиненас амен, според сарто уло ленге угодно, а Ов амаре ползаке, за те участвинас анде Лескере святостате. ¹¹Нисаво наказание на дикиол ко времес те овел лошалаке, а за скръбяке; но после принесинел правда сар мирно плоди калкенг, колато обучисале чрез лесте.¹²Далкеске, "укрепинен о немощна васта тай о отслабнала кочя", ¹³тай керен тумаре пиренг права дрома, за тена изкълчинел пес о куцо, а напротив, те изцелингиол.¹⁴Роден мири саворенца тай ковка освещение, би колескоро никой нанай те дикел е Девлес. ¹⁵Тай внимавинен тена декой на ресел жи ки Божие благодат; тена поникнинел десаво горчиво корени, тай те смутинел тумен тай о мнозинство те заразинел пес лестар; ¹⁶тена овел декой блудники или нечестиво, сарто о Исав, ковато иеке ястиеске бикингяс по първородство;¹⁷понеже жанен, кай даже като мангелас по-късно те наслединел о благословение, ов уло отчтивто, при все кай родингяс лес асвенца, соскето на араклас тан покаяниеске.¹⁸Соскето туме нана престъпингиен жи планинате осезаемо тай пламнало анде ягате, нито жи тъмнинате, мракиесте тай буряте,¹⁹нито жи тръбно звуки тай изричащо думес гласос, савка, кай колка, колато шунде лес, молинде пес тена хоратинел пес ленге вече дума;²⁰(соскето нащине търпинен ковка, ковато заповединелас пес ленге: "Даже животно, ако допиринел пес жи ки планина, ка мударел пес баренца";²¹тай дики даракири сине и гледка, кай о Мойсей пенгяс: "Бут синиом даравдо тай изздрав");²²но туме пристъпингиен жи ко хълми Сион, жи ко градос е живде Девлеске, о небесно Ерусалим, тай паш деш хиляда тържествуваща ангела,²³паш о събори тай и кангери е първороднененге, колато си запишими андо небеса, паш о Дел, о Съдияс саворенгоро, паш о духовя е усьвършенстваноне праведниенг, ²⁴паш о Иисус, Посредники е неве заветиескоро, тай паш о поръсиме рат, ковато хоратинел по-лачес таро Авелово.²⁵Внимавинен тена запрезнинен Калкес, Ковато хоратинел; соскето, ако колка на избегнинде о наказание, като презринде Калкес, Ковато предупрединелас лен ки пув, то кити по бут нанай те избегнинас аме, ако иринас амен Калкестар, Ковато предупрединел таро небеса!²⁶Колескоро гласос разтърсингяс тогава и пув; а Ковато акана обещингяс, като пенгяс: "Още иеквар ме ка разтърсинас ма само и пув, но о небесада".²⁷А давка "още иеквар" значинел о премахване колке букиенгере, колато клатинен пес сар керде букия, за те ачон калка, колато нана клатинен пес.²⁸Далкеске, понеже приеминас тагарипе, ковато на клатинел пес, нека овас благодарна, тай чука те служинас угодно е Девлеске благоговениеса тай страхопочитаниеса;

²⁹соскето амаро Дел си яг, която поядинел.

Chapter 13

¹Постоянствинен андо братолюбие. ²Ма бистрен о гостолюбие; понеже чрез лесте декой, без те жанен, приеминде на гости ангелес.³Помнинен е панлен, сар кай синиен ленца заедно панле, о страдаша, понеже синиен умеда андо телос. ⁴О прандеба нека овел на почит саворенге тай о легло неосквернено; соскето о Дел ка съдинел е блуднициен тай е прелюбодеициен.⁵Ма впримчинен тумен андо сребролюбие: задоволинен тумен колкеса, ковато си тумен, соскето коркоро о Дел пенгяс: "Нисар нанай те мукав тут тай нисар нанай те бистрав тут"; ⁶чука кай дързостно пенас: " О Дел си мангे помощники; нанай те дарав; со ка керел мангे о мануш?"⁷Помнинен колжен, колато уле туменге наставника, колато хоратинде туменге о Божие словос; тай като садикен тумен анди сетнина ленгере начиниесте животоске, подражинен ленгере вярате. ⁸О Иисус Христос си о също ибло, авдиец тай жи ко векос.⁹Ма увлечинен тумен ко разна чужда учения; соскето си лачес о сърцес те укрепинел пес благодатаса, а ма наредбенца ястиенге, колендар на получинде полза колка, колато водиненас пес* лендар. ¹⁰Амен иси олтари, колестар нанай право те хан о служеща анди скиния. ¹¹Соскето тарен пес аври таро стани о теловия е животноненгере, коленгоро рат о първосвещеници денгярел андо светилище сар жертва е безехенге. ¹²Далкеске о Иисус, за те осветинел е народос чрез Поро Собствено рат, пострадингяс аври таро градска портес. ¹³Тай чука, нека иклас амеда паши Лесте аври таро стани, като понесинас позори за Леске. ¹⁴Соскето ате нанай амен постоянно гради, но родас о бъдещо. ¹⁵Далкеске чрез Лесте нека принесинас е Девлеске непрестанно хвалебно жертва, демек плоди тари вуща, колато изповединен Лескоро алав. ¹⁶А ма бистрен те керен благодеяния тай те споделинен околенца тумаре блага; соскето салка жертвес си угодна е Девлеске. ¹⁷Овен послушна тай покоринен тумен тумаре наставнициенге (соскето он дбинен тумаре душенге сар отговорна за ленге), за те изпълнинен давка бдене лошаласа, а ма въздишкенца; соскето те бдинен въздишкенца, нанай те овел полезно туменге. ¹⁸Молинен тумен аменгеге; соскето синям уверена, кай си амен чисто съвест тай мангас те постыпвиас всичконасте честно. ¹⁹А особено молинав ман туменге те керен давка, за те овав туменге по-сиго ириме. ²⁰А о Дел е мириеско, Ковато чрез о рат е иеке вечноне заветиеско ваздингяс таро муле е великоне Пастириес е овценге, амаро Дел о Иисус, ²¹дано усьвършенствинел тумен андо секо лачо варесо, за те керен Лескири воля, като изработвинел анде туменде кавка, ковато си угодно англал Лесте, чрез о Иисуса Христа, Колеске те овел слава андо вечна вековя. Амин. ²²Тай молинав тумен , пралален, тена овел туменге паро кавка увещателно словос; соскето накратко пишигиом туменге. ²³Те жанен, кай амаро прал о Тимотей си мукло, колеса, ако ресел сиго, ка авав те диков тумен. ²⁴Поздравинен саворе тумаре наставнициен тай саворе светиен. Поздравинен тумен калка, колато си тари Италия. ²⁵Благодат те овел саворенца туменца. Амин.

James

Chapter 1

¹О Яков, слугас е Девлеско тай е Девлеско о Иисуса Христа, жи ко дешудуи разчивте народост, Поздрави ! ²Считинен лес за перди лошали, пралален мере, като перен разноне изпитаниенде, ³като жанен, кай о изпитание тумаре вяракоро произведенел зоралипе.⁴А о зоралипе нека извършинел по делос съвършено, за те овен съвършена тай цела, без нисаво недостатъки. ⁵Но ако декаске тумендар нана доресел мъдрост, нека мангел таро Дел, Ковато дел щедро саворен, без те коринел, тай ка дел пес леске. ⁶Но нека мангел вяраса, без те съмнинел пес ни най-хари; соскето, ковато съмнинел пес, препел морескере вълненде, колато тласкинен пес тай чалавен пес таро балвала. ⁷Савка мануш тена мислинел, кай ка получинел варесо таро Дел, ⁸понеже си колебливо, непостоянно андо саворе пере дрома.⁹О прал, ковато си андо по-телуно състояние, нека хвалинел пес, като ваздел пес, ¹⁰а о барвало - като смиринел пес, понеже ка прецъфтинел сар о цветос е чарякоро. ¹¹Соскето о кам изгревинел е изсушителноне балваласа, и чар шукиол, лакоро цветос окапингиол, тай и красота лакере изгледиескири изчезнинел: чука о барвало ка повехнинел ан пе дроменде.¹²Блажено ковка мануш, ковато издържинел изпитание; соскето, като ка овел одобриме, ка приеминел венециеске о животос, ковато о Дел обещингяс колкенге, колато дехен Лес. ¹³Никой, ковато изкушинел пес, тена пенел: О Дел изкушинел ман; соскето о Дел нана изкушинел пес таро зло тай Ов нисар нана изкушинел.¹⁴А ковато изкушинел пес, завлечинел пес тай

хохавгиол пе собственоне страстиатар; ¹⁵тай тогава и страст зачевинел тай биянел грехос, а о грехос, като развингиол напълно, биянел мериба. ¹⁶Ма заблудинен тумен, любезна мере прала; ¹⁷всеко дендо лачипе тай всеко съвършено дари си упрали тай ухлел таро Отца е светлинакоро, анде Колесте нанай изменение или сянка промянакири. ¹⁸Тари собственно Пери воля биянгяс амен чрез о слово е истинакоро, за те овас иек види първо плоди за Лескере създания. ¹⁹Тай чука, любезна мере прала. Нека овел всеко мануш бързо те шунел, бавно те хоратинел тай бавно те гневинел пес; ²⁰сокето е манушеско гневи нана вършинел е Девлескири правда. ²¹Далкеске, като отчивен секакво нечистота тай преливащо злоба, приеминен с кротост о садиме слово, ковато ащи спасинел тумаре души. ²²Овен обаче изпълнителя е словоскере, а ма само слушателя, те хохавен тумен. ²³Сокето, ако декой овел слушатели е словоскоро, а ма изпълнители, ов препел манушесте, ковато дикел по естествено мui андо огледали: ²⁴дикел пес, жалпеске тай завчас бистрел саво уло. ²⁵Но който вникнинел андо съвършено закони, о закони е свободакоро, тай постоянствинел, ов, като нанай бистердо слушатели, но деятелно изпълнители, ка овел блажено анди дейност пери. ²⁶Ако декой считинел пес благочестиво, а нана обуздинел пи чип, но хохавел по сърцес, лескоро благочестие си суетно. ²⁷Чисто тай непорочно благочестие англал о Дел тай Отца, аке со си: те дикел мануш е сирачен тай е вдовищен анди неволя ленге тай те пазинел пес неопетнено таро светос.

Chapter 2

¹Пralalen mere, тена иkeren и вяра амаре прославеноне Девлескири о Иcус Христос с лицеприятие.

²Сокето, ако дел ан тумаре синагогате мануш златноне ангrustяса тай шукаре шехиенца, а дел чорода оплесконе шехиенца, ³тай дикен с почит карик колкесте, ковато си е шукаре шехиенца тай пенен: Ту беш ате шукаре танесте; а е чорореске пенен: Ту беш оте, или : Беш ме пиренде, ⁴нана керен ли различия машкар туменде тай нана ачон ли пристрастна съдиес?⁵Шунен, любезна мере прала: нана избириngяс ли о Дел колкен, колато си чоре андо светска бука, барвале вяраса тай наследниция е тагарипнаскe, ковато обещингяс калкенге, колато дехен Лес? ⁶А туме опозорингиен е чорорес. Нали тумаре барвале угнетинен тумен тай влачинен тумен ко съдилища? ⁷Нали он хулинен о почтено алав, колеса именувинен тумен? ⁸Обаче ако изпълнинен о царско закони според о Писание: „Те дехес те ближнонес сар туте,” лачес керен. ⁹Но ако дикен ко муи, грехос керен, тай таро закони осъдинен тумен сар престъпникия. ¹⁰Сокето, който пазинел о цело закони, а съгрешинел иек варесо, ка овел виновно андо всичко. ¹¹Понеже Ковка, Ковато пенгяс: „Ма прелюбодействине”, чука кай ако нана прелюбодействинес, а па мударес, ачилен престъпники е закониескоро. ¹²Чука хоратинен тай чука постъпинен, сар мануша, колато ка овен съдиме ко закони е свободаке. ¹³Сокето о съдос си немилостиво карик калкесте, ковато на покажингяс милост. И милост тържествувинел упран о съдос. ¹⁴Сави полза, пралalen мере, ако декой пенел, кай си лес вяра, а нанай лес дела? Аци ли сайка вяра те спасинел лес? ¹⁵Ако десаво прал или десави пен си нанге тай ачилен без ежедневно хабе, ¹⁶тай декой тумендар пенел ленге: Жантуменге мириеса, дано овен такярде тай парварде, а нана ден лен со требел ленгере телоске, сави полза? ¹⁷Чука и вяра, ако нанай дела, коркори пестар си мули. ¹⁸А декой ка пенел: Тут си вяра, но ман си дела; ако аци, покажине мангти вяра без дела, но ме ка покажинав туже ми вяра таро дела мере. ¹⁹Ту верувинес, кай иси само иек Дел. Лачес керес; о бесовядя верувинен тай издран. ²⁰Обаче мангес ли те пенджарес, о суетно мануш, кай вяра, отделиме таро дела, си безплодно?²¹О Авраам, амаро отеци, нана оправдингяс ли пес чрез о дела, като принесингяс пе чавес о Исаак ко жертвеници? ²²Ту дикес, кай и вяра действинелас заедно лескере деловиенца тай кай таро деловя усъвършенствисали и вяра; ²³тай изпълнисало о Писание, ковато пенел: „О Авраам верувингяс е Девлеске; тай давка вменисало леске за правда;” тай наречисало е Девлескоро амал. ²⁴Дикен, кай чрез о дела оправдинел пес о мануш, а ма само чрез и вяра. ²⁵Чука също и блудница и Раав нана оправдингяс ли пес чрез о дела, като приемингяс е пратеникиен тай бичалгяс лен бързо презал авере дроместе? ²⁶Сокето, сарто о телос, отделиме таро духос, си муло, чука и вяра, отделиме таро дела, си мули.

Chapter 3

¹Пralalen мере, ма ачовен мнозина учителя, като жанен, кай ка приеминас по-паро осъждение. ²Соскето саворе аме бутиенде грешинас; а ковато на грешинел андо хоратиба, ов си съвършено мруш, способно те обуздаинел о цело телос.³Ако товас о юзди андо муха е грастенге, за те покоринен пес аменге, ащи иринас ленгоро цело телос. ⁴Аке, о корабяда, макар те овен дики баре тай те овен тласкиме таро силна балваля, пак твърде цикне кормилоса иринен пес на кате мангел о кормчияс.⁵Чука и чип си цикни част таро телос, но бут хвалинел пес. Аке, съвсем хари ят кити бут вещество тарел!⁶Тай и чип, кавка цело светос таро нечестие, си яг. Машкар амаре телесноне частиендар и чип си, която заразинел о цело телос тай тарел о цело кръгос амаре животоскоро, а коркори ой тарел пес таро пъкали.⁷Соскето секакво види зверовия, птицес, влечугия, тай морска животна укротинен пес тай укротена уле таро човечество;⁸но нисаво мануш нащи укротинел и чип; буйно зло си, пердо си смъртоносне отроваса.⁹Ласа благословинас е Девлес тай е Отцас тай ласа дас арманя е манущен, създиме е Девлеске ко подобие!¹⁰Таро също мухи иклон благословения тай проклятия! Пralalen мере, давка нана требе те овел чука.¹¹О извори мукел ли таро също отверстие гудло пани тай горчиво?¹²Възможно ли си, пралalen мере, и смокиния те биянел маслинес, или и лоза - смокинес? Чука също нанащи иек извори те дел лондо тай гудло пани.¹³Кова тумендар си мъдро тай разумно? Нека покажинел пере дела чрез по лачо животос, е кротостяса е мъдростякири.¹⁴Но ако си ан те сърцесте горчиво завист тай крамолничество, ма хвалинен тумен, та те хохавен против и истина.¹⁵Давка нанай мъдрост, която ухлел упран, но си земно, животинско, бесовско;¹⁶соскето, кате иси завист тай крамолничество, оте иси бъркотия тай секакво канило варесо.¹⁷Но и мъдрост, която си упран, англал всичко си чисто, после миролюбиво, кротко, умолимо, перди с милост тай лаче плодове, безпристрастно тай нелицемерно.¹⁸А о плоди е правдакоро сеинел пес мириеса таро миротворция.

Chapter 4

¹Катар иклон мариба тай катар крамола машкар туменде? Ма отар ли, тумаре сластиендар, колато воювинен анде тумаре телесноне частиенде? ²Туме пожелавинен, но нанай тумен; ревнувинен тай завиждинен, но нанащи получинен; ден тумен тай марен тумен; но нанай тумен, соскето нана манген.

³Манген, но нана получинен, соскето зле манген, за те разпилинен лес андо сластя тумаре.

⁴Прелюбодейция! Нана жанен ли, кай о амалипе е светоса си вражда против о Дел? Тай чука, който мангел те овел амал е светоске, ачол врагос е Девлеске. ⁵Или мислинен, кай би нуждакоро пенел о Писание, кай о "Дел тай жи ки завист ревнувинел за е Духоске", Ковато вложингяс те живинел анде аменде?⁶Но Ов дел иек по-бари благодат; далкеске пенел: „О Дел е горделивоненге противинел пес, а е смиреноненге дел благодат". ⁷Тай чука, покоринен тумен е Девлеске, но противинен тумен е бенгеске, тай ов ка нашел тумендар.⁸Приближинен тумен жи ко Дел, тай ка приближинел пес Ов жи туменде. Товен тумаре васта, туме о грешна, тай очистинен тумаре сърца, туме о колеблива. ⁹Тъжинен, ридайнен тай ровен; тумаро асаиба нека иринел пес роибнасте тай тумаро лошаиба - тъгате. ¹⁰Смиринен тумен англал о Дел тай Ов ка възвишнел тумен.¹¹Ма одумвинен тумен иек авресте, пралален; ковато одумвинел е пралес или съдинел пе пралес; одумвинел о закони тай съдинел о закони; а ако съдинес о закони, на синян изпълнители е закониеске, но съдияс. ¹²Само йек си Законодатели тай Съдияс, Ковато ащи спасинел тай те погубинел; а ту кова синян, кай съдинес те близжнонес?¹³Шунен акана туме, колато пенен: Авдиес или тася ка жас андо еди-кова си градос, ка бешас оте иек бреш, ка търгувинас тай ка печелинас - ¹⁴като туме нана жанен со ка овел тася. Со си тумаро животос? Соскето туме синиен пара, която за хари явинел пес тай после изчезнинел.¹⁵Вместо давка туме требе те пенен: Ако мангел о Дел, аме ка живинас тай ка керас кавка или ковка.¹⁶Но акана славно си туменге те хвалинен тумен. Всеко савка хвалене си зло. ¹⁷Тай чука, ако декой жанел те керел лачипе тай нана керел лес, лескоро грехос си.

Chapter 5

¹Шунен акана, туме о барвале, ровен тай ридайнен ашал о бедствия, колато авен упрали туменде. ²Тумаро барвалипе кернило, тай тумаре шехя си хале таро молци. ³Тумаро златос тай среброс ръждависало; тай ленгири ръжда ка свидетелствинел против туменде тай ка хал тумаре маса сар яг. Туме кидингиен съкровища ко последна диеса. ⁴Аке, и заплата е работниенгири, колато жънинде тумари нива, колатар лишингиен лен, пищинел; тай о пищес е жетвариенгере дине андо кане е Девлеске е силенгоро. ⁵Туме живингиен ки пув разкошно тай разпуснато, угоингиен тумаре сърца дори андо диес на клане.

⁶Осъдингиен, мударгиен е праведнонес; тай ов нана противисало туменге. ⁷Тай чука, пралален, ачовен зорале жи ко пришествие е Девлескоро. Аке, о земеделцос очаквинел о скъпоцено плоди тари пув тай търпинел за леске, жи кай задел о ранно, тай о късно бришим. ⁸Ачовен тумеда зорале, укрепинен тумаре сърца; соскето е Девлескоро пришествие наблизингяс. ⁹Ма роптайнен иек против иекесте, пралален, за тена овен осъдиме; аке, о Съдияс бешел англал о вудара. ¹⁰Пralален, лен примериеске за зlostраданиееске тай зоралипнаскe е пророкиен, колато хоратиненас анде Девлескоро алав. ¹¹Аке, облажинас колкен, колато ачиле зорале. Шунгиен за о търпение на Йов тай диклен и сетнина, въздиме леске таро Дел, кай о Дел си бут жалостиво тай милостиво. ¹²А англал о всичко, пралален мере, ма хан совеля нито андо небес, нито анди пув, нито десаве авере совеляса; но нека тумаре хоратес те овен: „Ва, ва”, тай „Нака, нака”, за тена перен телал о осъждение. ¹³Зле ли страдинел декой тумендар Нека гилябел хваления. ¹⁴Насвало ли си декой тумендар Нека викинел е кангерякере презвитериен тай нека молинен пес упрали лесте тай те помажинен лес маслоса анде е Девлескере алавесте; ¹⁵тай и молитва, която си вяраса, ка избавинел е страдалециес, о Дел капривдигнинел лес тай ако кергяс грехове, ка простинел пес леске. ¹⁶Тай чука, изповединен иек авереске тумаре грехове тай молинен тумен иек авереске, за те оздравинен. Бари сила иси ки усърдно молитва е праведнонеске. ¹⁷О Илия сине мануш е същоне естествоса сар аменде; тай молисало усърдно тена дел бришим, тай на диняс бришим ки пув трин бреш тай шов масек; ¹⁸тай пак молисало, тай о небес диняс бришим, тай и пув произведингяс по плоди. ¹⁹Пralален мере, ако декой тумендар отклонинел пес тари истина тай иек иринел лес, ²⁰нека жанел, кай който ирингяс е грешнонес таро заблудиме дром леске, ка спасинел душа таро мериба тай ка покринел множество безеха.

1 Peter

Chapter 1

¹О Петър, апостоли Иисус Христово, жи ко избираме пришелци, колато си пръсниме ко Понт, Галатия, Кападокия, Азия тай Витания, ²избираме ко предуздание е Девлеске Отца, чрез о освещение е Духоске, за те овен послушна тай те овен поръсиме е ратеса Иисус Христово; благодат тай мири те умножингиол туменге. ³Благословиме те овел о Дел тай о Отец амаре Девлескоро о Иисус Христос, Ковато според Пи бари милост възродингяс амен за живде надеждаке чрез о възкресение е Иисус Христоске таро муле, ⁴наследствоске нетленно, неосквернямо, тай ковато на повяхвинел, запазиме ко небеса за туменге, ⁵колато е Девлескере силаса синиен пазиме чрез и вяра е спасениееске, готово те открингиол ко последно времес. ⁶Анде коле блаженствосте лошанен, ако за хари време скърбинен акана (ако си потребно), андо разна изпитания, ⁷с цел: изпитване тумари вяра, като си по-скъпоцено таро златос, ковато гининел, но пак изпитвингиол чрез и яг, те иклог за хвала тай слава, тай почест, като явинел пес о Иисус Христос; ⁸Колес дехен, без те диклен Лес; анде Колесте, като верувинен, без акана те дикен Лес, лошанен неизкажиме тай преславноне лошаласа, ⁹като получинен о следствие тумаре вяракоро, о спасение тумаре душакоро. ¹⁰За далке спасениееске преродинде тай изследвинде е пророкиен, колато проролувиненас за и благодат, която ули назначиме за туменге; ¹¹като издирвиненас кова или саво времес посочинелас о Христово Духос, Ковато сине анде ленде, като предизвестинелас о Христова страдания, тай палал ленде и слава. ¹²Тай открисало ленге, кай ма за песке, а за туменге служиненас он анде далкесте, ковато акана известисало туменге чрез колкенде, колато проповединенас туменге о благовестие чрез о Свято Духос, бичалдо таро небеса; анде колесте о ангеля манген те надникнинен. ¹³Далкеске препашинен тумен презало думо тумаре помисленгоро. Овен въздържиме тай те овел тумен перди надежда за и благодат, която ка дел пес туменге като ка явинел пес о Иисус Христос. ¹⁴Сар послушна

чаве, ма съобразинен тумен е първоне страстиенца, колато сине тумен андо време като нажаненас;¹⁵ но сарто си свято Кавка, Ковато призовингяс тумен, чука овен свята тумеда андо саворе тумаре постъпкес; ¹⁶сокето си пишиме: „ Овен свята, понеже Ме синиом свято.“ ¹⁷Тай ако призовинен сар Отеци Калкес, Ковато без лицеприятие съдинел според о делос секаске, то прекарвинен анди дар тумаро времес тумаре престоинбнаскоро,¹⁸ като жанен, кай ма преходноте букиенцар среброс или златос, синиен изкупиуме таро суетно животос предиме туменгте тумаре дадендар, ¹⁹а е скъпоценоне ратеса е Христаскоро, сар Бакро би недостатъкискоро тай пречисто,²⁰Ковато наистина уло предопределиме преди о създание е светоскоро, но явисало андо последно време туменгте,²¹о повярвала чрез Лесте андо Дел, Ковато възкресингяс Лес таро муле тай диняс Лес слава, чука кай и вяра тай и надежда тумари те овен андо Дел.²²Понеже очистингиен тумаре души покорствоса карик и истина, която анел жи ко нелицемерно братолюбие, дехен тумен иек аверес горещо, таро сърцес, ²³чука кай възродисален ма таро тленно семес, а таро нетленно, чрез о Божие слово, ковато живинел тай траинел жи ко векос.²⁴Сокето „Всеко твар си сар чар, тай лакири савори слава сар цветос тари чар; и чар шукиол тай лакоро цветос окапинел,²⁵но о словос е Девлескоро траинел жи ко векос“; тай давка си о словос, ковато си о туменгте благовестиме.

Chapter 2

¹Тай чука, като отчивен всеко злоба, всеко лукавщина, лицемерие, завист тай всеко одумване,
²пожелавинен, сар новородена младенци, о чисто духовно тут, за те барион чрез лесте карик о спасение,
³ако опитингиен, „кай о Дел си благо”.⁴Паш Колесте като авен, сар паш живде баресте, таро мануша
отчivdo, а англал о Дел избириме тай скъпоценно, ⁵тай туме, сар живде бара, съградинен тумен андо
духовно кер, за те ачон свято свещенство, те принесинен духовна жертвес, благоприятна е Девлеске чрез
о Иисус Христос.⁶Соскето си пишиме андо Писание: „Аке, положинав андо Сион крайъгълно Бар, отбрано,
скъпоценно; тай който верувинел анде Лесте, нанай те посраминел пес.”⁷За туменге именно, колато
верувинен, си Лескири скъпоценност, а за калкенге, колато нана верувинен, „О Бар, ковато отчивте о
зидаря, Ов ачило шero е ъгълеско”,⁸тай, „Бар, анде Колесте те спънинен пес, тай Канара, анде Колате
те съблазнинен пес”; соскето спънинен пес андо словос тай си непокорна, за колеске уле определиме.
⁹Туме обаче синиен избириме родос, царско свещенство, свято, народос, народос, колато о Дел
придобингяс, за те възвестинен о превъзходства Калкескере, Ковато призовингяс тумен тари тъмнина
ан Пере чудесноге светлинате;¹⁰туме, колато декана нана улен народос, а акана синиен Божие народос,
нана придобингиенас милост, а акана придобингиен.¹¹Любезна, молинав тумен, сар пришълци тай
чужденци андо светос, те въздържинен тумен таро плътска страстия, колато воювинен против и душа;
¹²те живинен благоприлично машкар о езичникия, чука кай он, макар те одумвинен тумен сар
злодействия, те прославинен е Девлес андо времес, като ка посетинел лен, понеже дикен тумаре лаче дела.
¹³Покоринен тумен ашал е Девлеске всеконе манушкане властиенге, било е тагареске, сар върховно
владетели,¹⁴било е управителенге, сар бичалде лестар, за те накажинен е злодейциен тай те хвалинен е
добротворциен.¹⁵Соскето дайка си е Девлескири воля, те панден о муха е невежоненгере тай глупавоне
манушенгере, като керен лачипе;¹⁶сар свободна обаче, неупотребяваща и свобода покривалоске е
канилипнаске, а сар е Девлескере слуги.¹⁷Почитинен саворен; дехен о пралипе; даран таро Дел;
почитинен е тагарес.¹⁸Слуги, покоринен тумен тумаре господариенге пълноне дараса, ма само е лаченге
тай е кротконенге, но е опърничевоненгеда;¹⁹соскето давка си благоугодно, ако декой таро о съзнание за
е Девлеске търпинел оскърбления, като страдинел несправедливо.²⁰Соскето, сави похвално иси, ако
понесинен търпеливо, като марен тумен ашал тумаре престъплениенгеге? Но като керен лачипе тай
страдинен, ако понесинен търпеливо, давка си угодно англал о Дел.²¹Соскето далкескеда синиен
призвана; понеже о Христос пострадингяс за туменге тай муклас туменге примери те следвинен Лескере
стъпкес;²²Ковато безех нана кергяс, нито араклили лукавщина андо мухи Леске;²³Ковато, като уло хулиме,
хуласа нана иринелас; като страдинелас, нана заплашвинелас; но пределас По делос Калкеске, Ковато
съдинел справедливо;²⁴Ковато коркоро понесингяс ан Пере телосте амаре безеха ко каш, чука кай, като
мулам е безехенге, те живинас е правдаке; Колескере ранаса туме оздравингиен.²⁵Соскето сар овце
блуждениенас, но акана ирисален паш о Пастири тай о Епископи тумаре душенге.

Chapter 3

¹Също чука тумеда, ромялен, покоринен тумен тumarе роменге, чука кай, даже ако декой лендар нана покоринен пес е словоске, те придобинен пес би е словоскоро, чрез о поведение пе ромниенгоро, ²като дикен, кай туме живинен анди дар тай чистота.³Тumarо укращение тена овел аврят: кувде бала, кичиба златоса или уряиба скъпоне шехиенца, ⁴а о гаравдо андо сърцес животос*, е нетленноне укращениеса кротконе тай тихоне духоса, ковато си скъпоценно англал о Дел.⁵Соскето чука декана о свята жувля, колато надявиненас пес ко Дел, укращиненас пес, като покориненас пес пе роменге; ⁶сарто и Сара покоринелас пес е Авраамеске тай пенелас леске господар. Тумеда синиен лакере чая, като керен лачипе тай нана даран нисаве заплашваниестар.⁷Чука също тумеда, о мруша, живинен благоразумно тumarе ромниенца, като сар по-слабоне састьдос*, тай отден почит ленге, сар на сънаследнициенге е денде чрез и благодат животоске, за тена овен възпрепядствиме тumarе молитвес.⁸А най-после, овен саворе единомислена, състрадателна, братолюбива, милостива, смиреномъдра. ⁹Ма възден зло за зло или хула за хула, а напротив, благословинен; понеже далкеске улен призвана, за те наслединен благословение.¹⁰Соскето, „Който мангел те дехел о животос тай те дикел лаче диеса, нека пазинел пи чип таро зло тай пе вуща хохавне хоратибнастар; ¹¹нека отклонинел пес таро канилипе тай те керел лачипе; нека родел мири тай стреминел пес карик лесте. ¹²Соскето о яка е Девлескере си упран о праведна, чука о канна Лескере карик ленгере молитвате; но о муи е Девлескоро си против колкенде, колато керен зло".¹³Тай кой ка керел туменге зло, ако синиен ревностна е лачипнаске?¹⁴Но даже ако пострадинен за е правдаке, блажена синиен; а „ленгере застрашимнаске ма даран, нито смутинен тумен."¹⁵А почитинен ан тumarе сърцеденде е Христос сар Дел, като овен винаги готова те отговоринен (но кротостяся тай страхопочитание) саворенге, който пучел тумен тumarе надеждаке. ¹⁶Те овел тумен чисто съвест, чука кай андо всичко, колесте одумвинен тумен, те лажан колка, колато клеветинен тumarо лачо андо Дел животос. ¹⁷Соскето си по-лачес те страдинен, като керен лачипе, ако си сайка е Девлескири воля, а ма като керен зло.¹⁸Соскето о Христос иек дром пострадингяс е безехенге, о Праведно за е неправедноненге, за те привединел амен ко Дел, като уло мудардо ки плът, а оживоториме ко духос; ¹⁹колеса гело тай проповедингяс е духовиенге анди тъмница, ²⁰колато иек времес уле непокорна, като о Божие дълготърпение жарелас лен андо Ноева диеса, жи кай керелас пес о ковчеги, анде колесте малцина, тоест охто жене, избависале чрез о пани.²¹Ковато андо образи е кръщениескоро аканада спасинел тумен (ма о изтоиба е плътсконе нечистотаке, а о свидетелство карик о Дел за и чисто съвест) чрез о възкресение на Иисуса Христа;²²Ковато си отдясно е Девлеске, като възнесисало ко небес, Колеске покорисале о ангеля, о властя тай о силес.

Chapter 4

¹Тай чука, понеже о Христос страдингяс ки плът, въоражинен тумен тумеда е същоне мислимнаса, кай о пострадало ки плът отчингяс пес таро безеха, ²за те живинен презал о останало андо телос време ма вече ко манушкане страстия, а ки Божие воля.³Соскето доста си о накло времес, презал колесте живингиен чука, сарто мангэн те живинен о езичникия, като прекарвингиен анди нечистота, андо страстя, андо винопийства, андо пируваня, андо макяриба тай андо омразна идолослужения. ⁴Относно колато буки он тай чудинен пес, тай хулинен тумен соскето нана прастан ленца анди също крайност е развратиеске; ⁵но он ка отговоринен англал Колкесте, Ковато сиго ка* съдинел е живден тай е мулен. ⁶Понеже далжеске проповединелас пес о благовестие е муленгеда, чука кай, като овен съдиме манушканесте анди плът, те живинен ко Дел андо духос.⁷А о крайос всичконаске наближингяс; тай чука, живинен разумно тай трезвено, за те преден тумен молитвате. ⁸Англал всичконасте те овел тумен усърдно любов машкар туменде, соскето и любов покринел множество безеха. ⁹Овен гостолюбива иек карик авересте без роптане.¹⁰Според и дарба, която секой приемингяс, служинен ласа иек авереске сар лаче настойникия е многообразноне благодатаке е Девлескири. ¹¹Ако хоратинел декой, нека хоратинел сар савка, ковато прогласинел е Девлескере словеса; ако служинел декой, нека служинел сар савка, ковато действинел е силаса, която дел лес о Дел; за те славинел пес андо всичко о Дел чрез о Иисуса Христа, Колескири си и слава тай о господство жи ко вечна вековия. Амин.¹²Любезна, ма чудинен тумен е ягакере изпитаниеске, ковато авел упрали туменде, за те опитинел тумен, сар кай случвинел пес туменге варесо странно; ¹³но лошанен, кай далкеса тумен иси общение андо страдание е Христаске, за те лошанен пребут тай като ка явинел пес Лескири слава. ¹⁴Блажена синиен, ако опозоринен тумен за е Девлескере алавеске; соскето о Духос е славакоро тай е Девлескоро почивинел упрали туменде. (Карик ленде хулингиол, а карик туменде прославингиол.)¹⁵Никой тумендар тена страдинел сар убицос или чор, или злодейцос, или сар савка, ковато ехминел пес чуждоне букиенде. ¹⁶Но ако страдинел декой сар християнин, тена лажал, а нека славинел е Девлес далке алавеса.¹⁷Соскето ало о време те почнинел о съдос е Девлеске таро домочадие; тай ако почнинел първо амендар, сари ка овел и сетнина калкенгири, колато нана покоринен пес е Девлескере благовестиеске?¹⁸Тай ако о праведно едзам спасинел пес, ов о нечестиво тай о грешно кате ка явинел пес?¹⁹Далжеске калка, колато страдинен е Девлеске ки воля, нека преден пе души е верноне Създателеске, като керен лачипе.

Chapter 5

¹О презвитеря, колато си машкар туменде, увецинав ме, ковато също синиом презвитери тай свидетели е Христоскере страданиенге тай съучастници анди слава, която иси те явингиол: ²Пасинен е Девлескоро стадос, ковато си машкар туменде; надзиринен лес ма таро принуждение, но драговолно, сар за е Девлеске; нито гнусноне печалбаке, но усърдиеса; ³нито сар кай господарувинен упран о паство, ковато повериел пес туменге, а като покажинен примери е стадоске. ⁴Тай като явинел пес о Пастиреначалники, ка приеминен венециеске, ковато на повехнинел, и слава. ⁵Чука тумеда, о по-терне, покоринен тумен е по-туренге. Ва, саворе иек авереске. Уриен о смиление; соскето о Дел противинел пес е горделивоненге, а е смиренонен дел благодат. ⁶Тай чука, смиринен тумен телал о мощно вас е Девлеске, за те възвисинел тумен своевременно; ⁷тай всеко тумари грижа възложинен Лесте, соскето Ов грижинел пес туменге. ⁸Овен трезвена, будна. Тумаро противники, о бенг, сар рикаещо лъвос, обикалянел, като родел кас те погълнинел. ⁹Съпротивинен тумен леске, като бешен зоралесте анди вяра, като жанен, кай о съща страдания понесинен пес тумаре пралендар андо светос. ¹⁰А о Дел всеконе благодатакоро, Ковато призовингяс тумен анде Пере вечно славате чрез о Христа Иисуса, ка усъвършенствинел тумен, ка утвърдинел тай укрепинел тай ка керел непоколебима, след като пострадинен хари. ¹¹Леске те овел о господство жи ко вечна вековия. Амин. ¹²Чрез и сила*, о верно прал, сарто мислинав лес, пишингиом туменге накъс, те увецинав тумен тай те заявинав, кай давка си и истинско благодат е Девлескири. Бешен зоралесте анде лате. ¹³Поздравинел тумен и избираме заедно туменца кангери андо Вавилон, тай мо чаво о Марк. ¹⁴Поздравинен тумен иек аверес любезноне целувкаса. Мири саворенге туменге, колато синиен андо Христа Иисуса. Амин.

2 Peter

Chapter 1

¹О Симон Петър, слугас тай апостоли Иисус Христово, туменге, колато чрез и правда амаре Девлескири тай Спасители о Иисус Христос получингиен еднакво аменца скъпоценно вяра: ²Благодат тай мири те умножингион туменге чрез о познаване е Девлеске тай е Иисусеске, амаро Дел. ³Понеже Лескири божествено сила подарингяс амен всичко, ковато си потребно е животоске тай за е благочестиеске, чрез о познаване Калкеске. Ковато призвингиен о скъпоцenna тай твърде баре обещания, за те ачон чрез ленде участниция андо божествено естество, като избегнингиен о произлязло тари страст разтление андо светос; ⁵ов по далке причинате положинен секакво старание тай прибавинен тумаре вяраке добродетели, е добродетелаке благоразумие, ⁶тумаре благоразумиеске себеобуздане, те себеобузданиеске зоралипе, те зоралипниске благочестие, ⁷те благочестиеске братолюбие тай те братолюбиске любов. ⁸Соскето, ако калка добродетеля араклон туменде тай изобилствинен, он нанай те мукен тумен безделна, нито безплодна относно о познаване амаре Девлеске о Иисус Христос. ⁹Но ковка, колесте он нана араклон, си коро, късогледо тай бистергяс, кай уло очистиме пе пуране безехендар. ¹⁰Далкеске, пралален, постараинен тумен още по бут те затвърдинен тумаро призвание тай избириба; соскето, като изявинен далка добродетеля, нисар нанай те спънинен тумен. ¹¹Понеже чука ка дел пес туменге щедро достъпи жи ко вечно тагарипе амаре Девлеске тай Спасители о Иисус Христос. ¹²Далкеске всякога ка овав готово те дав тумен годи далке букиенге, те жаненда лен тай те овенда утвърдиме анди истина, която акана икерен. ¹³Тай мислинав, кай си право, жи кай синиом анде калке телесноне хижате*, те подбудинав тумен чрез напомняне; ¹⁴понеже жанав, кай сиго ка напуснинав ми хиха, сарто известингяс мангэ амаро Дел о Иисус Христос. ¹⁵Даже ка стараинав ман туме палал ме мерибнасте те ащи всякога те помнинен калка букя. ¹⁶Соскето, като обявингям туменге и сила тай о пришествие амаре Девлескоро о Иисус Христос, аме нана следвинаас пирнесте измислиме баснес, а улам очевиддия Лескере величиееске. ¹⁷Соскето Ов приемингяс таро Дел о Отца почест тай слава, като тари великолепно слава ало жи Лесте савка гласос: Кавка си Моро възлюбиме Чаво, анде Колесте си Моро благоволение. ¹⁸Кавка гласос шунгям коркоре аме, кай ало таро небес, като улам Леса ки свято планина. ¹⁹Тай чука, о пророческо словос по бут потвърдинел пес аменгес; тай туме лачес керен, кай внимавинен лесте, сар светилоске, ковато светинел андо тъмно тан, жи кай

зазорингиол тай и зорница изгреинел анде тумаре сърценде.²⁰ Тай давка те жанен англал всичко насте, кай нисаво пророчество андо Писание нанай собственно е пророкиеске обяснение е Девлескере воляке; ²¹ сокето нисар нана ало пророчество манушескере волятар, но (о свята) мануша хоратинена с таро Дел; движиме таро Свято Духос.

Chapter 2

¹Но исине хохавне пророкия машкар о люде, карто машкар туменде ка овен хохавне учителя, колато ка въведенен тайно гибелна ересиес, като даже отречинен пес таро Господари, Ковато изкупингяс лен, тай ка навлечинен песке бързо погибел. ²Тай мнозина ка последвинен ленгере похитлива деловя, ашал коле манушенге о дром е истинакоро ка овел хулиме. ³Тари лакомия он ка възползвинен пес тумендар престориме хоратенца; но ленгири присъда, отдавна приготвиме, нана бавинел пес, тай ленгири погибел нана дреминел.⁴Соскето, ако о Дел на пощадинел ангелен, като съгрешинде, но чивкяс лен андо мраки е най-дълбоконе рововиенге тай прединяс лен те овен вардена за е съдоске; ⁵тай ако на пощадинел о пуррано светос, но опазингяс още ефта жененца о Ной, възгласители е правдакоро, като нанесингяс потопи упран о нечестиво светос; ⁶чука също, ако Ов осъдинел на разорибнастте о градовя Содом тай Гомор, тай ирингяс лен прахосте, тай поставингяс лен примериеске колкенге, колато ка керенас нечестие,⁷а избавингяс е праведнонен Лотиес, колеске досадингясас о развратно животос е нечестивоненгоро; ⁸(соскето кавка праведно манущ, като живинелас машкар ленде, измъчинелас диес диесеса пи праведно душа, като дикелас тай шунелас ленгере беззаконна дела); ⁹но жанел о Дел сар те избавинел е благочестивонен тари напаст, а е неправеднонен те икерел телал о наказание за е съднонен диесеске,¹⁰а особено калка, колато нечистоне пожелавимнаса следвинен о плътска страстия тай презириен и власт. Дръзка тай надменна, он нана даран те хулинен е славноне съществиен; ¹¹жи кай о ангеля, те овен да по-баре анди мощ тай сила, на представинен хулно присъда против ленде англал о Дел.¹²Калка обаче сар животна би разумиеско, естествено биянде, за те овен ловиме тай изтребиме, хулинен букиенге, колато нана жанен, тай ка погининен анде пере развратиесте, ¹³онасяща онеправдание, сар заплата пе неправдаке - люде, колато считинен удоловствиеске те пирувинен о диес. Он си петна тай позори; насладинен пес пе примамкенца, като си ко угощение туменца; ¹⁴о яка ленгере си перда блудствоса тай непрестаноне грехоса; преластинен е неукрепноне душен; ленгоро сърцес си сикавдо лакомияте; он си чада е проклятиеске;¹⁵мукле о право дром тай заблудисале, като последвинде о дром на Валаам Восоров, ковато дехингяс и заплата е неправдакири, ¹⁶но уло изобличиме пере беззакониеске, като лалоро осели захоратингяс манушескере гласоса тай спирингяс о денилипе е пророкиеско.¹⁷Он си безводна кладенция, мъглес, тласкиме тари бурия, за коленге си пазиме мрачно тъмнина жи ко векос. ¹⁸Соскето, като хоратинен надутоне празнословиеса, он е разтленностяса хохавен андо плътска страстия колкен, колато едват избегвинен таро живееща андо заблуждение. ¹⁹Обещинен ленге свобода, а он коркоре си робя е развратиеске; соскето состар си победиме декой, далкеске ачол робос.²⁰Понеже, ако, след като избегнинде е светоскири поквара чрез о познаване е Девлеске тай Спасители о Иисус Христос, он пак оплетисале анде ленде тай ачон победиме, ов ленгоро последно състояние ачило по-канило таро първо. ²¹Понеже по-лачес ка овел ленге тена пенджаренас о дром е правдакоро, отколкото, след като пенджарде лес, те иринен пес тари предиме ленге свято заповед.²²Ленца ачило давка, ковато пенел и истинно пословица: О риконо ирисало бе бълвочиесте; тай: О нанярдо баличо ирисало те валянел пес анди тиня.

Chapter 3

¹Аке, любезна, пишинав туменгे кавка второ послание; а андо дуи пробудинав чрез о напомняне тумаро чисто разуми, ²за те помнинен о думес, хоратиме по-нангле таро свята пророкия, тай и заповед е Девлескири тай Спасители, денди чрез о бичалде туменге апостола.³Ангалл всичко насташе жанен давка, кай андо последна диеса ка авен подигравателя, колато пе подигравкенца ка пирен пере страстиенде тай ка пенен: ⁴Кате си лескоро обещиме пришествие? Соскето, отсар поминисале амаре дада, всичко бешел песке чука, сарто уло таро началос е създаниескоро.⁵Соскето он своеvolно нана признавинен давка, кай чрез о Божие слово таро началос сине небес тай пув, образувиме таро пани тай чрез о пани, ⁶ашал колеске о тогавашно светос, потопиме паниестар, загинингяс. ⁷Чука чрез о също словос о днешна небес тай пув си пазиме ягаке, съхраниме жи ко диес е страшно съдоске тай е загивимнаске е нечестивоне манущенге.⁸Още тай кавка варесо тена бистрен, любезна, кай за е Девлеске иек диес си сар хиляда бреша, тай хиляда бреша - сар иек диес. ⁹О Дел нана бавинел давка, ковато обещингяс, според сарто декой ахалон о бавиба, но ашал туменгте търпинел дълго време; понеже нана мангел те погининен десаве, но саворе те авен на покаяние.¹⁰А е Девлескоро диес ка авел сар чор, като о небес ка пренакел бучимнаса, а о стихиес, нажежиме, ка стопинен пес, тай и пув, дай о дела лате ка таблон.¹¹Тай чука, понеже всичко давка ка стопингиол, саве требва те овен туме? Требе те живинен свято животос, андо благочестие,¹²като очаквинен тай манген* о идване е Девлескере диесескоро, ашал колеске о небес, възпламенено, ка стопингиол, тай о стихиес, нажежена, ка разложингион!¹³А според Лескере обещаниесте очаквинас нево небес тай неви пув, анде колате те живинел правда.¹⁴Далкеске, любезна, като жарен далка букя, стараинен тумен те араклон чиста тай непорочна англал Лесте, мириеса анде тумаре сърценде.¹⁵Тай считинен о дълготърпение амаре Девлескоро сар средство спасениеске; сарто амаро любезно прал о Павел пишингяс туменге, според и дадено леске мъдрост,¹⁶сарто пишинел анде саворе пере посланиенде, като хоратинел анде ленде за калке букиенге; анде коле посланиенде иси десаве букя, мъчна ахалимнаске, колато о неучена тай о неукрепната изопачинен, сарто керен околеда Писаниенца, за пери погибел.¹⁷Тай чука, туме, любезна, като синиен предизвестиме далкеске, пазинен тумен, тена увлечиме таро заблуждение е беззакониенге, те отперен тумаре зоралипнастар.¹⁸Но барион анди благодат тай андо познаване амаре Девлеске тай Спасители о Иисус Христос. Леске те овел слава акана, тай жи ко вечно диес. Амин.

1 John

Chapter 1

¹Кавка, ковато уло таро началос, ковато шунгям, ковато диклам амаре яженца, ковато наблюдавинасас тай амаре васта пипинде, за е Словоске е животоскоро ²(соскето о животос явисало, тай аме диклам, тай свидетелствинас, тай възвестинас туменге о вечно животос, ковато сине андо Отца тай явисало амене); ³со диклам тай шунгям, възвестинас туменгеда, за те овел туменда общение аменца; апа амаро общение си е Отециеса тай Лескоро Чаво о Иисус Христос. ⁴Тай давка пишинас туменге, за те ачол перди амари лошали.⁵Тай о известие, ковато шунгям Лестар тай възвестинас туменге, си давка, кай о Дел си светлина, тай анде Лесте нанай нисави тъмнина. ⁶Ако пенас, кай иси амен общение Леса, а пирас анди тъмнина, хохавас тай на действинас според истина. ⁷Но ако пирас анди светлина, сарто си Ов анди светлина, иси амен общение иек авереса, тай о рат Лескере Чавескоро о Иисуса (Христа) очистинел амен всеконе безехендар.⁸Ако пенас, кай нанай амен безех, хохавас амен тай и истина нанай анде аменде. ⁹Ако изповединас амаре безеха, Ов си верно тай праведно те простишел аменге о безеха тай те очистинел амен всеконе неправдатар. ¹⁰Ако пенас, кай на грешингям, керас е Девлес хохавно тай Лескоро словос нанай анде аменде.

Chapter 2

¹Чавален мере, давка пишинав туменге, за тена съгрешинен; но ако съгрешинел декой, иси амен Ходатай паш о Отца- о Иисус Христос о Праведно. ²Ов си умилостивение за амаре безехенге тай ма само амаренге, но за е безехенге целоне светоскере. ³Тай далкесте синям увериме, кай пенджарас Лес, ако пазинас Лескере заповедя. ⁴Ковато пенгяс: Пенджараав Лес, но нана пазинел о заповедя Лескере, хохавно си, тай и истина нанай анде лесте. ⁵Но ако декой пазинел о словос Лескоро, лескири любов каrik о Дел си наистина съвършено. Далkestар жанас, кай синям анде Лесте. ⁶Ковато пенел, кай пребъдвинел анде Лесте, коркоро си дължно те пирел, карто пирелас о Христос. ⁷Любезна, нанай неви и заповед, която пишинав туменге, но си пурани заповед, която сине тумен таро началос; и пурани заповед си о словос, ковато шунгиен. ⁸Но пак си неви и заповед, която пишинав туменге, ковато варесо си истинно тай анде Лесте, тай анде аменде; соккето и тъмнина пренакел тай и истинско светлина вече светинел. ⁹Ковато пенел, кай си анди светлина, а мразинел пе пралес, ов жи акана си анди тъмнина. ¹⁰Който дехел пе пралес, ов пребъдвинел анди светлина; тай анде лесте нанай съблазан. ¹¹А който мразинел пе пралес, ов си анди тъмнина, тай анди тъмнина пирел, тай нана жанел кате жал, соккето и тъмнина коряргяс лескере яка. ¹²Пишинав туменге, чавален, соккето простидале туменге тумаре безеха ашал Лескере алавеске. ¹³Пишинав туменге, е даденге, соккето пенджарен Калкес, Ковато си таро началос. Пишинав туменге, младежя, соккето победингиен лукавия. Пишигиом туменге, чавален, соккето пенджарен е Отцас. ¹⁴Пишигиом туменге, е даденге, соккето пенджарен Калкес, Ковато си таро началос. Пишигиом туменге младежи, соккето синиен силна, тай е Девлескоро слово пребъдвинел анде туменде, тай победингиен лукавия. ¹⁵Ма дехен о светос, нито со иси андо светос. Ако дехел декой о светос, и любов е Отециескири нанай анде лесте. ¹⁶Соккето нищо, ковато си андо светос - и страст е плътякири, о пожелание е якенгоро, тай о тщеславие е животоскоро, нанай таро Отца, но си таро светос; ¹⁷тай о светос пренакел, тай всичко, каrik колесте си лес похоти; а който керел е Девлескири воля, пребъдвинел жи ко векос. ¹⁸Чавален, последно време си; соккето карто шунгиен, кай авел антихристи, тай понеже акана иси бут антихристия, далkestар жанас, кай си последно време. ¹⁹Амендар иклиле, но нана уле амендар; соккето ако сине амендар, ка ачонас песке аменца; но иклиле, за те ачол явно, кай он саворе нанай амендар. ²⁰А туме синиен помазана таро Свято тай жанен всичко. ²¹Пишинав туменге ма кай нана жанен и истина, но соккето жанен ла тай ахалиловенла, кай нисаво хохаiba нанай тари истина. ²²Кой си хохавно, ако нанай ковка, ковато отричинел, кай о Иисус си Христос? Ов си антихристи, ковато отринел пес таро Отца тай таро Чаво. ²³Никой, ковато отричинел пес таро Чаво, нанай лес о Отца; а ковато изповединел е Чавес, си лес о Отца. ²⁴А колкото туменге, ковка, ковато шунгиен таро началос, нека пребъдвинел туменде. Ако пребъдвинел туменде ковка, ковато шунгиен таро началос, тумеда ка пребъдвинен андо Чаво тай андо Отца. ²⁵Тай о обещание, ковато Ов диняс амен, си давка -ечно животос. ²⁶Пишинав туменге давка ашал калкенге, колато манген те заблудинен тумен; ²⁷а колкото туменге, о помазание, ковато приемингиен Лестар, пребъдвинел анде туменде тай нанай тумен нужда те сикавел тумен декой; далкеске, карто Лескоро помазание учинел тумен всичконасте тай си истинно, а ма хохавно, пребъдвинен анде Лесте, карто сикавгяс тумен те керен. ²⁸Чавален, аканада пребъдвинен анде Лесте, та, като ка явинел пес, те овел амен увереност тай тена лажас Лестар андо пришествие Леске. ²⁹Ако жанен, кай Ов си праведно, те жанен, кай секой, ковато керел правда, си Лестар бияндо.

Chapter 3

¹Дикен сави любов диняс амен о Отца, те наречинас амен Божия чада; а салкада синям. Далкеске о светос нана пенджарел амен, соскето Лес нана пенджарел. ²Любезна, акана синям Божия чада тай още нана ачило явно со ка оvas; но жанас, кай като ка ачол явно, ка оvas подобна Леске, соскето ка дикас Лес, сарто си. ³Тай секой, ковато си лес дайка надежда анде Лесте, очистинел пес, сарто Ов си чисто. ⁴Секой, ковато керел безеха, керел безаконие; соскето и безех си беззаконие; ⁵тай жанен, кай Ов явисало, за те лел амаре безеха. Анде Лесте нанай безех. ⁶Никой, който пребъдинел анде Лесте, нана съгрешинел; никой, който съгрешинел, нана диклас Лес, нито пенджартяс Лес. ⁷Чавален, никой тена заблудинел тумен; който керел правда, си праведно, сарто о Христос си праведно. ⁸Който керел безех, таро бенг си; соскето о бенг таро началос съгрешинел. Далкеске явисало о Божие Чаво, за те съсишинел о дела е бенгескере. ⁹Никой, ковато си бияндо таро Дел, нана керел безех, соскето Лес скоро зародиши пребъдинел анде лесте; тай нанащи съгрешинел, соскето си бияндо таро Дел. ¹⁰Далkestар пенджарен пес е Девлескере чада тай е бенгескере чада; който на керел правда, нанай таро Дел, също ковка, ковато нана дехел пе пралес. ¹¹Соскето и поръчка, която шунгиен таро началос, си давка: те дехас иек аврес; ¹²тай тена оvas сар о Каин, ковато уло таро лукавия тай мударгяс пе пралес. Тай соске мударгяс лес? Соскето лескере дела уле нечестива, а лескере пралескере - праведна. ¹³Ма чудинен тумен, пралален, ако о светос мразинел тумен. ¹⁴Аме жанас, кай пренаклам таро мериба андо животос, соскето дехас е прален. Ковато нана дехел (пе пралес), ачол андо мериба. ¹⁵Всекой, ковато мразинел пе пралес, си убицид манушенгоро; тай туме жанен, кай анде нисаве убицидте манушенгоро нана пребъдинел вечно животос. ¹⁶Далkestар пенджарас и любов, кай Ов диняс по животос аменге. Чука амеда синям дълъжна те дас амаро животос е праленгте. ¹⁷Но ако декой, колес иси в светоскере блага, дикел пе пралес анди нужда, а заключинел по сърцес лестар, сар ка пребъдинел анде лесте е Девлескири любов? ¹⁸Чавален, тена дехас хоратенца или чибаса, а делоса тай андо действително. ¹⁹Далkestар ка пенджарас, кай синям тари истина, тай ка успокоинас амаро сърцес англал Лесте ²⁰относно всичко, анде колесте амаро сърцес осъдинел амен; соскето о Дел си по-баро амаре сърцестар тай жанел всичко. ²¹Любезна, ако амаро сърцес нана осъдинел амен, иси амен увереност спрямо о Дел; ²²тай со да те мангас, получинас Лестар, соскето пазинас Лескере заповедя тай керас давка, ковато си угодно англал Лесте. ²³Тай Лескири заповед си давка: те верувинас андо алаб Лескере Чавеске о Иисуса Христа, тай те дехас иек аврес, сарто заповедингяс аменге. ²⁴Тай който пазинел Лескере заповедя, пребъдинел андо Дел тай о Дел- анде лесте; тай далkestар пенджарас, кай Ов пребъдинел анде аманде-ко Духос, Ковато диняс амен.

Chapter 4

¹Любезна, ма верувинен всеконе духос, но изпитвинен е духовиен дали си таро Дел; соскето бут хохавне пророкия иклиле ко светос. ²Далkestар пенджарен е Девлеско Духос: всеко духос, ковато изповединел, кай и Помазано Спасители ало анди плът, си таро Дел; ³а всеко духос, ковато нана изповединел е Спасителес, нанай таро Дел; тай давка си о духос е антихристиеско, за колеске шунгиен, кай авел, тай акана си вече андо светос.⁴Туме синиен таро Дел, чавален, тай победингиен лен; соскето по-велико си Кавка, Ковато си анде туменде, колkestар, ковато си андо светос. ⁵Он си таро светос, далкеске светско хоратинен тай о светос лен шунел. ⁶Аме синям таро Дел; който пенджарел е Девлес, амен шунел; който нанай таро Дел, нана шунел амен. Далkestар пенджарас о духос е истинакоро тай о духос е заблудимнаскоро.⁷Любезна, те дехас иек аверес, соскето и любов си таро Дел; тай всекой, ковато дехел, бияндо си таро Дел тай пенджарел е Девлес. ⁸Ковато на дехел, нана пенджаргяс е Девлес; соскето о Дел си любов.⁹Анде далкесте явисали е Девлескири любов карик аменде, кай о Дел бичалгяс ко светос Пере Единородноне Чавес, за те живинас чрез Лесте. ¹⁰Анде далкесте състоинел пес и любов- ма кай аме възлюбингям е Девлес, но кай Ов възлюбингяс амен тай бичалгяс Pe Чавес сар умилостивение амаре безехенге.¹¹Любезна, понеже чука възлюбингяс амен о Дел, то амеда синям дължна те дехас амен иек аверес. ¹²Никой нисар нана диклас е Девлес; но ако дехас иек аверес, о Дел пребъдвинел анде аменде тай Лескири любов си съвършено анде аменде. ¹³Далkestар пенджарас, кай пребъдвинас анде Лесте тай Ов анде аменде, соскето диняс амен Pe Духостар. ¹⁴Тай аме диклям тай свидетелствинас, кай о Отец бичалгяс е Чавес те овел Спасители ко светос.¹⁵Който изповединел, кай о Иисус си е Девлеско Чаво, о Дел пребъдвинел анде лесте тай ов андо Дел. ¹⁶Амеда пенджарас тай повервингям анди любов, която е Девлес иси карик аменде. О Дел си любов; тай който пребъдвинел анди любов, пребъдвинел андо Дел, тай о Дел пребъдвинел анде лесте.¹⁷Анде далкесте усьвършенствинел и любов карик аменде, като иси амен увереност андо съдно диес, соскето сарто си Ов, чука синям амеда анде далке светосте. ¹⁸Анди любов нанай дар, но и съвършено любов гонинел и дар; соскето и дар иси анде лате наказание тай който дарал, нанай усьвършенствиме анди любов.¹⁹Аме дехас Лес, соскето о Дел първо възлюбингяс амен. ²⁰Ако пенел декой: Дехав е Девлес, а мразинел пе пралес, ов си хохавно; соскето който нана дехел пе пралес, колес диклас, нанащи дехел е Девлес, Колес нана диклас. ²¹Тай кайка заповед иси амен Лестар: Който дехел е Девлес, те дехел пе пралесда.

Chapter 5

¹Всекой, който верувинел, кай о Иисус си о Помазаници, си бияндо таро Дел; тай всекой, който дехел Колкес, Ковато биянгяс, дехел е Бияндес Лестар. ²Далkestар пенджарас, кай дехас е Девлескере чада, като дехас е Девлес тай изпълнина Лескере заповедя, ³сокето кайка си е Девлескири любов: те пазинас Лескере заповедя; а Лескере заповедя нанай паре.⁴Сокето всичко, ковато си бияндо таро Дел, побединел е светос; тай кайка си и победа, която победингяс е светос, амари вяра. ⁵Тай кой побединел е светос, ака нанай кавка, ковато верувинел, кай о Иисус си е Девлескоро Чаво?⁶Давка си о Иисус Христос, Ковато ало чрез о пани тай о рат; ма само чрез о пани, но чрез о пани тай чрез о рат; тай о Духос си, Ковато свидетелствинел, понеже о Духос си и истина. ⁷Сокето трин си, колато свидетелствинен: ⁸О Духос, о пани тай о рат; тай калка о трин свидетелствуинен:⁹Ако приеминас о свидетелство е манушенгора, о свидетелство е Девлескоро си по-важно; сокето давка, си е Девлескоро свидетелство, колеса о Дел свидетелствинел за Пе Чавеске. ¹⁰Който верувинел анде Девлескере Чавесте, иси лес давка свидетелство анде песте; който нана верувинел андо Дел, кергяс Лес хохавно, сокето нана повервингяс андо свидетелство, колеса о Дел свидетелствингяс за Пе Чавеске.¹¹Тай о свидетелство си давка, кай о Дел диняс амен вечно животос тай кай давка животос си андо Чаво Леске. ¹²Кас иси о Чаво, иси лес давка животос; кас нанай е Девлескоро Чаво, нанай лес давка животос.¹³Давка пишниги туменге, колато верувинен андо алав е Девлескере Чавеске, за те жанен, кай иси тумен вечно животос тай те верувинен андо алав е Девлескере Чавескоро. ¹⁴Тай и увереност, която иси амен спрямо Лесте, си давка, кай ако мангас варесо по Лескере воляте, Ов шунел амен;¹⁵тай ако жанас, кай шунел амен, за со да те мангас Леске, жанас, кай получинас давка, ковато манглам Лестар.¹⁶Ако декой дикел пе пралес, кай керел безех, която нана ингалел карик о мериба, нека мангел, тай о Дел ка делес животос, демек, колкес, колескири безех нана ингалел карик о мериба. Иси безех, която ингалел карик о мериба- нана пенав за леске те молинел пес. ¹⁷Всеко неправда си безех; тай иси безех, която нана ингалел карик о мериба.¹⁸Жанас, кай всекой, бияндо таро Дел нана съгрешинел; но ковка, ковато бияндило таро Дел, пазинел пес тай о лукавия нана докоснинел пес жи лесте. ¹⁹Жанас, кай аме синям таро Дел; тай о цело светос пашпол андо лукавия. ²⁰Жанас още, кай е Девлескоро Чаво ало тай диняс амен разуми те пенджарас е истинноне Девлес; тай аме синям андо истинно, демек, анде Лескере Чавесте о Иисуса Христа. Давка си о истинско Дел тай вечно животос. ²¹Чавален, пазинен тумен таро идола. Амин.

2 John

Chapter 1

¹Таро презвитери жи ки избираме госпожа тай жи лакере чавенде, колен ме наистина дехав (тай ма само ме, но саворе, колато пенджарде и истина): ²ашал е истинаке, която пребъдвинел анде аменде тай ка овел аменца жи ко векос: ³Благодат, милост, мири те овен аменца таро Дел Отца тай таро Господа Иисуса Христа, о Чаво на Отца, анди истина тай любов.⁴Бут лошангиом, кай араклом десаве те чадовиендар те пирен анди истина, сарто приемингям заповед таро Отца. ⁵Тай акана, госпожо, молинав тут, ма сар кай пишинав туке неви заповед, но кайка, която сине амен таро началос: те дехас иек аврес. ⁶Тай и любов си давка: те пирас Лескере заповедиенде. Кайка си и заповед, анде колате требе те пирен, сарто шунгиен таро началос.⁷Сокето бут измамники дине андо светос, колато нана изповединен о идване е Помазаникиско Спасители анди плът. Савка мануш си измамники тай антихристи. ⁸Пазинен тумен, тена нашален ковка, ковато изработингиен, а те получинен плътно награда.⁹Който престъпинел о Христово учение тай на пребъдвинел анде Лесте, нанай лес о Дел; кавка, ковато пребъдвинел андо Христово учение, лес иси о Отца, тай о Чаво. ¹⁰Ако декой авел паш туменде тай нана анел давка учение, ма приеминен лес туменде, тай ма поздравинен лес ¹¹сокето, който поздравинел лес, ачол участники анде лескере каниле деловиенде.¹²Иси ман бут те пишинав туменге, но нана мангав те пишинав книгаса тай мастилоса обаче надявинав ман те авав паш туменде тай мui моса те хоратинас аменге, за те овел тумари лошали перди.¹³Поздравинен тут о чада те избраноне пенякере. Амин.

3 John

Chapter 1

¹Таро презвитери жи ко любезно Гай, колес наистина дехав: ²Любезни, молинаман те благоуспениес тай те овес зорало андо всичко, сарто благоуспениел ти душа. ³Сокето бут лошаниом, като але десаве прала тай свидетелствинде за тере вярностяке, според сарто ту пирес анди истина. ⁴По-бари лошали нанай за мангестар, те шунав, кай мере чада пирен анди истина. ⁵Любезни, ту керес верно бути андо всичко, ковато керес за е праленге, и то чужденциене; ⁶колато свидетелствинде англал и кангери за тери любов. Лачес ка керес те изпратинес лен сарто подобава англал о Дел; ⁷сокето за е Христовоне алавеске иклиле, без те лен варесо таро езичникия. ⁸Далкеске аме синям длъжна те посрещниас салжен лошаласа, за те овас съработникия е истинаса. ⁹Пишингиом няколко думес жи ки кангери; но о Диотреф, ковато дехел те началствинел машкар ленде, нана приеминел амаро увещание. ¹⁰Далкеске, ако авав, ка напомниав е деловиенге, колато керел, като злословинел против аменде. Тай като нана задоволинел пес далкеса, ов ма само кай коркоро на приеминел е прален, но възпириел калжен, колато манген те приеминен лен, тай гонинел лен тари кангери. ¹¹Любезна, ма подражавине е канилипнаске, а е лачипнаске. Ковато керел лачипе, таро Дел си; ковато керел канилипе, нана диклас е Девлес. ¹²За е Димитрий свидетелствинел пес лачипе саворендар тай тари сама истина; а още амеда свидетелствинас; тай ту жанес, кай амаро свидетелство си истинно. ¹³Сине ман бут те пишинав тухе, но нана мангел пес мангестар те пишинав тухе мастилоса тай пероса, ¹⁴а надявинавман сиго те дикав тут тай ка хоратинас муй моса. Мири тухе. Поздравинен тут о амала. Поздравине е амален ко алова. ¹⁵

Jude

Chapter 1

¹О Юда, слугас на Иисуса Христа, а прал е Яковескоро, жи ко призвана, осветиме таро Дел Отца тай пазиме андо Иисуса Христа: ²Милост, мири тай любов те умножинен пес туменге. ³Любезни, макар те овелас ман баро желание те пишинав туменге за амаре общоне спасениеске, счетингиом нужнонеске те пишинав тай те увещинав тумен те боринен тумен е вяраке, която иеквар завинаги ули предиме е светиенге. ⁴Сокето машкар туменде вмъкнисале десаве мануша, колато отдавна уле посочиме, кай подлежинен ко осъждане, нечестивия, колато покваринен и благодат амаре Девлескири похотливостяса тай отричинен пес таро единствено Владетели тай о Дел амаро о Иисус Христос. ⁵А мангав те дав тумен годи (чука като ахалилен вече всичко давка), кай о Дел, като избавингяс иеквар Пере народос тари Египетско пув, после погубингяс колжен, колато нана повервинде; ⁶тай кай ангеля, колато нана запазинде ленгора подобавашо положение, а напуснинде по собствено жилище, Ов икерел лен телал о мраки андо вечна оковес за ко съдос е великоне диееске; ⁷сарто о Содом, Гомор тай ленгтере околна градовя, колато, подобно ленге, предине пес ко блудство тай перенас андо противоестествена порокия*, си поставиме примериеске, като пиравен о наказание е вечноне ягакоро. ⁸При все давка, ко също начини калкада пе суненца осквернинен и плът, презириинен и власт тай хулинен о славна същества. ⁹А о архангел Михаил, като анди борба е бенгеса препириинелас пес е Мойсейескере телоске, на посмеингяс те произнесинел против лесте хулително присъда, а пенгяс: О Дел те смърринел тут! ¹⁰Калка обаче хулинен всичко, со нажанен; а со жанен по природа, сарто о животна би разумиеско, анде далкесте развратинен пес. ¹¹Горко ленге! Сокето пирен ко Каиново дром, ашал и печалба мукен пес андо Валаамово заблуждение тай погининен андо Кореево упорство. ¹²Он си подводна скалес, като пирувинен туменца би даракоро анде тумаре дружелюбноне гощавкенде, тай пасинен коркоре пес; безводна облакия, пиравде таро балваля; есенна каша, безплодна, дважд муле, изкорениме; ¹³свирепа морска вълни, ко-лато измушен сар пения пере билажакере дела; скитаща звезди, за коленге о мраки е тъмнинакоро пазинел пес навеки. ¹⁴За ленге пророкувингяс о Еnoch, е седмо таро Адам, като пенгяс: Аке, о Дел авел деше хилядоне Пере светиенца ¹⁵те керел съдос упраш саворенде тай те обявинел виновнене саворе нечестивиен за саворе нечестивоне деловиенге, колато андо нечестие керде, тай саворе жестоконе хоратенге, колато о нечестива грешниния хоратинде против Лесте. ¹⁶Он си роптателя, оплаквачия, колато пирен пе страстиенде (тай ленгора муй хоратинел надуто), тай ашал и печалба ласкаинен е манушен. ¹⁷Но туме,

възлюбена, помнинен о хоратес, хоратиме по-нангле таро апостола амаре Девлескоро о Иисус Христос,
¹⁸ сар пененас туменге, кай андо последно времес ка овен присмивация, колато ка пирен пере нечестивоне страстиенде.¹⁹ Он си, колато керен разцепления, плътска, колен нанай лен о Духос.²⁰ А туме, любезна, като назидавинен тумен тумаре пресвятое вяраке тай молинен тумен андо Свято Духос,²¹ пазинен тумен анде Девлескири любов, като жарен и милост амаре Девлескири о Иисус Христос за вечноне животоске.²² Тай карик иекенде, колато си андо съмнение, овен милостива; ²³ аверен спасинен, като икален лен тари яг; а карик о трета покажинен милост, дараса, като жунган даже тай таро оскурено тари плът шехи.²⁴ А Колкеске, Ковато ащи пазинел тумен таро препъване тай те поставилел тумен непорочна анди лошали англал Пере славате,²⁵ е Единственоне Девлескири амаро Спасители чрез о Иисуса Христа амаро Дел, те овел слава тай величие, господство тай власт, тай англал саворе вековиенде, тай акана, тай жи ко саворе вековя. Амин.

Revelation

¹Откровение таро Иисуса Христа, ковато диняс Лес о Дел, за те покажинел Пе слугенге ковка, ковато иси сиго те ачол; а о Христос бичалгяс, тай араклас лес чрез Пере ангелесте Пере слугаске о Йоан, ²ковато възвестингяс о Божие словос тай свидетелствингяс за Иисус Христос, тай всичко, ковато диклас. ³Блажено ковка, ковато четинел англал колкенде, тай колка, колато шунен о думес калке пророчествоскере тай пазинен о пишими анде лесте; соксето о време си паше.⁴ О Йоан - жи ко ефта кангеря, колато си анди Азия: благодат тай мири туменге Колкестар, Ковато си, тай Ковато уло, тай Ковато ка овел*, тай таро ефта духовия, колато си англал Лескере престолесте, ⁵тай таро Иисуса Христа, Ковато си о верно свидетели, о първородно тари муле тай о началники е земноне тагаренгоро. Леске, Ковато дехел амен тай развържингяс амен* амаре безехендар чрез Пе ратесте, ⁶тай Ковато кергяс амен тагарипе таро свещеникия Пере Девлеске тай Отеци, Леске те овел слава тай господство жи ко вечна вековя! Амин.⁷ Аке, авел е облакиенца; тай ка дикел Лес секо як, тай колка, колато хевлядре Лес; тай саворе земна племена ка възридаинен за Леске. Чука си. Амин. ⁸Ме синиом Алфа тай Омега, пенел о Дел, Ковато си, тай Ковато уло, тай Ковато ка овел, о Всемогъщо. ⁹Ме, о Йоан, тумаро прал тай съучастники андо неволес тай андо тагарипе, тай анди устояване, колато си чрез о Иисуса (Христа), ульом ко острови, наречиме Патмос, ашал е Божие словоскете тай о свидетелство за Иисуса (Христа). ¹⁰Андо Господно диес ульом андо изстъпление чрез о Духос; тай шунгиом палал манде силно гласос, сар тръбатар, ковато пенелас: ¹¹Со дикес, пишине книгате тай бичал лес жи ко ефта кангеря: жи ко Ефес, жи ки Смирна, жи ки Пергама, жи ки Тиатир, жи ки Сардис, жи ки Филаделфия тай жи ки Лаодикия. ¹²Тай ирингиом ман те дикав Калкес*, Ковато хоратингяс манг; тай като ирисалом, диклом ефта златна светилникия; ¹³тай машкар о светилникия Иек сар о Човешко Чаво, урявдо дълго шехи тай препасиме около пе колиниесте златноне поясиеса;¹⁴ а о шеро тай о бала Лескере сине парне сар парни вълна, сар ив, тай о яка Лескере - сар ягакоро пламаки; ¹⁵тай о пире Лескере препенас лъскавоне медиесте, сар анди пещ пречистиме; а о гласос Лескоро сине сар гласос буте паниенгоро; ¹⁶тай сине анди десница Леске ефта звезди; тай таро муй Леске иклолас двуостро мечи; тай о муй Лескоро светинелас, сарто светинел о кам ан пе силате.¹⁷ Тай като диклом Лес, пелом ко пире Леске сар муло; а Ов положингяс Пи десница уптал манде тай пенгяс: Ма дара; Ме синиом о Първо тай о Последно, тай о Живдо; ¹⁸улом муло, тай аке, живдо синиом жи ко вечна вековя; тай иси ман о ключовия е мерибнаскере тай е адискере. ¹⁹Пишине давка, ковато диклан, тай давка, ковато си, тай давка, ковато си те ачол после. ²⁰Акетали и тайна е ефта звезденгири, колато диклан ан Ме десницате, тай о ефта златна светилникия: о ефта звезди си о ангела е ефта кангериенгере; тай о ефта светилникия си о ефта кангеря.

Chapter 2

¹Жи ко ангели е Ефесконе кангеряко пишине: Давка пенел Ковка, Ковато икерел о ефта звезди ан Пе десницате, Ковато пирел машкар о ефта златна светилникия: ²Жанав тере деловя, о трудос тай то търпение тай кай наци търпинес е каниле манушен, тай изпитингян колкен, колато наречинен пес апостола (а нанай), тай араклан лен хохавне;³тай иси тут , търпение заради алавеске издържитян тай нана уморисалан. ⁴Но си ман давка против туте, кай муклан ти първо любов. ⁵Тай чука, спомнине тухе катар пелан тай покайне тут, тай действине според те първа деловя; тай ако ли не, ка авав паш туте (сиго) тай ка ваздав то светилники лескере танестар, ако на покайнес тут. ⁶Но иси тут давка лачипе, кай мразинес о деловя е николаитиенгере, колато Меда мразинав. ⁷Кас иси кан, нека шунел со хоратинел о Духос е кангериенг: Калкеске, ковато побединел, ка дав те хал таро каш е животоске, ковато си (машкар) Божие рай. ⁸Жи ко ангели е Смирненсконе кангеряко пишине: Давка пенел о Първо тай о Последно, Ковато ачило муло тай оживингяс: ⁹Жанав (тере деловя), тери скръб тай сиромашия (но пак синян барвало), тай сар клеветинен тут колка, колато наречинен пес юдея, но нанай, а си сатанинско сбогище.

¹⁰Ма дара далkestар, колестар сиго ка пострадинес. Аке, о бенг сиго ка чивел декас тумендар анди тъмница, за те овен изпитиме, тай ка страдинен деш диес. Ов верно жи ко мериба тай Ме ка дав тут о венеци е животоскоро. ¹¹Кас иси кан, нека шунел со хоратинел о Духос е кангериенг: Ковато побединел, нанай те овел повредиме таро второ мериба. ¹²Жи ко ангели е Пергамсконе кангеряко пишине: Давка пенел Кавка, Ковато икерел о двуостро мечи: ¹³Жанав кате живинес*, оте кате си о престоли е Сатанаскоро; тай икерес зоралесте Мо алав, тай на отречисалан тари вяра анде Манде даже андо диеса, като мударде Мере верноне свидетелес о Антипа машкар туменде, кате живинел о Сатана. ¹⁴Но иси ман хари варесо против туте, соскето иси тут оте десаве, колато икерен о учение е Валаамскоро, ковато учинелас е Валакиес те поставинел съблазан англал о Израилева чаве , за те хан идоложертвено тай те блудствинен. ¹⁵Чука също иси тутда десаве, колато икерен, подобно колкенге, о учение е николаитиенгоро. ¹⁶Далкеске, покайне тут; тай ако ли не, ка авав паш туте сиго тай ка воювинав против ленде, е мечиеса, ковато иклол Ме мостар. ¹⁷Кас иси кан, нека шунел со хоратинел о Духос е кангериенг: Калкеске, ковато побединел, ка дав тари гаравди манна; ка дав лес парно бар, тай ко бар нево алав пишими, ковато никои на пенджарел, освен ковка, ковато получинел лес. ¹⁸Жи ко ангели е Тиатирсконе кангеряко пишине: Давка пенел е Девлескоро Чаво, Колес иси яка сар ягакоро пламъки тай Колескере пире препен лъскавоне медиесте: ¹⁹Жанав тере деловя тай и любов, и вяра, о служение тай то търпение тай кай те последна деловя си по бут таро първа. ²⁰Но иси ман против туте давка, кай търпинес е жувля и Езавел, която наречинел пес пророчица, те сикавел тай те хохавел Мере слуген те блудствинен тай те хан идоложертвено. ²¹Тай диниом ла времес те покайнел пес, но ой на мангел те покайнел пес пе блудствоске. ²²Аке, ка чивав ла насвале танесте, а колка, колато прелюбодействинен ласа, ка потопинав анди бари скръб, ако на покайнен пес пере деловиенг. ²³Тай лакере чадовиен ка мударав мориеса. Тай саворе кангеря ка пенджарен, кай Ме синиом, Ковато изпитвинав о андрунипе тай о сърца; тай ка въздав секаске тумендар според лескере деловиенде. ²⁴А тументе, о останала андо Тиатир, колато на поддържинен кавка учение, тай колато на пенджарде о дълбини (саро он наречинен лен) е Сатанаске, пенав: Нанай те наложинав туменге авер товари; ²⁵но икерен ковка, ковато иси тумен, жи кай авав. ²⁶Тай калкеске, ковато побединел тай ковато пазинел Мере дела жи ко крайос, ка дав власт упран о народос ²⁷(тай ов "Ка управлинел лен железноне жезълеса; он ка строшинен пес сар грънчарска съдовия"), сарто Меда получингиом власт таро Моро Отца. ²⁸Тай ка дав лес и зорница. ²⁹Кас иси кан, нека шунел со хоратинел о Духос е кангериенг.

Chapter 3

¹Жи ко ангели е Сардийсконе кангеряко пишине: Давка пенел Ковка, Колес иси о ефта Божия духовя тай о ефта звезди: Жанав тере деловя, кай алавесте синян живдо, но синян муло. ²Ухти тай укрепине о останало, ковато си мерибнасте; соскето нана араклом тере деловя съвършена англал Мере Девлесте. ³Помнине со приемингян тай шунгян, тай пазине лес, тай покайне тут, Тай чука, ако на ухкиес, ка авав сар чор; тай нанай те жанес анде коле сахатиесте ка авав упран туте. ⁴Но иси тут неколко души андо Сардис, колато на осквернинде пе шехя, тай он ка пирен Манца анде парне шехиенде, соскето си достойна. ⁵Който побединел, ка уриел пес анде парне шехиенде; тай Ме нисар нанай те изличинав лескора алав тари книга е животоскири, но ка изповединав лескора алав англал Ме Отециесте тай англал Лескере ангеленде. ⁶Кас иси кан, нека шунел со хоратинел о Духос е кантериенге. ⁷Жи ко ангели е Филаделфийсконе кангеряко пишине: Давка пенел о Свято, Истинско, Колесте си о Давидово ключос; Ковато пуртел, тай никой нащи пандел; тай Ковато пандел, тай никой нащи пуртел. ⁸Жанав тере деловя. Аке, поставингиом англал туте пуртердо вудар, ковато никой нащи пандел, понеже, като си тут хари сила, пак пазингян Моро словос тай на отречисалан Мере алавестар. ⁹Аке дав тут колкендар,таро стананинско сбогище, колато наречинен пес юдея, но нанай, а хохавен - аке, ка керав лен те авен тай те поклонинен пес англал те пиренде, тай те пенджарен, кай Ме възлюбниот тут. ¹⁰Понеже опазингян Мери заповед те издържинес, то Ме ка опазинав тут таро сахати е изпитаниескоро, ковато ка авел упран и цело вселена те изпитвинел колкен, колато живинен ки пув. ¹¹Аке авав сиго; икер зоралесте ковка, ковато иси тут, за тена отнеминел никой то венеци. ¹²Ковато побединел, ка керав лес стълби андо храми Мере Девлескоро; катар нанай те иклол вече аври; тай ка пишинав лесте о алав Мере Девлескоро, тай о алав е градиескоро Мере Девлескоро, о нево Ерусалим, ковато ухлел таро небес Мере Девлестар; ка пишинав Моро нево алав. ¹³Кас иси кан, нека шунел со хоратинел о Духос е кантериенге. ¹⁴Жи ко ангели е Loадийсконе кангеряко пишине: Давка пенел Амин, о верно тай истинско Свидетели, о Начинатели е Боже създаниескоро: ¹⁵Жанав те деловя, кай на синян нито шудро, нито тато. Де те овесас ту шудро или тато! ¹⁶Чука, понеже синян хладко, нито тато, нито шудро, ка избълвинав тут Ме мостар. ¹⁷Понеже пenes: Барвало синиом, барвалилом нанай ма нужда нисостар, а нажанес, кай ту синян окаяно, нещастно, чоро, коро тай нанго, ¹⁸то съветвинав тут те кинес Мандар златос, пречистиме ягаса, за те барвалос, тай парне шехя, за те уриес тут, кай тена дикиол о лажипе тере нангибнаскоро, тай благо мехлеми, за те макес те яка, за те дикес. ¹⁹Колкен, колен дехав, Ме изобличинав тай накажинав; далкеске ов ревностно те покайнес тут. ²⁰Аке, бешав ко вудар тай хлопинав, ако шунел декой Мо гласос тай пуртел о вудар, ка дав паш лесте тай ка вечеринав леса, тай ов Манца. ²¹Калкеске, ковато побединел, ка дав те бешел Манца Мере престолесте, сарто Меда победингиом тай бешлом Мере Отециеса Лескере престолесте. ²²Кас иси кан, нека шунел со хоратинел о Духос е кантериенге.

Chapter 4

¹Палал далкесте диклом, тай аке, путердо вудар ко небес; тай о предишно гласос, ковато шунгиомас те хоратинел манца сар тръба, пенгяс: Качине тут ате тай ка покажинав туке кавка, ковао требе те ачол после. ²Ко сахати араклилом андо Духос, тай аке, ко небес сине поставиме престоли, тай ко престоли бешелас Иек. ³Тай о Бешло препелас баресте яспис тай сардис; исине около о престоли дъга, наглед сар смарагди. ⁴Тай около о престоли сине бишуштар престола, тай ко престола бешенас бишуштар старейшинес, урявде анде парне шехиенде, тай ко шере ленге златна венци. ⁵Тай таро престоли иклонас светкавицес, гласовя тай гърмежия. Тай англал о престоли таблонас ефта ягакере светила, колато си о ефта Божия духовия. ⁶Тай англал о престоли сине варесо сар стъклено морес, подобно кристалесте, а машкар о престоли тай около лесте - штар жива същества, перда якенца англалда, палалда.⁷О първо живдо същество препелас лъвосте, о второ препелас телцосте, о трето сине лес муи манушескоро тай о четвърто същество препелас летящоне орелесте. ⁸Тай о штар жива същества, сине лен по шов крила, уле перда якенца около песте тай андрал; тай он на престанинен о диес тай ират те пенен: Свято, свято, свято о Дел Всемогъщо, Ковато уло, тай Ковато си, тай Ковато ка овел!⁹Тай като о живде същества принесинен слава, почит тай благодарение Калкеске, Ковато бешел ко престоли тай живинел жи ко вечна вековия, ¹⁰дешуштар старейшинес перен англал о Бешло ко престоли, тай кланинен пес Колкеске, Ковато живинел жи ко вечна вековия, тай положинен пе венци англал о престоли, като пенен: ¹¹Достойно синян, Господи тай Девла амаро, те приеминес слава, почит тай сила; сокето Ту създинян всичко, тай по Тери воля всичко съществувинел тай уло създиме.

Chapter 5

¹Тай диклом анди десница е Бешлеске ко престоли книга, пишими андрал тай аврял, запечатиме ефта печатиенца. ²Тай диклом, кай иек силно ангели прогласинелас високоне гласоса: Кой си достоин те разгънинел и книга тай те разпечатинел лакере печатя? ³Тай никой, нито ко небес, нито ки пув, нито телал и пув, нащине разгънинел и книга, нито те дикел ла. ⁴Тай ме руниом бут, соскето никой нана араклило достоин те разгънинел и книга, нито те дикел ла. ⁵Но иек таро старейшинес пенгяс манге: Ма ров; аке о Лъвос, Ковато си таро Юдово племес, о Давидово корени, победингяс тай апи разгънинел и книга тай те разпечатинел лакере ефта печатя. ⁶Тай диклом машкар о престоли тай о штар живде същества. машкар ленде тай о старейшинес, кай бешелас Бакро, сар заклано, колес сине ефта шинга тай ефта яка, колато си о ефта Божия духовия, бичалде ки цело пув. ⁷Тай Ов ало, тай лилас и книга тари десница е Бешлеске ко престоли. ⁸Тай като лилас и книга, о штар живде същества тай о бишуштар старейшинес пеле англал о Бакро, като секой икерелас арфа тай златна чашес, перда тамяниеса, колато си о молитвес е светиенгере. ⁹Тай гилябенас неви гили, като пененас: Достоин синян те лес и книга тай те разпечатинес о печатя лакере, соскето улан заклано тай Те ратеса изкупингиан е Девлеске манушен всеконе родиестар, чиб, племес тай народи, ¹⁰тай кергян лен амаре Девлеске тагара* тай свещеникия; тай он ка царувинен ки пув. ¹¹Тай диклом, тай шунгиом гласос буте ангелендар около о престоли тай о живде същества, тай о старейшинес; (тай ленгоро брои сине деш миля по деш миля тай миля по миля); ¹²тай пененас високоне гласоса: Достойно си о Бакро, Ковато уло заклано, те приеминел сила тай барвалипе, премъдрост тай могъщество, почит, слава тай благословение. ¹³Тай секо създание, ковато си андо небес, ки пу тай телал и пув, тай ко морес, тай всичко, ковато си анде ленде, шунгиом те пенел: Калкеске, Ковато бешел ко престоли, тай е Бакреске те овел благословение тай почит, слава тай господство жи ко вечна вековия. ¹⁴Тай о штар живде същесва пенде: Амин! Тай о старейшинес пеле тай поклонисале*.

Chapter 6

¹Тай диклом, като о Бакро путергияс иек таро ефта печая, тай шунгиом иек таро штар живде същества те пенел гласоса сар гръми: Ела тай дик! ²Тай диклом, так аке парно грас; тай о язденци лесте сине лес лъки; тай диняс пес лескесе венеци, тай ов иклило сар победители, за те побединел. ³Тай като путергияс о второ печати, шунгиом о второ живдо същество те пенел: Ела тай дик! ⁴Тай иклило авер грас, огнено лоло; тай е язденеске лесте диняс пес те отнеминел о мири тари пув, тай о мануша те мударен пес иек аверес; тай диняс пес лескесе баро мечи. ⁵Тай като путергияс о трето печати, шунгиом о трето живдо същество те пенел: Ела тай дик! Тай диклом, тай аке кало грас, тай о язденци лесте сине лес теглилка андо вас лескесе. ⁶Тай шунгиом варесо сар гласос машкар о штар живде същества, ковато пенелас: Иек хиникси пшеница за динариеске, тай трин хиниксия ечемики динариескел; а о кащуно масло тай и мол ма повредине. ⁷Тай като путергияс о четвърто печати, шунгиом о гласос е четвъртоне живде съществоскоро, ковато пенелас: Ела тай дик! ⁸Тай диклом, тай аке пепелявосиво грас, тай о алав е язденеско алав сине Мериба, тай о Ади пирелас палал лесте; тай диняс пес ленге власт упрали и четвърто част тари пув те мударен мечиеса, бокаса, мориеса, тай е земноне зверовиенца. ⁹Тай като путергияс о пето печати, диклом телал о олтари о души колкенгере, колато уле заклана е Божие словоске тай за о свидетелство, ковато опазингиом. ¹⁰Тай он пициненас високоне гласоса, като пененас: Жи канна Господарю Свято тай Истинно, нанай те съдинес тай те въздес и живеещонене ки пув за амаре ратеске? ¹¹Тай секаске лендар диняс пес по иек парно шехи тай пенгияс пес ленге те почивинен песке още хари времес, жи кай допълнингиол о брои ленгере съслужителенгоро тай о прала ленгере, колато ка овенас мударде сар ленде. ¹²Тай диклом, като путергияс о шесто печати, кай ачило баро труси: о кам калило сар вретище тари козина, тай и цело луна ачили сар рат; ¹³о небесна звезди пеле ки пув, карто и смокиния разлюлиме силноне балвалатар, метнинел пе незрелоне смокиниен. ¹⁴о небес цидисало тай нависало сар свитъки; тай саворе планини тай островия ваздисале пе танестар. ¹⁵Тай о земна тагара, о големци тай о хилядникия, о барвале тай о силна, всеко роби тай свободно гаравде пес андо пещери тай машкар о скалес е планинакере; ¹⁶тай пенен е планиненге тай е скаленге: Перен упрали аменде тай гаравен амен таро муи е Бешлеске ко престоли тай таро гневи е Бакреске; ¹⁷сокето ало о велико диес Ленгере* гневиеско; гай кой ащи устоинел?

Chapter 7

¹Палал далкесте диклом штапр ангела, бешле ко штар тъгъля е пувякере тай икеренас о штар земна балвала, за тена пудел нисави балвал нито ки пув, нито ко морес, нито уптал деке кащесте. ²Тай диклом авере ангелес те ваздел пес тари изток, колесте сине о печати е живде Девлеско; тай ов пищингяс високоне гласоса карик о штар ангела, коленге уло дендо те поврединен и пув тай о морес, тай пенгяс: ³Ма поврединен и пув, нито о морес, нито о каща, англал те чалавас печати ко чеката е слугенге амаре Девлескере. ⁴Тай шунгиом о брои е подпечатонен горо - шел тай саранда тай штар хиляда подпечатиме саворе племенендар е израиленг: ⁵таро Юдово племес - дешудуи подпечатиме; таро Рувимово племес - дешудуи хиляда; таро Гадово племес - дешудуи хиляда; ⁶таро Асирово племес - дешудуи хиляда; таро Нефалимово племес - дешудуи хиляда; таро Манасиево племес - дешудуи хиляда; ⁷таро Симеоново племес - дешудуи хиляда; таро Левиево племес - дешудуи хиляда; таро Исахарово племес - дешудуи хиляда; ⁸таро Завулоново племес - дешудуи хиляда; таро Йосифово племес - дешудуи хиляда; таро Вениаминово племес - дешудуи хиляда подпечатиме. ⁹Палал далкесте диклом, тай аке - баро множествос, колес никой нащине генел, секоне народостар тай таро саворе племена, люде тай езикия, стояща англал о престоли тай англал о Бакро, урявде анде парне шехиенде, палмовоне клонкенца ан пе вастенде, ¹⁰тай пищиненас високоне гласоса, тай пененас: Спасение амаре Девлеске, Ковато бешел ко престоли, тай е Бакреске! ¹¹Тай саворе ангела бешенас около о престоли, о старейшинес тай о штар живде същества; тай пеле пе мосте англал о престоли тай поклонисале е Девлеске, като пененас: ¹²Амин! Благословение, слава тай премъдрост, благодарение тай почит, сила тай могъщество амаре Девлеске жи ко вечна векова! Амин. ¹³Тогава иек таро старейшинес захоратингяс, като пенгяс манг: Калка, о урявде анде парне шехиенде, кола си? Тай катар але? ¹⁴Тай пенгиом леске: Господине ту жанес. А ов пенгяс манг: Кавка си колка, колато авен тари бари скръб; тай товде пе шехя, тай парнярде лен андо рат е Бакреске. ¹⁵Далкеске си англал о престоли е Девлеске тай служинен Леске о диес тай ират анде Лескере храмиесте; тай о Бешло ко престоли ка разпростринел Pi скиния уптал ленде. ¹⁶Нанай те бокалон вече, нито те ожаднинен, нито ка чалавел лен о кам, нито десаво пеки; ¹⁷сокето о Бакро, Ковато си машкар о престоли, ка овел ленге пастири тай ка ингалел лен паш извориенде живде паниеса; тай о Дел ка косел секо асвин ленгере якендар.

Chapter 8

¹Тай като пургяс о седмо печати, ачило мълчание ко небес около екваш сахати. ²Тай диклом, кай е ефта ангеленге, колато бешен англал о Дел, дине пес ефта тръбес. ³Тай авер ангели ало, тай зачило ко олтари, икерелас златно кадилница; тай леске диняс пес бут тамяни, за те прибавинел лес карик о молитвес саворе светиенгере упран о златно олтари, ковато сине англал о престоли. ⁴Тай о кадилно тув ваздисало англал о Дел таро вас е ангелеске заедно е молитвенца е светиенгере. ⁵Тай о ангели лилас и кадилница, пергяс ла ягаса таро олтари тай чикяс и яг ки пув; тай ачиле гърмежия тай гласовия, светкавицес тай труси. ⁶Тай о ефта ангела, колато икеренас о ефта тръбес, приготвисале те затъбинен. ⁷Като затръбиняс о първо ангели, пели градушка тай яг, ехмиме ратеса, колато уле чивте ки пув; тай иек трето тари пув табили, също иек трето таро каща табиле, табили всеко зелено чар. ⁸Тай като затръбиняс о второ ангели, варесо сар бари планина, пламните анди яг, чивгяс пес андо морес; тай иек трето таро морес ачило ратесте, ⁹тай муле иек трето част таро одушевена същество, колато уле андо морес; тай иек трето таро корабия уле унищожиме. ¹⁰Тай като затръбиняс о трето ангели, пели таро небес бари звезда, която таблолас сар факели, тай пели упран и иек трето ления тай упран о водна извория. ¹¹А о алаб е звездакоро си Пелин; тай иек трето таро паня ачило пелини, тай бут мануша муле таро паня, сокето вгорчисале. ¹²Тай като затръбиняс о четвърто ангели, иек трето таро кам тай иек трето тари луна, тай иек трето таро звезди, уле поразиме, тай те потъмнинел иек трето лендар, тай иек трето таро диес тена светинел, чука иек трето тари ират. ¹³Тай диклом, тай шунгиом иеке орелес*, ковато урялас машкар о небес тай пенелас високоне гласоса: Горко, горко, горко е пувякере жителенге ашал окола тръбна гласовия таро трин ангела, колато още иси те затръбинен!

Chapter 9

¹Тай като затръбингяс о пето ангели, диклом иеке звезда, пели ки пув таро небес, колаке диняс пес о ключос тари бездънно пропаст. ²Тай ой путергяс и бездънно пропаст; тай тув ваздисало тари пропаст сар тув тари бари пещ; тай о кам тай о въздухи потъмниде таро тув е пропастяке. ³Тай таро тув иклиле скакалци ки пув; тай диняс пес ленге сила, сарто си и сила, която иси е земноне скорпиониен. ⁴Но заръчисало ленге тена поврединен и чар ки пув, нито десави зеленина, нито десаво каш, а само салке манушен, колен нанай о Божие печати ко чеката. ⁵Тай позволисало ленге ма те мударен лен, а те мъчинен лен панч масек; тай ленгири мъка сине сар мъка скорпиониестар, като ужилинел е манушес. ⁶Презал колке диесенде о мануша ка роден о мериба, но нисар нанай те ащи аракен лес; тай ка манген те мерен, но о мериба ка нашел лендар. ⁷Тай о скакалци препенас грастенде, приготвиме войнаке; тай ко шере сине ленге сар венци, подобна златосте, тай ленгере муха сине сар манушенгере муха. ⁸Тай лен сине бала сар бала е живленгере, тай ленгере данда сине сар лъвоскере. ⁹Паш далкесте сине лен нагръдникия сар железна нагръдникия; тай о шуми ленгере криленгере сине сар шуми таро колесницес буте грастенца, като прастан марибнасте. ¹⁰Сине лен опашкес сар скорпиониенгере, тай жила; а ан пе опашкенде сине лен сила те поврединен манушен панч масек. ¹¹Сине лен упрад ленде тагареске о ангели е безднакоро, ковато на еврейски наречинел пес Абадон*, а на гръцки наименувинел пес Аполион*. ¹²О иек "горко" накло; аке, още дуи "горко" авен палал далкесте. ¹³Тай като затръбингяс о шесто ангели, шунгиом иек гласос таро роговия е златноне олтариеске, ковато сине англал о Дел, ¹⁴кай пенел е шестоне ангелеске, колесте сине и тръба: Развържине е штаре ангелен, колато си панле ки бари река Ефрат. ¹⁵Тай развържиме сине о штар ангела, колато уле приготвиме далке сахатиеске тай диесеске, тай масек тай бреш, за те мударен иек трето таро мануша. ¹⁶Тай о число е воюващоне конниценгоро сине дуи щел милиония; ме шунгиом ленгоро брои. ¹⁷Тай о граста андо видение тай о яздеща ленде дикле пес манге салка: он пиравенас сар огнена, хиацинтова тай серна нагръдникия; тай о шере е грастенгере сине сар шере лъвовиенгере, тай ленгере мостар иклолас ят, тув тай сяра. ¹⁸Таро калка трин язвес - тари ят, таро тув тай тари сяра, колато и克лонаас таро муй ленге - уле избита иек трето таро мануша. ¹⁹Соскето и сила е грастенгири сине андо муй ленге тай андо опашкес ленге; понеже ленгере опашкес препенас сапенде тай сине лен шере, тай ленца поврединенас. ²⁰Тай о останала мануша, колато на сине избита таро калка язвес, на покайнде пес е деловиенге пе вастенгере, тай тена кланинен пес вече е бесовиенге тай е златноне, сребърна, медна, каменна тай кащуне идола, колато наши нито те дикен, нито те шунен, нито те пирен; ²¹също на покайсале пе мударибнаске, нито за пе чародеяниенге, нито за пе блудствоненге, нито пе чорибнаске.

Chapter 10

¹Тай диклом авере силноне ангелес, ковато ухлелас таро небес, урявдо андо облаки; ко шеро леске сине дъга, лескоро мui сине сар о кам, тай лескере пире - сар ягакере стълбовя. ²Тай икерелас ан пе вастесте разгъните книжка; тай като положингяс по десно пиро ко морес, а о лево - ки пув,³ пищингяс високоне гласоса сарто рикаинел лъвос; тай като пищингяс, о ефта гръмия издине пере гласовя. ⁴Тай след като о ефта гръмия издине пере гласовя, ме ка пишинавас; но шунгиом гласос таро небес, ковато пенгяс: Запечатине давка, ковато хоратинде о ефта гръмия, тай ма пишине лес. ⁵Тай о ангели, колес диклом те бешел ко морес тай ки пув, ваздингяс пи десница карик о небес ⁶тай халас совел андо Живеещо жи ко вечна вековя, Ковато създиняс о небес тай со иси анде лесте, и пув тай со иси лате, тай о морес тай со иси анде лесте, кай нанай те овел вече бавиба, ⁷но кай андо диес е гласоске е седмоне ангелеске, като приготвинел пес те затръбинел, тогава ка изпълнигиол и тайна е Девлескири, сарто Ов благовестингяс Пере слугенге, о пророкия. ⁸Тай о гласос, ковато шунгиом таро небес, захоратингяс манге пак, като пенгяс: Жа, ле и разгънато книжка, която си андо вас е ангелеске, ковато бешел ко морес тай ки пув. ⁹Тай гелом ко ангели, тай пенгиом леске те дел ман и книжка. Тай пенгяс манге: Ле, тай ха ла тай анде те вогиесте ка овел горчиво, но ан те мосте ка овел гудли сар авгин. ¹⁰Тай чука, лилом и книжка таро вас е ангелеске, тай халом ла; тай ан ме мосте сине гудли сар авгин; но като халом ла, мо воти вгорчисало. ¹¹Тогава пенгяс пес манге: Требе пак те пророкувинес за буте люденге тай народоске, чиба тай тагара.

Chapter 11

¹Тай диняс пес манге тръстика сар тояга; тай пенгяс пес манге: Ухти мерине о Божие храми тай о олтари, тай колкен, колато кланинен пес анде лесте; ²но о дворос, ковато си аври таро храми, мук тай ма мерине лес, соскето ов си дендо е народоске, колато ка стъпчинен о свято гради саранда тай дуи масек.³А Ме дуие свидетеленге ка дав те пророкувине иек миля дуишел тай пиндудеш диеса, урявде андо вретище. ⁴Давка си о дуи маслинес тай о дуи светилникия, колато бешен англал о Господари е пувякоро. ⁵Тай ако декой мангел те поврединел лен, яг иклол таро муи ленге тай погълниел ленгере неприятелен; тай ако мангел декой те поврединел лен, чука ов требе те овел мудардо. ⁶Лен иси власт те заключинен о небес, за тена дел бришим презал о времес, анде колесте пророкувинен; тай иси лен власт упраш о паня те иринен лен ратесте, тай те поразинен и пув секоне язваса, кити дром те манген. ⁷Тай като свършинен по свидетелство, о зверос, ковато иклол тари бездно, ка воювинел против ленде, ка побединел лен тай ка мударел лен. ⁸Тай ленгере труповя ка пашлон ко улицес е баре градоске, ковато духовно пенел пес Содом тай Египет, кате ленгорода Дел уло разпнато. ⁹Тай мнозина машкар о люде, о племена, о чиба тай о народя ка дикен ленгере труповя трин диес тай екваш, тай нанай те позволинен те овен положиме ленгере труповя андо мимори. ¹⁰Тай е пувякере жителяя ка лошанен ленге, ка развеселинен пес тай иек авереске ка бичален песке подаръка, соскето калка дуи пророкия мъчиненас е жителен ки пув. ¹¹А палал о трин диес тай екваш диняс анде ленде жизнено дихание таро Дел тай он изправисале пе пиренде; тай бари дар долгяс колкен, колато дикенас лен. ¹²А он* шунде силно гласос таро небес, ковато пенелас ленге: Възлезинен ате. Тай възлизинде ко небес андо облаки; тай ленгере неприятеля дикле лен. ¹³Тай ко сахати ачило баро труси, тай иек десето таро гради пело, тай муле андо труси ефта хиляда мануша; а о останала дараниле тай отдине слава е небесноне Девлеске. ¹⁴О второ "горко" накло; аке, авел сиго о трето "горко". ¹⁵Тай като затръбингяс о седмо ангели, разнесисале силна гласовя андо небеса, колато пененас: О световно тагарипе ачило тагарипе амаре Девлескоро тай Лескере Помазаникескоро*; тай Ов ка царувинел жи ко вечна вековия. ¹⁶Тай о бишуштар старейшинес, бешле англал о Дел пе престоленде, пеле пе миценде тай поклонисале е Девлеске, тай пенде: ¹⁷Благодаринас Туке, Господи, Боже Всемогъщи, Ковато синян тай Ковато улан*, далкеске кай лилан Ти бари сила тай царувинес. ¹⁸О народя разгневисале; но ало Торо гневи тай о времес те овен съдиме о муле, тай те дес и награда Те слугенге, о пророкия, тай е светиенге, тай колкенге, колато даран Тере алавестар, цикне тай баре, тай те погубинес колкен, колато погубинен и пув. ¹⁹Тай путердило о Божие храми, ковато си андо небес, тай диклас пес андо храми о ковчеги е Божие заветиске; тай ачиле светкавицес тай гласовя, гръмовя тай труси, тай силно градушка.

Chapter 12

¹Тай баро знамение явисало андо небес - жувли, урявди е камеса, е лунаса телал о пире лаке, тай ко шеро лаке венеци дешудуие звезденца. ²Ой ули нечучи тай пищинелас таро родилна дука, като мъчинелас пес те биянел.³Тай явисало авер знамение ко небес, тай аке баро лоло сап, колес сине ефта шере тай деш шинга, тай ко шере леске - ефта коронес. ⁴Тай лескири опашка, като завлечингяс иек трето таро небесна звезди, чивгяс лен ки пув; тай о сап зачило англал и жувли, която ка биянелас, за те хал лакере чадос, щом биянел.⁵Тай ой биянгяс мруш чаво, ковато ка управлинел саворе народос железноне жезълеса; тай лакоро чадос уло грабнато тай ингалдо ко Дел, тай паш Лескере престолесте. ⁶Тай и жувли нашли анди пустиния, кате сине тан, приготвиме таро Дел, за те парварен ла оте иек миля дуи шел тай пиндудеш диеса.⁷Тай ачили война ко небеса: о Михаил тай лескере ангела воювиненас против о сап; тай о сап воювинелас заедно пере ангеленца; ⁸обаче он нана надвинде, нито араклило вече тан ленге андо небес. ⁹Тай уло ухлавдо о баро сап, ковка старовременно сап, ковато наречинел пес бенг тай Сатана, ковато хохавел и цело вселена; ухлавдо уло ки пув, ухлавде уле лескере ангела заедно леса.¹⁰Тай шунгиом силно гласос ко небеса, ковато пенелас: Акан ало о спасение, и сила тай о тагарипе амаре Девлескоро, тай и власт Лескере Помазаникиескири; сокето уло ухлавдо о клеветники амаре праленгоро, ковато клеветинел лен о диес тай ират англал амаре Девлесте.¹¹А он побединде лес чрез о рат е Бакрескоро тай чрез о словос пере свидетельстанеске; сокето нана дехенас по животос дики кай те нашен мерибнастар.¹²Далкескес веселинен тумен, небеса, тай туме, колато живинен анде ленде. Но горко туменге, пув тай морес, сокето о бенг ухлило туменде бут разяриме, понеже жанел, кай ачол лес хари времес.¹³Тай като диклас е сапес, кай уло ухлавдо ку пув, ов почнингяс те преследвинел е жувля, която биянгясас мрушес чавес.¹⁴Тай дине пес е жувляке о дуи крила баре орелскере, за те урят ко тан анди пустиния, оте кате парварен ла времеске, времененге тай екваш времес, гаравди таро муй е сапеске*.¹⁵Тай о сап измуклас палал и жувли пе мостар пани сар река, за те завлечинел ла и река.¹⁶Но и пув помагингяс е жувляке, сокето и пув путергяс по муй тай погълнингяс и река, която о сап измуклас пе мостар.¹⁷Тогава о сап разярисало против и жувли тай гело те воювинел против о останала лакере потомствостар, колато пазинен о Божия заповедя тай икерен о свидетелство е Иисусеске; тай о сап зачило ки морско поши.

Chapter 13

¹Тай диклом е зверос, ковато иклолас таро морес тай сине лес деш шинга тай ефта шере; тай ко шинга леске - деш коронес, тай ко шере леске - богохулна алава. ²Тай о зверос, колес диклом, препелас леопардиесте, тай лескере пире сине сар пире мечкакере, тай лескоро мui - сар мui лъвоскоро; тай о сап диняс лес пи сила, по престоли тай бари власт.³Тай диклом иек таро шере леске, сар смъртно раниме; но лескири смъртоносно рана оздравингяс; тай и цело пув, учудиме, гели палал о зверос; ⁴тай поклонисале е сапеске, соскето диняс пи власт е звероске; поклонисале е звероскеда, като пенде: Кой си сар калке зверосте тай кой ащи воювинел против лесте?⁵Тай диняс пес леске мui те хоратинел горделиво тай богохулно; диняс пес леске още власт те действинел саранда тай дуи масек. ⁶Тай путергяс по мui те изречинел хулем против о Дел, те хулинел Лескоро алав тай Лескири скиния, а тай колка, колато живинен ко небеса.⁷Тай позволисало леске те воювинел против о светиес тай те побединел лен; тай диняс пес леске власт упраш секоне родиесте тай племесте, чиб тай народи. ⁸Англал лесте поклонисале соси жителя саворе, колато живинен ки пув, секой, колескоро алав на уло запишими таро създание е светоскоро анди книга е животоске е закланоне Бакрескири.⁹Ако си манушес кан, нека шунел. ¹⁰Ако декой ингалел андо плени, тай ов андо плени ка жал; ако декой мударел мечиеса, овда требе таро мечи те овел мудардо. Ате си нужно о търпение тай и вяра е светиенгири.¹¹Тай диклом авере зверос, ковато иклолас тари пув; тай сине лес дуи шинга, препенас бакрескеренде, а хоратинелас сар сап. ¹²Ов упражнинелас и савори власт е първоне звероскири анде лескере присъствиесте тай принудингяс и пув тай е живеещонен лате те поклонинен пес е първоне звероске, колескири смъртоносно рана оздравингяс.¹³Тай керелас баре знамения, жи оте, кай кергяс яг те ухлел таро небес ки пув англал о мануша. ¹⁴Тай хохавелас и живеещонен ки пув чрез о знамения, колато сине леске позволиме е керел англал о зверос, като пенелас е живеещоненге ки пув те керен образи е звероске, ковато уло раниме таро мечи тай оживингяс.¹⁵Тай позволялингяс пес леске те дел дихание е звероскере образиеске, тай е звероскоро образи те захоратинел; също чука те керел, кай те овен избита колка, колато нана кланинен пес е звероскере образиеске. ¹⁶Тай принудинелас саворен, цикне тай баре, барвале тай чоре, свободна тай робя, те поставинел пес ленге белеги ки десница ленге или ленгере чекатенде; ¹⁷за тенащи никой те кинел или те бикнел, освен ковка, ковато пиравел белегиеске о алав е звероскоро, или о число лескере алавескоро. ¹⁸Ате си нужно мъдрост; ковато си разумно, нека сметнинел о число е звероскоро, соскето си число манушескоро; а лескоро число си шовшел пиндуше тай шов.

Chapter 14

¹Тай диклом, тай аке, о Бакро бешелас ко хълми Сион, тай Леса шел саранда тай штар хиляда, колато пиравенас Лескоро алаб тай о алаб Лескере Отециескоро, пишими ко чеката ленге. ²Тай шунгиом гласос таро небес сар гласос буте паниендар тай сар гласос гръмиецкоро; тай о гласос, ковато шунгиом, сине сар гласос башалненгоро, колато башаленас пе арфенца.³Тай гилябенас сар че ли неви гили англал о престоли тай англал о штар живде същества тай о старейшинес; тай никой нащине сиклол и гили, освен о шел саранда тай штар хиляда, колато уле изкупиме тари пув. ⁴Он си колка, колато нана осквернисале жувленца, соскето си девствена; он си, колато следвинен е Бакрес, кате да те жал; он уле изкупиме машкар о мануша първоне плодовене г Девлеске тай е Бакреске. ⁵Тай андо муй ленге нана араклило хохаiba; он си непорочна.⁶Тай диклом авер ангели те урят машкар о небес, като сине лес о вечно благовестие, ковато те прогласинел е обитаващене ге ки пув тай секоне родиеске тай племеске, чиб тай народи. ⁷Тай пенгяс силноне гласоса: Даран таро Дел, тай възден Леске слава, соскето ачило о сахати Лескере съдоске; тай поклонинен тумен Колкеске, Ковато кергяс о небес тай и пув, о морес тай о водна изворя.⁸Тай иек авер ангели, второ следвинелас лес тай пенелас: Пело, пело о велико Вавилон, ковато напоингяс саворе народос тари мол пере разтарде блудствоса.⁹Тай авер, трето ангели пирелас палал ленде тай пенелас силноне гласоса: Ако декой кланинел пес е звероске тай лескере образиеске, тай приеминел белеги пе чекатесте или пе вастесте,¹⁰ов ка пиел тари мол е Божие гневиескири, която си приготвиме шужи анди чаша Лескере гневиескири; тай ка овел мъчиме ягаса тай сяраса англал о свята ангела тай англал о Бакро.¹¹Тай о тув ленгере мъчениестар ка ваздел пес жи ко вечна вековия; тай колка, колато кланинен пес е звероске тай лескере образиеске, нанай те овел лен отихи ни о диес, ни ират, нито декой, ковато приеминел о белеги лескере алабескоро.¹²Ате си нужно о устояване е светиенгоро, калкенге, колато пазинен о Божия заповедя тай и вяра андо Иисуса.¹³Тай шунгиом гласос таро небес, ковато пенелас: Пишине: Блажена от акана наоте о муле, колато мерен андо Дел. Ва, пенел о Духос, за те почивинен песке пе трудовиендар; соскето ленгере дела следвинен палал ленде.¹⁴Тай диклом, так аке парно облаки, тай ко облаки бешелас Иек, Ковато препелас е Човешконе Чавесте, тай сине Лес ко шеро златно венеци тай андо вас Леске остро сърпи.¹⁵Тай авер ангели иклило таро храми тай пицинелас силноне гласоса Калкеске, Ковато бешелас ко облаки: Прострине То сърпи тай жънине; соскето ачило о сахати те жънинес, понеже е пувякири жътва си презряло.¹⁶Тай Ковка, Ковато бешелас ко облаки, чигяс По сърпи ки пув; тай и пув ули пожъните.¹⁷Тай авер ангели иклило таро храми, ковато си андо небес, като икерелас овда остро сърпи.¹⁸Още аверда ангели, колес сине власт упран и яг, иклило таро олтари тай пицингяс силноне гласоса Калкеске, ковато икерелас о остро сърпи; тай пенгяс: Прострине то остро сърпи тай оберине о драка е пувякере лозескоро, соскето лескере драка си вече узряла.¹⁹Тай о ангели чигяс по сърпи ки пув, оберингяс е пувякири дракин тай чикяс о кидиме андо баро лини е Божие гневиеске.²⁰Тай о лини уло изтъпкано авери таро градос, тай рат затавдингяс таро лини жи ко юзди е грастенгере ко разстояние таро иек миля тай шовшел стадиес.

Chapter 15

¹Тай диклом ко небес авер знамение, баро тай чудно: ефта ангела, колато икеренас о ефта последна язвес, соскето ленца изчерпинел пес о Божие гневи.²Тай диклом варесо сар стъклено морес, ехмиме ягаса, тай кай калка, колато побединдесас е зверос тай лескоро образи, тай о число лескере алавескоро, бешенас ко стъклено морес, тай икеренас Божия арфес.³Тай гилябенас и гили е Божие слугаскири о Мойсей тай и гили е Бакрескири, тай пенен: Велика тай чудесна си Тере деловя, Господи, Боже Всемогъщи; праведна тай истинна си Тере дрома, Тагара е вековиенгоро. ⁴Кой нанай те дарал Те алавестар, Господи, тай те прославинел лес? Соскето само Ту синян свято; понеже саворе народя ка авен тай ка поклонинен пес англал Туте, соскето явисале Тере праведна присъдес.⁵Тай палал далкесте диклом, кай ко небес путердило о храми е скиниякоро е свидетелствоске; ⁶тай о ефта енгела, колато икеренас о ефта язвес, иклиле таро храми, урявде шуже тай светлоне лененоне шехиенца, тай препасиме презал о колиня златна поясия.⁷Тай иек таро штар живде същества диняс е ефта ангелен ефта златна чашес, перда е гневиеса е Девлескоро, Ковато живинел жи ко вечна вековя. ⁸Тай о храми пердило тувеса тари слава е Девлеске тай Лескере силатар; тай никой нацине дел андо храми, англал те свършинен о ефта язвес е ефта ангеленгере.

Chapter 16

¹Тай шунгиом таро храми силно гласос, ковато пенелас е ефта ангеленг: Жан тай излеинен ки пув о ефта чашес е Божие гневиескере.²Тай о първо гело тай чоргяс пи чаша ки пув; тай появисали канили тай люто рана колке манушенге, колато пиравенас о белеги е звероско тай колато кланиненас пес лескере образиеске.³О второ ангели чоргяс пи чаша андо морес; тай ов ачило ратесте, сар мударде манушестар, тай сичко живо андо морес муло.⁴О трето ангели чоргяс пи чаша андо реки тай андо водна изворя; тай ленгоро пани ачило ратесте.⁵Тай шунгиом о ангели е паниенгоро те пенел: Праведно синян Ту, Пресвято, Ковато синян, тай Ковато улан, сокето отсъдинян чука;⁶понеже он проливинде рат светиенгоро тай пророкиенгоро, то Туда динян лен те пиен рат. Он заслужинен давка.⁷Тай шунгиом (авер таро) олтари те пенел: Чука, Господи, Боже Всемогъщи, истинна тай праведна си Тере присъдес.⁸О четвърто ангели чоргяс пи чаша упраш о кам, колеске позволингяс пес те тарел е манушен ягаса.⁹А като пекле пес о мануша тари бари жега, похулинде о алав е Девлескоро, Колес си власт упраш калке язвенде, тай нана покаясале те отден Лес слава.¹⁰О пето ангели чоргяс пи чаша упраш о престоли е звероске; тай лескоро тай лескоро тагариле потъмнингяс , тай о мануша данделенас пе чиба дукатар,¹¹тай похулинде е Небесноне Девлес ашал о дука тай о ранес ленгере, тай на покаясале пе деловиенг.¹²О шесто ангели чоргяс пи чаша упраш и бари река Ефрат; тай шукило лакоро пани, за те приготвинел пес о дром е тагаренг тари изток.¹³Тай диклом те иклон таро муи е сапеске тай таро муи е звероске , тай таро муи е хохавне пророкиеске трин нечиста духовя, прилична жабенде;¹⁴сокето он си бесовска духовя, колато, като керен знамения, жан ко тагара е целоне вселенакере, за те киден лен за е войнаке андо велико диес е Всемогъщоне Девлескоро.¹⁵(Аке, авав сар чор, Блажено ковка, ковато бдинел тай пазинел пе шехя, за тена пирел нанго, тай те дикен лескере лажипнадес.)¹⁶Тай кидинде лен ко тан, ковато на еврейски пенел пес Армагедон*.¹⁷Тай о седмо ангели чоргяс пи чаша андо въздухи; тай таро храми иклило силно гласос таро престоли тай пенгяс: Свършисало.¹⁸Тай иклиле светкавицес тай гласовя, тай гръмовя, тай ачило баро труси, небивало, от сар съществувинен о мануша ки пув, савка труси, дики силно.¹⁹Тай о велико градос разделисало трине частиенде, тай о градовя е народоскере пеле; тай о Дел спомнингяс песке е великоне Вавилониеске, за те дел лес и чаша е моласа Пе яростноне гневиеса.²⁰Тай секо острови нашло, тай о планини нана араклиле.²¹Тай едро градушка, пари около иек таланти, перелас таро небес упраш о мануша; тай о мануша похулинде е Девлес ашал и язва тари градушка, сокето и язва ули твърде бари.

Chapter 17

¹Тай ало иек таро ефта ангела, колато икеренас о ефта чашес, тай хоратингяс манца, като пенгяс: Ела, ка покажинав тuke о остьждане е баре блуднициакоро, която бешел буте паниенде; ²коласа блудствиненас е пувякере тагара, тай е пувякере жителя макярде пес тари мол лакере блудствоистар.³Тогава , ов отнесингяс ман духом анде иеке пустинияте, кате диклом жувля, бешли лоле зверосте, учардо* богохулноне алавенца, колес сине ефта шере тай деш шинга. ⁴И жувли сине урявди андо пурпурно тай лоло, тай украсиме златоса, скъпоценоне баренца тай бисериенца, тай икерелас ан пе вастесте златно чаша, перди мелалипнаса тай е нечистотиенца калкере блудствостар. ⁵Тай лакере чекатесте сине пишими кавка алав: Тайна, Велико Вавилон, Дай е блуднициенгири тай е гнусотиенгири ки пув.⁶Тай диклом, кай и жувли макяргясас пес таро рат е светиенге тай таро рат е Исусовоне мъченикиенге; тай като диклом ла, зачудисалом твърде бут. ⁷Но о ангели пенгяс манг: Соске чудинес тут? Ме ка пенав тuke и тайна е жувлякири тай е звероскири, която пиравел ла, тай си лес ефта шере тай деш шинга.⁸О зверос, колес диклан, уло, но нанайстало; обаче сиго ка иклол тари бездна тай ка жал анди погибел. Тай колка жителя е пувякере, коленгере алава нанай пишими анди книга е животоске таро създание е светоскоро, ка зачудинен пес, като дикен, кай о зверос сине тай вече нанайстало, но пак ка авел.⁹Ате мангел пес годи, колес иси мъдрост: о ефта шере си ефта хълмия, коленде бешел и жувли; ¹⁰он си ефта тагара, колендар о панч пеле, тай о иек акана си, а окова още нана ало, тай като ка авел, требе хари те побешел;¹¹тай о зверос, ковато уло тай нанайстало, ов си осмо тагар, ковато си таро ефта, тай жал анди погибел;¹²тай о деш шинга, колато диклан, си деш тагара, колато още нана получинде тагарескири власт, но иеке сахатиеске ка получинен власт сар тагара заедно е звероса; ¹³лен иси иек цел тай ка преден е звероске пери сила тай власт; ¹⁴он ка воювинен против о Бакро, но о Бакро ка побединел лен, соскето си Господ е господариенгоро тай Тагар е тагаренгоро; тай колка, колато си леса си призвана, избириме тай верна.

¹⁵Пенгяс манге още: О паня, колато диклан, кате бешел и блудница, си люде тай множества, народя тай чиба. ¹⁶Тай о деш шинга, колато диклан, тай о зверос ка намразинен е блудница, тай ка керен ла пусто тай нанги, тай ка хан лакири плът, а ла ка тарен анди яг. ¹⁷Соскето о Дел вложингяс андо сърца ленге те керен Лескири воля, като говоринен пес тай преден пи царско власт е звероске, жи кай сбъднигион о Божия хоратес.¹⁸Тай и жувли, колато диклан, си о баро градос, ковато царувинел упран о земна тагара.

Chapter 18

¹Палал далкесте диклом авере ангелес те ухлел таро небес, колес сине бари власт; тай и пув осветисали лескере славатар. ²Ов пищингяс силноне гласоса, като пенелас: Пело, пело о Вавилон - и велико блудница тай ачили жилище е бесовиенге, свърталище секоне нечистоне духоскоро тай свърталище секаквоне нечистоне тай омразноне птицакоро; ³сокето саворе народа пиле тари мол лакере разтарде блудствостар, тай о земна тагара блудствиненас ласа, тай о земна търговция барвалиле таро безмерно разкоши лакоро. ⁴Тай шунгиом авер гласос таро небес, ковато пенелас: Икли латар, народос Моро, за тена участвинес андо безеха лакере тай тена споделинес лакере язвес; ⁵сокето лакере безеха ресле жи ко небес, тай о Дел спомнингяс песке лакере неправдес. ⁶Възден лаке, карто ой да въздиняс; ва, платинен лаке двойно според лакере деловиенде; е чашаса, коласа черпингяс, почерпинен ла двойно. ⁷Кити прославингяс пес тай живинелас разкошно, дики мъкес тай печал ден ла; сокето ой пенел ан пе сърцесте: Бешав сар царица, на синиом вдовица тай печал нанай те диков. ⁸Далкеске анде иеке диеесте ка авен лакере язвес, мори, печал тай бок, тай ой ка таблол анди яг; сокето могъщо си о Дел, Ковато съдинел ла. ⁹Тай о земна тагара, колато блудствиненас тай живинде разкошно ласа, ка заровен тай ка заридаинен лаке, като дикен о тув таро тариба лакоро. ¹⁰Удунал ка бешен ашал и дар таро мъкес лаке тай ка пенен: Горко, горко, туке, велико градос Вавилоне, могъщо градос, понеже анде иеке сахатиесте ка авел ти съдба! ¹¹Тай о земна търговция ка ровен тай ка жалинен лаке, сокето никой вече нана кинел ленгере стокес, ¹²стокес таро златос тай сребро, скъпоценна бара тай бисерия, таро висон тай пурпuri, коприна тай лоло; тай секакво благоуханно*каш, тай секаква изделия таро скъпоцено кащ тай авгин, таро желязос тай таро мрамори; ¹³тай канела, (ароматя) тамяни, мирис тай ливани; мол тай кащуно масло; чисто брашно тай пшеница: добитъки тай овце; граста, колесницес тай робя*; тай манушескере души. ¹⁴Оплодовя за коленге ти душа копнеинелас, изчезнинде тутар тай всичко изящно тай разкошно загинингяс тутар, тай нанай вече те аракеслен. ¹⁵О търгуваща салке букиенца, колато барвалиле латар, ка зачон удурал ашал и дар лакере мъкендар тай ка ровен, тай ка жалинен, като пенен: ¹⁶Горко туке, горко туке, граде велико, урявдо андо висони, пурпур тай лоло, тай украсиме златоса, скъпоценоне баренца тай бисериенца; ¹⁷сокето анде иеке сахатиесте запустосало дики барвалипе! Тай секо корабоначалники, секо пътници ко морес, о морякия тай саворе, колато препитавинен пес таро морес, зачиле удурал¹⁸тай пищиненас, като дикенас о тув лескере тарибнастар, тай пенде: Кова градос препелас е великоне градоса? ¹⁹Тай чорде прахос пе шеренде тай пищиненас роибнasa тай жалимнаса, като пененас: Горко, горко е великоне градоске, анде колесте саворе, колен сине корабя ко морес, барвалиле таро скъпоценностя лескере; сокето анде иеке сахатиесте запустингяс! ²⁰Веселинен тумен за леске, небеса, тай туме, светиес, апостола тай пророкия, сокето о съдос, колеса туме улен осъдиме, о Дел отсъдинягяс леске. ²¹Тай иек силно ангели лилас иек бар, баро сар водениично, тай чигяс лес андо морес тай пенгяс: Чука стремително ка овел сриниме о Вавилон, о велико градос, тай нанай вече те овел лес. ²²Гласос колкендар, колато башален арфенде, тай певециендар, таро башалне тай таро тръбачия нанай вече те шунел пес анде туте; тай нисаво художники, таро савово да е овел художество нанай вече те араклол анде туте; тай шуми воденицатар нанай те шуниол анде туте; ²³светлина таро светилос нанай вече те светинел анде туте; тай гласос таро младоженеци тай тари невяста нанай вече те шунел пес анде туте; сокето тере търговция уле баре ки пув, понеже чрез тере магиендар уле хохавде саворе народа. ²⁴Тай анде лесте араклило рат пророкиендар тай светиендар, тай таро саворе заклана ки пув.

Chapter 19

¹Палал далкесте шунгиом силно гласос сар баре множествостар ко небес, ковато пенелас: Алилуя! Спасение, слава тай сила принадлежинен амаре Девлеске; ²сокето си истинна тай праведна Лескере присъдес; понеже Ов осъдинясе великоне блудница, която разтляингяс и пув пе блудствоса тай отмъстингяс е ратеске Пере слутенгоро, проляно лакере вастесар.³Тай второ дром пенгяс: Алилуя! Тай о тув лакоро вздел пес жи ко вечна вековя. ⁴Тай о бишуштар старейшинес тай о штар живде същества пеле, так поклонисале е Девлеске, Ковато бешел ко престоли, тай пенде: Амин! Алилуя!⁵Тай таро престоли иклило гласос, ковато пенелас: Хвалинен амаре Девлес, саворе Лескере слуги, туме, колато даран Лестар, цикне тай баре.⁶Тай шунгиом сар гласос буте народостар, тай сар гласос буте паниендар, тай сар гласос таро силна гръмовя, колато пененас: Алилуя! Сокето о Дел, амаро Дел Всемогъщо царувинел.⁷Нека лошанац тай веселинас амен, тай нека отдац Леске слава; сокето ало о бияв е Бакреско тай Лескири ромни приготвисали. ⁸Тай лаке позволисало те уриел пес светлоне тай чистоне висониеса; сокето о висони значинел о праведна деловя е светиенгере.⁹Тай пенел маанг: Пишине: Блажена калка, колато си поканиме ке бявскири вечеря е Бакреске. Тай пенгяс манг: Калка думес си о истинна Божия думес.¹⁰Тогава ме пелом англал о пире леске те поклонинаман леске; но ов пенгяс манг: Ма; ме синиом съслужители торо тай те праленгоро, колато икерен о свидетелство е Иисусеске; поклонине тут е Девлеске; сокето о духос е пророчествоско си те свидетелствинав е Иисусеске.¹¹Палал далкесте диклом о небес путердо, тай аке парно грас, тай Ковка, Ковато яздинелас лесте, наречинелас пес Верно тай Истинно, тай съдинел, тай воювинел праведно.¹²Лескере яка сине огнено пламъки, Лескере шересте сине бут коронес тай пиравелас пишими алав, ковато никой нажанелас, а само Ов; ¹³тай уло урявдо шехиеса, обалеиме ратеса; тай Лескоро алав сине о Божие словос.¹⁴Тай о небесна войски, урявде андо парно тай чисто висони, следвиненас Лес парне грастенде.¹⁵Лескере мостар иклолас остро мечи, за те поразинел леса е народос; тай Ов ка управлинел лен железноне жезълеса тай ка стъпчинел о винено лини е яростноне гневиеско е Девлеско о Всемогъщо.¹⁶Тай ко шехи тай ко бедро Леске сине пишими алав: Тагар е тагаренгоро тай Господ е господариенгоро.¹⁷После диклом иеке ангелес, бешло андо кам; тай като пищингиас силноне гласоса, пенгяс саворе птиценг, колато урянас андо небес: Елан, киден тумен за е великоне Божие вечеряке,¹⁸за те хан плът тагаренгири тай плът хилиядникиенгири, плът юнакиенгири тай плът грастенгири тай колкенгири, колато яздинен ленде, дори и плът саворе манушентири - свободна тай робя, цикне тай баре.¹⁹Тай диклом е зверос тай е земноне тагарен, тай ленгере войски, кидиме те воювинен против о Яздецко грас тай против Лескоро войнство.²⁰Тай о зверос сине условиме, тай леса о хохавно пророки, ковато кергясас англал лесте знамения, коленца хохагяс колкен, колато приеминдесас о белеги е звероско, тай колато кланиненас пес лескере образиеске; он о дуи уле чивте живде анго огнено езерос, ковато таблол сяраса.²¹А о останала уле избита е мечиеса е Язденонеско ко грас, е мечиеса, ковато иклолас таро муи Леске. Тай саворе птицес чалярде пес ленгере масендар.

Chapter 20

¹Тай диклом, кай ухлелас таро небес иек ангели, ковато икерелас ан пе вастесте о ключос е безднакоро тай иек бари верига. ²Ов уловингяс е сапес, о старовременно сап, ковато си о бенг тай Сатана, тай панлас лес за иек миля бреша, ³тай като чикяс лес анди бездно, заключингиас тай запечатингяс ла упран лесте, за тена хохавел вече е народос, англал те свършиングион о иек миля бреша, палал колесте ов требе те овел мукло за хари време. ⁴Тай диклом престола; тай калкенге, колато бешенас ленде, поверисало те съдинен; диклом о души колкенгере, колато уле обезглавиме ашал о свидетелстване поро е Иисусеске тай ашал о Божие словоске, тай колкенгере, колато нана поклонисале е звероске, нито лескере образиеске тай на приеминде о белеги пе чекатенде тай пе вастенде; тай он оживинде тай царувиненас е Христаса иек миля бреша. ⁵Окола муле нана оживинде, жи кай на накле о иек миля бреша. Давка си о първо възкресение. ⁶Блажено тай свято ковка, ковато участвинел андо първо възкресение; упран салкенде о второ мериба нанай те овел лес сила; а он ка овен свещеникия е Девлеске тай е Христаске тай ка царувинен Леса иек миля бреша. ⁷Тай като накен о иек миля бреша, о Сатана ка овел мукло пе тъмницатар ⁸тай ка иклол те хохавел е народос ко штар крайовия е пувякере, Гог тай Магог, тай те кидел лен войнаке - ленгоро брои си сар и морско поши. ⁹Тай он разпростисале ки цело широчина е пувякири тай заобикалянде о стани е светиенгоро тай о обычно градос; но яг пели таро Дел таро небес тай погълнингяс лен. ¹⁰А о бенг, ковато хохавелас лен, уло чивто андо езерос тари яг тай сяра, кате си о зверос тай о хохавно пророки; тай ка овен мъчиме о дис тай ират жи ко вечна вековя. ¹¹Палал далkestе диклом иек баро парно престоли тай Ковка, Ковато бешелас лесте, Колескере мостар нашле и пув тай о небес, тай нана араклило тан за ленге. ¹²Диклом е муленда, баре тай цикне, бешле англал о престоли*; тай иек книгес разгърниали аверда книга, която си и книга е животоскири; тай о муле сине съдиме според пе деловиенде ко пишиме андо книгес. ¹³Тай о морес прединяс е мулен, колато сине анде лесте; тай о Мериба тай о Ади предине е мулен, колато сине анде ленде; тай он уле съдиме секой според пе деловиенде. ¹⁴Тай о Мериба тай о Ади уле чивте андо огнено езерос. Давка - и присъда е огненоне езероскири - си о второ мериба. ¹⁵Тай ако декой нана уло запишими анди книга е животоскири, ов уло чивто андо огнено езерос.

Chapter 21

¹Тай диклом нево небес тай неви пув; соскето о първо небес тай и първо пув пренакле; тай морес насине вече. ²Диклом о свято градос, о нево Ерусалим, те ухлел таро небес, таро Дел, приготвиме сар невяста, украсиме пе ромеске. ³Тай шунгиом силно гласос таро престоли, ковато пенелас: Аке и скиния е Девлескири си е манушенца; Ов ка обитавинел ленца; он ка овен Лескере люде; тай коркоро о Дел, ленгоро Дел, ка овел ленца. ⁴Ов ка косел секо асвин таро яка ленге, тай мериба наанай те овел вече; нито ка овел вече жалиба, ни роиба, ни дук; о първо пренакло. ⁵Тай о Бешло ко престоли пенгяс: Аке, подновинав всичко. Тай пенгяс: Пишине; соскето калка думес си верна тай истинна. ⁶Тай пенгяс манг: Съднисало! Ме синиом Алфа тай Омега, о Началос тай о Крайос. Е жадноес ка дав даром таро извори е паниескоро е животоскоро. ⁷Ковато побединел, ка наслединел далка бука; Ме ка овав леске Дел тай ов ка овел Манг чаво. ⁸А кити е даравненге, е невярващоненге, о мръсна, убийция, о блудна, о магиосника, о идолопоклонкия тай саворе хохавне - ленгири участ ка овел андо езерос, ковато таблол ягаса тай сяраса. Давка си о второ мериба. ⁹Тогава ало иек таро ефта ангела, колато икеренас о ефта чашес, перда е ефта последное язвенца, тай захоратингяс манг, тай пенел: Ела, ка сикавав туке е невяста, и ромни е Бакрескири. ¹⁰Тай ингалгяс ман чрез о Духос иеке баре тай уче планинате, тай покажингяс манг о свято градос Ерусалим, ковато ухлелас таро небес, таро Дел, ¹¹тай сине лес Божествено слава; тай светинелас сар най-скъпоцено бар, сар яспис, прозрачно сар кристали. ¹²Е градос сине бари тай учи стена, дешудо портенца, тай ко портес - дешудуи ангела, тай пишими упран о портес алава, колато си о алава е дешудуие племененгере е израилиенг: ¹³таро изток - трин портес, таро север - трин портес, таро юг - трин портес, тай таро запад - трин портес. ¹⁴Тай и градско стена сиен ла дешудуи основна бара дешудуие алавенца ленде, о алава е дешудуие апостоленгере е Бакрескере. ¹⁵Тай кавка, кате хоратинелас манца, сине лес меркаке златно тръстика, за те меринел о градос, лескере портес тай и стена лескири. ¹⁶О градос сине четвъртито, дължинаса равно е широчина лескири; тай като мерингяс о градос е тръстиковас, иклило дешудуи миля стадиес. И дължина, и широчина тай и височина лескири си еднаква. ¹⁷Мерингяс и стена лескири - шел саранда тай штар лактя; а давка сине манушескири мерка, употребиме таро ангели. ¹⁸Лескири стена сине съградиме таро яспис, а о самото градос - таро чисто златос, подобно чистоне стъклосте. ¹⁹О основна бара е градконе стененгере сине украсиме таро секаква скъпоценна бара: о първо основно бар сине яспис, о второ - сапфир, о трето - халкидон, о четвърто - смарагд, ²⁰о пето - сардоникс, о шесто - сардис, о седмо - хрисолит, о осмо - берил, о девето - топаз, о десето - хрисопрас, о единадесто - хиацинт, о дванадесто - амелист. ²¹Тай о дешудуи портес сине дешудуи бисеря; секо порта сине иеке бисериестар; тай и улица е градоскири сине таро чисто златос, прозрачно сар стъкло. ²²Тай храми на диклом анде лесте, соскето лескоро храми си о Дел Всемогъщо тай о Бакро. ²³Тай е градос на сине нужда каместар, нито тари луна те осветинел лес; соскето и Божия слава осветинелас лес, тай лескоро светилос си о Бакро. ²⁴Тай о народос ка пирен лескере светлинате: о земна тагара ка анен анде лесте пери слава*. ²⁵Лескере портес наанай те панден пес о диес (соскето ират наанай те овел оте); ²⁶тай ка анен анде лесте и слава тай и почит е народоскири. ²⁷Тай наанай те дел анде лесте нищо нечисто, нито ковка, ковато керел мерзост тай хохавел, а само о запишими анди книга е животоскири е Бакрескири.

Chapter 22

¹Палал далкесте о ангели сикагяс манге река паниеса е животоско, бистро сар кристали, която извириналас таро престоли е Девлеске тай е Бакреске. ²Тай ко машкар ки улица леске, тай таро дуи рига е рекаке, сине каш е животоско, ковато биянелас плоди дешудуи дрома, като делас плоди секо масек; тай о шумес е кащескере уле за изцеление е народоске.³Нишо проклето нанай те овел вече; тай о престоли е Девлеско тай е Бакреско ка овел андо градос, тай Лескере слуги ка служинен Леске. ⁴Он ка дикен Леско муи; тай Леско алав ка овел ко чеката ленге. ⁵Ират нанай те овел вече; тай нанай те овел лен нужда светлинатар таро светилос или таре камескири светлина, Сокето о Дел осветинел лен. Тай он ка царувинен жи ко вечна вековя.⁶Тай пенгяс манге: Калка думес си верна тай истинна; тай о Дел, Дел е духовиенгоро е пророкиенгере, бичалгяс Пе ангелес те покажинел Лескере слугенге давка, ковато требе сиго те ачол. ⁷Тай аке, авав сиго. Блажено, ковато пазинел о думес е пророчествоске калке книгакоро.⁸Ме о Йоан синиом, ковато шунгиом тай диклом давка. Тай като шунгиом тай диклом, пелом те поклонинаман англал о пире е ангелескере, ковато покажингясас манге давка. ⁹Но ов пенгяс манге: Ма! Ме синиом съслужители торо тай те праленге о пророкия, тай калкенге, колато пазинен о думес калке книгакере. Поклонине тут е Девлеске.¹⁰Още пенгяс манге: Ма запечатине о думес е пророчествоскере калке книгакоро; сокето о времес лескере изпълнимнаскоро си паше. ¹¹Ковато керел неправда, нека керел за нангледа неправда; тай ковато си нечисто, нека овел за нангледа нечисто; тай о праведно нека керел за нангледа правда, тай о свято нека овел за нангледа свято.¹²Аке, авав сиго; тай Манца си Мери награда, за те отплатинав секаске според ленгере деловя. ¹³Ме синиом Алфа тай Омега, о Първо тай о Последно, Началос тай Крайос.¹⁴Блажена, колато изтoven пе шехя*, за те овел лен право те хан таро каш е животоске, тай те ден презал о портес андо градос. ¹⁵А аври си о безнравствена*, чародейция, о блуднициес, о убийция, о идолопоклонникия, тай секой, ковато дехел о хохаiba тай хохавел.¹⁶Ме, о Иисус, бичалгиом Ме ангелес те засвидетелствинел туменге давка е кантериенге. Ме синиом о корени тай о потомъки Давидово, и светло утринно звезда.¹⁷Тай о Духос, тай и невяста пенен: Ела! Тай който шунел, нека пенел: Ела! Тай ковато си жадно, нека авел. Ковато мангел, нека лел даром о пани е животоско.¹⁸Ме заявинав секаске, колато шунен о думес е пророчествоскере анде калке книгате: Ако декой прибавинел варесо карик ленде, о Дел ка прибавинел упран лесте о язвес, пишими калке книгате,¹⁹тай ако декой отнеминел таро думес калке пророческоне книгакере, о Дел ка отнеминел леске деловя тари книга е животоскири тай таро свято градос, колато си опишими калке книгате.²⁰Ковка, Ковато заявинел давка, пенел: Ва, авав сиго. Амин! Ела, Господи Иисусе!²¹И благодат е Девлескири о Иисуса Христа те овел е светиенца. Амин.